魏書卷五十一

列傳第三十九

韓茂 皮豹子 封敕文 呂羅漢 孔伯恭

韓茂,字元興,安定安武人也。□父耆,字黃老。 永興中自赫連 屈丐來降, 拜綏遠將

軍,遷龍驤將軍、常山太守,假安武侯。仍居常山之九門。 旌旗皆偃仆,茂於馬上持幢,初不傾倒。 茂年十七,膂力過人,尤善騎射。 太宗會親征丁零翟猛,茂爲中軍執幢。 太宗異而問之,徵茂所屬,具以狀對。 卒,贈涇州刺史,諡 時有風, 曰成侯。 太宗謂左右 諸軍

破之。 卿等取之。」徙其民而還。以軍功賜茂爵蕭陰子, 後從世祖討赫連昌,大破之。 從平平凉,當茂所衝,莫不應弦而殪。 世祖謂諸將曰:「今若窮兵極 由是世祖壯之,拜內侍長, 加强弩將軍, 遷侍輦郎。 |武,非弔民之道,明年當 進爵九門侯,加冠 又從征統萬,大 共

曰:「記之。」尋徵詣行在所,試以騎射,太宗深奇之,以茂爲虎賁中郎將。

從破 都將 走。 射, 軍 王 那 將 加 出 薛 戦 軍 征 青州 • 永宗,伐蓋吳。 南將 功居多。 後 從 軍。 諸軍渡淮,降者 征 蠕蠕,頻 遷司 世祖崩,劉義隆遣 轉都官尙書。 衞 戰大捷。 監。 錄前後 相 繼, 與樂平王丕等伐和龍,徙其居民。 將檀 拜茂徐州 從征 功,拜散騎常侍、殿中 和之寇濟州 懸 瓠,頻破 刺 史以 撫之。 ,南安王余令茂討之。 賊 軍 ·尙書, 車駕 車駕還,以茂 進爵 南征,分爲六道,茂 安定公,加 從平涼州, 爲侍中、尚 至濟 平南 州 茂爲前 與高 書 和 將軍 左 遁 僕

將 善於撫衆,勇冠當世,爲朝廷所稱。 高宗踐阼,拜尚書令,加侍中、征南大 太安二年夏,領太子少師,冬卒。 將軍。 茂沉毅篤實, 雖 無文學,每論 贈涇州 議 刺史、安定 合理 爲

王,諡

日

桓王

史,諡曰簡

太子 庶子。 長 子 備,字延德。 遷寧西將軍, 初爲 典遊獵曹,加散騎常侍。 中散,賜爵江 一陽男, 加揚烈將軍。 襲爵安定公、征南大將軍。 叉 進爵 行 唐侯, 卒,贈雍州 拜 冠 軍 將 軍 刺

軍、定州刺史,轉青冀二州刺史, 書, 加散 備弟均,字天德。 騎常侍。 兄/備 少而 卒,無子,均襲爵安定公、征 善射,有 餘如故。 將略。 恤民廉謹,甚有治稱。 初 爲 中 南 散,賜舒范 大將 軍 陽子, 出 爲 廣阿澤在定、冀、相三州 使持節 加 癉 朔 散 將 軍。 騎 常侍 遷金 本 部 將 尙

零聚黨 東青 阿, 之。 子寶石襲爵。 加 都督三州諸軍 詔 後 州 均 土廣民稀,多有寇盜,乃置鎭以靜之。以均在冀州,劫盜 均 爲 Щ 檢括 所 澤 招 懷 以 統 门出 之本,新附之民,咸受優復。 劫害爲業者,均皆誘慰追捕,遠近震跼。 劫 + 事 盜 餘萬戶。 頭起, 均清 身率下,明爲耳目,廣設 顯 復授定州刺 祖 詔書消讓之。 史,輕徭寬賦,百姓安之。 然舊 又以五州民戶殷多,編 人姦逃者,多往投焉。 方略,禁斷 先是, 止息,除本將軍、廣阿鎭 河外未賓 姦 邪 延興五 於是趙 籍 均 民 不 表 年卒 實, 多 郡 陳 シ去就 屠 非便, 以均 諡 日 忠直 朝 故 西 康公。 大將, 權 Щ 議 立 罷

均弟天生,爲 內廐令,後典龍牧曹。 出爲持節、平北將軍、沃野鎭將。

諸 賜 軍 爵 事 新 皮豹 安侯, 、安 子,漁陽 西 |將軍 加 冠 · 開 軍 人。 將 府儀 少有 軍 0 同 武略。 叉 拜 司 選 , 部 泰常 進 尙 一爵 中, 書 淮陽 餘 爲 公, 如 中散, 故。 鎭 長安。 稍遷 出 除 使持 內侍左 尋加 節 征 、侍 右。 西 將 中、都 世 軍 祖 時,爲 督 後 秦 坐盜官財 雍荆 散 騎 梁 常侍。 四 、徙 州

眞君 列 傅 第 年, 三 劉 + 義 北 隆遣 皮 將裴方明等侵南秦王楊難當,遂陷仇池。 豹 子 世 祖 徵豹子,復 其爵位。

於統萬

擊擒崇之, 鎭 進 子 葬 仇 軍 進 拜 下辨, 撆 池 使 至 樂 持 鄉 節 漢中 盡虜其衆。 義 隆 大破 仇 ,聞官軍已西, 將强玄明、辛伯 池 之,擒義隆將 鎭 將 督關 進至高 中諸軍, 平,義隆將姜道 懼 奮 王 不 棄城遁走,追 與之、 王長 敢進, 與建興公古酮等分命諸將, 方明益其 卿等六人, 祖 斬之,悉獲其衆。 降, 、兵而 仇 池 斬首三千餘級, 遣之。 巫 豹子與 義隆使其秦州 + 道 司 並 俘獲 馬楚之至於濁水 進。 二千 四 刺 年 人。 史胡崇之 庄 月 | 豹

于濁水 陰 冰 諸 行 拒 公 以 圍 平 如 爲 賂 豹 解 太守郭啓玄率衆救文德、豹子分軍逆擊、大破之、啓玄、文德走還漢中 軍 五 向 得留,亡奔漢中。 故。 然。 、欲還。 未幾, 、賊衆 其 部氐民叛應文德。 一城,文德棄城南走,收其 濁 + 尋除都督秦 諸氏 水 震 阿遣使謂豹 城 月,義隆 恐,棄其兵甲夜遁。 復 兵 反, 射 雍 殺道盛 推楊 復遣楊文德、 義隆以文德爲武都王,給兵二千人守葭蘆城, 子 、荆、梁、益五 詔豹子率諸軍討之,文德阻兵固 日二 文德爲主以圍 賊耻 (妻子、僚屬、軍資及故武) ·至斧· 初, 姜道盛率 .其負敗,必求報復,後 一州諸 Щ 南 仇 秦王楊難 軍 斬顯伯, 池。 事,進號 衆 二萬 古弼 當 悉俘 人寇濁 率諸軍 征 歸 西 命, 都王 其 險拒 舉 大 衆。 水 韶送楊氏子弟詣京 將 爲 討 保宗妻公主送京師 一豹子。 難,不 平之。 軍 豹子 別 , 遣 開 招誘氐羌, 文 如陳 將 府、 時豹子次于 文德將楊高 與 青 河 陽 仇 兵 顯伯 以待之。」豹 間 池 公元 鎭 於 師 守 將、持節 下 來降 ,文德以 是武都、 齊 斧 義隆白 俱 Щ 以 聞

圍 武都。 興安二年正月,義隆遣其將蕭道成、王虬、馬光等入漢中,別令楊文德、楊頭等率諸氏 城中拒之,殺賊二百餘人。。豹子分兵將救之,至女磊,聞賊停軍,豹子遣人於祁

義隆 運糧 金 可 事 今外寇兵强,臣力寡弱,拒賊備敵,非兵不擬,乞選壯兵,增戍武都,牢城自守,可以無患。今 武都、仇池、望連秦隴。進圍武都,已經積日,畏臣截後,斷其糧路,關鎭少兵,未有 奔逃,進軍取城,有易返掌。承信其語,回趣長安之兵,遣文德、蕭道成、王虬等將領,來攻 敢北出。 已,旣臨寇難,不任攻戰。士民姦通,知臣兵弱,南引文德,共爲脣齒。計文德去年八月與 戎以來,經三四歲,長安之兵,役過期月,未有代期,衣糧俱盡,形顏枯悴,窘切戀家,逃亡不 增兵益將,令晉壽、白水送糧覆津,漢川、武興運粟甘泉,皆置倉儲。 山山 已 抑 取馬,欲往赴援。 城 湯 折逆民,支對 切急,若不 梁州刺史劉秀之同征長安,聞臺遣大軍,勢援雲集,長安地平,用馬爲便,畏國騎軍,不 ,剋必送死。臣所領之衆,本自不多,唯仰民兵,專恃防固。其<u>統萬、安定二鎭之衆,從</u> 池 無糧 但承仇池局人,自一稱臺軍不多,戍兵尠少,諸州雜人,各有還思,軍勢若及,必自 不守。 馳聞,損失城鎭,恐招深責。 賊虜。 文德謂豹子欲斷其糧運,回軍還入覆津,據險自固。 仇 池 須長闕、上邽、安定戍兵至,三可得自全。 本無儲積,今歲不收,苦高平騎至,

四

不知云何以得供援。請 願遣高平突騎二千,賫糧一月,速赴仇池。 糧者,民之命也,雖有 豹子表曰:「義隆增兵 義隆恐其輒回,又 大損。 且

豹

子

為

尙

書

· ', 出

爲

內

都大官

遺 秦州 之民,送軍 祁 山、臣隨 迎 致。」詔高平鎭將苟莫于率突騎二千以赴之,道成等乃退。徵

助 事 戍 中 兩當 周 劉 丘 駿 等助擊之。 遣 去城 其 將殷孝 八里,與豹 | 豹 祖 修 以南 兩當 子前 城於淸東以逼南境,天水公封敕文擊之,不克。 寇城守,攻圍 鋒 候騎 相遇,卽 費 日, 便交戰, 逐略 豹子 地 至高 軍 繼 平。 至, 劉 大破 駿 瑕 之。 丘 鎭 遣 詔 縦 豹子 步卒 騎 追 與給 五.

之,至於城

下,其発者十餘

人而

已。

城

內恐懼

不

敢

出

救

旣

而

班

師

將軍 功,復擢 一、樂安 先是, 子 道明, 爲 內 王 何 襲爵 都 良 西諸 以討 大官。 胡, 羣 亡匿 湖。 和平 豹子 避 五年六月,卒。 命。 等與賊 豹子及前 相 對,不覺胡 高宗追惜之, 涇州 刺 史封 走, 贈淮 無捷 [JI] 君 陽 督 而 王,諡 還,又 河 西諸 坐発官。 曰襄,賜 軍 南 趣 石樓, 命服 尋以 與 前 襲。 後 衞 大

落 黨 池 鎭 飢 王 窘,侵掠 將,假公如故,以其父豹子昔鎭 長 道 孫 明第八弟喜。 觀討拾寅 澆河, (大為民 又拜為: 高宗 以 其名 使 患。 持 節、侍 臣子,擢爲 詔 仇池有威信故 假 中 喜 平西 都督 侍 將軍 御 秦 中 也。 雍 散, 廣 荆 喜至,申恩布惠, 梁 川公,領涼 遷侍: 益 五. 御 州諸 長。 州 軍 高 、枹罕、高 事 祖 、本將軍 初, 吐谷 平諸 渾 開 軍 拾 ·, 與 府 寅 仇

等各率戶歸附,於是置廣業、 固道二郡以居之。 徵爲南部尚書, 賜爵南康侯, 加左將

軍。

大黑, 宜 楊 旣 殲 資 盡 涿 棄 臣 一守防 交 闚 父舊 生 軍 振 銳 城 度 於德義之門,智勇出於將相之族。 於 南 太 克荷 羣 大黑潰走,追奔西入。攻葭蘆城,拔之,斬文度,傳首京師,殺一千餘人。 器 (),令奸 覆津。 勳 楊 走。 和 愚 永 ,或身建殊效,威名著於庸漢,公義列於天 元年,劉準葭蘆戍主楊文度遣弟鼠竊據仇池,詔喜率衆四萬討鼠。 懾服 息,股 鼠 所司,霜戈始動,蟻賊奔散,仇池旋復,民夷晏安。 進次濁水,遣平西將軍楊靈珍擊文度所置仇池太守楊眞,眞衆潰,僅 親 覘之徒,絕 文度將强大黑固守津道、懸崖險絕,偏閣單行。 屬家累,部送赴 ,革弊崇新 甚嘉之。 其 、僥倖。 其所陳計略,商校利害,料其應否,寧邊益 有易因 臺。 勉勤 一之勢, 仇池 戎 往年氐羌放命,侵竊邊戍,都將皮喜、梁醜奴等,或 南秦 務 寬猛之宜,任其量處, が終 一一一一一一 之根 本,守 府,故授 ()懷民 禦資 安土 以節 及討葭蘆 儲, 喜部分將士,攀崖涉 應 一,稱股 立 鉞,委閫外 特 郡縣 國 須 意 叉 、豐積 專之可 者, 焉 梟 亦 之任 区 軍到建安, 險 也。 聽 醜 韶曰:「夫忠 阻 而 銓 之要,尤 得発。喜 水,衝擊 置。 並罄 今軍 元 惡 威 力 其 俱

新 邦 叉 梟擒首 列 韶喜等日 傳 第 逆, 三 + 克 剪 卿 九 受 凶 黨 命 皮 豹 專 勳庸 子 征 一,薄伐 之美,股無間然。 邊寇,軍 ·威所 仇池國之要蕃,防守事宜 及,卽皆平蕩, 復 仇 池 之舊鎭 尤須完實。 破 葭蘆

之

從

就訖。 勢,即 之兵, 前 日 前 ·,徒 敕 以 卿 來 使兵 已復 令就之,一勞永逸,事 等,部 若不時營築,乃築 駱谷 人 本兵 置鎭 稽 歲, 頓、無 將, 宜暫戮力, ,是以姦賊息闚 事閑停,方 駱谷築 而 亦 不成,成而 成 城 再舉也。 此 復 雖 要功。 曲 有 辭 不 表 今更 固, 卿等表 時之勤,終致 求 給 以 罷 軍 軍 下,豈是良將忘身、憂 求 法 糧 來 從 年築 月 事 永 , 延 速 城 之固 , 近由 於駱谷築 豈不更勞兵 徙就 加 卿等不 國 建安,致 城 盡忠之謂 將? 使 祗 四 有往 詔 月 孰 命,至 虚 若 也 年之役。 必 因 于今 令 今 諸 成 兵 州

子 其 承宗 在 州 南 襲 寬 天 怠 水 爵 以以 郡 民 飲 柳 酒 旃據險 廢事 ,威 不順,喜率衆討 不禁下 -, 遣 使 る者就 滅 之。 州 轉散 決 以 杖罰 騎 常侍、 七 安南 年卒, 將 贈 軍 以 _ 本官 豫 州 刺 諡 史。 日 恭公。 詔 讓

喜弟雙仁、冠軍將軍、仇池鎭將。

持節 長。 卒, 都督冀 封 敕 贈 文, 龍 靑 驤將軍 代 人 州 也 定州 諸 軍 祖 事 豆, 刺 间 史、章武侯、諡 皇始 將 軍 初 領 開 衆 府 日隱。 萬 冀 青 東 征 州 幽 刺 州 史、 平 關 定 內侯。 \equiv 郡 拜 幽 州 太宗 刺 史。 時 爲 後 侍 爲 御 使

夷校 歸於枹罕,衆少不能制,詔遣安遠將軍、廣川公乙烏頭等二軍與敕文會隴 尉、秦益 敕文,始光初爲中散,稍遷西部尙 三州 刺 史,賜爵天水公, 書。 鎭上邽。 出為 使持節、散騎常侍、鎭 詔敕文率步騎七千征吐谷渾慕利延 西將軍、開府、領 右。 軍次武始, 兄子 頀 拾 西

歸夜遁。

敕文引軍入枹罕,虜拾歸妻子及其民戶,分徙千家於上邽,留烏頭守枹罕。

高射敕文軍人,飛矢如雨,梁會得奔北嶺,騎乃引還。 內,別令騎出擊之。 走,奔入東城,乘背追擊,殺千餘人。 南城,燒其門樓,賊見火起,衆皆驚亂。 南嶺,休官、屠各及諸雜戶二萬餘人屯於北嶺,爲冏等形援。 文先已設備, 金 城 邊問、天水梁會謀反,扇動秦益二州雜人萬餘戶,據上邽東城,至 殺賊百餘人,被傷者衆,賊乃引退。 既而偽退,冏率衆騰逐,敕文輕騎橫衝,大破之,斬冏。 又遣步卒攻門,克之,便率騎士馳入,賊餘衆開門出 冏、會復率衆四千攻城。」氐羌一 復推會爲主。 敕文分兵二百人突入 敕文遣二將領騎二百設備 而北嶺之賊,從 攻逼西城。 萬屯於 敇 門

作符書,誑惑百姓。梁會遣使招引楊文德,而文德遣權壽胡將兵二十人來到會間,扇 那羅書射於城中,那羅稱纂集衆旅,剋期助會。又仇池城民李洪,自 土,云李洪自稱應王,兩 安豐公闆根率軍助敕文。敕文表曰:「安定逆賊帥路那羅遣使齎書與逆帥梁會, 雄不並,若欲須我,先殺李洪,我當自往。 梁會欲引致文德,誘說李 稱應王,天授玉 會以 動 擅 州

傳

三 十

九

封败文

達臣 不遠。 逆以來,南勾文德,援勢相連, 洪 擊,於時爲便。 剋來助會。 來 鎭 入 ,稱楊 東城,即 臣備邊鎮,與賊相持,賊在東城,隔牆而 若文德旣至,百姓響應,賊黨遂甚,用功益難 文德受劉義隆職爵,領 伏願 斬洪首,送與文德。 天鑒,時遣大軍,助臣誅翦 武都氐羌盡相唇齒、爲文德起軍 兵聚衆,在仇 仇池鎭將、淮陽公臣豹子遣使潛行,以今月二十四 Ę 池 境中, 但以腹背有敵,攻城有疑,討度 ٥ 沮動民 今文德未到, ,所在屯結,兵衆 人, 規竊 麥復未熟,事宜 城鎭。 已集,剋來 且梁 文德,日 會反 日來

飛梯、騰壍而 衆 賊 |會知人心沮壞,於是分遁。 表未及報,梁會謀欲逃遁。 衆 咸 以 知 爲 無 走。 然。 生路,人自致死,必傷士衆,未易可平。 敕文先嚴兵於壍外拒闕,從夜至旦。 初敕文以白虎幡宣告賊衆曰:「若能 先是,敕文掘重壍於東城之外,斷賊走路。 敕文縱騎躡之,死者太半,俘獲四千五 若開 敕文謀於衆 歸降,原其 其生路,賊 生命。」應時降者六百餘 曰:「困 必上下離 百餘 獸 夜中,會乃 猶關, 心, 克之易 而 況 車 於 陳

乃部 玉。 分階 敕文與臨淮公莫眞討之,軍次略陽,敕文遣使 略陽 王元達因梁會之亂,聚衆攻城,招引休官、屠各之衆,推天水休官王官 軍 ,三道並攻。 賊出 營拒戰,大破之,俘三千人。 慰喩 高宗時,與新平公周盆擊劉駿將 而元達等三千餘人屯於松 興 多川 秦地

殷孝

祖於淸東,不克。天安元年五月卒。

長子萬護,讓爵於弟翰。 於時讓者惟萬護及元氏侯趙辟惡子元伯讓其弟次興,朝廷義

而許之。

|翰族孫||靜,||世宗時,歷位征虜將軍、武衞將軍、太子左衞率,以幹用稱。 延昌中,遷平北

將軍、恒州刺史、臨朐子。後坐事免。卒。

遠將軍、河陰令。卒、贈輔國將軍、朔州刺史。 子熙,奉朝請。 遷員外散騎侍郎、給事中,與薛曇尚迎蠕蠕主婆羅門於凉州。 又除鎭

子纘,武定末,潁川太守。

秦州 略 男,拜鉅鹿太守。 **緝我荒土,民胥樂生。** 有分爭者皆就而質焉。 司馬 世 呂羅漢,本東平壽張人。其先,石勒時徙居幽州。祖顯,字子明。 祖 遷上黨 伐赫連昌,以 清身奉公,務存贍邺,妻子不免飢寒。 太守,善勸 溫爲幢將。 願壽無疆,以享長齡。」卒官。 慕容垂以爲 課,有治名。 先登陷陳,每戰必捷,以 河間太守。 卒,贈平遠將軍、豫州刺史、 皇始初,以郡來降,太祖嘉之,賜爵魏昌 父溫,字晞陽。 民頌之曰:「時惟府君,克己淸明。 功拜宣 一威將軍、奉車都 善書,好施,有文武才 野王侯,諡 少好學,性廉直,鄉 尉。 Щ

列

當 狀 宼 意 聞 左 頭 J: 善之, 右 邽 羅 應 世 隊騎 秦 漢 祖 弦 嘉之, 卽 民 丽 八 篤 簡 殪 多 人 愼 應 干 徴為 密 難 之。 餘 賊 弱 當 騎 衆 羽 大驚 令 轉 鎭 冠 林 盛 羅 將 以 中 武 漢 元 羅 郎 會 幹 意 出 漢 世 戰 知 頭 進 祖 名。 知 計 羅 羅 賜 日 難 **父**溫 漢 漢 當 與 善 今若 諸 之佐 壐 射 書 騎 示 秦州 策 共 , 出 責 登 馬 戰 其 西 大 ラ示 羅漢 跋 城 呼 樓 扈 , 敵 隨 直 以 難當 令羅 侍。 衝 弱 難 , 乃 漢 隴 衆 當 引 射 右 軍 情 還 難 廷 攜 楊 仇 衆 當 貮 皆 池 難 隊 當 披 將 大 意 靡 事 及 率 兵 頭 去 衆 矣 具 殺 數 萬 難 +

典宿 平公 儼 散 懸 騎 瓠 李 元 常 衞 上 觀 羅 邽 高 目 侍 之等。 漢 休官 振 宗 殿 與 都 之立 中 琅 呂 督 尙 以 邪 豐 中 功 書 王 羅 外 遷 屠 司 軍 漢 進 羽 各 馬 事 爵 有 林 王 楚之 力 山 中 飛 焉 陽 廉 郎 駕 公 等 前 , 遷 幢 八千 加 招 將 少 鎭 慰 卿 賜 餘家 西 , , 降 將 爵 仍 鳥 , 軍 幢 者 o 將 程 九 子 據 及 干 進 嶿 • 餘 險 爵 加 蠕 戶 爲 野 建 0 逆 犯 王 威 7 此 侯 詔 將 , 至 羅漢 顯 軍 盱 加 祖 o 胎 龍 率 討 及 驤 騎 之, 南 頻 將 破 安 軍 羅 千 E 賊 0 漢 討 余 軍 拜 與 擒 , 立 司 右 之。 擒 衞 僕 羅 其 射 漢 將 從 南 遷 獪 顧 征

勞動獲敍 於 羅 漢 出 爲 ,才能 鎭 羅 漢 西 帥 將 致 步 軍 用, 騎 秦 內總禁旅 隨 益 長 孫 州 觀 刺 ,外臨方岳 掩 史。 擊 氐 時 仇 ,褒寵之隆,可謂 池 破 氐 之, 羌 反 斬 攻 其 渠 逼 駱 帥 備 谷 , 矣。 賊 鎭 衆 自 將 退 非盡 吳保 散 節 元 詔 竭誠 走 羅 登 漢 百 目 將 頃 何 以 請 卿 垂 以 援

息, 也。 國 名竹帛? 爲本,隨 百姓 卿 應 無 機赴 仇池接近邊境,兵革屢興,旣勞士卒,亦動民庶, 其 以 得 風 擊,殄此兇醜。 静。 俗,以施威 股垂 心治道,欲使遠近淸穆,卿 惠。 隴右 其有安土樂業、奉公勤 土險、民亦 剛 悍,若不導之以 可召集豪右,擇 私 者, 皆由鎭將不明,綏禁不 善加勸督, 德, 其事宜 齊之以 無奪 一,以 刑, 時 利民爲先,益 寇賊 利。 理 之所 明 莫 相 由 致 可

告,

稱股意焉

略陽 之。 嘉乃誠,便敕領納。 冰,諸羌恃險, 忠臣立功之會。 「脫總攝萬 公伏 仇池 涇州民張羌郎扇惑隴東, 氐 阳 幾,統臨 羌 奴 爲 叛 數爲 然赤水羌民,遠居邊土, 都 逆遂甚,所在蜂起,道路 將, 四 叛逆。 其馬印付都牧,口以 海,思隆古道,光顯 與 羅漢赴討,所在破之, 自羅漢莅 聚衆千餘人, 州 ۆ 賜 非 撫 斷 風 教,故內委羣 以 絕。 卿 卿 州軍討之不能制。 威 善誘,何以招輯? 生擒 惠, 其 賊帥 廉、 西戎懷德, 蛩 司,外任方牧,正是 廉、 符所等皆受劉昱官爵 秦益阻遠,南連 卿所得 土境帖 羅漢率步騎 然。 口 馬, 志士 高 一千擊羌郎,擒 表求貢 祖 仇 建 詔 池 節 羅 ,西接赤 奉,股 鐵 之秋, 漢

徴 拜 內 都 大官, 聽訟 察獄 多得其情。 太和六年,卒於官。 高祖深悼惜之, 賜命服

襲,贈以本官,諡曰莊公。

長子興祖,襲爵山陽公,後例降爲侯。景明元年卒。

列傳第三十九 呂羅漢

- 一四〇

興祖弟伯慶,爲中散,咸陽王禧郎中令。

伯慶弟世興,校書郎。

羅漢弟大檀,爲中散、恒農太守。

大檀弟豹子,東萊鎮將。後改鎮爲州,行光州事

豹子弟七寶 侍御中散。 遷少卿,出爲假節、龍驤將軍、東雍州刺

公。 侯, 官,善察獄 南 遷安南 將軍 長子 孔 伯 一、濟州 羅漢,東宮洗馬。 恭,魏郡鄴人也。 將 訟,明於政刑。 軍 刺史,進爵城陽公。 昭 性柔曠,有才 遷侍 父昭,始光初,以密皇后親,賜爵汝陰侯,加安東將軍,徙爵 次伯恭, 中、鎭東將軍、幽州 用。 入為散騎常 以父任拜 出爲趙郡太守,治有能名。 給 侍 事 刺史,進爵魯郡 中。 後 賜 爵 濟陽男, 公。 徴拜光祿 和平二年卒,諡 加鷹揚將 大夫,轉 軍 中 魏 都 出 縣 康 大

援。 遁 走。 顯 顯 張 祖 祖 永 初 進 仍屯 伯恭號 劉 彧 下磕, 徐州刺史薛安都 鎭 東將軍,副 永輜重在武 尙 原, 書尉元救之。 以彭城內附,彧 伯 恭等攻而克之。 軍 遣將 次于程, 張永、沈攸之等擊安都, 永計無所出 賊 將 周 凱 聞 引 伯 師 恭 而 等軍 安都 退。 至, 上 時 皇 棄 表 衆 興

陽,彧太守崔武仲焚城南走,遂據淮陽。二年,以伯恭爲散騎常侍、都督徐南兗州諸軍事 會,弔民伐罪。幸時 伯 元 鎭 械,虜獲萬計。 道,遣司馬范師子等在淸南,伯恭從淸西,與攸之合戰,遂大破之,斬其將姜產之、高遵 順流退下。 都將孫天慶等步騎六千向零中峽,斫木斷清水路。 下邳五十餘 張永、周凱等率此 丘幼弼、丘隆先、沈榮宗、陸道景等首,攸之、僖公等輕騎遁走。 上,以迎攸之,屯于睢淸合口。伯恭率衆渡水,大破 年正 恭 東將軍、彭城鎭將、東海公。 伯恭密造火車攻具,欲水陸俱進。 以書喩 一月,天大寒雪,泗水冰合,永與攸之棄船而 里。 下邳、 伯恭部分諸將,俠清南北尋攸之軍後。 進攻宿豫、劉彧戍將魯僧遵棄城夜遁。又遣將孔太恒等領募騎一千南討淮 伯恭遣子都將侯汾等 宿豫 蟻衆,送死彭城。 歸款,自求多福。」時攸之、吳僖公等率衆數萬來援 城內日「劉 三年十月卒,贈鎭東大將軍、東海王,諡 彧肆逆滔天,弗鑒 大軍未臨,逆首奔潰。 率 騎五百在水南, 奚升等五 攸之等既聞,將戰,引軍退保樊階城。 走,伯恭等進擊,首虜及凍死甚衆。 顯達軍, 俘斬十九。 一靈命,猶謂絕 劉彧寧朔將軍陳顯達領衆二千溯淸而 伯恭從睢陵城東向 今乘機電舉,當 乘勝追奔八十餘里,軍資器 而 百餘騎 復 下邳,屯軍 興, 零中峽, 攸之聞顯達軍 桓 在 長 屠 水 此 江 伯恭 北, 城, 焦 可 分軍 恃, 墟曲 南北 遂平吳 又令子 八月, 敢遣 世 敗, 去 及 邀

伯恭弟伯孫,爲中書□士,□到襲父爵魯郡公。拜鎭東將軍、東萊鎭將,轉本將軍、東徐

傳

第

Ξ

+

九

孔伯恭

|州刺史。坐事免官,卒于家。

成事立,不徒然矣。與夫苟要一戰之利,僥幸暫勝之名,豈同年而語也。 史臣曰:韓茂、皮豹子、封敕文、呂羅漢、孔伯恭之爲將也,皆以沉勇篤實,仁厚撫衆。功

校勘記

[1] 安定安武人也 諸本「安武」作「武安」、北史卷三七韓茂傳作「安武」。按武安屬魏郡卷一〇六上地

漢晉罷,後復,屬。」這裏當是用漢代郡縣名。「武安」乃「安武」倒誤,下云「假安武侯」,亦可證, 派志上,不屬安定,安武屬幽州西北地郡。卷一○六下地形志下「安武」下注云:「前漢屬 安定、後

今據乙。

- ヘミン 但承仇池局入 諸本「局」下注云:「本或作『句』,或作『勾』,皆疑。」
- 「三〕須長闕上邽安定戍兵至 按所闕當是「安」字。
- 「四」苦高平騎至 按「苦」當是「若」之訛
- 五五 侵掠澆河 諸本「掠」作「涼」、北史卷三七皮豹子傳作「掠」。按「涼」字無義、卷一〇一吐谷渾傳

云:「拾寅部落大饑,屢寇澆河。」 知作「掠」是,今據北史改。又「澆」字下諸本都注云:「一作

『洮』。」按澆河城見水經注卷二河水篇, 吐谷渾傳及北史都作「澆河」。 隋書卷二九地理志澆河

郡下注云「後周置洮河郡」,是「洮河」之名後起。這裏作「澆」是。

[六] 據上邽東城 北史卷三七封敕文傳「東城」下有「南城」二字。按下文說較文「分兵二百人」 突

入南城」,知邊問、梁會佔領上邽的東、南二城、這裏「東城」下當脫「南城」二字。

したし 討度文德 殿本考證和李慈銘都說「討」字乃「計」字之訛。

上邽休官呂豐屠各王飛廉等八千餘家 北史卷三七呂羅漢傳、 册府卷四二六五〇七六頁「廉」作

「鹿」。按册府錄魏書而與北史同,疑作「鹿」是。

爲中書□士 按所關字當是「博」字。 北魏前期未設立國子學、於中書省置博士及學生。

へ た **し**

魏書卷五十二

列傳第四十

趙逸 胡方回 胡曳 宋繇 張 湛 宗欽 段承

根

闞駰 劉昞 趙柔 索敞 陰仲達

姚興、歷中書侍郎。 趙逸,字思羣,天水人也。 爲興將齊難軍司,征赫連屈丐。 十世祖融,漢光祿大夫。 難敗,爲<u>屈</u>丐所廣,拜著作郞。 父昌,石勒黄門郎。逸好學夙成,仕 世祖平

統萬,見逸所著,曰:「此豎無道,安得爲此言乎!作者誰也。其速推之。」司徒崔浩進曰: 「彼之謬述,亦猶子雲之美澵,皇王之道,固宜容之。」世祖乃止。 拜中書侍郎。

和荒服,十有餘年,百姓安之。頻表乞免,久乃見許。 月上已,帝幸白虎殿,命百僚賦詩,逸製詩序,時稱爲善。 久之,拜寧朔將軍、亦城鎮將,綏 凡所著述,詩、賦、銘、頌,五十餘篇。 性好墳素,白首彌勤,年踰七十,手不

列傳第四十 趙逸

_ _ _ 四

難當 逸兄溫,字思 既有漢中 , 以溫爲輔國將軍 博學有高名,姚泓天水太守。 、秦梁二州刺史。 及難當稱蕃,世祖以溫爲難當府司馬 劉裕滅泓,遂沒於氏。 氏王楊盛,盛子

卒于仇池。

長子廣夏,中書博士。第三子琰。語在孝感傳。

初 姚萇以逸伯父遷爲尚書左僕射,卒于長安。 劉裕滅姚泓,徙遷子孫於建業。遷玄孫

翼,粗 涉書傳,通率有器藝。 初爲 一一昌太守,甚有治稱。入歷軍校,加鎭遠將軍長史,深 翼、

翼從子超宗、令勝、遐、叔隆、穆等,太和、景明中,相尋歸降。

爲 領 軍元叉 所知待。 遷光祿. 大夫。 卒,贈左將軍、齊州刺史。

爵 尋陽伯。 超宗, 争長八尺,頗有將略。 入爲驍騎 將 軍。 超宗 太和 在汝南,多所受納,貨賂太傅北 末,爲豫州平南府長史,帶汝南太守,加建威 海王詳,詳言之於世宗,除 將軍,賜

思之。贈本將軍、華州刺史、諡曰成伯。

持

節

、征虜將軍、岐州

刺

史。

徙

河

東

太守,卒官。

超宗在河東,更自修厲,清靖愛民,百姓追

廿懿,襲爵。 歷員外常侍、尙書郞。

超宗弟令勝 ,亦長八尺,疏 狂有膂力。 歷河北、恒農二郡太守,並坐貪暴,爲御史所彈,

L、夫妻相訟,迭發陰私,醜穢之事,彰於朝野 遇 神龜 末, 自後將軍、太中大夫出爲恒農太守,卒官。 今勝寵惑妾潘, 離棄其妻羊

遐 ,初爲軍 主,從高祖征南陽。 景明初,爲梁城戍主,被蕭衍將攻圍。以固守及戰功,封

牟平縣開國子,食邑二百戶。

驤 萬 在 衝 將軍譚思文據夾石,司州刺史王僧炳頓南安,並扇動夷獠,規翻南鄭。 屯 羊口 .擊,數百里中,莫不摧靡,前後斬首五千餘級。 後 以 ,輔國將軍姜白龍據南城,龍驤將軍泉建率土民北入桑坯,姜脩又分軍據興勢,龍 左軍將軍、假征虜將軍、督巴東諸軍事,鎮南鄭。 時蕭衍冠軍將軍、軍主姜脩衆二 退率甲士九千,所

圍。 阻 奮 涉 以 水 學,獨破 長 遐 進 列 驅,將至 持節、假平東將軍爲別將,與劉思祖等救之。次於鮑口,去朐城五十里,夏雨頻降,厲 還,以輔國 教 棚 胸 以圍 仙 城, 上朐城。 · 碑,斬其直閤將軍、軍主李魯生,直後軍 都督 固城。 [將軍出爲榮陽太守。時蕭衍將馬仙 盧 仙 昶率大軍繼之。 遐身自潛行,觀水深淺,結草爲筏,銜枚夜進,破其六棚,遂解固城之 **埤見遐營壘未就**, 未幾而文驥力竭, 徑來逆戰。 主萬景羽等。仙碑先分軍於朐城之西, 思祖 以城降賊, 率彭沛之衆,望陳奔退。 衆軍 大崩 |昶 退孤 棄其節

輕騎而 走,惟遐獨握節而還。 時仲冬寒盛,兵士凍死者,胸山至於郯城二百里間僵尸相

屬。 持節、假前 | 飛儀衛失盡,於郯城借假節以爲軍威。[1] 將軍爲別將,防捍西荆,又爲別 將隸蕭 遐坐失利,発官。 寶夤, 東征 淮堰。 延昌 熙平初,出爲平西將軍、 中,起爲光祿大夫、使

子子獻,襲爵。子獻第四弟子素,司空長流參軍。

汾州

刺史,

在州貪濁,聞於遠近。

卒,

贈

安南將軍、

豫州

刺

史,諡

貨自 將 Щ 聚 猶 軍 一斂,納貨巨萬。 經 內 史,在 趙文相之力,後無報德之意,更與文相 紀 通 叔隆,步兵校尉。 其家。 一,得爲 那 秦州 無德政,專以貨賄爲 後 文相卒,叔隆 闕西 拜冠軍將軍、中散大夫。 府長史, 水平初,同 了不恤其子弟,時論 加鎭遠 事。 懸瓠城民白早生之逆。 將軍 叔隆 ဝ 斷絕, 姦 **尋遷左軍將軍、太中大夫。** 秦州殷富,去京懸遠, **詐無行**,忘背恩義。 文相 賤薄之。 長者 鎭南邢巒平豫州,獲而 ,不以爲恨。及 懸瓠 叔隆 之强,是其族 **賂司空劉騰**, 與敕使元脩 文相爲汝南 宥之。後 義 出 人 內史 前 爲 同 軍 |# ું ૄું ક 以

穆 善書記,有刀筆之用。 爲汾州平西府司 馬。 翼臨亡,以穆託領軍元叉,以穆爲汝南

内史。

辭 回 未 爲 彩 召爲 時 可 胡 觀,爲 所 方 中書博 回,安定臨涇人。父義周,姚泓黃門侍郎。 知 也。 屈 丐統萬城銘、蛇祠碑諸文, 頗行於世。 士,賜爵臨涇子。 後爲北鎭司 '馬,爲鎭修表,有所 遷 侍郎,與太子 稱慶。 少傅游雅等改定律制。 方回,赫連屈丐中書侍郎。 世祖破 世 祖覽之,嗟美,問 赫 遊昌 一方回 誰 入國。雅 司 所 徒崔浩 作。 涉獵史籍, 有才尙。 及當時 旣 知方

朝賢,並愛重之。清貧守道,以壽終。

子 子始昌,亦長 醜孫, 中書 者,有父風。 學生、秘書郎、中散。 歷位至: 一南部主書。 世不治產業,家甚貧約。 兄弟並早亡。

鄙 知 道之義 義 名鄉 俗之句。 入 神 胡 者 國, 叟, 非 其 其 在 字倫許,安定臨涇人也。 以 、唯場 今矣。」及披 意之所 姚 政 乎? 將衰, 悟,與成 猶 讀 謂 **遂入長安觀 羣籍,再閱於目,皆誦** 可 人交論 思而 過半。 尠 世有冠冕,爲西夏著姓。 風 化,隱匿 有屈焉。 末世 腐 |名行,懼人見知。時|京兆 儒,粗 學不 於 口。 師受,友人勸之,叟曰:「先聖 别 好屬文, 剛柔之位,寧 更少聰敏,年十三,辨疑釋 旣 善爲 有 韋祖思, 典雅 探賾 之詞, 未兆 少 関典墳 者哉。就 之言,精 又工爲 理,

列

傳

第

四

+

胡

方

回

胡叟

時

若是· 曰:「當 也。 逐 與 不坐而 君論天人之際,何 去。 至主 人家,賦 遽 而 反乎。」叟對 章杜二族,一宿 曰:「論天人者其亡久矣,與 而 成,時年十有八矣。 君 其 述 相 前 知 載 何 無 夸言

舊美,敍 中 ·世有: 協 時事,而 末 及 鄙 黷。 人皆奇其才 ,畏其筆。 世 **猶傳誦之,以爲** 笑 狎

率僧 棄 美 接。 明 逐 珠? 旅 授 嗖 得) 叟末 孤 **免焉**。 幾 吾爲 飄 于 坎壈, 佐 千人, 不不 德請,財 復還 稱 未 鑄 有 於 其 蜀 仕路 懷。 何 丈六金 爲 未 ,遂入漢中 也 法 像。 幾, 成 感 翰遷 無所 之,遺其 劉 義 益 ٥ 受。 隆惡 州 劉 、珍物,價直 叟隨 義 其聚衆 隆 梁 入蜀,多爲 秦二 將 干 一州刺· 加 · 餘匹。 大辟。 史馮翊吉翰, 豪 叟謂 叟聞之,卽赴 尙。 法成 以叟才 時蜀 日 丹陽 緯 沙 间 蕭 士,頗 啓 何 法 成 人,能 申 相 其 鳩 禮

惋 自 示 張 祝 所 則思 徐偃之轍,故不旋踵矣。 氏 鮀 知 在 以來 廣 益 戰 眄 平 土 楚 爭之士 號號 程 五. 悼 伯 六 靈 有 達。 載、北至 一。貴主 均 華 風 其略 0 何 奉 用宣 楊 今則憲 庄 日『羣大吠新 難 朔 當,乃 吾之擇木,夙在大魏,與子暫違,非 一憂懷 而 章 弗淳,慕. 託 無虧,曷 西入 翰 沮 寄 客 仁義 祝蛇 輔仁。 分佞 渠牧犍,遇之不 闇 而 之有 未允, 排 伯 疏 也 達 賓。 地 見 ? 叟 詩 陋 直 重。 謂 僻 日 途 而 古古 叟亦本無附之之誠,乃 叟 旣 僭徽 日 以 人 塞,曲 也。」歲餘 號 有言: 涼州 一。 居 路 小 雖 君 非 事 地 牧犍破 所遵 子 居戎 大, 聞 寧若 鞞 域 望 爲 鼓 降。 之 然 衞 詩

自適。 恩,幷獻詩一篇。高宗時召叟及舒,並使作檄劉駿、蠕蠕文。舒文劣於叟,舒尋歸家 叟旣先歸國,朝廷以其識機,拜虎威將軍,賜爵始復男。 謂友人金城宗舒曰:「我此生活,似勝焦先,志意所栖,謝其高矣。」後曳被徵至,謝 家於密雲,蓬室草筵,惟以酒

璨被服華靡, 叟貧老衣褐, 璨頗忽之。 叟謂之曰:「老子今若相許, 脫體上袴褶衣帽, 君欲 作何計也。〕譏其惟假盛服。璨惕然失色。 爲美談,吾之於子,以弦韋爲幽贄,以此言之,彼可無愧也。」於允館見中書侍郎趙郡李璨, 牸牛,弊韋袴褶而已。作布囊,容三四斗,飲噉醉飽,便盛餘肉餅以付螟蛉。見車馬榮華者, 視之蔑如也。 叟不治產業,常苦飢貧,然不以爲耻。養子字螟蛉,以自給養。每至貴勝之門,恒乘一 尚書<u>李</u>敷,嘗遺之以財,都無所取。 初叟一見高允,曰:「吳鄭之交,以紵縞

敬。 也。」論者以潛爲君子矣。順陽等數子,禀叟獎示,頗涉文流 知廣寧常順陽、馮翊田文宗、上谷侯法儁,攜壺執榼,至郭外空靜處,設坐奠拜,盡孝思之 ·· [日]「再三之惠,以爲過厚,子惠於廋,何其恒也。」潛曰:「我恒給祭者,以其恒於孝思 時敦煌氾潛,家善釀酒,每節,送一壺與叟。著作佐郎博陵許赤虎、河東裴定宗等謂潛 **叟少孤,每言及父母,則淚下,若孺子之號。** 春秋當祭之前,則先求旨酒美膳,將其所

高闆會造其家,值叟短褐曳柴,從田歸舍,爲闆設濁酒蔬食,皆手自辦集。其館宇卑陋,

五 十 _ 五二

十餘匹贈之,亦無辭愧。 東 [疇編] 局 而 飯菜精潔,盤醬調美。 **閻作宣命賦**, 叟爲之序。 見其二妾,並年衰跛眇,衣布穿弊。閻見其貧約,以物直 密雲左右,皆祗仰其德,歲時奉以麻布穀

麥,叟隨分散之,家無餘財。年八十而卒。

雖爲宗室,而性 事,胡始昌迎而殯之于家,葬於墓次,卽令一弟繼之,襲其爵始復男、虎威 哀疏宗,或緣求利品秩也。 叟元妻敦煌宋氏,先亡,無子,後庶養者,亦皆早夭,竟以絕後。 氣殊詭,不相好附,於其存也,往來乃簡,及亡而收恤至厚,議者以爲非必敦 叟死,無有家人營主凶 將 軍。 叟與 始昌

太守。 隨 繇 少而 [彥至酒泉,追師就學,閉室誦書,畫夜不倦,博通經史,諸子羣言,靡不覽綜 宋繇,字體業,敦煌 綵 有志尚 生而 ,喟然謂妹夫張彥曰:「門戶傾覆,負荷在繇,不銜 寮為張邕 所誅。 人也。 五歲喪母, 事伯母張氏以孝聞。 會祖配,祖悌,世仕張軌 子孫。 父寮,張玄靚龍驤將軍 膽自厲, 八歲 而張氏· 何以繼承先業」遂 卒, 居喪過禮

`歷位通顯。家無餘財,雅好儒學,雖在兵難之間,講誦不廢,每聞儒士在門,常倒屣出迎 呂光 時, 舉秀才,除郎 中。 後奔段業,業拜繇中散、常侍。 繇以業無經濟遠略 ,西奔李

停寢政事,引談經籍。尤明斷決,時事亦無滯也。

蘇爲左丞,送其妹興平公主於京師。 欣得宋繇耳。」 拜尚書吏部郎中,委以銓衡之任。 沮渠蒙遜平酒泉, 於繇室得書數千卷,鹽米數十斛而已。 世祖拜爲河西王右丞相,賜爵淸水公,加安遠將軍。 蒙遜之將死也,以子牧犍委託之。 蒙遜歎曰:「孤不喜克李歆, 牧犍以

長子巖,襲爵,改爲西平侯。

世祖幷凉州,從牧犍至京師。卒,諡

日恭。

巖子蔭,中書議郎、樂安王輝從事中郎。 卒,贈輔國將軍、咸陽太守。

子超,尚書度支郎。

屬。 又以例降,除西中府戶曹參軍,轉幷州城陽王鸞城局參軍。 超弟稚,字季預。 師事安邑李紹伯,受諸經傳。 性清嚴,治家如官府。 景明二年,拜白水縣令。在 太和中,拜司 徒

縣十一年,頗得民和。 子遊道,武定末,太尉長史。 遷青州勃海太守。 正光三年,卒。

張湛,字子然,一 字仲玄,敦煌人,魏執金吾恭九世孫也。 湛弱冠知名凉土, 好學能屬

武威 男, 勸 交, 爲 加 冲 注。 段承根三人,皆儒者, 寧遠 素有 故因 將 大 志 軍 退朝之餘暇,而 0 司徒崔浩 **仕沮渠蒙遜,黃門侍郎、兵部尚書。** 並有 識 爲之解焉。」 而 傷才, 禮之。 浩注 見稱於 其 正易, 敍日 (見稱如 西州。 此。 每與余論場, 國家西平河右 凉州平,入國,年五十餘矣, 湛 至京 師,家貧 余以左氏傳卦 ,敦煌張湛、 不粒,操尚 解 金 賜爵 無虧 之, 城宗欽 南浦 遂相 浩

長 兄 子廣平,高 懷 義 開 粹 平令。 有 才 幹。 遭 母憂,哀毀過人,服制雖除,而蔬糲弗改。 卒于征西參軍。 常給其衣

食。

毎歲贈

浩詩頭,浩常報答。

及浩被誅

湛惺!

,悉燒之。

羿 途 厥 生 喪以 改 趣。 民。 宗欽 步 聲著 田 不 五 才 是 日 字景若,金城 河 辺 我 迭 險 右。 令問宣流,英 明, 用 詖蔽其耳目 經經 而 仕 敍 沮 乖 其 彝 渠蒙遜、爲中書郎、世 人也。 度。 倫 風遠布 鄭衛陳於其前。 不 匡 父燮,字文友,呂光太常卿。 父維子, 弼君 日 我新,而 及於三季,道 忽其 子 怙才肆虐, 伊 洗馬。 故 臣 喪 純遷 顚 如 欽 彼 而 上東宮侍 異端 。桀起瓊臺 在 能 泉。臨 扶,屈 欽少而 是纏 臣箴 深 而 好學,有儒 利 是懼 能 品 申 日 醊 ်ဝ 害身, 3 糟 恢 昔 Щ 者之 如 在 恢 厥 周 彼 上 玄 一聖,妙 古 風 滅 覆 殲焉。 了,博綜 妖 車 悠 姒, 望 鑒 悠

伊

胤

茫茫 籙 儀 龍 形 盤 夕惕 徐 應 禹 阮 德 跡, 乾乾,虚衿遠 畫爲 左右 隨 蛇 九 劉 銜 陳。 珠 品 ō 屬 昆 披 勿謂 文採 蟲 外撫 無 鳥獸,各有巢居。 友, 心 幽荒, 叩 識 典 命 内懷 問 不 津 殊。 祭 雲歌唐后, 獨 用能 勿謂 ŏ 猶 重 理 懼 離 絕 襲 思 7 千載 垂横美虞。 曜 不 速遠, 魏 司 鼎 符。 明 維 不 新 疏網 爱 遚 在 燭 於 改祝, 子桓 阳儲 君 , 有 后 靈 殷 諍 道 運 數 攸 攸 應 臻 敷。 庭 玄

立

一謗木。

本枝克昌,永符天

禄

微臣

作箴,敢告在僕。」

蓬宇, 尚, 非 奄氣 用 沖 應 城 振 而 期誕 元易體 以 眷深孫喬 華裔殊風 映瓦礫者,是所望 世 坤 淺 歎 祖 生。 厚 識 明 惬 平涼州 復。戢 所宜 發 山 如 華冠 "德乖 競 虛 ,九服分隔,金蘭莫遂,希懷寄契,延想 何? 循 擬 衆彦 風 翼 程子,而 不量 入國, 無 九 廣 愛敬旣深,情期往返,思遲德意,以袪鄙吝。若能 一,偉邁 皐, 殊音,俗 也 闢 鄙 聲 賜爵 匹 拙,貢詩數韻。 議均傾 溢 詩 門,披延髦士。其四 羣英。其一 無異 宇 曰:「嵬峨恒 臥樹男, 宙。 蓋。 徑。 其二 其三 於穆吾子,含貞藉 曠齡罕遇,會之一 加鷹揚將軍 我皇龍 嶺,滉瀁滄溟。 若夫泉江相忘之談, 經 緯 爾 興、重 日文,著 應 丁,拜著 其求、翰飛東觀。 積 離 人。 朝。 疊 茂。 述 作郎。 Щ 映。 天遂 日 挺 史。 比公私 如 其 遺言存意之美,) 其願 剛 彼 和, 欽與高允書 德 松 斟 外彰 紆 酌 爱遘 竹,陵霜 理 水 口吐瓊音,手揮霄翰 異, 燿 鳳 九流,錯 柔 彩 其 京師 訓諮 以燿 精 明 擢 日:「昔皇 雖 內 秀。 路 榛薈。 啓 兹· 才非 鏡。 莊 幽 塞 味 生 令族 季札 乾 老 之 端 綱 迴 連 所 帝 象 思 拱

列

彈毫 新 有邈 年邁,迅踰激電。進乏由賜,退非 度,洗客田 章三五。 標榜莫緣。 珠零,落 夫子,兼兹 遷以陵腐,邕由卓泯。 昂昂高生 蘇。 開 紙錦粲。墳無疑割,典無滯泮。其五 通有運,闇遇當年。披衿暫面,定交一言。其九 四愼 望儀神婉,即象心虛。悟言禮樂,採研詩書。其十 了纂我遐武。勿謂古今,建規易矩。其八 弱 而 難勝,通而不峻。其六 時無逸勒,路盈摧輪。其七 回憲。 素髮掩玄,枯顏落蒨。 山降則謙,含柔爲信。林 南、董邈矣,史功不 尹佚謨周,孔、 自昔索居,沉淪 諮疑秘省,訪滯京 其十一 履霜 明述魯。 申。 悼遷,撫 文以會友,友由 : 崇日: 西藩。 固傾佞竇,雄穢 節 漸,明升斯 抑 都 感 揚 風 變。 馬旣 **羣致**,憲 水 知己。 嗟我 鏡 進。 叔 美

足標 抱。 詩以明言,言以通理。 載 雅贈,卽應有答,但唱高 相遇,情無有已。足下兼愛爲心,每能存顧,養之以風味,惠之以德音。 擢 世克隆。 鰄 明來旨,且表以心。 吾少乏尋常之操,長無老成之致,憑賴賢勝,以自克勉,而來喻褒飾 允答書曰:「頃因行李,承足下高問,延佇之勞,爲日久矣。 珠。邈矣高族,世記丹圖。啓基郢城,振彩 方圓備體,淑德斯融。 則難 幸恕其 和,理深則難訓,所以留 鄙 滯,領其至意。」詩曰:「湯湯流漢,藹藹 望傾羣儁,響駭華戎。其二 止 伊 凉 爾 區 虬光,四 一。其一 連日月,以至於今。 鱗曲 吾生朗到,誕發英風 響駭伊何? 王途一啓, 水。其十二」 執 今往詩 金聲允著。匡贊西 南 得敍 有 玩 都。 過 反覆, 其 其 紹 載 分。 懷 稱 熙 銘於 多士。 一誠不 前 欣 旣承 於 الم

紫 深 體 其 年 蘇 運 諸 緣 + = 己。 幸 宸 時 陸 未 鬼 拯 量 處 迅 稱 負 會 通 厥 與 詩以言志, 非 邁 仰 寶 0 帯 F 時務。 忝 乾 叔 典策 謝 , 物 風 进 與 作 度。 今 馬 丘 我 樞 配 日 載 明 也 殊 能 俱逝。 肅 機 韓生 克涼 隔 長 志 謙。 蹈 志 區 以 竊 揖 於 琴書,恬 邁 屬 表 任之 吾 域 南 心。 進不 名 春 降 丹。 異 史。 生 華 陽 , 林宗 封。 弘 省 斯 獨 匹 慨 心 功 退武 通 轍 道, 繑 哉 厠 隆 初素。潛 仍 同 有 刎 擁之 退失 足 覆 顧 雖 軌 道 懷 頸 載 丹 映 存 烫覆 西 心。 招 則 淵 墀。 義 ",高 望,路 思 千 儒 滯 潛 車 已 載 延隱 淵渟,秀藻雲布。其三 林 。旣慚 蹤 相 愧無螢燭,少 中 義 曠 結駟 難 葬 險 殘 遊 叟, 爲 塻 擬 敬 朱 永貽 從 貽 羣 雖 遘 闕 夙 承 0 塵, 表。 日 弦 王 嘉詢 興 亦 大 不 益 屢空 澤遠灑, 夕 、登。共 敏 我 愧 週 水水 惕 灭 思 閭 亦 暉 請 뱚 閻 與 佩 藻 四 . 上 弊。 事 。共六 獲恬 共五 之,均於紵縞 九服 明 詠 一天降命, 金 伊 **泛。**共七 風 氽 闌 兩 來 止 明 流, 史、 櫟 間 。 升 [4] 散, 爾 可 鄙 祚 班 非 八 遠 共 守, 其 稱達, رآر 才 鍾 諭 沙共 ル 勵 世 思古賢 已悟 有 安 至 之 信 之,無忘 在 子 代。 庸 有 楊 圮矣,靈 밥 漸 仁乏田 微 回 平吳, 、蔡致 難 共 協 內 兼 + 歲 遭 燿

崔 浩 之誅 也 欽 亦 賜 死 欽 在 河 西 撰蒙遜 記 + 卷, 無 足 可 稱

寒。」

弟 舒 字景 太。 蒙 遜 庫 部 郞 中 與 兄同 歸國,賜 餌 句 四了 男, 加 威 遠將 重 o 名 75 於兄。子

孫皆衰替。

童子甚悦,謝暉曰:「吾太山府君子,奉敕遊學,今將欲歸。 湯,湯甚器愛之。 安,有人告**暉**欲南奔,世祖問曰:「何以知之。」告者曰:「暉置金於馬韉中,不欲逃走,何由爾 谷渾暮聵,暮聵內附,暉與承根歸國。 常伯,封侯。 夜竊其尸,置之枯井。女爲敦煌張氏婦,久而聞之,乃向長安收葬。 也。」世祖密遣視之,果如告者之言,斬之於市,曝尸數日。時有儒生京兆林白奴欽暉德音, 以暉爲輔國大將軍、涼州刺史、御史大夫、西海侯。磬子暮末襲位,國政衰亂,暉父子奔吐 段承根,武威姑臧人,自云漢太尉頌九世孫 非報也,且以爲好。」言終,乘木馬騰空而去。 有一童子,與暉同志。後二年, 世祖素聞其名,頗重之,以爲上客。後暉從世祖至長 也。 童子辭歸, 父暉,字長祚,身長 暉乃自知必將 煩子厚贈,無以報德。 從暉請馬。 貴也。 暉戲作 八尺餘,師事歐陽 木馬與之。 乞伏熾磐 子後位至

贈寶 言之世祖,請爲著作郎,引與同事。世咸重其文而薄其行。甚爲敦煌公李寶所敬待,承根 榛棘誰揃。其一 於皇我后,重明襲煥。 文以息煩,武以靜亂。 詩曰:「世道衰陵,淳風 好 細。 衢交問鼎,路盈訪鹽。 徇競爭馳,天機莫踐。不有眞宰, 剖蚌求珍,搜巖采幹。

承根

好學、機辯,有文思,而性行疏薄,有始無終。

司徒崔浩見而奇之,以爲才堪注述,

藹 崐 顧難分歧,載 我 綸 傾首景風,遲聞 主 丘 彼繁音,和此清 朝 度,庶績 ,龍潛玄漠。其三 盈 逸翰。其二 張載 緝熙。其四 休聲。其 機。其 調。 自昔凉季,林焚淵涸。矯矯公子,鱗羽靡託。 其六 數不常擾,艱 大七」 五 自余幽淪,眷參舊契。 詢下曰文,辨訐曰明。化由禮洽,政以寬成。勉崇仁教,播德簡刑。 聞諸交舊,累聖疊曜。淳源雖瀉,民懷餘劭 極則夷。奮翼幽裔,翰飛京 庶庇餘光,優游卒歲。 師 靈慧 珥 雖奮,祆 0 蟬紫闥, 思樂哲人,靜 **忻路未** 《氛未廓。 淹,離轡已 杖節方畿 以鎭 鳳戢 躁。 酮

李琰之、李神儁,一時名士,並稱美之。 浩誅,承根與宗欽等俱死。 承根外孫長水校尉南陽張令言,美鬚髯,言談舉止,有異武

經傳 州志 典校經籍,刊定諸子三千餘卷。 丕鎮涼州 ,聰敏過人,三史羣言,經目則誦,時人謂之宿讀。注王朗易傳,學者藉 ,行於世。 闞 一翻,字玄陰,敦煌人也。祖惊,有名於西土。父政,爲一時秀士,官至會稽令。駰博通 引為 蒙遜甚重之,常侍左右,訪以政治損益。 從事 中郎。 加奉車都尉。 王薨之後,還京師。 牧犍待之彌重、拜大行、遷尚書。 家甚貧弊,不免飢寒。 拜秘書考課郎中, 性能 給文吏三十人, 以通經。撰十三 姑臧平,樂 多食。一飯

列

傳第

四

+

段

承

根

闞

駰

至三升乃飽。 卒,無後。

謂諸弟子曰:「吾有一女,年向成長,欲覓一快女壻,誰坐此席者,吾當婚焉。」、阿遂奮衣來 坐,神志肅然,曰:「向聞先生欲求快女壻,晒其人也。」珥遂以女妻之。 子五百餘人,通經業者八十餘人。,珥有女始笄,妙選良偶,有心於啊。 劉眄,字延明,敦煌人也。父寶,字子玉,以儒學稱。 晒年十四,就博士郭瑀學。時瑀弟 遂別設一席於坐前,

中郎。 煌實錄二十卷,方言三卷,靖恭堂銘一卷,注周易、韓子、人物志、黃石公三略,並行於世。 聖稱焉。 注記篇籍,以燭繼畫。白日且然,夜可休息。」兩曰「「朝聞道,夕死可矣,不知老之將至,孔 此典籍。 **晒後隱居酒泉,不應州郡之命,弟子受業者五百餘人。 李暠私署,徵爲儒林祭酒、從事** 阿何人斯,敢不如此。」 所以三史文繁,著略記百三十篇、八十四卷, 涼書十卷,敦 吾與卿相值,何異孔明之會玄德。」遷撫夷護軍,雖有政務,手不釋卷。屬曰「卿

數百,月致羊酒。收犍尊爲國師,親自致拜,命官屬以下皆北面受業焉。 蒙遜平酒泉,拜秘書郎,專管注記。築陸沉觀於西苑,躬往禮焉,號「玄處先生」,學徒 時同郡索敞、陰興

爲助教,並以文學見舉,每巾衣而入。

鄉, 世 子扶養。 祖平凉州,士民東遷,夙聞 其名,拜樂平王從事中郎。 世祖詔諸年七十以上聽留本

阿 六子。

長子僧衍,早亡。

次仲禮,留鄉里。

氼 字仲,次貮歸,少歸仁,並遷代京。後分屬諸州,爲城民。 歸仁有二子,長買奴,次

顯宗。

碎役, 太保 隸,不 是除 在 而 篇 不朽,前哲 啓陳,深 其一子爲郢州雲陽令。 太 籍 用 獲 和十四年,尚書李沖奏,昞河右碩儒,今子孫沉屈,未有祿潤,賢者子孫宜蒙顯異。於 | 收異,儒學之士,所爲 廣 之美,頗足可觀。 聖 l所尚; 朝 合勸善。 旌 善繼 思人愛樹, 其孫 絕。 如 等三家,特可聽免。」河西人以爲榮。 敦 或愆釁,當蒙數世之宥,況乃維 正光三年,太保崔光奏曰:「臣聞太上立德,其次立功、立言。死 竊歎。 化厲俗,於是乎在。」 自古稱美。 臣忝職史教,「以冒以聞奏,乞敕尚書,推 故樂平王從事中郎敦煌劉昞,著業涼城,遺文 四年六 月詔 祖 日 逮孫,相去未遠,而令久淪 「阿德冠 河前世 檢 一,蔚 所 屬 爲儒宗, 甄 皂 妶

趙柔,字元順,金城 人也。 少以德行才學知名河右。 沮渠牧犍時,爲金部郎。世 祖 平涼

州,內徙京師。 高宗踐阼,拜爲著作郎 後 以 歷 効 有績, 出爲 河內太守,甚著仁惠。 柔嘗 在

於市。 路 得人所遺金珠一 有從柔買, 索絹二十匹。 貫,價直數百練,柔呼主還之。後有 有商 人知 其賤, 與柔三十匹,善明欲取之。 人與柔鏵數百枚 者,柔 柔日 與子 [:「與 善明鬻之 人交

易,一 隴西王源賀採 言便定,豈可 佛經 幽旨, 以利動心也。」遂與之。 作祗洹 ·精舍圖偈六卷,柔爲之注解,咸得理衷,爲當時儁僧所欽味 搢紳之流,聞 而 敬服焉。其推 誠 秉信,皆此 類 也。

焉。又憑立銘讚,頗行于世。

子默,字沖明。武威太守。

見拔 為爲 索敞,字巨振 中 書 博士。 敦煌 篤 勤 人。 訓 授, 爲 劉 肅 昞 而 助教, 有 禮。 專心經籍,盡能傳昞 京師 大族 貴 遊 之子,皆敬 之業。 憚 涼州 一成嚴, 平, *3* 入國 所 成 以儒 益 前 學

後顯達, 位至尚書牧守者數十人,皆受業於敞。 敞遂講授十餘年。 敞以喪服散在衆篇 逐

撰 比 爲喪服要記。 其名字論文多不載。 後出補扶風太守,在位清貧,未幾卒官。 時舊同學

生等為請,「智」詔贈平南將軍、凉州刺史、諡曰獻。

敞子僧養,中書議郎、京兆太守。

僧養子演貴,征東府參軍。

演貴子懷眞,字公道。武定末,侍御史。

得発。 達,土人徐能 初,敞 世隆子孟貴,性至孝,每向田耘耨,早朝拜父,來亦如之。 在州之日,與鄉人陰世隆文才相友。 抑掠爲奴。 五. 年,敞因行至上谷,遇見世隆,語其由狀,對泣而 世隆至京師,被罪徙和龍,屆上谷,困不前 鄕 人欽其篤於事親。 別。 敞為訴理,

以 文 陰 仲達, 學知 名。 武威姑臧人。 世 祖 平涼州 祖訓,字處道 內 徙代都。 一、仕李暠爲武威太守。 司 徒崔浩啓仲達與段承根云,二人俱凉土才華 父華,字季文,姑臧令。仲達

修國史。除祕書著作郞。卒。

同

少

華次子周達,徐州平南司馬、太山太守。

周 達 子 遵 和 小 名 虎 頭 好音律,尚 武 事 o 初 爲高祖挽郎,拜奉朝請,後廣平王懷取爲

列傳第四十 趙柔 索敞 陰仲達

南 刺 中 國 史。 常侍。 將 令, 軍 復被愛信。 時前 凉 遵 州 行 和 刺 州 便 史。 事元 辟善事人,深爲懷所親愛。 稍 遷龍驤將 崇禮被徵將還,旣聞 軍 、驍騎將軍 介朱兆 豫州 轉司 入洛, 都 一空法曹、太尉 督 鎭 遂 懸 矯 瓠 殺 中兵參 遵 孝莊 和 , 末, 擅 軍 攝 0 除 州任。 叉爲 左 將 汝南 軍 後 · 行 追 王 悦郎 贈 豫 45 州

中。 方 旣 爲 稱。 道 ĦĮ 土 至 儀 爲 太昌 E 因 遵 拜 曹 村 光 其 和 奉 初 府 郎 兄子 蠻 末 朝 卒 所掠,送於義宗,義宗又 長 中 請 蕭 (流參軍 道方, ,年四十二。 主元 轉 綱遣 旭 員 英 性 (外散騎 使於 ٠, 軍 和雅,頗涉書傳,深爲李神儁所知賞。 神儁 主曹義宗等擾動 肅 人士咸嗟惜之。 衍。 侍 曾使道方詣蕭行雍 郎。 至 南 孝莊 傳致襄陽,仍 竞州 初,遷 邊蠻, 贈 有 撫 尚 詔 神 州 書左 送於 軍 追 儁 刺 將軍 還。 令道方 史蕭綱論 民 蕭 · |荆 轉安東將軍 鄎 行, 中,修 囚 馳 州 邊事 刺 之 傳 神傷)起居注 向 尙 ず。道方 新 為前將軍、荆州刺 方 野,處 ō 光 孝 渝 風 自 永 大 分軍 神 安 中 夫, 沉 二年, 始 IE 事 領 一,爲 得 右 史,請 還 韶道 於 民郎 綱 國 所

人之不 臣 日 FI 趙 以 逸等皆 無能 信信 通 也。 涉 經 史,才 胡 叟顯 志 脢 不 Z 羣, 間 價 ,優遊無悶 重 西 |州,有 亦 聞 東國 世之異 故 人乎? 於 流 播 Z 中, 拔泥滓之

- 於郯城借假節以為軍威 軍,非假節也。」按張說是,通鑑卷一四七四五九九頁作「借趙遐節以爲軍威」,即用此傳語,僅加一 張森楷云:「『假』當作『遐』。上云『以遐持節、假平束將軍』,則假者將
- 「趙」字,則司馬光所見魏書正作「遐」。

字訛,今據改。

- 河東裴定宗等謂潛日 諸本「河」作「江」、北史卷三四胡叟傳作「河」。按裴氏是河東犬姓、「江」
- 欽 如 與高允書「若夫泉江相忘之談」、「泉」亦當是「淵」字諱改。 彼在泉臨深是懼 按「泉」本當作「淵」,用詩「如臨深淵」語,當是唐人避諱追改。下宗欽傳,
- 24 無忘 歲寒 殿本考證云:「詩凡十三章,此句下應如前注『其十三』三字。」
- 珰. 至涼 書,他本作「悲」或「匪」均「韭」字訛,今從諸本。 而 此 居。」「薤」即「韭」「韮」、臨松在凉州 字下並 州西四百里韭谷窟 有注云:「本或作『悲』,亦作『匪』。」按晉書卷九四郭瑪傳云:「隱於臨松薤谷,鑿石窟 百衲本「韭」作「悲」、諸本作「韭」、北史卷三四劉延明傳作「韭 西、敦煌東 劉昞死地當即郭瑀隱居之處。 「悲」字不見字 -0 諸本
- **八**六 山 列 臣 傅 忝 職 第 史教 四 + 諸 校 本「教」作「敢」、獨百衲本作「教」。 勘 記 李慈銘云:「當從宋本,以『教』字讀句,時光

以司徒領著作,故曰『史教』。」按|李說是,若作「敢」,屬下讀,上云「臣忝職史」,語氣不完。今從

百衲本。

てもフ 時舊同學生等爲請

北史卷三四索敞傳「請」下有「諡」字、疑此傳脫去。

魏書卷五十三

列傳第四十一

李孝伯 李沖

卒、贈平南將軍、荆州刺史、栢仁子、諡曰懿。 也,賊長責之,還令送鹿故處。 |幷州丁零,數爲山東之害,知曾能得百姓死力,憚不入境。 憂也。」遂還家講授。 容易。」州辟主簿,到官月餘,乃歎曰:「梁叔敬有云:州郡之職,徒勞人耳。 辟 功曹不就,門人勸之,曾曰:「功曹之職,雖曰鄉選高第,猶是郡吏耳。 李孝伯,趙郡人也,高平公順從父弟。父曾,少治鄭氏禮、左氏春秋,以教授爲業。郡 太祖時,徵拜博士,出爲趙郡太守,令行禁止,劫盜奔竄。太宗嘉之。 隣郡爲之謠曰:「詐作<u>趙郡</u>鹿,猶勝常山粟。」其見憚如此 賊於常山界得一死鹿,謂趙郡地 道之不行,身之 北面事人, 亦何

孝伯少傳父業,博綜羣言。 列 傳 第 四 + 李 孝 伯 美風儀,動有法度。 從兄順言之於世祖,徵爲中散,世祖見 一一六七

伐

規

略

之

功,進爵

壽光侯,加建義將

建 而 一成 異 (之,謂 將 軍 ·,委 順 以 曰 軍 真 國 機 卿家千里駒 密, 甚 見 親 也。」遷秘書奏事中散,轉侍郎、光祿 龍。 謀謨 切秘, 時 人莫能 知 也。 遷比部尚書。 大夫,賜爵南昌子, 以 頻 從 征 加

酒 叉問 旭 太尉 率 二器、甘蔗百梃,幷請 步 詔 一騎萬 、江夏王 眞 勞問 今在何 君 餘至 末, 義 恭等。 義恭率衆赴彭城。 車駕南 處 蕭 城。 應 伐, 曰:「在城 前軍擊破 幷遣自 駱 將出 駝 陳蕭城 「彭城。 西南。」又問:「士馬多少。」應日:「中軍四十 之,文恭走免, 世 祖 之敗。 劉義隆子 至彭城,登亞父冢以望城 義恭等問應 執其 安北將軍、徐州刺史、武陵王駿,遣將馬 隊 主蒯應。 魏帝 內,遺 義隆 自來 聞 送 以 蒯 大 不 應 駕 ું? 餘萬。」酸造 南 至 應 小 巡,又遣 日 市 自自 門,宣 來。 文恭 人獻 其 世 弟

暢 日 嚴 孝 日 伯 『卿家太尉、安北,是人臣不。」賜曰:「是也。」孝伯曰:「我朝廷奄有萬國,率土之濱 備 問 孝 姓 曰:「主上 世 伯 張 祖 日 明 孝伯 且 賜 有詔 復登 君 駱 復 曰:「是張 駝 _; 亚父冢 何 及 太尉、安北 姓 貂 ? 裘雜 , 長 居 遣 史 何官也。」孝伯 物。 孝伯至 也。 可 暢 暫 暢 曰:「有詔 出 百二 小 門、欲 市,駿亦遣 君何得 曰:「我 與相 之言, 見,朕 見識。」孝伯 戏行 其長史張暢對 政可 亦 夫, 施 亦 於 攻彭 何足 日 彼 國, 城, 孝伯。 「旣涉 致 間。 何 何 得 此 爲 孝伯遙 稱 然 境, 勞苦將 之於 足 何 與 問 此。」孝伯 容 君 場 不 相 姓 悉。」 敵。 城 Ŀ

者,行 意, 耳。 汉 發橋 休息 山此 不 險, 臣, 「二王以魏帝壁壘未立,將士疲勞,此精甲十萬,人思致命,恐輕相凌踐,故且閉城耳。待 義 事 杜門? 此 士馬,然後共治戰場,剋日交戲。」孝伯曰:「令行禁止,主將常事,宜當以法裁物, 應 在 復 何但法令而已也。 縱爲隣國之君,何爲不稱詔於隣國之臣。」孝伯又問暢曰:「何至忽遽杜門絕橋。」暢 嘗 城 相 何 何 至京師,義恭遣視之,思識是孝伯。 也? 內有數州士庶,工徒營伍 與 以逸足見誇也。」孝伯曰:「王侯設險,誠如來言,開閉有常,何爲杜塞。絕橋之 窮城之中,復何以十萬誇大。我亦有良馬百萬,復可以此相矜。」暢曰:「王侯 共 此城守君之所習,野戰我之所長,我之恃馬,猶如君之恃城耳。」城 知。」思答曰:「緣共知,所以仰勞。」孝伯曰:「咸君至意。 我若誇君,當言百萬,所以言十萬者,正是二王左右素所畜養者 . 猶所未論。我本鬭人,不鬭馬足。 思前問孝伯曰「李尚書行途有勞。」孝伯曰 且冀之北土,馬之所 內有貝 何用 思

送之。』暢 任 酒 及 有 諸 旣 臣 食 開 無境外之交,故無容 門,暢屏 味 太尉、安北,久絕南信,殊當 日 當 相 此 與同 方 人却仗,出受賜物。 間 進。」陽曰:「二王敬白 路 甚多,使命日夕往復,不復以此勞魏帝也。」孝伯 私覿。」義恭獻皮袴褶一 孝伯曰:「詔 憂悒。 魏帝,知欲 若欲遺信者 以貂裘賜太尉、駱駝、騾、馬賜安北,蒲萄 具,駿奉酒二器、 垂見,常願 當 爲 護 面 送, 一接,但受命 脫 甘蔗百 白 「亦 須 、騎者、 梃。 本朝,忝 知 亦當以馬 有水路, 孝 伯 居藩

列

遠? 主 似為 曰:「豈有 自令反,豈復苟留一人。』」 九槍,落 相聞 暢 忽,無待賓 人宜 日 一黄巾、 暢 ,何以久而 白 以 日 賊 在 禮 子弟聞 所 溵 調 接。」暢 握髮 赤眉 斷。 度耳。」孝伯 水,我使奉而 不報?暢 其父兄而 吐餐,不謂隣國之人也。」孝伯 暢曰:「君著白衣,稱白賊也。」孝伯大笑曰:「今之白賊,似異黃巾、 ,不在江南。」孝伯 曰:「昨見衆賓至門, 又言:「有詔:『 曰:「二王貴遠, 反不肯相見,此便禽獸 出之。凡人骨 暢曰:「知欲 曰「雖不 程天祚兄弟集聚, 肉 程 未爲 啓聞 分張 天祚 有 在 爲難。」孝伯曰:「 日「本邦尚 ,並思集聚, 一介常人,誠知非江南之選,近於汝陽, 禮 江南,亦不 之不 若。 若。 已勒遣之, 曰:「非是賓 貴 聞其弟在 離 爾 土 , 隣國 徐方也。」 周 風俗,何至 公握 彌 此,如 但 應盡恭。且賓 至 髮 孝伯 其固 一無禮, 吐餔,二王 何不 如 胬辛 此。 曰:「向 不往。」 直 造 暫 是主 至有 赤眉 一何獨貴 與安北 出 孝伯 身被 人忽 尋

情,雖 親 諸 有 自 瘡 所 銜 宜 世 亦 赤 祖 命 鹽 , 不 白鹽 又遣 盡, 、駁 ·患彼 賜 食 鹽 要 鹽,主上 義恭、駿等氈各一 此不 復見股 臭鹽、 盡,故不 小 馬 自食,黑鹽治 大, 齒 鹽 復遺信 知 四 股 領,鹽各 種, 老 1。」義恭 少, 腹 並 脹氣滿,末之六銖,以酒 非 觀 九種,并 食 I 股 為 獻 鹽。 蠟 人。 燭 太尉、 胡 + 豉。 梃, 暢 安北 日:「 孝伯 駿 獻 何不 魏帝 錦 曰:「有後 而 服; 遣人來 匹。 **久爲往來所具**, 胡 詔 鹽 至 治 = 股 目痛 凡此 間 ; 戎 諸鹽,各 李尚 彼 鹽 此 治 之

孝伯曰:「君南土士人,何爲著屩? 君而著此,將士云何。」暢曰:「士人之言,誠爲多愧

常 算 之 直 縣 無所 謨 但 而 舸 旬 反 至 何 彼 而 南 魏 至 百 不 旆 有 以 之 才 造 以 次 所 急 已 克 耳 師 留 姓 多 輕 淮 土 不 未 在 愧 偏 難 武,受命統軍,戎陳之間,不容緩服。」孝伯曰「永昌王自頃恒鎭長安,今領精騎八萬 城 憑 並 脫 南 入 爲 武 境 遺馬 壽春 胡 將 依 何 失算, 不 前 陵 魏 不不 意 盛 山 今 鄒 鋒 聖 事 能 軍 之偏 作 雖 險 Щ 謂 略 始 文 生 奔 亦閉門自固,不 相 但因 陷 小 如 恭 意 拯 爲 敗 聊 得 沒, 軍 戍 裨 此任使,以致奔敗。 遣 外 才,但以 至 接手,崔 夜 國 小 官 雖 陽 蕭 馬 輕 何 之 帥 回 百「知 縣 文 敵 損 有 衆 要, 歸 不負民, ,使望 恭 致 微 於 其北 ,致戎馬 邪利 雖不 此 險, 以 或 無三旅 敢 水計 + 人,故 便爾 河畔 相禦。 亦 風 民 預 隊 魏 退撓也。 非 驚亂 聞 亦 迎 帝 始 始 已過淮 之民 入穴,將士 所 之耳。 自 何 爲 自入境 濟 向 卹 然用 怨。 以 耳。 前 送劉 多多 翮 十萬 南。 驅 水、三 彼之民人,甚相 兵有機間 王 文恭前 是 我 七 知 引 康祖首,彼之所 境 家懸 新 導耳。 康 倒 百 入 之 人民, 境七 師 旭 餘 曳出之。 附,始慕 魏 以三 瓠 爲 里,主人竟不能一相拒抗。鄒山之險, 而 國 列 其所 白 制 小城,陳憲 大 君 亦不容相語 隊 里, 居 軍 政化,姦 臣 崔 破,此 主上 河 出 忿怨,言清平之時,賦 未 奔散,僅 無 「還走 畔 見。 邪 至,而 相 利 丐其生命,今從在此。 小 有信使,無此 捍 盗未 王 將,魏 多伯 彼 乃 拒, 國 河 玄謨甚是所悉, 得 交 復 大 冰 息 免 兵 營。 此 足言 帝 向 示示 脫 日 自 當 傾 合,玄謨量 嵇 也? 使 Ŀ 滑 消 耳 或 君 催 玄 由 加 臺 攻圍 我 息。王玄 近 藉 敬 邪 太 撫養。 租 之 此 亦是 尉 以 聞 利 虚 宜 神 蕭 撫 復 ,

故 不 支離相 待 攻圍 對,可 一,南行 謂遁辭 不捷,彭城 知其所窮。 亦 非所欲 且主上當不圍此城,自率衆軍直造 也。 我今當南,欲飲 馬 江 湖 耳。」暢 瓜步 曰:「去留 南 事 若辨,城 之事 `, 自

七二

불 適 獨 彼 懷 天 道 ſ, 若 暢將還 1魏帝遂 城,謂孝伯曰:「冀蕩定有期, 得飲馬長江,便爲無復 天道。」孝伯 相見無遠。 日一 自北 君若得還 而 南 宋 實惟 朝,今爲相識之始。」 人化,飲馬長江

孝伯 今當 先至 建業以待君耳。 恐爾 日君 與二王面 縛 請罪,不 暇 爲容。

孝伯 風容閑雅,應答 如流,陽及 左右 甚 相嗟歎 世 祖大喜,進爵宣 城公。

興安 年, 出 爲 使持節 、散騎 常 侍 平西將軍 秦州刺史。至一太安五年卒,高宗甚悼惜

之。贈鎭南大將軍、定州刺史、諡曰文昭公。

傷焉 庭論 毎朝 旭 長,初不 有 龍 孝伯 眷 議 廷大 孝伯 孝伯美名, 有 隱 常 事有不足,必手自書表, 亞 體度恢雅 足治天下,何用 人姓名 引 於 綱 浩 紀, 以 亦以宰 聞於遐邇, ,明達政事, 爲 或有言 己善,故衣 輔遇之。 多寫? 1事者, 李彪使於江南,蕭隨謂之曰:「孝伯於卿遠近。」其為遠人所知 朝野 孝伯恣 、切言陳 假復求 冠之士,服其雅 獻 貴賤,咸推 替補闕,其迹不 訪, 其所陳, 諫,或不 此 人 重之。 輩 正。 從者,至於再三。 假 亦 有 見,時人莫得 恭宗 自 是非, 何 崔浩 可 得。」 會啓世 終不 誅 後 其 軍 抑折。 見賞. 而 祖廣徵俊秀,世祖 削滅稿草,家 知 國 也。 如 之謀,咸出 及見 此。 卒之日,遠近 世 性 祖 方 人 一言其所 不 愼 孝伯。世 日「朕 見。公 忠厚,

若此。 後遇劫,元顯見害,世云翟氏所爲也。 孝伯妻崔賾女,高明婦人,生一子元顯。崔氏卒後,納翟氏,不以爲妻也。憎忌元顯。 元顯志氣甚高,爲時人所傷惜。 翟氏二子,安民、安

上,並有風度。

安民,襲爵壽光侯,司徒司馬。卒,贈郢州刺史。無子,爵除。

安上,鉅鹿太守,亦早卒。

安民弟豹子。正光三年上書曰:

加 孝伯,足以治天下,何用多爲。〕其見委遇,乃至於此。是用寵以元、凱,爵以公侯,詔册 繆幃幄,繾綣侍從,廟算嘉謀、每蒙顧採。于時儲后監國,奏請徵賢,詔報曰:「朕有 玉門,凌滅漠北,飲馬江水。臣亡父故尚書、宣城公先臣孝伯,冥基感會,邀幸昌辰,綢 立 登遐。 功著節,河山誓其永久。伏惟世祖太武皇帝,英叡自天,籠罩日域,東淸遼海,西定 江陽之巡,奇謀屢進,六師大捷,亦有勳焉。」出內勤王,寵遇隆厚,方開大賞,而世 竊惟庸勳賞勞,有國恒典,興滅繼絕,哲后所先。是以積德累忠,春秋許宥十世, 梓宮始遷,外任名岳。 高宗沖年纂運,未及追敍。

臣 無子封除。 ·好百靈,先臣棄世,微績未甄,誠志長奪, 搢紳僉傷早世,朝野咸哀 永 惟宗構,五情崩圮。 先臣榮寵前朝,勳書王府,同 之常倫,爵封 不永。臣

劉氏 沒 {傳 澤,成一時之盛 韓帝 堙墜 竊見正始中,爰發存亡之詔,褒賢報功之旨。 徐,不棄尚郭。 絕 亦有 中 繼 偽書, 祀 路敍 勳著 準 彰 或或 占 國 先臣 翻流 量 於中, 以傍親 今,實深茶苦。 對問, 事,垂曠代之茂典,凡在纓敍,誰不 上 今數族追賞於先朝之世, 先臣絕封於聖明之時, 乞覽此書, 昭然可 國 聲傳於外。 ,或聽弟 , 、尋其油 雖改脫略盡,自欲 襲,皆傳河山之功,垂不世之賞。 膀,百 竊惟朝例。廣川王遵、太原公元大曹等,並以 事等功均,今古無易。 無一 見。 矜高, 實,前 則微微衰構, 後使 然逸 熙平元年,故任城王澄所請 韻 感慶? 人,不書姓字,亦 難 是以漢賞信布,裁重良平,魏酬 重起 虧, 蓋以獎勸來今,垂 一朝, 猶 況先臣 見 稱載, 瞻流顧侶,存亡永恨。 先臣潛魂, 結草於千 無 在蒙委任 名爵。 非直 + 勳重先朝,世 存益於時 範萬古。 事 至於張暢 **一**公 ,復新 運 前 且.

卒不得襲。

載

將 汝 中 淮北 ,流民歸之者萬餘家, 博 孝 伯 士。 之民詣軍降者七 兄 祥,字元善。 時南土未賓 千餘 世 學傳家業,鄉黨宗之。 勸課農桑, 百姓安業。 祖 戶, 遷之於克 親 駕 遣尙 書韓 豫 之南, 元 世 興 祖 世祖嘉之,賜以衣馬。 率 置 詔 衆 州郡 淮 出 陽郡 青州 舉賢 以撫之,拜祥 (良,祥 以祥 爲 應 軍 遷河間太守,有威 貢, 司 爲 太守, 對策 略地 合旨 加綏 至于 遠 陳

太安 中,徵拜中書侍郎,民有千餘,上書乞留數年, 高宗不許。 卒官,追贈定州刺

史、平棘子 日

生。 幸 國 學,恒獨被引問。 安世年十一,高宗見其尚小,引問之。 子安世,日 幼而聰悟。 韶曰:「汝但守此至大,不慮不富貴。」居父憂以孝聞。 興安二年,高宗引見侍郎、博士之子,簡其秀儁者欲爲 安世陳說父祖,甚有次第,卽 以爲 學生。 天安初,拜 高宗 中 學 毎

散,以溫敏敬慎,顯祖親愛之。

。累遷主客令。

價,續曰:「北方金玉大賤,當是山川所出。」安世曰:「聖朝不貴金玉,所以賤同瓦礫。 家有江南使至,多出藏內珍物,令都下富室好容服者貨之,令使任情交易。使至金玉 武,而殷勤亡秦。」纘又指方山曰:「此山去燕然遠近。」安世曰:「亦由石頭之於番禺耳。」 之號,凡有幾也。」安世曰:「周謂掌客,秦改典客,漢名鴻臚,今曰主客。 安世爲典客,安世曰:「三代不共禮,五帝各異樂,安足以亡秦之官,稱於上國。」續曰:「 上德通神明,山不愛寶,故無川無金, 中。 蕭賾使劉纘朝貢,安世美容貌,善舉止,纘等自相謂曰:「不有君子,其能 無山無玉。」纘初將大市,得安世言,慚而罷。 君等不欲影響文 國乎。」纘等呼 遷主客 肆 叉 世 皇 問 或 異

給

私成患。百姓爲之語曰:「李波小妹字雍容,褰裙逐馬如卷蓬,左射右射必疊雙。婦女尚如 强盛,殘掠生民。前刺史薛道掛親往討之,波率其宗族拒戰,大破掛軍。 均於兆庶;如阜如山,可有積於比戶矣。 又所爭之田,宜限年斷,事久難明,悉屬今主。 然 民者,爲之修飾廟堂。表薦廣平宋翻、陽平路恃慶,皆爲朝廷善士。初,廣平人李波,宗族 後虛妄之民,絕望於覬覦;守分之士,永免於凌奪矣。」高祖深納之,後均田之制起於此矣。 審其徑術,令分藝有準,力業相稱,細民獲資生之利,豪右靡餘地之盈。則無私之澤,乃播 徒興,繁多之獄作。欲令家豐歲儲,人給資用,其可得乎!愚謂今雖桑井難復,宜更均量, 魏晉之家,近引親舊之驗。又年載稍久,鄉老所惑,羣證雖多,莫可取據。 立,行始返舊墟,廬井荒毀,桑楡改植。 之家,不獨膏腴之美,單陋之夫,亦有頃畝之分。所以恤彼貧微,抑茲貪欲,同富約之不均, 長短,兩證徒具,聽者猶疑,爭訟遷延,連紀不判。良疇委而不開,柔桑枯而不採,僥倖之 致治之本。 齊民於編戶。 出 時 [為安平將軍、相州刺史、假節、趙郡公。敦勸農桑,禁斷淫祀。 西門豹、史起,有功於 民 困 井稅之興,其來日久,田萊之數,制之以限。 飢 《流散,豪右多有占奪,安世乃上疏曰:「臣聞量地畫野, 竊見州郡之民,或因年儉流移,棄賣田宅,漂居異鄉,事涉數世。三長旣 事已歷遠,易生假冒。 蓋欲使土不曠功,民罔游力。 强宗豪族, 肆其侵凌, 遠認 經國大式; 邑地 遂爲逋逃之藪,公 各附親知,互有 相參, 雄擅

此,男子那可逢!」安世設方略誘波及諸子姪三十餘人,斬于鄴市,境內肅然。以病免。太和 十七年卒于家。 安世妻博陵崔氏, 生一子陽。 崔氏以妬悍見出,又尚滄水公主,生二子,

艦、郁

瑒,字琚羅。 涉歷史傳,頗有文才,氣尚豪爽,公强當世。 延昌末,司徒行參軍,遷司徒

地 排棄眞學,妄爲訾毁。 以陽爲誇毀佛法,泣訴靈太后,太后責之。陽自理曰:「竊欲淸明佛法,使道俗兼通,非敢 焉知死』,斯言之至,亦爲備矣。 安有棄堂堂之政,而從鬼敎乎!又今南服未靜,衆役仍煩, 旣非人理,尤乖禮情,堙滅大倫,且闕王貫。交缺當世之禮,而求將來之益,孔子云『未知生, 之罪,莫大不孝,不孝之大,無過於絕祀。然則絕祀之罪,重莫甚焉。安得輕縱背禮之情, 百姓之情,方多避役。若復聽之,恐捐棄孝慈,比屋而是。」沙門都統僧選等念陽鬼敎之言, 而肆其向法之意也?正使佛道,亦不應然,假令聽然,猶須裁之以禮。一身親老,棄家絕養, 長 曰神祇,人死曰鬼。 **兼主簿。太師、高陽王雍表薦瑒爲其友,正主簿。** 于時民多絕戶而爲沙門,陽上言:「禮以敎世,法導將來,跡用旣殊,區流亦別。故三千 湯曰『知鬼神之情狀』,周公自美,亦云 『能事鬼神』,禮曰 『明則有禮 且鬼神之名,皆通靈達稱,自百代正典,敍三皇五帝,皆號爲鬼。天

知

場言為

允,然不免暹等之意,

猶罰

瑒

金

兩。云

樂, 幽 隱, 幽 則 名之爲 有 鬼 鬼,愚謂 神 <u>.</u> 是以 非 明者 謗。 爲堂堂,幽者爲鬼敎。 且 心 無不 善,以佛道 爲教 佛非天非地,本出於 公者,正 可 未達衆妙之門耳。」 人, 應世導俗, 靈太后 其道 雖

辦矣。」 驃 於 與 雄 騎 參 河 勇, 大 陰 決。 轉 其樂從者數 將 尙 遇 故其下 害,時 書郎, 寶夤 軍 、儀 毎 又啓爲 同 年 加伏波將軍 有戰功,軍中 三司 四 百騎,場傾家賑恤,率之西 干 中書侍郎。 、冀州 五 初 o 刺 贈 號曰「李公騎」。寶夤又啓瑒爲左丞,仍爲 隨肅寶夤 史。 鎭東 還朝,除鎭遠將軍 將軍、 西征,以陽爲統軍,假寧遠將 尚書右僕射、 討。 寶夤見場至,乃拊 一、岐州 刺 殷州刺史,太昌 史,坐辭 瑒 不 軍。 肩 ·赴任 別將, 中 場德洽鄉 重 発 子 軍 三贈散 官 機 遠 戏政, 來 騎常侍 建義 閭 招招 吾 初 皆 事 募

中 經 ,[10]形 爲 老 瑒 博 俶 骸 儻 土 () 毀悴。 有 也。」與弟謐 大志,好 人 偷 飲酒 特相 哀 歎 之。 友 篤 愛,謐 於親 場三子。 知 在 , 毎謂弟 鄕 物故,場慟哭絕氣, 郁曰:「士大夫學問, 久而 方蘇, 稽博 不 古今 食數 而 罷, 日, 期 何 年之 用 專

長子義盛,武定中,司徒倉曹參軍。

陽弟謐,字永和。在逸士傳。

謐 弟 郁,字 永穆。 好學沉靜,博通經 史。 自著作佐郎爲廣平王懷友,懷深相 禮遇。時學

儀 者,莫不嗟善。 於 儒 士 同三司、定州 年春,於顯陽殿講禮,詔郁執經,解說不窮,羣難鋒起,無廢談笑。 鄕 者之風。 徐 里。 稍 遵 遷國 明教授山東,生徒甚盛,懷徵遵明在館,令郁問其五經義例十餘條,遵明所答數條而 永熙初,除散騎常侍、大將軍、自己左光祿大夫、兼都官尚書,尋領給事黃門侍郎 子博士。 遷廷尉 刺 尋病卒,贈散騎常侍、都督定冀相滄殷五州軍事、驃騎大將軍、尚書左僕射、 史。 少卿,加冠軍將軍,轉通直散騎常侍。建義中,以兄陽卒,遂撫育 自國學之建,諸博士率不講說,朝夕教授,惟郁 而已。 出帝及諸王公凡預聽 謙虚 雅寬,甚有 孤 姪 分歸

子士謙,儀同開府參軍事。

此 見器量 李 沖 ,字思順,隴西人,敦煌公寶少子也。 非 恒,方爲 門戶所寄。」沖沉 雅有大量,隨兄至官。 少孤,爲 長兄榮陽太守承所攜訓。 是時牧守子 弟 小多侵亂 民 承常言: 無,輕

禁中 文事 顯 祖), 以 末,爲 修 整 中 書 敏 惠, 學 生。 漸 見寵 沖善交 待。 遊,不妄戲 遷 內秘書 雜 令、南部給事 流 輩 重 之。 中 高 祖 初 以 例遷秘書中散,典

奪,沖

與承

長

子韶獨淸簡皎然,無

所

求

取,時

人美焉

恐成擾 稱方 言,但 宜。 欲,爲之易行。」著作郎 見均徭省賦之益,心 令高 而 由 不 來 今有事之月 可 冲 一届等日:「沖求立三長者」 遠,於是創三長之制 試 ?ٰ_ · 亂。」太后曰:「立三長,則 日 行之,事 羣 長, 議 民者,冥也 雖 惟立宗主督護,所 有 ,校比民戶,新舊未分,民必勞怨,請過今秋,至冬閑 敗之後 乖 必 異,然惟 」,可使· 生怨。 傅 ,當知愚言之不謬。」太尉 思益 而 上之。 由之,不可 宜及 以變法 進 乃欲混天下一 課 日 課調 以民多隱冒,五十、三十家方爲一 有 "「民俗旣異,險易" 文明太后 常 爲 準,赋 難 使 之月,令知赋 知之。 更 覽 法。 有 無 而 異義。 恒 若不因 元丕 稱善, 言似可 分,苞蔭之戶可 稅 不 曰:「臣 遂立三長,公私便 之均。 同,九品差 引 調 用, 見 時, 公 謂 事 旣識 百 卵議 實難 此 姓徒 出 調 法 其 之。 岩行 行。 月, 戶。 為 事 知 僥倖之人可 、又得 日已久,一 徐 之。 立 中書令 ,於公私有 羲 冲 長 乃 以 又 校 遣 其 三正治民,所 曰:「不 使 鄭義 戶之勤 利, 止,何爲 旦改法, 因民之 於 益 事 信 祕 , 咸 爲 書 臣

幸、恩 接物,垂念羇 冲 家 素清貧,於是始爲富室。 遷 寵 中 日盛, 書令,加散騎常 寒 賞賜1 、衰舊 月至數千 淪 屈 侍, 由 之躋敍者,亦 萬, 給 而謙 事 進館 中 以自牧, 如 隴 故。 四 以 積 公, 尋 轉 多 而 矣。 密致珍寶御 能散,近 南 部 時 尙 以 書, 此 自 稱 烟 物 賜爵 之。 族,逮于鄉閭,莫不分及。虛己 以 充 順 其 陽侯。 第, 外人莫 冲 爲 文 得 明 而 太后 知 所

初 ,沖兄佐與河南太守來崇同自涼州入國,素有微 嫌。 佐因緣成崇罪,餓死獄中。後崇

末。 納 末 部 子 嫌 馬 護 郞 沖聞 隙, 於 深 又糾佐贓罪,佐及沖等悉坐幽繫,會赦乃免,佐甚銜之。 冲 慮 乞原恕之,遂得 ,始孫輒受而 之,大驚,執 爲 沖所陷,常求退避,而 始孫 不爲言。 不坐。 以狀款奏,始孫 後假 沖從甥陰始孫孤貧,往來沖家,至如子姪。 冲 方 毎慰撫之。 **,便,借沖此馬,馬主見沖乘馬** 坐死。 其處 護後 要自厲 坐贓罪,懼必不濟。 ,不念愛惡,皆此 至沖龍貴, 而 不得官,後乃自 綜攝內外, 沖乃具 有 類 人 也。 求官,因 奏 護 與 陳始 爲 護 其 本

遷侍 莫二。 女 忠奉 心 為 gĺ 夫 中 上, 知 是時 於是天下 見待 、東部 及改 人。 循舊, 無不 接 置 有 尚書、 咸陽王 百司,開 翕 盡,出入 加。及議禮 王 然,及殊方 公重臣皆 建五 憂勤,形於顏色, 師。 儀 等,以沖參定典式,封榮陽 呼其名,高 聽 律令,潤飾辭旨,刊定 望,咸宗奇之。 東宮旣建,拜太子 祖常謂沖爲中書 雖舊 高 臣戚 少傅。 祖 輕重,高 亦 輔,莫能 深 郡 開 高 相 而 祖 國 杖 祖 不名之。 速之, 信,親 初依周禮,置夫、嬪 侯, 雖自 食邑八百戶,拜 下筆,無不 無不 敬 文明太后 彌 甚 服 广,君 其 明斷 訪 臣 崩後,高 決焉 之列 之間 廷 愼 尉 密 ′ ,以沖 卿。 沖竭 情 祖 mi 尋 義 歸 居

聿 臺 廣 厦 詔 建 崇威 未 央 昔 於 於 軒皇誕 成鎬 中 葉。 御、垂棟宇之構、爰歷三代、興宮觀之式。然茅茨土堦、昭德於 蓋 良 所以尊嚴皇威, 由 文 質 (異宜 華 崇重帝德,豈好奢惡儉,苟 樸 殊 禮 故 也。 是 以周 成 繼業,營明 弊民 力者哉? 党於 東 我皇 上代, 都 漢 運 統 祖 層

列

傳

模, 後, 監 殊 因 休 南 往 期 非任 協 復 歲之豐資,藉民情之安逸,將以今春營改正 纂乾 事 多 能莫濟。 自 營 鍾 昌運, 改。 非 曆 裁 銳 度當春,興役徂暑,則廣制崇基,莫由 至於三元慶饗 宜遵遠度,式茲宮宇。 意四方,未遑建制,宮室之度,頗爲未允。 尚書沖器 懷淵 萬 博,經度明遠,可 國充庭,觀光之使, 指訓 規模,事昭於平日 殿。 領將作大匠; 具瞻 克就。 違 犯時令,行之惕然。 有 太祖 成功立事,非委賢莫可 闕。 ; 司 初基 明堂、太廟 空、長樂公亮,可 朕 以寡德,猥 雖粗 一、已成 有經式, 但 朔 承 洪 土 於昔年。 與大匠 、改制 緒 多寒,事 自茲 運 共 屬 規 叉 厥

弊, 後 等 必 咎。 進, 高 月 正 須 興繕。 祖 前路 公等更 停滯, 十間,三岩雨猶不 陛 戎服 以 車 下 駕 水 尙 其去故 以 南 雨 執 欲 遙 餇 文軌 。鞭,御 御 爲 伐 老糧 小水 何云? 難,然天 加 潦 未 景新之宜,修復太極之制,朕當別加 乏,進 冲 馬 方 ---**,** 沖進 輔 而 甚 時 國大將軍 親 出,羣臣啓顙於馬首之前。 Ė, 退 頗 百:[勞 爲 且 亦 聖駕, 此乃天 難,矜 伊 可 臣等不能 洛境內,小 ,統衆翼從。 知。 喪反 臣 也, 一等誠 何 脫於此而晴, 者? 旆 折 ,於義爲允。」高 水 思 衝 夏旣 獪 Ľ 帷 自 軀 尙 幄,坐制 發 炎旱,秋 致 盡 都 高 難 命, 指 行則 祖 至於洛陽,霖雨不霽, 沉沉 授。」 四 目 劾 [一長 故 海 長 無害。 祖 死 雨多 江 一而 日 戎 浩汗 驅 行。 令南 ,玄冬之初 之謀,廟算已定,今大軍 古不伐喪, 越越 同 然 有 之意, 自 在 竊 離 南 號 都 仍詔 境。 之渠,實 調諸 前 必 淫 當 已具 若營 酮 二六軍 侯同軌之 開 爽 士馬 臣等之 护 一發軫。 載り 將 北 卿 困

王業之 之美, 甚 左,不 未 之。 南 無 馬、安定王 經營宇宙 國 之所 萌 成 非王者統一之文。 漢 度土 欲者右。」 卽 何 <u></u> 貴 文 行 當 以示 英 寧 至德者不議 中 移 休 無 · · , 兼 如 以 都 後? 同 吾 心 一安定 制 园 遺 獨 於此,光宅 , 左僕 茍 輕遺 體 帝京 域,而 乘千里馬, ? 王 欲 於俗,成 射、任城王澄等並 一 休 等 相 請 愛壤。 已至於此,何容停駕。」沖又進曰:「今者之舉,天下所不願, 班 周公啓之於前,陛 卿等儒生,屢疑大計 上安聖躬,下慰民望,光宅中 師 土 無 中 竟 大 率 今之君 機 以垂之千載。 何至 如 功者不 右 亦 也? 子, 時 ·謀於 一殷勤 矣,王 前 寧獨 臣 下行 南安王楨 有 衆,非常之人 泣 股 仰 公等以爲 斧鉞 有懷? 意 諫。 之於後,故 而 惟 有常, 無其辭,敢 進 高 遠祖 當 原, 祖 曰:[三]「夫 何 由 乃諭 其 乃能 卿勿 如 輟 天 世 宜 ? 彼 工人 居 羣 議 以 也。 復言」策馬將 南伐。 建 幽 臣 非 之所 死請。」高 代、 愚者闇 漠, 曰:「今者興 常 且 決,不 王業 之事 天 此 違 下 臣等願 於 衆 至 。三三廓 祖 須 成 南 得 重 成 大怒 Щ 事, 遷, 動 旋 故 ,莫若皇居, 踵, 不 唯陛 智 以 享 也。 於 꺠 日 小 广广方 蒼 者 欲 是 都 大 生 見 若 遷 下 以 無 動 幸 欲 延 於 者 窮 司 欲 不 而

定鼎 多所 成周。 高 祖 不 初 願 謀 然 營 南 內 建 遷 憚 六寢 、恐衆 南 征 不 心 無敢言者, 可 戀舊,乃示 遊駕待就,興築城郛,難以馬上營訖。 於是定都 爲 大舉,因 洛陽 以 育定 o 冲 言 |羣情,外名南伐, 於 高 祖 日 願 _: 陛 暫還北 其 下 實 方 都,令臣下經 修 遷 也。 周 公 舊 之制 人懷

羣

臣

咸

唱

萬

歲

列

傳

任

改封

陽平郡開國侯,邑戶如先。

造, 岳,至鄴小停,春始便還,未宜遂不歸北。」尋以沖爲鎭南將軍,侍中、少傅如故,委以營構之 功成 事 訖,然後備文物之章,和玉鑾之響,巡時南徙,軌儀土中。」

高祖曰:「朕將巡省方

之舉。 豊 急 急 腹』,南鄭於國,實爲馬腹也。且昔人攻伐,或城降而不取;仁君用師,或撫民而遺地。 界之外,孤據羣賊之中,自己敵攻不可卒援,食盡不可運糧。古人有言,『雖鞭之長,不 而 且 者之舉,情在 史,待軍 擬 自 討 旋戮。 西師 魏 漢中 Щ 境 外,雖加優復,恐猶驚駭,脫終攻不克,徒動民情,連問結夷,事或難測。 車 今 於 所 出後、餉援連續、加氐胡叛逆、所在奔命、運糧擐甲、迄茲未已。今復豫差戍卒、懸 駕南伐,以沖兼左僕射,留守洛陽。 克鄭城,然後差遣,如臣愚見,猶謂未足。 鍾離 今日 召雍涇岐三州兵六千人擬戍南鄭, 克城則遣。 沖表諫曰: 「秦州險阨, 地接羌 東道既未可以近力守,西蕃寧可以遠兵固? 九州 拯民,夷寇所守,意在惜地。 、壽陽、密邇未拔、赭城、新野、跬步 也? 過八,民人所臣,十分而 宜待 大開疆宇,廣拔城聚,多積資糧,食足支敵,然後置邦樹 校之二義,德有淺深。惠聲已遠,何遽於一城哉? 九。所未民者,惟漠北之與江 車駕渡淮,別詔安南大將軍元英、平南將軍劉藻 ,弗降。CIKI 所克者舍之而 何者? 若果欲置者, 臣恐終以資敵也。 西道險阨,單徑千里,今欲深戍絕 外耳。 不取,所降 輒依旨密下刺 將,爲吞幷 羈 之在近, 者撫之 叉今 且王 及馬

守致懼,求其死効,未易可 建 都土中,地接寇壤,方須大收死士,平蕩江會。 獲。 推 此 而論,不戍爲上。」高祖 輕遣單寡,棄令陷沒,恐後舉之日 從之。 ,衆以留

專,則權勢大併。더的今朕雖不得爲聰明,又不爲劣闇,卿等不爲大賢,亦不 兩 年許,少置官司。」 車駕還都 ,引見沖等,謂之曰:「本所以多置官者,慮有令僕**闇弱**, 百事稽 爲 大惡。 壅, 若 明獨 且可 聰

之勞,戰有兼人之力。」遷尚書僕射, 入洛,從洛入河,從河入汴,從汴入淸,以至於淮。下船而 廢,沖罷少傅。 今溝渠若須二萬人以下、六十日有 高 祖 自鄴還京,汎舟洪池,乃從容謂沖曰:「朕欲從此通渠於洛,南伐之日,何容不從此 仍領少傅。 成者,宜以漸修之。」沖對曰:「若爾, 改封清淵縣開 戰, 猶 國侯,邑戶 出 戶而 鬭, 如 前。 便 此 是土 乃 軍 及太子恂 無遠 國 之大 涉

今徙 期 上古也,則有親行,祚延七百。ここ魏晉不征,旋踵 夜悵惋,良在 未 極中天,創居嵩洛,雖大構未成,要自條紀略舉。 知早晚 高 祖引見公卿於淸徽堂,高祖曰:「聖人之大寶,惟位 於茲。 知 幾 其 取南之計決矣,朕行之謀必矣。 神乎,朕旣非神,焉能知也。 而頃來陰陽卜術之士,咸勸脫今征必克。 而殞,祚之修短,在德不在征。 若依近代也,則天子下帷深宮之內,準 但南有未賓之豎, 一與功, 是以 功成作樂, 兼兇蠻密邇,朕夙 治定 今但以行 制

遷 慮 之法,先之人事,然後卜筮, 捷,三君子 事 去 此 文 衆 功 旣 十七年,擁二十萬 家國 致不 業 有 社 未定,加之征戰,以爲未 大 · 捷。 並付司寇。 稷之憂。 事 ず、宜共 若待 然咫尺寇戎,無宜自安,理 君 入事 一衆,行不出畿甸,此 不可 臣各盡所見,不得以股先言,便致依違,退有同異。」沖對日 '備'復 不人盡其心。」罷 今ト筮 非天時, 可。 雖 宜至來秋。」高祖 吉, 若之 人事 猹 何? 議 恐人 之盛,而 須 而 事 出 如僕射之言,便終無征 如 未備。 此。 非天時。].日 僕 射言 僕射之言,非爲 今年 往 秋 人事未從,亦 年乘機,天時乃可,而 稔, 有損 理 不 、常實、 股若秋行 不 合。 必 又京 :「夫征戦 股 如 此。 意之所 無克 闕 師 始 股

蒼 「朕 咸 天 生 道 悦,天人同 尙 咸 猶 後 ,弗能 世宗 爾 幸。 況 革 爲太子 但 其昏,師傅 泰,故延 人事乎? 臣 前 高 忝 2卿就 師傅, 祖藤於 故有升 何 . 勞愧 此 弗能 一醮,以暢 清徽 有 謝 酮 黜,自古而 也。 諧 堂。 仰 忻 高 慚 情。」高 祖 然。 天 日 日 ··「皇儲所以纂歷三才, 悼往欣今,良用 ,慈造寬含,得預 祖 又曰:「天 地之道, 深歎。」 此醮,慶愧 光昭 盈 沖對 七祖, 一交深。」高祖 日 虚,豈 東 斯 暉 有常泰 乃 承 億兆

父 而 非 太 尉 天性,於兄弟非同氣,敦薄旣差,故刑典有降,是以養子雖爲罪, 後 尚 成成 書 陽 疑 王 元拔、穆泰 禧等,以爲 《罪事,沖 律文養子 奏日 而 一前 爲 罪,父及兄弟不 彭城鎮將元拔與穆泰同逆,養子 知情者不 坐。 而父兄不預。 謹 審 降壽 律意 宜 以養 一從拔 然父兄 子 於

原之。」 以不襲者,重列爵,特立制,因天之所絕,推而除之耳,豈復報對刑賞? 明,無罪必矣。若以嫡繼,養與生同,則父子宜均,祇明不坐。 也。〔三〕養所以從戮者,緣其已觅所生,故不得復甄於所養。 條尋,罪在無疑,準令語情,頗亦同式。」 己,有罪便預坐。 同 禧等以為:『律雖不正見,互文起制,於乞也舉父之罪,於養也見子坐,是爲互起。 爲罪,養子不知謀,易地均情,豈獨從戮乎?理固不然。 則從坐於所養,口む明矣。 此律。 叉令文云:諸有封爵,若無親子,及其身卒,雖有養繼,國除不襲。 均事等情,律令之意,便相矛盾。 又律惟言父不從子,不稱子不從父,回回當是優尊厲卑之義。 詔曰:「僕射之議,據律明矣,太尉等論,於 伏度律旨, 臣以爲"依據律文,不追戮於所生, 此獨 且繼養之注云:若有別制 必不然也。』臣沖以 何福, 長處吞舟? 于斯則應死, 是爲有福 爲 互起 于國 可特 典矯 指例 不及 兩 所 臣

務益 時 志 論 强力,孜孜無怠,旦理文簿,兼營匠制,几案盈積,剞劂在手,終不勞厭也。 一六姻,兄弟子姪,皆有爵官,一家歲祿,萬匹有餘,是其親者,雖復癡聾,無不超越官次。 亦以此少之。 沖機敏有巧思,北京明堂、圓丘、太廟,及洛都初基,安處郊兆,新起堂寢,皆資於沖 然顯 貴門族,

年纔四十,而鬢髮班白,姿貌豐美,未有衰狀。 李彪之入京也,孤微寡援,而自立不羣,

李彪 皆 尉 瓠 溢 冲 冲 泥 頗 ,發聲悲泣 手自 也 一,僕 小 銜 省 作 人。 面 射 縛 家 亦 一 醫藥 後 一,不 爲 人不 高 滿 能 祖 所 矣。」 肆 知 不 自 南 解 口 勝 能 征 沖時震怒,自己數數貴彪前 療, 甚激切,因 冲 冲 詔 或謂 素性 與吏部 日: 「沖貞 溫 肝 柔 以自 尚書、任 藏傷裂。 而 和資 劾 城 性,德義 旦暴恚,遂發病荒悸,言語 旬有餘 高 王澄並 祖 後愆悖,瞋 覽其表,歎 樹 日 以彪 身,訓 而 卒,時年 倨傲 悵 業 目大呼,投折 自 者 無禮 家 四 十九。 逐 道素 亂錯 禁止之。 旣 儿 形 而 ', 猶扼 高 國 案。 日 祖 爲 盡收御 太和 腕 奏其罪狀 道 舉哀於懸 叫詈 固 之始, 可謂 史, 稱

萬、 朕 痛 敷 睿 在 于 布 弱 懷 範 五 龄 百 旣 恭 匹、蠟 早 留 信 委機密, 勤 !惠,有! 二百斤。」 應 陟 介兼 結 實 民 康 良 心 有 時 宿 可 務。 司 宜 奏諡 一褒,可 謂 鴻 國之賢 獑 日 文穆。 贈 遷洛,朝選 司 也,朝之望也。方 空 一公,給 葬 於 開清,升 覆 東園 舟 Щ 祕 · 近 冠 器、 昇龍 端 杜 朝 右,惟 秩 預 服 以以 冢 允出 具、衣 旌 高 功舊 祖 納 之意 襲,贈錢三十 奄致 忠 也。 肅 喪 柔 後 逝 明 車 一,足 駕 悲

祭, 勳 簡 以申吾懷。」 股 心 不 坴 徝 及與留京百官相 逝, 託墳 が嶺 見, 旋變 皆敍沖亡沒之故,言及流淚 覆舟 躬 睇 悲 仁 惻 舊 有 高祖 慟 朕 得留 衷。 臺啓, 可遣 知沖患 太牢 之

自

鄴

還洛

路經

沖墓,

左右

以

聞

高

祖

臥疾望

墳

掩泣

久之。 之。

詔

曰:「司

空文

〈穆公,

德

爲

時宗,

室。 風流 誅夷,而入參心膂,出幹政事 以 韶 所避屈。 同居二十餘年,至洛乃別第宅,更相友愛,久無間然。 狀,謂右衞宋弁曰:「僕射執我樞衡,總釐朝務,清儉居躬,知寵已久。朕以仁明忠雅,委以台 司之寄,使我出境無後顧之憂,一朝忽有此患,朕甚懷愴慨。」其相痛惜 後乎? 恒有憂色,慮致傾敗。 一識業,固乃一時之秀。 蓋有魏之亂臣也。 史臣曰:燕趙信多奇士。 沖兄弟六人,四母所出,頗相忿閱。 安世識具通雅,時幹之良。 其體時推運,皆此類也。 後榮名日 終協契聖主,佐命太和,位當端揆,身任梁棟,德洽家門,功著王 ,獻可替否,無際可尋,故能從容任遇,以功名始卒。 李孝伯風範鑒略,蓋亦過人遠甚。 子延寔等,語在外戚傳。 顯,稍乃自安。 **場以豪俊達,郁則儒博顯。** 及沖之貴,封祿恩賜皆以共之,內外輯睦。 而沖明目當官,圖爲已任,自始迄終, 皆沖之德也。 李沖早延寵眷,入幹腹 世祖雄猜嚴斷, 始沖之見私寵也,兄子 如 此 崔浩已見 其智器固 父亡後

心

列

傅

校勘記

- 宣世祖詔勞問義恭等 諸本「等」訛「率」,不可通, 今據北史卷三三李孝伯傳、 册府卷六六〇
- 七八九四頁改。
- 城內有貝思者 北、汲、殿、局四本「貝」作「具」、百衲本、南本及册府卷六六〇七八九五頁作「貝」。

按宋書卷四六張劭附張暢傳作「具思」,卷五九張暢傳又訛作「其思」。 具姓歷見元和姓纂等姓

氏書。 **魏**書 此傳敍李孝伯與張暢問答語實卽本宋書張暢傳,則北本以下諸本作「具」,亦有據。

但 本 書卷九 七劉裕傳記皇興元年正月劉彧所遣使名「貝思」、當是一人、却也作「貝」。今姑從百

衲本。

三 衆無三旅始 濟翮水 册府卷六六〇宋本同, 明本七八九六頁「三」作「一」。按宋書卷五 九張暢傳

也 作「一」, 據文義作 「一」是。 叉册府同 上卷頁及宋書張暢傳「翮 水」並作「融水」。檢宋書 卷七二

南平王鑠傳, 云:「鑠遣參軍胡盛之出汝南、 上蔡, 向 長 社。 汝願 帶不聞有關水或 融 水, 疑

有誤。

29 示 使崔 邪 利撫之而 E 較長。 作「示」亦通,

不改。

Бі. 興安二年出爲使持節散騎常侍平西將軍秦州刺史 墓誌集釋肅宗充華盧令媛墓誌圖版三七稱祖

淵、「夫人趙郡李氏、父孝伯 ,散騎常侍、尚書、使持節、平西將軍、泰州刺史、宣城公」。集釋卷二

歷引錢大昕 以來諸家之說, 證地形志卷1〇六下治庸坂之秦州為泰州之訛,並以此傳「秦州」亦

「泰州」之訛。 按此「秦州」當作「泰州」。但傳文無治蒲坂明文,今不改。

, . ベ し 況先臣 在蒙委任 册府卷八七五一〇三七三頁「在」作「往」,疑是。

フキノ 子安世 諸本卷末殿本入考證,不注所出。 有宋人校語云:「高氏小史,魏書列傳第四十五高祐、崔

諸本,祥及安世事皆附此卷孝伯傳後。按李肇經史釋題、楊九齡經史目錄,第四十五卷高祐、崔 挺、李安世三人。其傳云:『李安世,趙郡人也。宣城公孝伯之兄子,父祥, ,中書博士。』今魏書

挺、李安世三人。宗諫史目、殷藏用十三代史目惟高祐、崔挺而無李安世。 此卷論安世及場、郁

與北史同,疑李延壽用魏書舊語,後人移安世傳附孝伯,因取北史論安世父子事於此篇,亦不

可考證。故載之目錄同異,以備傳疑。」

三長旣立 在太和十年二月見卷七下高祖紀下。 於此矣」。 均田制 册府卷四九五五九二四頁「三長」作「子孫」。按下文說由於李安世上疏「均田之制,起 頒佈在太和九年四八五十月見卷七上高祖紀上,安世上疏,必在其前。 安世 上疏時,尚未頒佈均田制, 當然更沒有立三長。 而立三長却 疏 中所

<u>ハ</u> **猶罰瑒金一兩** 諸本「猶」訛「獨」,今據北史卷三三李孝伯附李瑒傳、册府卷五三〇六三三五頁

謂「三長旣立」,解釋不通。疑作「子孫旣立」是。

改。

期年之中 諸本「期」作「暮」、北史卷三三、册府卷八五二一〇二二六頁作「春」。「暮」乃「春」字形

近而訛,今據改,統一作「期」。

永熙初除散騎常侍大將軍 見卷一二三億氏志,與所除之散騎常侍、左光祿大夫、都官尙書等官品不相當。 北史卷三三「大將軍」上有「衞」字。 按大將軍第一品,班在三公上 且李郁死後贈驃騎

比後! 月十間 册府卷五四一六四八五頁「月十」作「十月」,疑是。

大將軍、豈有生前已爲大將軍之理。

這裏「大將軍」上當脫「衞」字。

册府採魏書而 前南安王楨進曰 安王楨傳,植先以聚斂「削除官爵,禁錮終身」,後以議定遷都,復封。 這時王爵未復,故稱「前」。 與北史同,知這裏脫「前」字,今據補 諸本無「前」字,北史卷三三李沖傳、册府卷一三一四八頁有。 按卷一九下南

非常之人乃能建非常之事 諸本「乃能」下脫「建」字,今據册府卷一三一四八頁補

二吾 「中」和上「深戍絕界之外」相對、「口」字訛、今據改。 孤據羣賊之中 諸本「中」作「口」、删府卷五三〇六三二七頁、通鑑卷一四〇四三八三頁並作「中」。按

赭城新 〇六中地形志中南青州東莞郡有諸縣,也卽漢琅邪郡的諸縣,故城在今山東諸城縣西南。 野) 跬步 /弗降 諸本「赭」作「諸」、通鑑卷一四○四三八三頁作「赭」、 考異不言有異文。 按卷 其

注,和 地自皇興三年四六九慕容白曜取青州後,久屬北魏,不得云「跬步弗降」。「赭城」即赭陽見通鑑胡 新野都是南齊邊界要地,太和二十一年四九七元宏親自統軍南下,赭陽、新野始被攻佔見卷

七下寫理紀下。這裏「諸」字顯爲「赭」字形訛,今據通鑑改。

若明獨聰專則權勢大併 册府卷四六五三頁此句作「若明,則聽斷獨專; 聰,則權勢大併」,語

意較明白,疑傳本訛脫。

準上古也則有親行祚延七百 七百」與下「魏晉不征,旋踵而殞」相對。「則有」下當有脫文,冊府殘存「周武」二字,但所脫不 册府卷五七六三四頁「親行」上有「周武」二字。按「周武親行、祚延

止 |此,「則有」下當有與上句「天子下帷深宮之內」作對的幾個字,然後接「周武親征」云云。

謂 據律文,養子不因生父犯罪而連坐,那麽養父犯罪就該連坐。無「不」字不可通,今據補。

諸本「追」上無「不」字。册府卷六一五七三九一頁有。

按李沖意

不追戮於所生則從坐於所養

不稱子不從父 百衲本此句作「稱子不不從父」,顯誤,北本、汲本、殿本作「稱子不從父」,南

本如上摘句。 册府同上卷頁作「不言子不從父」。按百衲本「稱」上「不」字誤移在「子」字下,

致不成語,北、汲、殿三本删一「不」字,上下語意不貫,册府「稱」字作「言」,但上同有「不」字,知

南本、局本是,今從之。

於典矯也 諸 本「典」訛「曲」,不可通,今據册府同上卷頁改。

列傳第四十一 校勘記

沖時震怒 李沖暴怒之狀,且李彪與沖權勢不敵,沖何故震恐?「恐」乃「怒」之形訛,今據改。 諸本「怒「作「恐」,·北史卷一○○自序、册府卷四七八五七一○頁作「怒」。按下文極言

魏書卷五十四

列傳第四十二

游雅 高間

其族, 允不從。 以 出爲散騎常侍、平南將軍、東雍州刺史,假梁郡公。 軍。 類 人物。一 國史之任。不勤著述,竟無所成。詔雅爲太華殿賦,文多不載。雅性剛戆,好自矜誕,陵 徵拜中書博士、東宮內侍長,遷著作郎。 稍遷太子少傅,領禁兵,進爵爲侯,加建義將軍。受詔與中書侍郎胡方回等改定律制。 也。 游 雅,字伯度,小名黃頭,廣平任人也。 高允重雅文學,而雅輕薄允才,允性柔寬,不以爲恨。允將婚于邢氏,雅勸允娶于 允著徵士頌,殊爲重雅,事在允傳。 雅曰:「人貴河間邢,不勝廣平游。 少好學,有高才。 使劉義隆、授散騎侍郎、賜爵廣平子、加建威將 雅因論議長短,忿儒者陳奇,遂陷尚至族,議 人自棄伯度,我自敬黃頭。」貴己賤人,皆 在任廉白,甚有惠政。徵爲秘書監,委 世祖時,與勃海高允等俱知

列

此

獵

一一九六

者深責之。和平二年卒。贈相州刺史,諡曰宣侯

子僧奴,襲爵。卒,子雙鳳襲。

雅弟恒,子曇護。 太和中,爲中散,遷典寺令。 後慰勞仇池,爲賊所害。 贈肆州刺史。

祖 雅 ,少有令名,州別駕。 **父洪,字季願,陳留王從事中**郞。 高閭,字閻士,漁陽雍奴人。 五世祖原、晉安北軍司、上谷太守、關中侯, 間貴, 乃贈寧朔將軍、 幽州刺 有碑在薊中。

史、固安貞子。

將,與鎮南大將軍尉元南赴徐州,閻先入彭城,收管籥,元表閻以本官領東徐州刺史,與張 間 而字焉。眞君九年,徵拜中書博士。和平末,遷中書侍郎。 閻早孤,少好學,博綜經史,文才儁偉,下筆成章。 文明太后臨朝,誅渾,引閭與中書令高允入於禁內,參決大政,賜爵安樂子。 本名驢,司徒崔浩見而奇之,乃改爲 高宗崩, 乙渾擅權,內外危 加南 中郎

顯祖傳位,徙御崇光宮,閭上表頌曰:

興,三王殊禮而致治,用能憲章萬祀,垂範百王,歷葉所以挹其遺風,後君所以酌其軌 臣聞創制改物者,日應天之聖君,齷齪順常者, 守文之庸主。 故五帝異 規而化

大其成功; 太伯讓季, 孔子稱其至德。苟位以聖傳, 臣子一也。謹上至德頌一篇, 其 位,傳祚聖人。開古之高範,爰萃於一朝;曠葉之希事,載見於今日。昔唐堯禪舜,前典 是從容閑覽,希心玄奧,尙鼎湖之奇風,崇巢由之高潔,疇咨熙載,亮采羣后,爰挹大 同,齊斧北斷,則獫狁覆斃。西摧三危之酋,東引肅愼之貢,荒遐款塞,九有宅心。於 度。伏惟太上皇帝,道光二儀,明齊日月,至德潛通,武功四暢。霜威南被,則准徐來

勝殘豈遠,期月有成。翹翹東岳,庶見翠旌。先民有言,千載一泰。昔難其運,今易其 呈皓、醴泉流液。黃龍蜿蜿、遊鱗奕奕。沖訓旣布、率土咸寧。穆穆四門,灼灼典刑。 和,動之斯震。自東徂西,無思不順。禎侯並應,福祿來格。嘉穀秀町,素文表石。玄鳥 暉疊旦。六府孔修,三辰貞觀。功均乾造,雲覆雨潤。養之以仁,敦之以信。綏之斯 素。道映當今,慶流後祚。明明我皇,承乾紹煥。比誦熙周,方文隆漢。重光麗天,晨 分,禮樂四缺。上靈降鑒,思皇反正。乃眷有魏,配天承命。功冠前王,德侔往聖。移 德是與。 夏殷世傳,周漢纂烈。 道風雖邈,仍誕明哲。 爰暨三季,下凌上替。 九服三 風革俗,天保載定。於穆太皇,克廣聖度。玄化外暢,惠鑒內悟。遺此崇高,挹彼沖 茫茫太極,**悠悠遐古。**三皇創制,五帝垂祜。 仰察璿璣,俯鑒后土。 雍容端拱,惟

一一九八

會。 沐 浴 淳澤 ,被服冠帶。 飲和陶潤,載欣載賴。 文以寫意,功由 頌宣。 吉甫作歌,式

昭永 年。 唐 政 緝熙,康 哉 垂篇 仰 述徽烈,被之管絃

(伐)碑 類祖 高允 以関 善之。 文章富逸,舉以自代,遂爲顯祖 承明初,為 中書令, 加給事 中, 所 知,數見引接,參論政治。 委以機密。 文明太后甚 重閲 命造鹿苑頌、 認 令書檄 碑 针比

銘贊頌皆其文也。

意, 也。 城,凡有五 兵 劣,本非武 「六軍電發,有若摧朽, 者凶器,不得已而用之。 當 縦 太和三年,出 延 使 日 如 月, 處,難易相棄, 用,至於軍旅,尤所不 心 屯衆聚費, 於國 師討淮北, 閭表曰:「伏見廟算有事淮海,雖成事不說, 猶 無 何 用, 慮 皆須 于何 發兵遠入, 四 今天下開 難 文學。 不 學。 也。 有。 直 泰,四方無虞,豈宜盛世,干戈妄 疑四 然攻守難圖, 費損 以無諱之朝,敢肆在瞽,區 也。 轉 多。 **伏願思此四疑,** 若不置 力懸 百倍, 城, 是謂空爭。 反覆思量, 時速返旆。 區 短 動。 見,竊 未 疑三也。 疑 」文明太后 可思量。 見 有 其利 也。 所疑。 脫 淮 臣 令曰 以 北 疑 臣 如 愚 之 聞

遷尙 書、中書監 淮 南 王 他 奏求 依 舊斷祿,文明 太后 令召 羣臣議 之。 間 表 日

故 車服有等差,爵命有分秩;德高者則位尊,任廣者則祿重。 天 生烝民,樹 之以 君 明 君 不 能 獨 理 必須 臣 以 作 輔 君 下者祿足以代耕,上者俸 使 臣 以 一禮,臣 事 君 以 忠。

辟備禮容之美。 而 足 垂 惠則厚,臣受其祿,處恩則深。 以行義。 斯道弗改。 庶民均其賦,以展奉上之心;君王聚其材,回以供事業之用。 自中原崩否,天下幅裂,海內未一,民戶耗減,國用不充,俸祿遂廢。此 斯則經世之明典,爲治之至術。自堯舜以來,逮于三季,雖優劣不同, 於是貪殘之心止,竭効之誠篤,兆庶無侵削之煩,百 君班其俸,

觀之,如何可改。 行,於今已久,苛慝不生,上下無怨,姦巧革慮,闚覦絕心,利潤之厚,同於天地。以斯 禮式,稽考舊章,準百王不易之勝法,述前聖利世之高軌,置立鄰黨,班宣俸祿,事設令 大魏應期紹祚,照臨萬方,九服旣和,八表咸謐。二聖欽明文思,道冠百代, 動遵

則

事出臨時之宜,良非長久之道。

保。 則 家 給 《清者足以息其濫竊, 貪者足以感而勸善,若不班祿,則貪者肆其姦情,清者不能自 難 人足,禮讓可得而生。但廉淸之人,不必皆富,豐財之士,未必悉賢。 又洪波奔激,則隄防宜厚, 姦悖充斥,則禁網須嚴。且飢寒切身,慈母不保其子, 易之驗,灼然可知,如何一朝便欲去俸。淮南之議,不亦謬乎。 今給其俸,

韶從閣議。

祖 又引見王公已下於皇信堂,高祖曰:「政雖多途,治歸一體,朕每蒙慈訓,猶自昧

彦朝 爵人,先試之以官,官定然後祿之,三載考績, 賢,休戚所共,宜辨斯 誠知忠佞 有損益,而未識 眞偽,以釋股懷。」 尚書游 其異同,恒懼忠貞見毀,佞 然後忠佞可明。」閭 明根 對 人便進。 曰:「忠佞之士,實亦 寤寐 目 「竊謂袁盎徹愼 思此,如 有隱憂。 難 知 夫人 依古 國

楚, 明哉? 有別 同 心 忠佞之行,時或互有,但忠功顯卽謂之忠,佞迹成斯謂之佞。 席,是其忠), 則 以附 初雖隨述,終致忠言,此適欲幾諫, 明矣。 得其所以異; 或有託 道。 ,潛殺晁錯,是其佞。 譬如 朕所問者,未然之前,卿之所對,已然之後。」閭曰:「佞者,飾智以 佞 以 玉石, 成忠,或有假忠以 尋之於異, 皦然可知。」 則失其所以同。 若以異人言之,望之爲忠,石顯是佞。」高祖 高祖 飾 非爲佞也。 佞。 日: 如楚子綦後事 「玉石同體 出處同 子綦若不設初權, 異之間,交換忠佞 而異名,忠佞異名 顯忠,初非佞也。」 史官據成事 後忠無由 、之境, 而書, 而 曰「自非 固 行 同 日::[] 豈是 是 得顯。」高 事 理。 於 ,;忠者,發 今觀之, 子綦諫 皦 求之於 聖 然易

閻後上表曰

善闆

故遠 之,暴敵輕侵,則設防固以禦之,臨事制勝,則明刑賞以勸之。 人不服, 臣 聞 爲 國之道,其要有五 則修文德以來之,荒狡放命, 日文德,二日武功,三日 則播 武功以 威之,民未 法 度,四 用能闢國 知戰, 日 防 則 固 寧方,征伐四 制 五, 五 法 日 度 刑 以齊

因 勞之勤,乃有永逸之益,如其一成,惠及百世。卽於要害,往往開門,造小城於其側。 陵,王公設險以守其國,長城之謂歟。今宜依故於六鎭之北築長城,以禦北虜,雖有暫 術之不長,兵衆之不足,乃防狄之要事,其理宜然故也。 易稱天險不可升,地險山川丘 始,長城是築,漢之孝武,踵其前事。 常故也。六鎭勢分,倍衆不關,互相圍逼,難以制之。昔周命南仲,城彼朔方,趙靈、秦 逃,不齎資糧而飲食足。是以古人伐北方,攘其侵掠而已。歷代爲邊患者,良以倏忽無 不能成患,雖來不能內逼。又狄散居野澤,隨逐水草,戰則與家產並至,奔則與畜牧俱 .地却敵,〔三多有弓弩。狄來有城可守,其兵可捍。旣不攻城,野掠無獲,草盡則走, 北狄悍愚,同於禽獸,所長者野戰,所短者攻城。若以狄之所短,奪其所長,則雖衆 此四代之君,皆帝王之雄傑,所以同此役者,非智

兵革之宜,識旌旗之節,器械精堅,必堪禦寇。使將有定兵,兵有常主,上下相信,晝夜 選忠勇有志幹者以充其選。下置官屬,分爲三軍,二萬人專習弓射,二萬人專習戈盾, 人專習騎矟。修立戰場,十日一習,採諸葛亮八陣之法,爲平地禦寇之方,使其解 宜發近州武勇四萬人及京師二萬人,合六萬人爲武士,於苑內立征北大將軍府, 七月發六部兵六萬人,各備戎作之具,敕臺北諸屯倉庫,隨近作米,俱送北鎮。

終必懲艾。

列

地,三百人三里,三千人三十里,三萬人三百里,則千里之地,强弱相兼,計十萬人一月 不 至八月,征 來、然後散分其地,以築長城。 北部率所領與六鎭之兵,直至磧南,揚威漠北。 計六鎭東西不過千里,若一夫一月之功,當三步之 狄若來拒,與之決戰,若其

登城 得不匱,其 觀敵,以逸待勞,其利三也;省境防之虞,息無時之備,其利四也;歲常遊運,四永 計築長城,其利有五:罷遊防之苦,其利一也;北部放牧,無抄掠之患,其利二也; 利 五也。

必就,運糧一月不足爲多。人懷永逸,勞而無怨。

忠臣 其 大 盡其心,征將竭其力,雖三敗而踰榮,雖三背而 功,足其兵力,資其給用,君臣相體,若身之使臂,然後忠勇可立,制勝可果。 又任將之道,特須委信,遣之以禮,恕之以情,閫外之事,有利輒決,赦其小過,要 彌 龍。 是以

詔 日 :「覽表,具卿安邊之策。 比當與卿 面論一二。」

叛。 兵叛之,蠕蠕主身率徒衆,追至 「自古以 高 如臣愚見,宜興軍討之,雖不頓除巢穴,且以挫其醜勢。」閭曰:「昔漢時天下一統,故得 祖 來,有國有家莫不以戎 又引見羣臣,議伐蠕蠕。 一西漠。 事 爲首。 帝 曰:「蠕蠕前後再擾朔邊,近有投化人云,敕勒渠帥興 今為應乘弊致討,為應休兵息民。」左僕射穆亮對曰: 蠕蠕子孫,襲其凶業,頻爲寇擾,爲惡不 俊,自相違

引愆 見,謂 陵 若情思不至,應謝所 事 遣 窮 太平之基 辱, 嶿 追 高 北 蠕 発冠: 不宜 恐其 祖 使還,應有 狄,今南 日 謝 (還北, 弔。」高 何 「卿爲中 罪。 爲 搖 有吳寇,不宜懸軍深入。」高 書問 高 祖 必被謗誣。 動 任。」間 兵革? 祖 曰:「敬其父則 書監, 謂 以不。」羣臣 閭 夫兵 對 職 日 | | | | | | | | | | | 昔劉 日 典 文詞,所造旨書,不論彼之凶事 者凶器,聖王不得已而 「昔蠕蠕主敦崇和 以 準使殷靈誕 蠕使牟提 子悅, 敬其君 爲宜有, 祖 小 曰:「先朝屢興征伐者, 每禁下 乃詔閭爲 心 則臣悅。 恭慎,甚有使人之禮,同 親, 人不 用之。 書。 其子不遵父志, 卿云不合弔慰, 爲非 於時 便 禮之事, o 蠕蠕 可停也。」高 若知 以有未賓之虜。 國 而 屢犯 及其還國, 有 行疾其 不作,罪 是何言歟 喪, 祖 邊境, 而 叉 敦厚,每 書不 日言 在灼然, 果被譖 |]] 如 · 敍凶 今欲 臣 肸 愚 涿

JU 羣 臣 海 再 是年 拜 今陛下聖性自天,敦行孝道,稱觴上壽,靈應無差,臣等不勝慶踊,謹上千萬歲壽。」 上壽。 冬至,高祖 間進日 、文明 "「臣聞"大夫行孝,行合一 太后 大饗羣官, 高祖 親 舞於太后前, 家,諸侯 行孝,聲著 羣臣皆 國 舞。 ,天子行孝 高 祖 乃歌 ,德被 仍

「臣伏思太皇太后十八條之令,及仰尋聖朝所行, 議 政 於皇信堂,高祖曰:「百揆多 途,萬機 事 事周於百揆,理兼 猥, 未 周 之闕, 卿等宜 於 庶務。 有所陳。」 孔子 閭 對

高

祖

大悅

賜

羣臣帛,人三十匹。

愬

以以

致極刑

今爲旨書,可明牟提忠於其國

,使蠕蠕

主知

之。

列

傳

「臣聞 有政。 之刑。 之,謂之事。 因民 忠事 政 之法度,必理、必明、必行、必久,勝殘去殺,可不遠而致。」高祖曰:「刑法者,王道之所用。 所奉。」 法,犯違制約,致之於憲,謂之刑。 何者爲法? 年 出 「子夏 有成, 於 之心而改之。 闕。 高 大夫。 政者, 子曰: 刑 子產治鄭,歷載乃就。 宰民,故 祖 者,成也,成而不可改。」高祖曰:「論語稱:『冉子退朝, 又爲政之道,終始若一,民可使由之,不可使知之。 何者爲刑。施行之日,何先何後。」閭對曰:「臣聞創制立會,至 軌物齊衆,謂之 曰:「若君 然則天下大同,風軌齊一,則政出於天子,王道衰,則政 君 其事 故詩序曰:『王道衰,政敎失,則 上之所施行, 得稱 也。 願終成其事, 使至敎必行。 命爲 政。」帝善之。 如有政,雖不吾以,吾其與聞之。』何者 (政,子夏爲宮父宰,問政,此應奉命而已,何得稱政?」尚書游明根 合於法度,經國治民之屬,皆謂之政,臣下奉敎承旨,作而 今聖化方宣,風政驟改,行之積久,自然致治,理之必明,不 然則法必先施,刑必後著。 國異政,家殊俗。』政者,上之所行,事者,下之 臣反覆三思,理畢於此,不知其他。 政令旣宣,若有不合於民者, 1是政? 自鞭杖已上至於死罪,皆謂 孔子問曰:何晏 出於諸侯,君 何者爲 事 [] 閲對日: 也?對日 道 但使今 缺, 行 則

十四年秋, 閭上表曰:

奉癸未詔 書, 以春夏少雨,憂飢饉之方臻,愍黎元之傷瘁。 同禹湯罪己之誠,齊

之旨彌篤。 堯舜引咎之德,虞災致懼,詢及卿士,令各上書,極陳損益。 合三才,高 伏惟 明柔克,道被無外。 修復祭儀,宗廟所以致敬,飾正器服,禮 陛 下天啓聖姿,利見纂極,欽若昊天,光格宇宙。 七政昭宣於上, 九功咸序於下。 樂所以宣和。 深恩被於蒼生,厚惠流于 太皇太后 君人之量逾高, 謙光 增儒官以 以叡哲贊世,稽 重文德,

簡

勇

土

以昭

武功。

慮獄訟之未息,定刑書以理之,懼蒸民之姦宄,置鄰黨

以穆之,究庶

之矣。 竊 以 必 此 範之實徵,神祇之明驗。 倫 官之勤 之風 禮 以 斁。 消 抑絕讒佞,明訓以體,率土移風。 北 級 臣 災 鎭 门計運· 聞 故堯湯逢歷年之災,周漢 休 劇 之以 滅 新 瑞 皇天無私,降鑒在下,休咎之徵,咸由 ,班俸祿以優之;知勞逸之難均,分民土以齊之。甄忠明孝,矜貧恤 禍 ·徙,家業未就,思親戀本,人有愁心,一朝有事,難以禦敵。 並應、享 和,一 之符, 未 有 歲不 如彼之害,而陛下 灼然自見。 以五 ·收,未爲 及 |福,則康于其邦;咎徵 其厄運所纏,世鍾陽 雖王畿之內,頗爲少 大損。 遭水旱之患,然立 雖未勝殘去殺,成無爲之化,足以仰答三靈者矣。 殷勤引 但豫 過,事邁前王。 備 不虞, 人召。 屢臻,罰 九,數乖 一功修行, /雨,關 古之善政,安不忘危, 故帝道昌則九疇敍,君德衰而 以六極,則害于其國。 於天理,事 外諸方,禾稼仍茂, 終能 徙星澍 弭 息。 雨之徵,公 違於人謀,時則 可寬 今考治 其往 有國 獨,開 茍 指辰 則 斯 一來,頗 「常典。 動之 **污**洪 納讜 有 有 彝 可 如

列

相膽。 隨運以溢其處,云開關強禁,薄賦賤糴,以消其費,清道路,恣其東西,隨豐逐食,貧富 者,出靈丘下館之粟以救其乏,可以安慰孤貧,樂業保土。 使欣慰,開雲中馬城之食以賑恤之,日日以感德, 可以觅度凶年,不爲患苦。 致力邊境矣。 使幽、定、安、<u></u>并四州之租 明察畿甸之民,飢甚

放無用之獸。此乃救凶之常法,且以見憂於百姓。論語曰:「不患貧而患不安。」苟安 見囚於都曹,使明折庶獄者,重加究察。 禁令。宜於未然之前,申敕外牧。 而樂生,雖遭凶年,何傷於民庶也。 又聞常士困則濫竊生,匹婦餒則慈心薄。凶儉之年,民輕違犯,可緩其使役,急其 又一夫幽枉,王道爲虧,京師之獄,或恐未盡。 愚臣所見,如此而已。 輕者卽可決遣,重者定狀以聞。罷非急之作, 可集

詔曰:「省表聞之,當敕有司依此施行。」

表諫、言遷有十損、必不獲已、請遷於鄴。高祖頗嫌之。 令之勤,賜布帛千匹、粟一千斛、牛馬各三。 閻上疏陳伐吳之策,高祖納之。遷都洛陽,閭 後韶閭與太常採雅樂以營金石,又領廣陵王師。出除鎭南將軍、相州刺史。以參定律

曰「洛陽草創、虎旣不遣質任、必非誠心、無宜輕舉。」高祖不納。虎果虛詐、諸將皆無功而 蕭鸞雍州刺史曹虎據襄陽請降,詔劉昶、薛眞度等四道南伐,車駕親幸懸瓠。 閻 表 諫

向 以 鎭。 舟船 十則 今比昔, 忠 還。 固 鎭 拔 兵 祖 民襁 表 勞 者 其 不 勇 以 不 日 多留 猶 禦 素 克 本。 且 雕 戍 圍 高 回 負 畜 奮 其 過 逸 安 之,倍 南 祖 Щ 事 可 衆 數 土 郡 攻鍾離未克, 源 倒 土 兼數 以新 謂 ·樂本, 敵 糧 事 方 , ,土不 不 海 亂亡,僭主 因 不 則 澤流 運 而 0 塞,本不 之威,步 撃舊 倍。 、攻之。 先積之資, 難 可 留 角 闢 人之常情,若必留 邊方 濟。 兵 城 可 今 (守郡, 充。 蕞爾 前 騎數 以 所率 淮陰 拔 廛。 ,威惠普著矣。 將於淮南修故城而置鎭戍,以撫新附之民,賜閻璽書,具論其狀。 屢易, 陛 能 向 處處 又欲修 自 雖 以拒 熱,水雨方降,兵刃旣交,難以恩恤。 不可自 東接山 既寡,東西 夫豈無人,以大鎭未平,不可守 十萬南 固 翦枝竭 在淮 者,未之有 下 一始行之路。 渠通漕, 命將 北 全明 臨 陽, 戍, 流 去去 瓜步,諸郡 う終不 [懸闊 然元 親 軍 矣。 南 淮陽 征 還之後, 也。 路 通 ,難以 ,威陵江 非大舉,軍 若元 江 必 旣 可絕矣。 十八八 表, 昔彭城 由 逼 盡 戎 敵 于 並 、里,五 恐為敵 降, 兼近 旋旆, 之大 稱。 左 泗 之役,旣 壽陽 学 興後 口 m 江 固 , 泝 鎭, 伏 擒 肝 兵 風 都 一之役, 小故 承 時 胎 士挫 肝胎 淮 慕 隔深 本為 欲留戍淮 海 小 克 何 丽 化,克拔 也。 城 者? 西之資, 怯, 其 攻 上,須經 降附 淮 淮 城,戍鎭 重 之險 迎降,戎卒實 陰,淮 攻 夏雨 堰 鎭戍新立 歷 之民及諸守令,亦可 數 水 而 南,招撫新 時, 西有 角 城, 先塞其源 弗克。 水 少置 南之源本 已定, 城 長 施 肝 兵不 恩 懸 胎 救 少。 淮 班 能 而 附。 布 陰 ",伐木 在 援 師 、壽陽之 思叛 克。 足以自 也。 「異境, 之日, 德, 實 大鎭 兵 昔世 難 外 以 必 _ 閭

辰

不遠。」

徙置 力以待敵釁,布德以懷遠人,使中國清穆,化被遐裔。 淮北。 如 其不然,進兵臨淮,速渡士卒,班師還京。 踵太武之成規,營皇居於伊洛。 畜 淮南之鎭,自効可期,天安之捷,指

雖江 侯,猶欲封禪,而況萬乘。」高祖曰:「由 樂附。」高祖曰:「願從容伊瀍,實亦不少,但未獲耳。」閭曰:「司馬相如臨終恨不見封禪。今 國,以綏四方。』臣願陛下從容伊瀍,優遊京洛,使德被四海,中國緝寧,然後向化之徒,自然 獲者,良由兵少故也。且徙都者,天下之大事,今京邑甫爾, 庶事造創,臣聞詩云:『惠此中 「漢之名臣,皆不以江南爲中國。 猶犬之吠非其主。

且古者攻戰之法,倍則攻之,十則圍之。

聖駕親戎,誠應大捷,所以無大 諸將,並列州鎮,至無所獲,定由晚一月日故也。」閭對曰:「人皆是其所事,而非其所不事, 幽王之失,不容中止。發洛之日,正欲至於懸瓠,以觀形勢。然機不可失,遂至淮南。而彼 一介不賓,小賊未殄,然中州之地,略亦盡平,豈可於聖明之辰,而闕盛禮。 車駕還幸石濟,閭朝於行宮。高祖謂閭曰:「朕往年之意,不欲決征,但兵士已集,恐爲 且三代之境,亦不能遠。」高祖曰:「淮海惟揚州,荆及衡陽 [此桓公屈於管仲。|荆楊未一,豈得如卿言也。] 閭曰: 齊桓公霸諸

及車駕至鄴,高祖頻幸其州館。詔曰:「閭昔在中禁,有定禮正樂之勳,作藩於州,有廉

惟荆州,此非近中國乎了

淸 公 幹之美。 可 賜 帛 五. 自大軍停軫, 百 匹、粟一千斛、馬一匹、衣 庶事成**豊**, 可謂 一襲,以褒厥 國之老成, 勤 善始令終者也。 每惟厥德, 朕甚嘉

間 卿 依 北 上 府 將 表 置 軍 閭 頻 參 陳 表 毎 請 謝 陳 軍 朝 逐,不 之 本 於治 老 州 成, 以 聽。 體 自効, 宜遂情願 不便, 叉 車 詔 駕 表 日:関 ,徙授幽 !南討漢陽,閭上表諫求回師, 宜 一復舊。 以懸車之年,方求 州 高祖 刺 史, 不 悅。 令存 歲 勸 衣 餘, 兩 錦, 修, 表 高祖 知 求 恩 進忘退, 致 法 不納。 仕,優答 並 學。」閭 有塵 漢陽 不 謙德, 以諸 平, 許。 賜 州 可降 徴 閭 罷 爲太常 從事 號平 ,

卒 百 首 儒 使 仕 散 僚 路 舊 固 餞 騎常侍 世 告 感 求 Ź, 宗 老 悵 辭 世宗 踐 猶 永 任 兼 作, 閭累表 1 昔 羣 兼 懷 歸 遭 宜聽解宗伯, 吏部 世宗 使 安駟 公之祖 弔 尚 慰, 爲之流 書那 籝 遜位。詔曰:「閭貞幹早聞,儒雅素著,出 二疏也 赗 金, 逐安車 巒 帛 漢 涕 就 四 世 O 家 百 一樂貺 詔 閭 匹。 拜授。及 之禮,特 日 進 間 可 可 陟 四 年三 賜 北 解 歷官六 加 邙,上 安 引 優授, 崇老成 車、几 月, 見於東堂,賜 朝 望 贈 闕 著 鎭 杖、與馬 表, 北 勳 將 以示 之秩。 五 軍 紀, 繒 以 內清華,朝之儁老,以 鮅 戀 餚 綵 可 年 慕 州 衣衣 羞 禮 光 之 刺 致解 祿 ,訪之大 誠 服 史, 大夫,金 義 諡 布 景 帛 日 明 光 政 文侯 三年 事 進 即 以 退, 從 、紫綬。 年 其 ·十月, 豐厚。 歸 皮 先 致 朝 軒

間 好 爲 文 章 軍 或 書 檄 詔 令 碑頌銘贊百 有餘篇, 集爲 三十卷。 其 文亦高允之流 後 稱

列

傅

起,人莫能敵。 二高,爲當時所服。 高祖以其文雅之美,每優禮之。然貪褊矜慢,初在中書,好詈辱諸博士,博 閻强果,敢直諫,其在私室,言裁聞耳,及於朝廷廣衆之中,則談論鋒

士、學生百有餘人,有所干求者,無不受其財貨。 及老為二州,乃更廉儉自謹,有良牧之譽。

長子元昌、襲爵。位至遼西、博陵二郡太守。

子欽,字希叔,頗有文學。莫折念生之反也,欽隨元志西討,志敗,爲賊所擒,念生以爲

黄門郎。死於秦州。

子穆宗,襲祖爵。興和中,定州開府祭酒。

|飲弟石頭、小石,皆早卒。

元昌弟定殷,中壘將軍、漁陽太守。卒,贈征虜將軍、安州刺史。

子洪景,少有名譽。 早卒。

次子宣景,武定中,開府司馬。

定殷弟幼成,員外郎。頗有文才,性清狂,爲奴所害。

閻弟悅,篤志好學,有美於閭。早卒。

有章句, (臣曰:游雅才業,亦高允之亞歟? 下筆富文彩,亦 代之偉人。 故能受遇累朝, 至於陷族陳奇,斯所以絕世而莫祀也。 見重 高 祖。 挂 冠 (謝事) 禮 高閻發言 備 懸

校勘記

美矣。

臣 創 制 聞 天 創 下。」「 制改物者 創制 改物」常見「創」也作「剏」, 諸本「創」作「刑」。按國語周語稱襄王云:「叔父若能光裕大德,更姓改物, 與「刑」字 ,形近 一而訛, 今改正。 下「三皇刑 制 同 以 改

= 君王 聚其材 ∰府卷五○五六○六三頁「材」作「財」。 按上句是說徵斂賦稅,疑作「財」是。

創

制

- = L 因 本 地 施 却 鼓 敵 持 北史卷三四 夜 者 以 應 更唱。」 {高 {間 傳「地」作「施」。 則「却 敵 卽 城 上守衛之樓, 按南齊書卷 疑作 六百官志 施 是。 衞 尉 條 但作「地」亦 云:「宮城 諸 可 却 通 敵 今 樓
- 区里 歲 常 遊 運 **通典** 卷一九六邊防十二誤作 刁雍 表了遊」作「遞」,疑 是。

不改。

- 五. 臣 聞 創 制 立 會 諸 本 創 誤 刑」, 今 壉 通志卷 四 八 {高 } 閭 改。 參本 卷校記门。
- プマ 徙 星 澍 雨 之徵 諸 本「 徙」作「從」 一, 册府卷四七二五六二人頁、卷五三○六三二九頁作「徙」。按淮南子

列

逍應篇、史記卷三八宋微子世家等書言宋景公「修德」, 熒惑退舍,「徙星」即用此典故,「從星」

無義,今據改。

てもし 開雲中馬城之食以賑恤之 · 册府卷四七二五六二八頁「食」作「倉」。 疑是。但作「食」 也可通,今

不改。

隨運以溢其處 册府卷四七二、卷五三○團本同上卷頁「溢」作「益」、疑是。但册府宋本也作「溢」、

今不改。

魏書卷五十五

列傳第四十三

游明根 劉芳

平,明根乃得 游明根,字志遠,廣平任人也。 歸鄉里。 游雅稱薦之, 世祖擢為 祖鱓,慕容熙樂浪太守。 中書學生。 性貞愼寡欲, 父幼,馮跋假廣平太守。 綜習經 典。 及恭宗 和龍

監國,與公孫叡俱爲主書。

軍、都督兗州諸軍 送之禮,有加常使。 員 、外散騎常侍、冠軍將軍、安樂侯,使於劉駿,直使明僧暠 高宗踐作,「一遷都曹主書,賜爵安樂男、寧遠將軍。 事、瑕丘鎭將,尋就拜東兗州刺史,改爵新泰侯。 顯祖初,以本將軍 出為東青州刺 史,加員外常侍。 相對。 高宗以其小心敬慎,每嗟美之。假 前後三返,駿稱 爲政淸平,新民樂附 遷散騎常侍、平東將 其長者,迎

高祖

初,

入爲給

事

中,遷儀曹長,加散騎常侍。

清約恭謹,號爲稱職。

後王

師南討、詔

假 沔 安南 西、仇城、連 將軍 、儀 口 曹 三道諸軍 尙書、廣平公, う目 禀明根節 與梁郡王嘉參謀軍計。 度。 還都. 正, 正 尙書,仍加散騎 後兗州 民叛, 常 詔 明 侍 根 慰喻。 敕南征

侯 臣 醴 故 古 陽 權 請 停之, 詔 公除 以 與 .境土,二三之理,直在 將 蕭 高祖 觀 **賾絕使多年**, 纍 與明根往 而 動。 今彼方旣靖, 今宜 復。 一通否, 事 蕭賾。 在 {禮 羣臣 宜還通使。」明根 志。 我今遣使,於理爲長。」高 一會議。 遷大鴻臚卿、河南 尚書 陸叡曰一先以三吳 曰:「中 王幹師, ·絕行人,是朝 祖 從之。 尙 不靖, 書如 文 廷 明 故。 之事,深築 荆 太后崩,羣 梁 隨例降 有

辨 外, 為 固 悠 恭 可 伯。 並 辭 邈 穑 以 明 待 著 密, Ħ 根 光 盡 賢 顯 便 我 出 以 又參定律 者 私庭,下奉先帝陛下大思,臣 爾 績 乞言是寄, 年踰 前 朝化,退 達 言 逮于 後 節 歸 表 七十,表 耆 付外,依 令, 屢進 君 可 但 臣 老,履 故 以 季 之禮,於 俗陵 樂慰 抑 求致仕。 禮 | 講言 道 共 私 遲,斯 施 不 高 門。 斯 渝 行 蹈 一号 一是以 而 詔 道 之 畢,眷 明 不 弗 操, 明根 許, .之願也。但犬馬之戀,不勝悲塞。」 根 釐革之始 繼 對 德 至于 頻表 入見,高 日 卿 思仁,情 一一臣桑榆 獨 公 固 請, 再三。 秉 , 委 冲 祖 以 何 日:「, 操 乃詔曰:「明根風度清幹, 表請 之年 禮 可 居 已。 任 卿 殷勤, 今行古, 鍾 年者 遲能 夫 鳴漏 七 不 德茂,服 迂德, 十致 盡 有 容 蒙蒙 魏 違 因泣 仕, 匡 以 奪, 唑 勤 來 贊於朕 典 不自勝 累 下 便 首 禮 之 朝 志 É 澤 所 尙 振 許 歷 一首領 稱; 高高 貞 頹 然 其 職 敏, 位 告 祖 內

獲

進

隆

尙

淵

命之令進,言別 殷勤,仍爲流涕。 賜青紗單衣、委貌冠、被褥、錦 袍等物。

手 平, 羞。 祿 百 光 詔 素 匹、布二 賜 供食之味, 問 後 蓬 其 絹 簷, 車 疾,太醫送藥。 年 五. 駕 百 以 歸終衡 百 幸郷 司 匹,贈光 匹、安車 徒 太官就第月送之。 叉 尉 里, 朝 元 祿 可 行 爲 太 大夫, 謂 乘、馬二匹、幄帳被褥。 三老, 和 宫 朝之舊德, 二十三 賜穀 加 明 金 根 帛 以定律令之勤 年 章紫綬 爲五 如 卒 國 前 於 之老成。 更,行 家,年 諡 爲 造 靖 禮 甲第。 侯 八 車 辟雍 可賜 , + 駕 賜 幸 布 帛五 國 0 鄴, 帛一千匹、 語 有大事 世 百 在 宗 明 元傳。 匹、 遣 根 す,恒 穀五 使 朝于行 穀一 弔 賜 **璽書訪** 祭,賻錢 百 步 千斛。 斛。 宮。 挽一 之。 敕 詔 乘, 後 日 太官備 + 舊 給 明 萬、絹 疹 上 游 根 發動 卿 送珍 歸 五 之 廣 更

儒 老 學業 明 根 歷官內 特 被 禮 外 遇 五. + 公私 餘 年 出 。處 入, 身 毎 以 相 仁 和 追 接 隨 物 而 以 閭 禮 以才 譲,時論 筆 峙 貴 侮 之。 明根 高祖 , 世 號 初,明 高 根 游 焉。 與高 閭 子 以

伐 侍 御 中 肇 散 字 表 伯始, 諫 司 止 州 高 高 初 建 祖 旭 賜 不 爲都 名焉。 納 0 官 尋遷 從 幼爲 事 太 子 中 轉 書學生,博 中庶子。 通 直 郞 秘 通 閣 經 令, 史 及蒼、雅 遷散騎侍郎、典 {林 命中 高 祖 一大夫。 初, 爲 車 內 駕 秘 書 南

列

倳

王

. 贊

八歷佐

二王,甚有

聲

迹。

數

年,以父憂

2解任

楨 鎭 北 謙 府 長 素 史, 敦 重 帶魏 文 郡 雅 太守 見任。 ō 王薨 以 父 一,復 老, 爲 求解官扶侍。 高陽王瘫鎭北府長史,太守如 高 祖欲令遂祿養,乃 故。 出 爲 爲 政清 本 州南 安 加 以

百 存 内 僚 名 梗 大 敎 使, 景 戂 明 憚 直 黜 末, 陟善惡 繩 以 徴爲 所 肇 舉,莫非 名與己 一賞罰 廷尉少卿, 同, 傷 分 風 明 欲 敗 Ō 固 令改易。 俗 辭 轉太府 , 乃授黃門侍 持 法 卿 肇 仁平,斷 • 以高 徙 廷 祖所 尉 郎。 卿, 獄 賜 務於矜 遷散 兼御 , 秉 騎常侍, 史中 志不許, 恕。 ·尉,黃 尙 黄門 書 高肇甚衡 令 菛 如故。 高肇, 如 故。 世 兼侍 肇 宗 中, 世宗嘉 心之舅, 儒 者 爲 爲 畿 其 動

剛

此 歲 求 爲 無 易 月 利 胸 所 用 盧 之 爲 川 昶 費 利 之在 地 臣 逐 愚 故 復 甚 顺 謂 必 彼 山也,肇諫 假 致 舊 此 有之疆 言 令 死 可 必 而 許 爭之; 得 日:「胸 胸 兵 朐 山,徒致 非 役 山 時 急,故不 山蕞 久 解 捍 交爭,終難 危弊, 其 爾,僻在 利 得 爲 已 宜 大。」世宗 而 海濱 速 全守 戦。 審 之。 ,所謂 Щ 以 將從 湖 不 若 ·得已之衆, 下墊,民無居者,於 無益 必 之, 如 葬而 之田田 此, 也。 宿 昶 撆 豫 敗 必 不 知 死 征 之師, 賊 我 將 而 非急, 屢 自 恐稽 伏 以 宿 於 賊 豫 延

表 日 遷 玄 侍 明 中 之款,雖奔救是當 蕭 衍 軍 主徐 玄 明 , 然 斬 事 其 有 靑 損 冀 益 州 , 或憚 刺 史 .舉而 張 稷 功多 首, 以 , 或因 郁 洲 小而 內 附 生患 朝 議 不 遭 П 兵 必 赴 也。

服 若 不 何 得 里 以 化 以 猶 得 閑 連 胊 遠 近 宜 口 山 之兵, 靜 , 六里 特 之辰,興 地 須 實 安帖 攻 雕 接海 克 逼近之衆, 于 不宜勞之。 尙 戈之役? 陂 不 湖 可 下 其 守, 濕 勢旣 軍糧 勞則 況 人 殊,不 不 方 資 可居。 事 怨 運 連 生 可 兵, 取 一, 怨 敵 郁 濟 也 而 生 無 洲 則 爭 叉 所 災 思 非 在 叛, 儉之年 要 唯 海 也 中 見 思 其損 叛 所 FL. Ĥ 則 謂 六 未 姓 不 雕 里 飢 自 獲 覩 於 弊 安, 其盆 石 贼 餓 Ш 渝 不 死 要, 終 安 者 且 則 無 新 去 亦 所 擾 附 復 此 用 動 Z 閑 不 民, 遠。 // 脫

爾

則

連

兵

難

解

事

不

可

輕

宜

損

兹

小

利

不

使

大損

世

宗

並

不

納

0

靜 而 分 用 ", 不 動 或 當 大 大 宜 有 一个治 將 軍 勞 怨 軍 於 役 舉 雖 高 被,不 肇 太 不 然往 平,論 愼 伐 蜀 始, 可 普 全信 悔 開 肇 征 未 將 拓 諫 可 日 何 皆 且. 及 蜀 因 1 臣 何 城 地 討 者? 聞 險 主 蜀 遠 隘 歸 Щ 之 稱 款, 人不 略 東、 之自 故 關 服 願 有 列則 俟 右, 古, 征 後 修 無 殘 圖 鎭 支 戰 傷 ___ 戍 徐以 未 世 晏然, 復 今之據 宗 來之。 頻 叉 更 不 年 者, 無 納 水 兵 異 早, 者 趣 濉 百 区 , 器 문 假 姓 官 得 空 不 虚 虚 號 得 承 宜 眞 E 浮 僞 在 m 難 後 安

回 不 鎭 撓 速 東 將 肅 宗 軍 主 方 IE. 者 卽 相 諮 之 位 州 操 呈 遷 刺 史,有 時 反 中 書 覆 人 服 令 論 惠 い光禄 之。 叙 政 有 及 徵 時 大 領 夫, 爲 不 軍元叉之廢 曉 太 加 至 常 金章 卿, 於 紫 遷 再 尚 靈太后, 綬 書右 必 相 窮 州 僕 將害太傅、 其 大 射 中 理 固 正 然 얡 後 韶 出 淸 下 爲 筆 不 河 使 王 許 , 持 雖 懌 節 巃 肇 功 勢 於 加 集 F 吏 散 公 事 騎 卿 常侍 終 斷 議 決 無

列

傅

第

四

+

=

游

明

根

其

九。 事 O 詔給東園 於 時 羣官莫不失色順旨,肇獨抗言以爲不可, 秘器、朝服一襲,贈帛七百匹。 肅宗舉哀於朝堂。 終不 下署。 贈使持節、散騎常侍、驃騎 正 光元年八月卒,年六十

大 將軍、儀同三司、冀州刺史,諡文貞公。

欲,資仰俸祿而 以 並 恕之,豈足令臣曲筆 自處了固辭不應。 加 (白珪論,詩賦表啓凡七十五篇, 封邑、時封 肇外寬柔,內剛直,耽好經傳,手不釋書。 已。 隆文安縣開國 隆之爲廷尉也,世宗嘗私 也」其執 論 者高之。 侯 意 ,邑八百戶。 如 此。 皆傳於世。 及肅宗初,近侍羣官豫在奉迎者, 隆獨 敕肇,有所降恕。 治周易、毛詩,尤精三禮。 謙廉不競, 曰:「子襲父位,今古之常,因 曾撰儒碁,以表其志焉。 肇 執 而 不從,日:「 爲易集解,撰冠 自侍中崔 此 陛下自 獲封,何 清貧 光已 能 寡 ~~~ 7

宗 州 乃 刺 封 以肇昔辭文安之封, 史 子祥 |祥 高 邑縣開 字宗良,頗 文。 或 侯, 有學。 邑七百戶。 復欲 封 歷秘 祥, 書郎,襲爵新泰伯。遷通直郎、國 祥守其父意,卒亦 孝昌元 年卒,年三十六。 不 变。 贈征虜將軍、給事黃門侍郎、幽 叉 追論肇前 子博士。領尚書郎 議淸河,守正 H 不 点, 肅

子 皓 字賓 多 了,襲。 侍御 史。 早卒。

諡

日

皓弟安居,襲爵新 泰伯。 武定中, 司 空墨曹參軍。 齊受禪,舒例降。

明根叔父矯,中書博士,濮陽、鉅鹿二郡太守。 卒,贈冠軍將軍、相州刺史。

矯 孫馥 一國子. 博 士

馥弟思進,尚書郎

劉芳,字伯文,彭城人也,漢楚元王之後也。 六世祖訥,晉司隸校尉。 祖該,劉義隆征

虜將軍、青徐二州刺史。 父邕,劉駿兗州長史。

窘之中,而業尚貞固,聰敏過人,篤志墳典。 徒崔浩之弟女,芳祖母,浩之姑也。 有易衣併日之弊,而澹然自守,不汲汲於榮利,不感感於賤貧,乃著窮通論 逃竄青州,會赦免。舅元慶,爲劉子業青州刺史沈文秀建威府司馬,爲文秀所殺。 入梁鄒城。 **芳出後伯父遜之,遜之,** 慕容白曜南討青齊,梁鄒降,芳北徙爲平齊民,時年十六。 劉駿東平太守也。 芳至京師, 詣敷門, 崔耻芳流播, 拒不見之。 晝則傭書,以自資給,夜則讀誦,終夕不寢,至 邕同劉義宣之事,身死彭城。 南部尚書李敷妻,司 以自慰焉。 芳隨伯母房 芳雖處窮 芳母子

頗 振。 由是與德學大僧,多有還往。 爲諸僧傭寫經論,筆迹稱善,卷直以一縑,歲中能入百餘匹,如此數十年,至 時有南方沙門惠度以事被責,未幾暴亡,芳因緣關知,

芳常

頭以

微 文 與崔光 愧 明 太后 於 、宋弁、邢產等俱爲中書侍郎,俄而詔芳與產入授皇太子經,遷太子庶子、兼 心。 召 會蕭 入禁中,鞭之一百。 賾 使劉纘至,芳之族兄也, 時中官李豐主其始末,知芳篤學有志行,言之於太后,太后 擢芳兼主客郎,與纘 相 接。 尋拜中書博士。 員外散 後

覽蒼、雅 **外之**。 筓。 言 常侍,從 騎 古者男 相 手 多 應 社質 常侍。 見。 俱 有 日 ·笄。」芳曰:「此專謂 叉 時 子婦 禮 變,而 高祖 吾 焉 肅 駕南巡,撰述 ,尤長音訓,辨析無疑。 內則 小 亦 從駕洛陽, 芳音 人俱 宴羣臣於華林,肅語 來 以 男子婦 芳 留 稱『子 (有笄。) 言爲 意三禮,在南諸儒,亟共討論,皆謂此義如吾向言, 義 明 自在路及旋京師,恒侍坐講讀。 人発髽、冠笄之不 行 辨, 然, 事 父母 |X 肅曰:「喪服稱男子免而婦人髽,男子冠而婦人笄。 事,尋而 日二此 疑 事 者皆往 雞 也。 除正。 初鳴,櫛 於是禮遇日隆,賞賚豐渥,正除員外散騎常侍。 非 次云「古者唯 }禮 : 劉 詢 訪, 石經 同也。 初遭喪,男子免,時 王肅之來奔也,高祖 **泛羅笄** 故 邪 時 總。」以 又冠尊,故奪其笄稱。 婦人有笄,男子則 人 音漢世 號爲 芳才思深敏,特精經義,博聞强記, 兹 劉 造三字 而言,男子 石 別婦人髽; 經 雅 石經 相 酒闌 無」。 器重, 於 有 今聞往 芳與肅 男子冠, 且 太學, 笄 芳曰:「推經禮正文, 互言也 朝野 明 矣。 釋, 學者文字不 如 7屬目。 俱 時 此,則男子不 頓袪 高 非謂 Щ, 則婦 俄兼通 祖 肅 平生之 稱 男子無 芳未及 人笄。 善者 執芳 Ė, 直 兼

惑

一芳理義

精通,類皆如

是。

旨 手 戜 王 洽,超遷 覽 一,令芳 禧 加 子 卿注 攻南 袞 祭酒、徐州 高 冕。 國子 入 遷洛,路由 殊 授世宗經 高 爲 祭酒。 祖 蕭鸞將裴叔 富博。 大中正,行徐 自襲斂暨 以 朝歌,見殷比干墓,愴然悼懷,爲文以弔之。 但文非 母 及南徐州刺史沈陵外叛 憂 于啓 業 去官。 州 入寇徐州,疆埸之民, 屈宋, 祖、 事。 高祖南征宛鄧, 山陵 徙兼侍中,從征 理 慚張賈。 練除,始末 旣 有雅 起爲 頗 馬圈。 喪事 懷 致, 輔 去 就,高 ,皆芳撰定。 國將軍、太尉長史, 高 便可付之集 祖 崩 芳爲注解,表上之。 祖憂之,以芳爲散 於行宮。 書。」 咸陽 之。 及世宗 王 詔 從太尉、咸陽 尋正侍中,祭 **禧等奉** 以芳經 卽 騎常侍 位 詔 申 學精 遺

設 周 案 氏, 子宮對,太學在開陽 資始,衆務稟 如 師 之師氏, 掌以 洛 保 芳表 陽 以 懒 教 記 詔 居 虎門· 了,使國 「夫爲 法故故 獪 王 有 C 也。 仿 子 居虎門之左, 國 左,敷陳六藝,以敎國子。』今之祭酒,即周 門外。 像。 學焉,外則有太學、庠序之官 家者,罔不崇儒 唐虞已往 臣愚謂:今旣徙縣崧瀍, 案學記云:『古之王者, 司 典 Ē 籍無據 朝, 尊道,學校爲先,誠復政有質 掌. 國 隆 中失之事 周 0 皇居伊洛,宮闕府寺, 山山 以降,任居 建國 斯 親民, ,(t)以敎國 而 言, 虎 師 教學 國 門。 氏。 學在 文, 爲先。』鄭 子弟。』 周禮 洛陽記 內, 兹範不 僉復 大司 太學在外, 蔡氏勸學篇 氏 國子學官 故趾, 易, 樂 注 云 諒 至於國 由 明矣 **!**與天 內 萬 端 則 師

酒、中正

並

如

故

列

學,豈 督 之官。』此 學,去王 質 學,份賢而 匹 老於虞庠,虞庠在國之四郊』,至禮又云:『天子設四學,當入學而太子齒。』注云:『 年,[<] 發敕立四門博士,於四門置學。 國,或貴在 **一難周。** 注學記,周則六學。 郊之虞庠也。』案大戴保傅篇云:帝入東學,尚親而貴仁;帝入南學,尚齒 可舛 |都五十里。』考之鄭氏,不云遠近。 計太學坊幷作四門,猶爲 其證也。 · 替 ? 郊。 貴德;帝入北學,尚貴而尊爵;帝入太學,承師而問道。 校量舊事,應在宮門之左。 爰暨周室,學蓋有六。 漢魏已降,無復四郊。 所以然者,注云:『內則設師保以教,使國 太廣。 師氏居內,太學在國,四小在郊。 臣案:自周已上,學惟以二,或尙西,或尙東,或貴在 以 臣 謹 至如太學,基所炳在,仍舊營構。 今太學故坊,基趾寬曠,四郊別置,相 |尋先旨,宜在四門。 愚量,同 處無嫌。 案王肅: 且 子學焉,外則 周之五 今時制置,多循 注云:『天子四郊有 **禮**記 學,於此彌彰。 而 又去太和二十 云周 有太學、庠序 貴信,帝入西 去 遼 人『養 中 四 學,周 代,未 間,檢 庶 案

朝 欲 儀 無犯公 多 遷 闕 中 ·書令, 其 私 還 切諸 祭酒 朝 議,悉委芳 ,議定律令。 如 故。 出除安東將軍、 修正 芳斟 酌古今,為 於是朝廷吉凶大 青 州 刺 大議之主, 史。 事皆就 爲 政儒緩, 其中 諮 訪 ·損 焉 益 不能禁止 多芳意也。 一姦盗, 廉清 世宗以 寡

審

四

學

應從

古不?

求集名

·儒禮官,議其定所。」從

之。

轉太常卿。 芳以所置五郊及日月之位,去城里數於禮有違,又靈星、周公之祀,不應隸

近之宜,考之典制,或未允衷,旣曰職司,請陳膚淺。 論],昭著經史。臣學謝全經,業乖通古,豈可輕薦瞽言,妄陳管說。 竊見所置壇祠遠 臣聞國之大事,莫先郊祀,郊祀之本,實在審位。是以列聖格言,彪炳綿籍,先儒

城七里。」高誘云:「南郊,七里之郊也。」王肅云:「南郊,七里,因火數也。」此又南郊七 也。」賈逵云:「南郊,火帝炎帝,七里。」許愼云:「南郊,七里郊也。」鄭玄云:「南郊,去都 里。」高誘云:「迎春氣於東方,八里郊也。」王肅云:「東郊,八里,因木數也。」此皆同謂 「東郊,木帝太昊,八里。」許愼云:「東郊,八里郊也。」鄭玄孟春令注云:「王居明堂。禮 郊。」賈逵云:「西郊, 又中郊五里之審據也。孟秋令云「其數九」,又曰:「迎秋於西郊」。盧植云:「西郊,九里 之位,幷南郊之季,故云兆五帝於四郊也。」鄭玄云:「中郊,西南未地,去都城五里。」此 春郊八里之明據也。孟夏令云「其數七」,又云「迎夏於南郊」。盧植云「南郊,七里郊 里之審據也。 王出十五里迎歲,蓋殷禮也。周禮,近郊五十里。」鄭玄別注云「東郊,去都城八 <u>孟春令云「其數八」,又云「迎春於東郊」。盧植云:「東郊,八里之郊也。」賈逵云:</u> 中央令云:「其數五。」盧植云:「中郊,五里之郊也。」賈逵云:「中兆,黃帝 金帝少峰,九里。」許愼云:「西郊,九里郊也。」鄭玄云:「西郊,去都

列

維陽 西郊 里。 據 城 邑外曰 今地 爲遠郊。迎王氣蓋於近郊。漢不設王畿,則以其方數爲郊處,故東郊八里,南郊七里, |逵云:`「北郊,水帝|顓頊,六里。」|許愼云::「北郊,六里郊也。」|鄭玄云::「北郊, 去都城六 里之審據 也。 九里。」高誘云 城南 祇 九里,北郊六里,中郊在西南未地,五里。」祭祀志云:「建武二年正月,初制郊兆於 高誘云:「北郊,六里之郊也。」王肅云:「北郊六里,因水數也。」此又北郊六里之審 準 郊,今計四郊,各以郭門爲限,里數依上。 宋氏含文嘉注云:「周禮,王畿千里,二十分其一以爲近郊。 此。 七里。 也。 孟冬令云「其數六」,又云「迎冬於北郊」。盧植云:「北郊,六里郊也。」賈 至如三十里之郊,進乖鄭玄所引殷周二代之據,退違漢魏所行故事。凡 依採元始 中故事,北郊在雒陽城北 四里。」此又漢世南北郊之明據也。 近郊五十里,倍之

稷、社、先農、縣又祠靈星。」此靈星在天下諸縣之明據也。 詔 今仍舊。 云:「祭日於壇,祭月於坎。」今計造如上。 御 史, ,朝拜日 靈星本 其令天下立 非禮事,兆自漢初,專爲祈田,恒隸郡縣。 月,皆於東西門外。 靈 星祠,牲用 太牢, 今日月之位,去城東西路各三十,竊又 縣邑令長侍祠。」[113]晉祠令云:「郡、縣、 禮儀志云「立高禖祠于城南」,不云 郊祀志云「高祖五 周公廟所以別在洛陽者。蓋 、未審。 里 年,[10]制 數。 國 禮 加 故 叉

所 姬 今 並 旦 創 郊 移 太 成洛邑,故傳世洛陽,崇祠不絕,以彰厥庸。 廟 常,恐 神 祇 乖 自 其本。 有常限, 天下 無宜 此 類 臨時斟酌 甚 衆, 皆當部 以意, 若遂 郡 縣修 夷齊廟者,亦世爲洛陽界內 爾妄營, 理 , 公 則 私 不 於之禱 発 淫 請。 祀。 竊 二祠 惟 神祠。 在 太常 太

臣 以 庸 蔽 認系 今 職,考括墳籍,博採羣議,旣無異端,謂粗可依據。 今玄冬務隙,

野罄人閑,遷易郊壇,二三爲便。

常

在洛陽,於

國

也,然貴

在

審

本。

詔 日 上 乃 有 明據 一但先 ,朝置立已久, 且 可 從 一舊。」

無樹 式。 器。 論 大, 相 酬 者。 不容輒 答 被 後 先 芳 是 一, 而 報 崇 芳 叉 以 周 社 乃 爲 聽 決, 高 不 探 許 太樂 禮 稷 會問 祖 引經 數旬 司 無 自 於 令, 徒 樹 非 代 意,卒無以 誥, 搜括 博 職 之間 叉上 都 乃 云 延公卿 詔 上請 疏 中 設其 頻 舊文、 書監高閣 日 质 自 煩三議。 尙書僕射 依 社 通。 集儒 稷 共 合朔儀注 之壝,而樹之田主,各以其社之所宜 尙 相 、太常 彦 書 難質, 高 于 討 述 時 肇, 論得 奏,二言 少 朝 皆 更 卿 日 土 有 有 陸 失, 共 頗 明 仍認 營 琇 變,以朱絲爲 以崇專綜旣 據 研 并公孫崇等十餘人修理 理 窮 , 委芳別 以 是非, 世 爲 宗韶芳共 盈 更 則 縮 繩 入, | 考制 有 無 以 差, 不 以 主之。 繞 於 應 亚 木。」 係 不合典式。 一之萬 那 是學者 社 謬, 鄭玄 芳表 樹 金石及八音之 葉, 各 彌 注 爲 雨 默 以 歸宗 . 云 崇 然 不 禮 『所 朽之 雖示 而 無 樂 焉。 事 發

樹 周人以栗」,便是世代不同。 虎通云:『社稷所以有樹,何也? 我,宰我對曰:夏后氏以松,殷人 北社惟槐』, 無樹 也。 屋,樹其中以木,有木者土,主生萬物,萬物莫善於木,故樹木也。』此其五 所以有樹之義,了不論有之與無也。 寧備解有樹之意也。 地所生。 明矣也。 此又太社及四方皆有樹別之明據也。又見諸家禮圖,社稷圖皆畫爲樹, 此其七證 尚書逸篇曰:太社惟松,東社惟柏, 又五經通義云:『天子太社、王社、諸侯國社、侯社。 如 此, 也。 便以一代之中, 雖辨有樹之據,猶未正所植之木。案論語稱『夏后氏以松,殷人以柏, 又五經要義云:『社必樹之以木。 而尚書逸篇則云『太社惟松,東社惟柏,南 尊而識之也,使民望卽見敬之,又所以表功也。』 以柏,周人以栗。』是乃土地之所宜 惟稷 而五社各異也。 此其四證也。 無成證,乃社之細,蓋亦不離松也。」世宗從之。 南社惟梓,西社 此云『社稷所以有樹何』, 愚以爲宜植以松。 周禮司徒職曰:班社而樹之,各以土 惟栗,北社惟槐 制度奈何? 也。 祉 此其三證 何以言之。逸書云 惟梓,西社 證 日社 也。 唯誠 然則 皆 案此正 此其六證 也。 此 社、 最 稷 有 惟栗, 誡稷 其丁 亦 叉泊 垣 無

『太社惟松』,今者植松,不慮失禮。

芳沉雅方正,概尚甚高,經傳多通,高祖尤器敬之,動相顧訪。

太子恂之在東宮。高祖

高 欲 祖 爲 納 乃 芳 爲 女 恂 娉 芳辭 之, 與 以 年貌 鄭懿 非宜 女 對 爲 左 高 右 祖 歎 孺 子 **其**謙愼, 焉。 崔 更敕芳舉其宗女,芳乃稱其族子 光 於 芳 有中 表之敬, 毎 事 詢 仰 長文之女 芳 撰 鄭玄

韋. 所 昭 注 所 周 官 注 或 儀 語 禮 音 音 范 干 曄後漢 寶 所 注 治書音· 周官 各 音 卷 王 一辨類 肅 所 注 三卷 尚書 徐州 音 八何休 人 地 所注公羊音、范寧所 錄 四 一十卷, 急就篇 續 注 注 穀梁音 音 義

毛詩 箋音義 證 十卷, 禮記義證 + 卷, 周官 儀禮義證 各五 卷。 崔 光 表 求 以 中 書 監 讓

世 宗 不 延昌二年卒,年六十一 ٥ 詔 賜 帛 匹 百 匹,贈 鎭 東將 軍 徐州 刺 史, 諡 文貞

軍 南 將 軍 屢 長 爲 子 大司 行 懌 臺 農 字 出 卿 使,所 祖 Ô 欣 卒,贈鎭 歷皆有當官之 雅有父 東 風, 將 軍 頗 徐州 稱 好 文翰 刺 轉 史, 通 直 歷 諡 散 徐 日 騎 州 簡 常 别 駕、 侍 無 徐州 子 兗州 大中 左 軍 以第三 正 府 行 長 一子晙 史、 郢 孙 司 爲 事 空諮 後 尋 遷 議 安 參

晙 · 天 平 中 ٠, 走 江 南 武定 末 歸 或 賜 爵 臨 潁 縣 子

將 復 尉 遊 往 以 屬 軍 復 本 來。 懌 中 官行 弟 書侍 領 廞 靈 國 太后 子 郞 字 州 景興。 祭 臨 冠 事 酒 0 軍 朝 將 前 好學强 出 又與太后 軍 廢 帝 行 帝 於 立 時 顯 南 陽殿 除 青 善 兄 州 驃 事 弟 講孝經 騎 事 當 往 將 世。 還 尋徵 軍 相 高 好, **厥爲執經**, 左 安 肇 光 南 之盛 太后 滁 將 大 軍 令 及 夫。 光 廞 清 雖洲答論 以詩 禄 河 出 \pm 大 帝 赋 懌 夫。 初 難 授 爲 除散 未 弟 宰 孝 能 輔 莊 元 精 騎 古。 廞 初 盡, 常 皆 侍 除 歷 而 與 尙 國 風 遷 其 書 子 彩音制 驃 子 祭酒, 郞 騎 姪 太 大 交

列

二三八

足有 可 觀。 尋 兼 都官尚書,又兼殿中尚書。 及出帝入關,齊獻武王至洛,責廢而誅之,時年

五十二。

史。 王矜而 以邊事 死,隱率勒鄉部赴兗州 東將軍 六年,受使兗州,行達 子騰,字子昇。 赦之。 隲 於時與蕭衍 應對閑 文襄王之爲儀 敏, 少有風氣,頗涉文史。 和 帝善之, 與刺 通, 東 郡 史樊子鵠抗 **騰前後受敕接對其使十六人。** 同 ·暴疾卒,時人嗟惜之。 開府,以隣爲屬。 逐敕 除 員 **禦王** 外散 弱冠,州辟主簿,奉使詣闕,見莊帝於顯陽殿,問 師, 騎侍郎。 本州大中正。 每戰流涕突陳。 追贈本將軍 出補徐州開府從事中郎。 出 爲司徒右長 武定初, 城陷, 、南青州 轉中書舍人, 擒送晉陽,齊 史, 刺 史。 未 幾遷左 父廞 獻 加 長 安 武 Z

) 厥弟悦,永安中,開府記室。

悦弟戫,武定中,鎮南將軍、金紫光祿大夫。

越弟粹,徐州 別駕、朱 衣 直 閤 粹 少尚氣俠, 兄廞死 ,粹招合部曲 ,就兗州刺史樊子

謀應關西。大將軍攻討,自己城陷,殺之。

屢 為 統 芳 叔 軍 南 撫 征, 之, 累著 孫思 功捷。 祖 勇健有將略。 任 城王之圍鍾離 高祖 末入 也, 朝,歷羽林監,梁、沛二郡太守,員 蕭衍遣其冠軍將軍張惠紹及彭盆、張豹子 外常侍。

書論 和、屯 年 烈 等率衆一萬送糧鍾離 大破之, 將 而 千,二巴於 死 軍 功 騎 、遼西太守。 擬封千戶侯。 校尉任景攸、長水校尉邊欣、越騎 擒惠紹 鍾 離 及行 之北遏其 思祖於路叛奔蕭衍,衍以思祖爲輔國 驍騎將軍、 思祖 o 時思祖為平遠將軍 前 有二婢,美姿容,善歌舞,侍中元暉求之不 鋒,錄事 祁陽縣開 參軍 繆琰掩其後,思祖身率 校尉 國男趙景悅、 ,領兵數千邀衍餉軍於邵陽,遣其長史元龜步騎 賈 慶眞、龍驤將軍徐敞等,俘 悅弟 [將軍、北徐州刺史,頻寇淮北。 寧遠將軍景脩 精銳橫衝 得,事遂停寢。 其陳,三軍合擊, 斬數千 寧遠將軍梅 後除揚 人。 數 尚 世

幷 晰 子猴於京師。 纘 子 晰, 歷蕭 行琅邪、東莞二郡太守,成朐山。 數 年後,以翐爲給事中、汝陽太守。 朐 山人王 IE 光初 |萬壽斬晰,送首,以||朐山內附, 门自 郡 南叛

所 李平, 咸 草 撰 所 隸 書,多 訪 制 芳 與之 從子懋,字仲華。 決 朝 廷 結莫逆之友。 識奇字。 受 軌 詔 儀 參 皆 議新 世宗 與參量 令。 初 祖泰之,父承伯,仕於劉彧,並有 遷步兵校尉,領郎 0 入朝,拜 性沉 尙 書博議, 雅 厚 員 外 重 一,善與 郎。 懋 與殿 中, 遷尙 人交, 兼 中郎 東宮中舍 書 外兵郎 器 袁翻 字 名位。 淵 常 人。 中, 曠 爲 議 風 加 轉員 主。 懋聰敏好學,博綜經史,善 流 輕 車 甚美,時 外常侍、 達於 一將軍。 從 政。臺 論 鎭遠將 芳 高 甚 之。 中 重 疑事 之, 尙 ·, 領 凡 書 و

列

考功郎中,立考課之科,明黜陟之法,甚有條貫。

甚清貧,亡之日,徒四壁而已。 史,諡曰宣簡。一懋詩誄赋頌及諸文筆,見稱於時,又撰諸器物造作之始十五卷,名曰 成儀令。懌爲宰相積年,禮懋尤重,令諸子師之。遷太尉司馬。 常目而送之曰:「劉生堂堂,搢紳領袖,若天假之年,必爲魏朝宰輔。」詔懋與諸才學之士,撰 子筠,字士貞。 肅宗初,大軍攻陝石,懋爲李平行臺郎中,城拔,懋頗有功。 自員外散騎侍郎,歷河南郡丞、中散大夫、徐州大中正、祕書丞。 太傅懌及當時才儁莫不痛惜之。 贈持節、前將軍、南泰州 熙平二年冬,暴病卒。 太傅、清河王懌愛其風 物祖 雅, 刺

初卒。贈前將軍、徐州刺史。子規,早卒。

秘書李凱上疏薦之,拜秘書郎。 筠弟學,字士文。 少而聰惠。年十二,詣尚書王衍,衍與語大奇之,遂與太傅李延寔。 **廖亦善士。**興和元年卒,年二十八。 無子,兄子矩

懋從叔元孫,養志丘園,不求聞達。 高祖幸彭城,起家拜蘭陵太守。 治以清靜爲名。

卒官。

子長文,高祖擢爲南兗州冠軍府長史,帶譙郡太守。 遷魯郡太守。 高祖爲太子恂納其女爲孺子。 卒。 被圍糧竭,固節全城,以功賜爵下

子敬先,襲爵。

敬先弟徽、奉朝請、徐州治中。

長文弟永,字履南。 頗有將略,累著征戰之勤。 歷位中散大夫、龍驤將軍。 神龜中

兼

大鴻臚卿,持策拜高麗王安。還,除范陽太守。

後遂從容鄉里,不樂臺官。積十餘年,朝議慮其有二志,徵拜輕車將軍、羽林監。卒官。 |芳族兄僧利,輕財通俠,甚得鄉情。 高祖幸徐州,引見, 善之,拜徐州別駕。 遷沛郡太

長子世雄,至太山太守。

持節, 得 議 同 以 三司 逼 大夫。 城 劫 外叛,遂送蕭衍。 世 身歸 世明,據州歸蕭行。 雄 世明 弟世 孝莊末,除征虜將軍、南兗州刺史。時众朱世隆等威權自己,四方怨叛,城民王乞 鄕 里。 復辭不受,固請北歸。 明,字伯楚,頗涉書傳。 自是不復入朝,常以射獵爲適。 術欲加封爵,世明固辭不受,頻請衙乞還, 衙聽之。 们封世明開國縣侯,食邑千戶, 征西大將軍、郢州 衍 不奪其意, 自奉朝請稍遷蘭陵太守、彭城內史。 乃躬餞之於樂遊苑。 興和三年卒於家。 贈驃騎大將軍、儀同 世明旣還, 庙宗時, 屬刺史元法僧 刺史, 叉 奉送所 徴 爲 加 儀 諫

子牌、字彥英。武定末、冠軍將軍、中散大夫。

三司、徐州

刺史。

師,賜爵襄賁子,尋還徐州,數十年間,了無從官者。 初,蘭陵繆儼靈奇,與彭城劉氏才望略等。 及彭城內附,靈奇弟子承先隨薛安都至京 世宗末,承先子彦植襲爵, 見叙, 稍遷

伏波將軍、羽林監。 彦植恭慎長厚,爲時所稱。

入朝,以功除冠軍將軍、彭城太守、洛陽侯。 時滎陽鄭演,仕劉彧爲琅邪太守。 屬徐州刺史薛安都將謀內附,演贊成其事。 後拜太中大夫,改爵雲陽伯。 卒,贈幽州刺史, 顯祖初

諡曰懿。 其子孫因此遂家彭、泗。

慰。 城 高祖崩於南陽,斂於其郡。 荆州、留滿龍於後。 襲爵雲陽伯。 內史。 及任城王爲揚州刺史,詔長猷爲諮議參軍,帶安豐太守。 子長猷,以父勳起家,拜寧遠將軍、東平太守。 徴拜 、諫議大夫,轉司徒諮議,遷通直散騎常侍。 車駕南伐,旣克宛城,拜長猷南陽太守。 朕今委卿此郡, 兼統戎馬, 尋徵護軍長史。 世宗初,壽春歸欵, 非直綏初附,以扞城相託。」特賜縑二百匹。 尋轉沛郡。 及鑾輿將反,詔長猷曰三昔曹公克 永平五年卒。 轉徐州武昌王府長史, 入為南主客郎中、太尉屬, 兼給事黃門侍 諡曰貞侯。 郎,持節宣 帶彭

子廓,襲。卒。

子元休,襲。興和中,睢州刺史。齊受禪,爵例降。

肇旣聿修,克隆堂構,正情梗氣,顯沛不渝,辭爵主幼之年,亢節臣權之日, 固以遠矣。 史臣曰:游明根雅道儒風,終受非常之遇,以太和之盛,當乞言之重,抑亦曠世一 劉芳矯然特立,沉深好古,博通洽識,爲世儒宗,亦當年之師表也。 顧視羣公,其風 懋才流識 時。

校勘記

學,有名士之風。

見重於世,不虛然矣。

高宗踐阼 駿 即位 在元濬魏高宗文成帝的興安二年四五三,死於和平五年四六四。 諸本「高宗」作「高祖」, 北史卷三四游雅傳作「文成」。按下云「使於劉駿 宋孝武帝,劉 七一 年,與

劉駿不 ·相值。 又下文歷稱「顯祖元弘 初」、「高祖初」,這裏 「祖」字顯爲 元宏高祖即位在四 宗」 之訛, 今據改。 下

「高祖以其小心」同改。

城和 敕南征 沔 河西: 西 無 仇 涉。 城 連口三道諸軍 據卷七上高祖紀上, 按所謂「南征三道諸軍」 當時魏軍有 山田 胸城 指太和四年八月 |、「出海西」、「出連口」、「出角城」 的戰事, 乃是爭角

山出 下蔡 諸 道。 海西、朐城、連口都在今江蘇海州東南。 這裏「沔西」當是「海西」之訛,「仇城」

是「朐城」之訛。

_ 便已許其告辨

汉덕 今之據者

Ŧi. 如 此 數 + 年 北史卷 四二劉芳傳無「十」字。 按芳北徙當 在元弘皇興 二年四六八。 南齊書卷五七

魏虜 (傳 記 劉瓚使魏,在永明元年,即魏太和七年四八三。 此 }傳 稱 一芳 此 時「 擢兼主客 郎,與 費 相接」。

自四 六八年至 此十六年。 當是本作「十數年」,誤倒 爲「數十年

ハベン 周 醴 大 司 樂 云 按下引文是大司徒師氏條語。 「樂」字當

七 掌 國 中 ·失之事 諸本 無「失」字, 册府卷六〇三七二三九頁有。 按今周禮大司徒 有「失」字。 鄭 注

中 中 禮 者 也;失,失禮者也。」今據補 0 以下引經、注,往往 和 今傳本不 盡同,或劉芳記 憶 偶

或所 見 本 和 傳 本不 同 **,若和原文的意義沒有大出入,不** 列 舉

叉去 太 和二十 年 諸本 一去」 作「云」,汲、局二本及册府同 上卷頁作「去」。 按此追述過去, 故云

「去太和二十年」。今從汲、局本。

ナレ 郊」。 虞庠. 在國之四 孫志祖讀書脞錄續錄引北史此傳,以爲傳本禮記作「西郊」誤。 郊 諸本「四」作「西」, 北史卷四二作「四」。 按今傳本禮記 孫說是非,今可不論,但據 **E**制 **內則** 都 作 西

劉芳疏此段本說四門置學事,上文明言「四小在郊」,下文引鄭注,又言「四學,周四郊之虞庠

也。 則劉芳所據禮記本作「四郊」,這裏「西」字當是後人所改,今據北史回改。

高祖五年 按漢書卷二五上郊祀志上史配卷二八旦禪書同先云「二年」,义云「後四歲」,始言「其後

一年」立靈星祠,則是八年。續漢書祭祀志更明言漢興八年高帝令天 下立 靈星 祠。 這裏「五

年」當是「八年」之誤。

縣邑令長侍祠 諸本「侍」作「得」, 北史卷四二、册府卷五八〇六九六〇頁作「侍」。按續漢書祭祀

志、通典卷四四靈星條都作「侍」。「得」字訛、今據改。

尚書述奏 *******、
(2)
(2)
(3)
(4)
(5)
(6)
(7)
(7)
(7)
(7)
(8)
(7)
(7)
(8)
(8)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
(9)
< 北史卷四二、册府卷五八○六九六○頁「述奏」上有「依事」二字。按册府採魏書而與

大將軍攻討 人 名 `「將」字當行。 按卷八〇樊子鵠傳,當時領兵攻子鵠、 劉粹者是婁昭,他不是「大將軍」,且下無

遣其長史元龜步騎一千 諸本「步」訛「少」,今據册府卷三五三四一九二頁改。

魏書卷五十六

列傳第四十四

鄭義 崔辯

排華 ,不仕,娶于長樂潘氏,生六子,粗有志氣,而|義第六,文學爲優。 鄭義, 字幼驎, 滎陽開封人, 魏將作大匠渾之八世孫也。 **曾祖豁,慕容垂太常卿。** 弱冠舉秀才,尚書李孝 災

伯以女妻之。高宗末,拜中書博士。

出其 奇宅內。 城。 淮汝,遣羲參石軍事。 非意,要以全制爲勝。」石從藏言, 義謂石曰: 天安初,劉彧 石旣克城,意益 機事尚速,今珍奇雖來,意未可量,不如直入其城,奪其管籥,據 司 州刺史常珍奇據汝南來降,顯祖詔殿中尚書元石為都將赴之,幷招慰 到 驕怠,置酒嬉戲,無警防之虞。 上蔡,珍奇率文武三百人來迎,旣相見, 遂策馬徑入其城。 |義謂石曰「觀珍奇甚有不平之色。 城中尚有珍奇親兵數百 議欲頓軍於汝北、未 有 人 府 庫、雌 Æ 刨 珍

朔

俳

可嚴兵設備 一,羲齎白虎 以待 幡慰郭邑,衆心乃定。 非常。」其夜,珍奇果使人燒府廂屋, 欲因救火作難, 以石有備 Τ'n 明

策。 石,日: 至冬,復往攻超,超果設備,無功而還。 而 陳項,議欲還軍長社,待秋擊之。諸將心樂早還,咸稱善計。 欲棄還長社,道塗懸遠,超必修城深壍,多積薪穀,將來恐難圖矣。」石不納,遂旋 淮北平,遷中書侍郎 明 **蟻聚窮城**, 年春,又引軍東討汝陰。 命不延月,宜安心守之。超食已盡,不降當走,可 劉彧 汝陰太守張超城守不下,石率精銳攻之,不克,遂退至 歷年,超死,楊文長代戍,食盡城潰,乃克之,竟如羲 翹足而待,成擒物也。 師長社

造義 以功賜餌平昌男, 乘傳慰諭 延 興初,陽武人田智度,年十五, 義到,宣示禍福, 加鷹 揚將軍 重加募賞,旬日之間,衆皆歸散。 妖惑動衆,擾亂京索。 以羲河南民望,爲州郡所信, 智度奔潁川 ,尋見擒斬。

陽侯, 義 並置王官,義爲其傅。 (姻好, 乃就家徵爲中書令。 高 ,具官屬,指長安拜廟,刊石建碑於廟門。還,以使功,仍賜侯爵,加給事中。 祖 初, 兼員外散騎常侍,假寧朔將軍、陽武子,使於劉準。 是後歷年不轉,資產亦乏,因請假歸,遂磐桓不 文明太后爲父燕宣王立廟於長安,初成,以義策 中山王叡、三龍幸當世 返。及李沖貴 太常卿,假 出為安東 龍 樂 勛.

騰 酒 將軍、西兗州刺史,假南陽公。 、別駕賈德、治中申靈度,並在任廉貞,勤恤百姓,羲皆申表稱薦,時論多之。文明太后爲 . 臠肉,西門受羊酒,東門酤賣之。 羲多所受納,政以 以李沖之親,法官不之糾 賄成。 性又嗇吝, 也。 酸棗令鄭伯 民有禮餉者, 孫、鄄城令童 皆不 ·與杯

高祖納其女爲嬪,徵爲祕書監。

治 衷。 諡法:博聞多見曰『文』,不勤成名曰『靈』。 可贈以本官,加諡文靈。」 有文業,而治闕廉淸。稽古之効,未光於朝策,味貨之談,已形於民聽。 道 明範。 又前歲之選,匪由備行充舉,自荷後任,勳績未昭。 太和十六年卒,贈帛五百匹。 故何曾幼孝,良史不改『繆醜』之名,賈充寵晉,直士猶立『荒公』之稱。 尚書奏諡曰宣,詔曰:「蓋棺定諡, 先典成式, 激揚清濁, 尚書何乃情遺至公,愆違明典! 諡以善問, 殊乖其 義雖宿 依

清,義 少 左長史。世宗初,以從弟思和同咸陽王禧之逆,與弟通直常侍道昭俱坐總親出禁。拜太常 郎、太子中庶子,襲爵滎陽伯。 /卿,加 長子懿,字景伯。 然後取,百姓猶思之。 冠軍將軍,出爲征虜將軍、齊州刺史,尋進號平東將軍。|懿好勸課,善斷決,雖不潔 涉歷經史,善當世事。解祸中散,尚書郎,稍遷驃騎長史、尚書吏部 永平三年卒。 贈本將軍、兗州刺史、諡曰穆。

懿弟道昭,字僖伯。 少而好學,綜覽羣言。 初爲中書學生,遷秘書郎, 拜主文中散,徙

員外散騎侍郎、祕書丞、兼中書侍郎。

道昭與琅邪王秉爲諮議參軍 卿頻丁艱禍,每眷文席,常用慨然。」尋正除中書郎,轉通直散騎常侍。 表。」高祖謂道昭曰:「自比遷務雖猥,與諸才儁不廢詠綴,遂命邢巒總集敍記。 「遵彼汝墳兮昔化貞,未若今日道風明。」宋弁歌曰:「文王政敎兮暉江沼,寧如大化光四 下歸,文德遠被莫不思。」道昭歌曰「皇風一鼓兮九地匝,戴日依天清六合。」高祖 誠混江外。」鄭懿歌曰:「雲雷大振兮天門闢,率土來賓一正歷。」邢巒歌曰:「舜舞干戚兮天 曰:「白日光天無不曜,江左一隅獨未照。」彭城王勰續歌曰:「願從聖明兮登衡會, 從 征 洒漢, 高祖饗侍臣於懸瓠方丈竹堂, 道昭與兄懿俱侍坐焉。 北海王詳為司徒,以 樂作酒酣,高祖乃歌 當爾之年。 又歌曰: 萬國

萬一合允,求重敕尚書、門下,考論營制之模,則五雍可翹立而興,毁銘可不日而就。 息,有情之輩,實亦悼心,況臣親司,而不言露。伏願天慈回神紆盻,賜垂鑒察。若臣微意, 子學堂房粗置,弦誦闕爾。城南太學,漢魏石經,丘墟殘毀,藜藋蕪穢,遊兒牧豎,爲之歎 遷國子祭酒,道昭表曰:「臣竊以爲:崇治之道,必也須才,養才之要,莫先於學。 今國 樹舊

經 於帝京,播茂範於不朽。 斯有天下者之美業也。」不從。

之經 博 敷 之 將 之 魏 德 尙 阻 集 祖 四 基 英儒 海宅 文 風 書 晉, 爲 土 化 ,於行陳之中,尚 八任 敎 紀, 及 開 江 本 廣 實 何 貴 湫 而 國 平 心 學官 城 無疆 廣開 由 嘗 戰爭之術, 殷 懷 ,先帝爰震 子 Ī 王 於 魯秉周禮、强 不 周 之。 助教,宿已簡 一懷爲 澄 此 之祚,定鼎伊 凋 學校,用能 · 殷勤 致治, 落, 矣。 等妙選英儒, 垂 司 於篇籍,篤學於戎伍。 優引叔孫通等。 州牧,以道 兀 心 伏惟陛 以道藝爲先。 武怒,戎車不 遂使天下分崩 經 . 術 寢 聞道義於八荒,布盛德於萬國, 齊歸義。 素,優柔墳籍。 置。 廢。 瀍,惟新寶曆, 下 以崇文教。 欽 伏尋先旨, 昭 遂使碩 明文思,玄鑒 與宗正卿元匡 息。 及至 然則 光武 黔黎茶炭,數十年間,民無聊生者, 一戦國 儒 而 將使化越軒唐, 禮 停變佇 意在 者德,卷經 澄等依旨, 中興於撥亂之際,乃使鄭衆、范升校書東觀。 九 伏惟大魏之興也,雖羣凶未殄,戎馬在郊, 一紛紜, 樂者 服威至德之和,四垠懷 速就, 洞 爲 理,留 遠。 爲國之基,不 州 干戈遞用, 但軍 置四 而 越 不 心典墳, 會未 教靡 德隆虞夏。 談; 國 道 門博 多 昭 款, 俗 不懷, 事 可斯 Ŧi. 又表曰「臣聞唐虞 土 命故御 , 學後 籍 務修道 四十人,共 未遑營立。 灰焚, 擊壤之慶。 須 風 是 生, 廢 無不 史中尉 故 也。 以 遭 屢發 奉儒 斯之由 來之; 本 偃。 國 是故 而 臣李彪 中旨 自 坑 子 而 逐末。 矣。 **今者乘休平** 殄, 遐 爾 博士、太 蠢 周 啓運,以文 迄 方 爾 敷文教, 今, 敦營學 與 賊仁 然猶 爱暨 後服 閩 吏 進 降 競 學 部 FE 招 逮 漢 義

列

班,施行無遠,可謂職思其憂,無曠官矣。」 令幷制,早敕施行,使選授有依,生徒可準。」詔曰:「具卿崇儒敦學之意,良不可言。 修,尋訪 館,房宇旣修,生徒 舊 事,參定學令, 未立。 事訖封呈。 臣學陋 全經,識蔽篆素, 自爾迄今,未蒙報判。 然往年删定律令, 但廢學歷年, 謬預 、議筵。 經 術 淹滞 謹依準前 新令尋 請 學

徒崇 雖新令未班,請依舊權置國子學生,漸開訓業,使播敎有章,儒風不墜,後生覩徙義之機,學 報,故當以臣識淺濫官,無能有所感悟者也。館宇旣修,生房粗構,博士見員,足可講習。 之美,非所以光國宣風,納民軌義。臣自往年以來,頻請學令,並置生員,前後累上,未蒙 知新 道昭又表曰:「竊惟鼎遷中縣,年將一紀,縉紳褫業,俎豆闕聞, 之益。至若孔廟旣成,釋奠告始,揖讓之容,請俟令出。」不報 遂使濟濟明朝, 無觀風

書監,加平南將軍。熙平元年卒,贈鎮北將軍、相州刺史、諡曰文恭。 遷 一秘書監、滎陽邑中正。出爲平東將軍、光州刺史,轉青州刺史,將軍如故。 復入爲祕

好爲詩賦,凡數十篇。其在二州,政務寬厚,不任威刑,爲吏民所愛。

乾 耻言之,而嚴祖聊無愧色。 沒 一樂利, 子 嚴祖,頗有風儀,粗觀文史。 閨門穢 亂,聲滿天下。出帝時,御史中尉綦儁劾嚴祖與宗氏從姊姦通。人士咸 孝靜初,除驃騎將軍、左光祿大夫、鴻臚卿。 歷通直郎、通直常侍。 輕躁薄行,不修士業,傾側勢家, 出爲北豫州刺史,

仍本將軍。 罷州還,除鴻臚卿。 卒,贈都督豫兗潁三州諸軍 事]將軍、司空公、 豫州 刺

嚴 祖弟敬祖,性亦粗疏。 起家著作佐郎。 鄭儼之敗也,爲鄉人所害。

史。

敬祖弟述祖,武定中,尚書。

述祖弟遵祖,秘書郎。卒,贈輔國將軍、光州刺史。

遵祖弟順,〔三卒於太常丞。

自靈太后預政,淫風稍行,及元 叉擅權,公爲姦穢。 自此素族名家, 遂多亂雜,

加糾治,婚宦無貶於世,有識咸以歎息矣。

|羲五兄:長白麟,次小白,次洞林,次叔夜,次連山。 並恃豪門,多行無禮,鄉黨之內,疾

之若讎。

白麟孫道慓,隨郡太守。

小白,中書博士。

將軍 東徐州 子胤伯,有當世器幹。 刺 史,轉廣陵王征東府長史,帶齊郡內史。 自中書博士遷侍郎,轉司空長史。 卒於鴻臚少 高祖納 卿 其 諡 女爲 日 餉 嬪。 出爲建威

列傳第四十四 鄭羲

二四三

子希儁,未官而亡。子道育,武定中,開封太守

悖 州 1,肆行 別駕, 足爲令德,不幸得如此婦,今死復重死,可爲悲嘆。」 希儁弟幼儒,好學修謹,時望甚優。 無禮。 有當官之稱。 子敬道、敬德,並亦不才,俱走於關右 卒, 贈散騎常侍、安東將軍 丞相、高陽王雍以女妻之。 幼儒從兄伯猷每謂所親曰:「從弟人 歷尙書郎、 幼儒亡後,妻淫蕩兇 通 直郎、 司

貪殘。 胤伯弟平城,太尉諮議。 卒、贈征虜將軍、南青州刺 廣陵王羽納其女爲妃。 史。 出爲東平原太守。 性清狂使酒,爲政

者 貨 使 稍 之 轉 旃 征 以 人,蕭衍 之,爲車 太學博士,領殿 遷散騎 此 徐州 公行,潤及親戚。 長 貶之。 子伯猷,博學有文才,早知名。 常侍、平東將軍。 也 ·騎將軍、右光祿 令其侯王於馬射之日宴對 引 使還, 爲 行臺郞中。 中御史。 除驃騎 戶口逃散,邑落空虚。 大夫,轉護軍將軍。 將軍 前廢帝初,以舅氏超授征東將軍、金紫光祿大夫,領國 與當 事寧還都,遷尙書外兵郎中, 時名勝,咸申遊款。 南青州刺 申禮。伯猷之行,衍令其領軍將軍臧盾 舉司州秀才,以射策高第,除幽州平北府外兵參軍 史。 乃誣良民,云欲反叛,籍其資財,盡以入己,誅 元象初,以本官兼散騎常侍使於 在 州 意憐,妻安豐王元延明 肅宗釋奠,詔伯猷錄義。 典起居注,以軍功賜爵陽 女,專爲聚斂, 與之相接。 蕭 安豐王延明 们。 子 武子 祭酒。 前後

齊文 其丈夫,婦女配沒。 襄 Ŧ 作相,每誠 厲 百姓怨苦, 朝 士,常 以 聲聞四方。 伯猷 及崔 叔仁 爲御史糾劾, 爲 諭 武定七年,除太常 死罪數十條, 遇赦免, 卿。 其 因 年卒,年六 以 頓廢。

鸣。 贈驃騎 大將軍 、中書監 兗州 刺 史。

伯猷 弟仲衡, 武定 中,儀同 開府 中 郎。

洛, 靜初,除征南將軍、東濟北太守,帶肥城戍 擊之,遵遂遁走。 令其舅范遵鎮守滑臺,與輯之隔岸 仲衡 弟輯之,解褐 朝廷嘉之,除司 、驃騎將軍、度支尚書、北豫州 奉朝請, 領侍御 州 別駕。 相對。 史, 主, 以軍 葬轉 遵潛 男如 司空長 功賜爵城皐男。 軍 故。 ·夜渡, 史,遷鎭 天平四年卒, 規欲 南將軍 掩襲, 稍遷黎陽太守。 時年四 、金紫光 輯之率厲城民, + 九。 滁 屬元顏 大夫。 贈都 拒 孝 河 入

輯之弟懷孝,武定中,司徒諮 議

北豫梁二州諸軍事

刺

史。

洞林子敬叔,四司州都官從事、滎陽邑中正、 濮陽 太守。 坐貪穢除

子籍,字承宗。 徐州平東府長 史。

孝 內 昌 有 中,弟嚴 無 籍弟瓊,字祖珍,有强幹之稱。 相 通 為爲 寵要,重贈安東 時 人所 稱美。 將軍、青州 子道邕,歿關西。 自太尉諮議為范陽 刺 史。 瓊兄弟雍 嚴事在恩倖傳 太守, 睦, 其諸娣姒亦 治頗 有聲。 咸相親愛,閨門之 卒, 贈 太常 少卿

葛榮寇竊河北,州城淪陷,不獲之鎭。 敬叔 弟 士恭,燕郡太守。 孝昌中,因儼之勢,除衞尉少卿, 尋除征北將軍、金紫光祿 尋遷左將軍、瀛州刺 大夫, 又遷衞將軍 、右光祿 史。 時

大夫。 永熙中卒。 贈驃騎將軍、冀州刺史、重贈尚書左僕射、諡曰貞。

長子子貞、司空掾。遷從事中郎、南兗州開府司馬。

子貞弟子湛,齊濟二州長史、光祿大夫。

子湛弟昭伯,武定中,東平太守。

昭伯弟子嘉,早卒。

子大護,武定中,司空戶曹參軍。

叔夜子伯夏,司徒諮議、東萊太守。 卒,贈冠軍將軍、太常少卿、青州刺史。

子忠,字周子。 右軍將軍、鎭遠將軍。 卒,贈平東將軍、徐州刺史。

弟豪,長水校尉、東平原太守。

伯夏弟謹,字仲恭。琅邪太守。

子嵩賓,歷尚 .書郞、員外常侍,稍遷至左光祿大夫。 卒。

其第二子思明, 驍勇善騎射, 披髮率村義, 馳騎追之, 及於河。 連 山,性嚴暴, **撾撻僮僕,酷過人理。** 父子 時爲奴所害,斷首投馬槽下,乘馬北逝。 奴乘馬投水,思明止將從不

聽 功 自 放 劾 矢, **乃自** 思 明 i射之, 至 驍 騎 發 將 軍 丽 中 直 - , 落馬 閣 將 隨流, 軍 , 衆 弟 人擒 思 和 執 同 至家,臠 元 禧 逆 徙 而 邊。 殺 之。 會 思 赦,卒於 明 及 弟 家 思 和 後 贈 並 冠 以 武 軍

將

軍

濟

州

刺

史

督,領 聞 尒朱仲 叉 都 軍 先 後 榮 南 以 兼 ·,刺 督 完 將 功 護 稱 師 常常 封 尙 出 顥 軍 兵 子 所 史 不 遠 先護 書 向 城 入 當 平 侍 部 如 守, 洛 擁 右 拒 À 洛 故 與行 州 如 戰。 兵 僕 縣 莊 先 進 故 都 少 靈 射、二 向 開 護 臺 帝 督 太 有 洛, **爵郡公,增邑一千三百戶** 莊帝還京,嘉其 或 楊 部 未之任,又轉都督二豫 北 0 后 武 侯 衆 昱 時 巡 豫 前 幹。 令先護 妖贼 邑七 逃散,遂竄伏於南境。 同 郢 至 先護 討 東 解褐 潁 之。 劉 百戶 郡 四 與 據 舉 州 鄭 州 員 於濮陽 0 莊 誠 行 外 諸 季 起義兵,不受顥 轉通 帝 節 郎, 軍 臺 明 又遣 ,除使持節、 等 出 一常侍, 起逆, 討, 轉 尋除 固 東雍三州 0 都 通 守 不 督 尋 直 車 河梁, 至 前廢帝初 詔 賀 能 轉 郎。 騎 先護 加 拔 命 制 征 將 散 諸軍 鎭 勝 之。 西 ō 先 莊 騎 軍 以 北 討 將 顥 護 帝 常侍 ,仲遠遣人招 事 本官 將 遭 之居 仲 功 左 軍 聞 征 軍 遠 詔 衞 尙 莊 東雍 都督 0 爲 書令 藩 先 將 東 帝 尋 勝 東道 將軍 護 軍 刨 也 州 除 於 襄 以 一,先 位 臨 刺 前 都 陳 豫州 廣 及介朱榮 於 誘之,旣 本官假 准 將 護 史、假車 降 督 河 王彧 深 軍 賊, 討 州 北 刺 自 舉 驃 諸 廣 出 戰 史, 率 結 车 遂 死 騎 州 軍 衆討 而 士 託。 之。 開 將 餘 將 事 刺 害焉 徐 離 軍 官 軍 門 史、假平 鎭 之六 州 الأ 及 當 還 納 如 大 | 介朱 刺 南 鎭 都 1 尋 史 州 將

帝時,贈持節、都督靑齊濟兗四州諸軍事、驃騎大將軍、儀同三司、靑州刺史,開國如故。

思和,歷太尉中兵參軍。同元禧之逆,伏法。

子康業,通直郎。出帝時,坐事賜死。

子彬,武定末,齊王相國中兵參軍。

思和弟季長,太學博士。卒。

子喬,歷司州治中、驃騎將軍、左光祿大夫。

郎、步兵校尉、驍騎將軍,遷輔國將軍、太尉司馬。 羲叔父簡, 簡孫尚, 壯健有將略。 屢爲統軍, 東西征討, 以軍功賜爵汝陽男。 出爲濟州刺史,將軍如故。爲政寬簡,百 歷位尚書

姓安之。卒,贈本將軍、豫州刺史,諡曰惠。

子貴賓,襲。 解褐北海王國常侍, 員外散騎侍郎,稍遷尚書金部郎。 以公坐発官。

2, 兼太尉屬。 卒,贈征虜將軍、荆州刺史。

子景裕、襲。武定末、儀同開府行參軍。

貴賓弟次珍,卒於員外常侍。 贈安東將軍、光州刺 史。

貴賓異母弟大倪、小倪。 皆粗險薄行,好爲劫盜,侵暴鄉里,百姓毒患之。 普泰中。形

爲介朱仲遠所殺。

尚從父兄雲,字道漢。 歷雁門、濮陽二 郡,貪穢狼籍。 肅宗時, 納賄劉騰, 得為龍驤將

軍、安州刺史。坐選舉受財,爲御史所糾,因暴病卒。

雲從父兄子敬賓,自祕書郎稍遷輔國將軍、中散大夫、魏郡太守、金紫光祿大夫。

子士淵,司空行參軍。

羲從父兄德玄。顯祖初,自淮南內附,拜滎陽太守。

子穎考, 太和中,復爲滎陽太守。 卒,贈冠軍將軍、豫州刺史、 開封侯、諡 惠

子洪建, 太尉祭酒。 同元禧之逆,與弟祖育同伏法。 永安中,特追贈平東將軍 齊州

刺史。

子士機, 性識不周,多有短失。 歷散騎侍郎、司空從事中郎、中書郎。

子道蔭,武定末,開府行參軍。

祖育,太尉祭酒。亦特贈平東將軍、豫州刺史。

祖育弟仲明,奉朝詩,稍遷太尉屬。 以公强當世,爲從弟儼所昵,除滎陽太守。 嚴慮世

難,欲以東道託之。 建義初,仲明弟季明遇害河陰。 嚴後歸之,欲與起兵,尋爲城民所殺。

有奉國之意,乃追封安平縣開國侯、邑七百戶,贈侍中、車騎大將軍、儀同三司、尚書左僕 仲明兄洪健,李沖女壻。建義初,莊帝以仲明舅氏之親,其弟與謀扶戴,仲明之死也,且

已立,叔仁子拔江乃斬道門。建義中,特贈立節將軍、瓜州刺史。 長子道門,仲明初謀起義,令道門說大都督李叔仁於大梁。 叔仁始欲同舉,後聞莊帝

射、雍州刺史。

道門弟孝邕、襲。天保初,爵隨例降。

仲明弟季亮,司徒城局參軍、員外常侍。卒,贈散騎常侍、撫軍將軍、青州刺史。

遷平東將軍、光祿少卿。武泰中,潛通今朱榮,謀奉莊帝。及在河陽,遂爲亂兵所害。 糧寡少,外援不接,季明孤城自守,卒得保全。朝廷嘉之,封安德縣開國伯,邑七百戶。累 季亮弟季明,釋褐太學博士。正光中,譙郡太守,帶渦陽戍主。 頻爲蕭行遣將攻圍,

子昌,襲。 武定末,司徒城局參軍。 天保初,爵隨例降。 追封南潁川郡開國公,食邑千五百戶,贈驃騎大將軍、尚書左僕射、司空公、定州刺史。

崔辯,字神通,博陵安平人。 學涉經史,風儀整峻。 顯祖徵拜中書博士。散騎侍郎、平

遠將軍、武邑太守。 政事之餘,專以勸學爲務。 年六十二,卒。 贈安南將軍、 定州刺史, 諡

日恭。

朝儀 散。 直散騎 受敕 長子景儁, 常侍、廷尉少卿。 雅 接蕭 爲 高 祖 賾 梗正有高風,好古博涉。 使 所 蕭琛、 知重 ,遷國子博士,每 卒,朝廷悼惜之,贈以本官 范雲, 高 祖 賜 名爲 有公事 以經明行修,徵拜中書博士。 逸。 ',逸常被 後 爲 員 詔 外散騎 獨 進。 侍 博 郎,與著作郎 土 一特命 歷侍御史、 自 逸始 韓 興宗參定 主文中 轉 通

子 巨倫,字孝宗。 幼孤, 及長, 歷涉經史,有文學武 藝。 以世宗挽郎,除冀州鎮北 府

曹參軍、太尉記室參軍。

賊 夜 「吾受敕而 五日時,天氣已大熱。 名,欲用爲 中 乃四潰, ·南走, 叔楷爲殷州,巨倫 行。 得馬 黃門侍郎。 逢賊遊騎數 數 賊 不 匹 ·信,共 而 仍爲 去。 巨倫 狗便呀欲死,牛復吐出舌。」以此 百, 蒸火觀敕。 夜陰失道,惟看佛塔戶而行。 **俱恐不** 長史、北道別將。 心 惡之。 濟。 至五月五 火未然,巨倫 巨倫曰:「寧南死 在州陷賊、斂恤亡存、爲賊所義。 日,會集官僚, 手刃 自 (賊帥, 一寸,豈北 晦, 到洛,朝廷嘉之, 令巨倫 獲舜。 餘 人因 生一尺也! 未幾, 賦詩,巨倫 與 奮擊,殺 潛結死 授持節、 乃日 葛榮聞其 便欺 傷 數 士 玩五 別將北 十人, 賊 數 Ħ 才

列

博

初 喪之始,巨倫收殯倉卒,事不周固, 至是遂偸路改殯, 幷竊家口 以 尋授國子

多 住 郡 莊 西兗 帝 刨 州 歲 位、假節、中堅將軍、東濮陽太守、假征虜將軍、別將。 事 儉 封 飢 乏,巨倫傾資贍恤,務相全濟,時類高之。 漁陽 縣開 國男,邑二百戶,尋除 光祿 大夫。 元顥 三年卒,時年四十四。 入洛,據郡 時河北紛梗,人士避 不從。 莊 帝還

子 武 襲。 武定中,懷 州 衞 軍府錄事參軍 ٥ 齊 受禪,爵例 降

爲 姑 子 趙 翼 或 初 万巨 納 李 之,時 叔胤之妻,高 偷 有 姊,明惠有才行 人 歎 其 義 明 慈篤, 崔氏 聞 ,因患眇一目, 與翼 而悲處曰:「吾兄盛德,不幸 八書詩 數十首 內 外 所解 親 理 類 可 莫 觀。 有求者, 早世、豈 其家 令此女屈 議欲下嫁之。 事 卑族 , 1 巨倫 乃

模 將 遵 軍 祭 攻破 屢 將 酒 率 、尚 軍 逸 衆 有 弟 其營,擒虎。 赴之。 書 中 戰 模 金 功 散 字 部 大 除持 夫。 事 叔 郞 ·覺, 軌 中、 節 以 出 模焚 太尉 光 功封 除 身長 魯陽 祿大夫、都督 主簿, 襄陽邑郭 八尺, 槐 里 太守。 一縣開 轉中 圍 而 亦如之。 國伯, 郎, 正 還。 別道 光二年,襄陽 遷太子家 邑五 諸 坐不 軍 出 百戶。 專 克,発官。 後 令。 其 加 民密 叔。 安 於時將督敗歿者多,模挫敵持 以 東 求款 公 雅 將 及 事 有 蕭 軍。 附, **趸**。 志 寶 度。 詔模 万 神 俟 龜 起家 關 爲 醜 中,韶 别 隴 奴 奉朝請, 將,隸 遣 引 復 將 模 本資,除 郝 爲 淮 虎 歷 西 南 重 南 太尉 征 王 侵, 號 别 世 冠

|熙中,追錄前勳,又贈都督|定相|冀三州諸軍事、驃騎大將軍、儀同三司、相州刺史。 爲名將。 後假征東將軍、行岐州事。 未幾,擊賊入深,沒於陳。 贈撫軍將軍、相州 刺史。 子士護。 永

郎中、伏波將軍、太子中舍人、左中郎將。 烈,能摧挫豪强,故時人語曰:「莫德都買反獬孤楷反,付崔楷。」 懷 文學。 模弟楷,字季則。 正始中,以王國官非其人,多被刑戮,惟楷與楊昱以數諫獲免。 美風望,性剛梗,有當世幹具。 以黨附高肇,爲中尉所劾,事在高聰傳。 釋褐奉朝請,員外散騎侍郎、 後為尚書 楷性嚴 廣平王 左主客

於時冀定數州,頻遭水害,楷上疏曰:

雚蒲。 唐堯致歎,衆庶斯饉,帝乙罰己。良以爲政與農,實繫民命。 已,汎濫爲災。 此而獲安。頃東北數州,頻年淫雨,長河激浪,洪波汩流,川陸連濤,原隰通望,彌漫不 臣聞有國有家者,莫不以萬姓爲心,故矜傷軫於造次,求瘼結於寢興。 斯用痛 心徘徊,潸然佇立也。 戶無擔石之儲,家有藜藿之色。 華壤膏腴,變爲舃鹵,菽麥禾黍,化作 水旱綠兹以得濟,夷險用 黎民阻

勞,日長忘餐,宵分廢寢。 昔洪水爲害四載,流於夏書,九土旣平攸同,紀自虞誥。 伏惟皇魏握圖臨宇,總契裁極,道敷九有,德被八荒,槐階棘 亮由君之勤恤, 臣 用劬

飢; 路, `幽瀛川河` 頻年汎溢。 豈是陽九厄會,百六鍾期,故以人事而然,非爲運極。 實維 英哲,虎門、麟閣,實曰賢明,天地函和,日月光曜。 自比定冀水潦, 無歲不

國鹹舄,史起哂之;兹地荒蕪,臣實爲耻。行不揆愚瞽,輒敢陳之。

未須 積。 往。 縣遣能工,麾畫形勢,郡發明使,籌察可否。審地推岸,辨其脈流,樹板分崖,練厥從 海,遠邇逕通,亞瀉其墝潟,泄此陂澤。 木參功,務從便省。使地有金隄之堅,水有非常之備。鈎連相注,多置水口,從河入 迤,穿鑿涓澮, [c] 分立隄堨,所在疏通,預決其路,令無停蹙。隨其高下,必得地形,土 離,墳井毀滅。良由水大渠狹,更不開瀉,衆流壅塞,曲直乘之所致也。至若量其逶 流,東北數郡之地,僅得支存。及下通靈、鳴,水田一路,往昔膏腴,十分病九,邑居凋 河決鄉子,梁楚幾危;宣防旣建,水還舊迹。十數年間,戶口豐衍。 人功。 別使案檢,分剖是非,自己瞰睇川原,明審通塞。當境修治,不勞役遠,終春自罷, 計水之湊下,浸潤無間,九河通塞,屢有變改,不可一準古法,皆循舊隄。 卽以高下營田,因於水陸,水種秔稻,陸藝桑麻。 九月農罷,量役計功,十月昏正,立匠表度。 必使室有久儲,門豐餘 又決屯氏,兩川分 何者?

其實上葉禦災之方,亦爲中古井田之利。卽之近事,有可比倫。 江淮之南,地勢

際, 心螢爝, 饉色,黔首罕有飢顏。 洿下,雲雨陰霖,動彌旬月。 目覩荒殘, 乞暫施行。使數州士女,無廢耕桑之業,聖世洪恩,有賑飢荒之士。 每思鄭白,屢想王李。 **豈天德不均,致此偏罰,故是地勢異圖** 遙途遠運,惟用舟艫,南畝畬菑,微事耒耜。 夙宵不寐,言念皇家,愚誠丹款,實希效力,有 .,有**兹豐**餒。 而衆庶未爲 臣旣鄉居水 **鄴宰深**

廣,非朝夕可合,宜付外量聞。」事遂施行。楷用功未就,詔還追罷 韶曰:「頻年水旱爲患,黎民阻飢,靜言念之,昃不遑食,曰三鑒此事條,深協在慮。 但計畫功

笑,息自一朝"臣之至誠,申於今日

許。 城 司。 諸 基 今天 實 將 趾 回 下之戰,匪暮 造 長 衝,居當五裂…西通長山,東漸巨野。 未幾,分定相二州四郡置殷州,以楷爲刺史,加後將軍。楷至州,表曰:「竊惟 **拒擊**,並皆失利。 必 久之,京兆王繼爲大將軍西討,引

楷爲司馬。 還,轉後將軍、廣平太守。 創 喪亂,妖災間起。定州逆虜,赵趣北界,鄴下兇燼,蠶噬腹心。 虎 庶 視 事 斯朝。 ·茫然,升儲尺刃,聊自未有,雖 一方,遏 其侵軼,肅淸境內,保全所委。」詔付外量,竟 臣以不武,屬此屛捍,實思効 孝昌初,加楷持節、散騎常侍、光祿大夫、兼尚書北道行臺, 頃國 欲 .路康寧,四方有截,仍聚姦宄,桴鼓時 竭誠,莫知 力,以弱 敵强,析骸煮弩,固 攸濟。 無所 謹 兩處犬羊,勢足幷合, 列 所須 兵仗, 請垂矜 後葛榮轉盛, 此 忠節。但 殷州 鳴。 尋轉軍 況 地

列

立,了 朝送免兒女,將謂吾心不 陷,亦戰歿。 崔 多,足固將士之意,竊不足爲疑。」楷曰:「國家豈不知城小 害之,時年 共論之,咸曰:「女郎出嫁之女,郎君 合家赴州。 「貪人之祿 公尙 永熙 無禦備之具。 不 中, Ħ. ·借 三年春,賊勢已逼,或勸 楷兄弟 又特 + 百 ,憂人之事,如一身獨往,朝廷謂吾有進退之計 口 __<u>_</u> 贈侍中、都督冀定相三州諸軍事、驃騎大將軍、儀同三司、冀州刺 ,吾等何愛一 父子,並死王事,朝野傷歎焉。 長子士元舉茂才,平州錄事 及賊來攻,楷率力抗拒, 固。 虧忠全愛, 臧獲耻之, 身!」自己速戰半旬,死者相枕。 小未勝兵,留之無益, 滅 小弱 以避之,乃遣第四女、第三兒夜出。 强弱 參軍 勢懸, 贈使持 、假征 况吾荷國 每勒兵士撫厲之,莫不爭奮,咸稱: 力弱 去復 節 **虜將軍** 、散騎 ,將士又誰肯爲 力竭城陷 重寄也。」遂命追還。 也,置吾 何損。 一、防城 常侍、鎭軍 且使君 记死地,· 都督。 情執節 令 人 在 隨 將 吾死 旣 固 城, 軍 楷 不屈,賊遂 志 而 史。 定州 之州 耳 州 家 也 召 既新 僚 口 į 州 刺 尚 逐 屬

弟 士 |士約, 並歿關 西

弟士 順 儀 司 開 府行參軍

息勵德,武定中,司徒城局參軍。

史臣 鄭羲機識明悟,爲時所許,懿兄弟風尚,俱有可觀,故能並當榮遇, 其濟美矣。

嚴 經 明行 祖 穢薄, 忝其家 高,籍甚太和之日,德優官薄,仍世恨之。 世 幼儒令問促年,伯猷賄以敗業,惜乎! 模雄壯之烈,楷忠貞之操,殺身成義,臨難 崔辯器業著聞,位不遠到。 逸

校勘記

如

歸。

非大丈夫亦何能以若此

1

- 今張 超驅市人負擔石 諸本「市」下脫「人」字,今據北史卷三五鄭義傳、 册府卷四五二五三五九
- 頁、卷七二一八五八四頁補。
- C = 0中 Ī Щ 字。 Ξ 叡 但 他 張 處也 森楷云:「『王』下當更有一『王』字。」 多如 此,今不補,以後也不再出 校 記 按魏書對異姓王公例必書姓,這裏當脫
- = 遵 祖 弟 順 }北 史卷三五「順」下 有「租」字。 按鄭 道 昭 Ŧi. 子都以 に祖」 字排行,不應順獨單名一當

脫

祖宇。

PY 次 洞 林子 叔 夜 次次 敬叔 連 Щ 諸本 遂 子二 各序 其子 作「字」, 某、 孫某。 獨殿本作「子」,考證云:「鄭羲五 今觀下文有云:『敬叔弟士恭 兄,長白 lan, 則 न 麟、次小白、次洞林、 知敬叔 土恭省 洞

列

傅

第

四

+

四

校

勘

記

林子,而: 非其字矣。 今改正。」按批史卷三五正作「子」。今從殿本。

- 二五 轉通 常侍 按「 通」下當脫「直」字。
- ハベン 顥 事, 遣尚書令臨淮王彧率衆討之 但云彧於元子攸卽位後,自梁還,「累除位尚書令」云云。 諸本「尙」作「上」。 按卷一八臨淮王譚附彧傳以北史補, 當仍居此官。 不載

元顥入洛

這裏

Ŀ 顯爲「尙」之訛, 今改正。

此

- . . -U 臣實爲 耻 諸 本「耻」訛「取」,今據册府卷四九七五九四八頁改。
- 穿鑿 涓 澮 殿本考證云:「『涓』疑應作『溝』。」
- 八九 遠邇 逕通 諸本「通」訛「過」、今據册府卷四 九 七五九四八頁
- 分剖 是非 諸本「剖」訛「部」,今據册府同上卷頁 改
- 昃不 遑食 諸本「遑」訛「違」,今據册府同上卷頁改。
- 吾等 身」與上「百口」相對。 何 愛 身 諸本 無 册府採魏書 __ 字, 北史卷三二雀辯附崔楷傳、册府卷三七二四四二六頁有。 而與北史同 知傳本魏書脫去了 今據補 按「一

魏書卷五十七

列傳第四十五

高祐 崔挺

州 赫連昌,以功拜游擊將軍,賜爵南皮子。 從祖弟也。 中正。 高祐,字子集,小名次奴,勃海人也。 假散騎常侍、平東將軍、磷縣侯,使高麗。卒,贈安南將軍、冀州刺史、假滄水公, 祖展,慕容寶黃門郎,太祖平中山,內徙京師,卒於三都大官。父讜,從世祖滅 與崔浩共參著作,遷中書侍郎。 本名禧,以與咸陽王同名, 高祖賜名祐。 轉給事中、冀青二 司空允

諡曰康。祐兄祚,襲爵,東靑州刺史。

招下邵郡羣賊之功,賜爵建康子。高宗末,兗州 詔以問滿,滿曰:「此是三吳所出,厥名鯪鯉,餘域率無,今我獲之,吳楚之地,其有歸國 励博涉書史,好文字雜說,材性通放,不拘小節。 東郡 吏獲一異獸,獻之京師,時人**咸無識** 初拜中書學生,轉博士、侍郎。 以麻

列

者, 命 也, 叉 我獲 有 人 (其命,亦是歸我之徵。)顯祖初, 於零丘得玉印一以獻,詔以示滿,滿曰:「印上有籀書二字,文曰 劉義隆 子義陽王 | 昶來奔, 薛安都等以五 『宋壽』。壽 一州降

附

",時謂

祐言

|有驗

岱宗 今古, 氏, 帝 固 當 而 太 創 前 以 弗 大體 史職 和 制 命,太皇太 昭 其文 屬詞 揚。 傳 想 上古,開基 高 以降,年 曲 幣,披覽國司 一令事 祖 石 弗具。 有 比 記 然則 拜 著作郎已下, 請取有才 條章、雖周達未兼、斯實前史之可言者也。 事, 之列 秘 后 未一 類 書令。 尚書者記言之體,春秋者錄事之辭。 淳 記,竊 自周 長發,自始均 相 兩致並書, 紀, 曜 從, 而 二儀, 以降,典章備舉。 然嘉 後與丞李彪等奏曰「臣等聞 秘 紀 有 府 傳 志 惠和 焉。 符禎 策 區 可謂存史意, 勳, 以後,至於成帝,其間 別,表志 、瑞、備 愚謂自王業始 王度,聲敎之所 用者, 述美 殊貫,如 臻 史官之體,文質 未 参造 於往 盡 而 非 國書, 時 將 此 基,庶事 全史體。 漸治, 令皇 修綴,事 洪 世數 典謨興、話言所以光著, 功茂德,事 如得其人, 尋覽前志,斯皆言動之實錄 風 風 至於後漢、魏、晉咸以放焉。 草創, 不同, 大 逮司 **久遠**,是以 譯 可 猷, 之 備 馬遷、班固, 所 立書之旨,隨時 萃 皇始 或 盡 三年有成矣。 覃 闕 於 加, 以降, 襲 伏 史 而 、惟陛 一弗能 世。 不 固 載 皆博 已義振 光宅 傳。 會稽 下先天 載籍作, 功 有異。 然後大明之德 中土, 臣 識 佇 臣等疏陋, 前 也。 懿 大 玉 開 王矣。 八才,論 績, 牒之章。 物, 宜 惟 成 至岩 夏 《事所 或遺 洪宣 殷 依 聖 朝 左. 遷 加 忝 敍 以

功,光于帝篇,聖后之勳業,顯于皇策。 佐命忠貞之倫,納言司直之士,咸以備著載籍矣。」

高祖從之。

矣。」又問止盜之方,滿曰:「昔宋均樹德,「」害獸不過其鄉;」卓茂善敎,蝗蟲不入其境。 任,所謂王者可私人以財,不私人以官者也。」高祖皆善之。加給事中、冀州大中正,餘如 則官方斯穆。又勳舊之臣,雖年勤可錄,而才非撫人者,則可加之以爵賞,不宜委之以方 舉,不採識治之優劣,專簡年勞之多少,斯非盡才之謂。宜停此薄藝,棄彼朽勞,唯才是舉, 盜賊者, 人也, 苟訓之有方, 寧不易息。當須宰守貞良, 則盜止矣。」

」耐又上疏云:「今之選 運,不能去陽九之會,陛下道同前聖,其如小旱何?但當旌賢佐政,敬授民時,則災消穰至 時李彪專統著作,耐爲令,時相關豫而已。 高祖從容問祐曰:「比水旱不調,五穀不熟,何以止災而致豐稔。」 祐對曰:「昔堯陽之

化大行、寇盜止息。 客,不聽婦人寄春取水。又設禁賊之方,令五五相保,若盜發則連其坐,初雖似煩碎,後風 黌序,乃縣立講學,黨立小學。[三叉令一家之中,自立一碓,五家之外,共造一井,以供行

轉宋王劉昶傅。 以昔參定律令之勤,賜帛五百匹、粟五百石、馬一匹。 昶以其官舊年

彭城,久而 耆,雅 相 祗 不赴。 重 , 妓妾之屬, 多以遺之。 拜光祿大夫, 傅如故。 於是尚書僕射李沖奏祐散逸淮徐,無事稽命,處刑三歲,以贖論 | 昶薨後,徵爲宗正卿,而| 祐留連 詔発卿

任,還復光祿。太和二十三年卒。 太常議諡曰煬侯,詔曰:「不遵上命曰『靈』,可諡爲靈。」

子和壁,字僧壽,有學問。中書博士。早卒。

滄州刺史、諡曰惠 除鎮遠將軍,遷輔國將軍、中散大夫,轉征虜將軍,仍中散。卒,時年四十九。贈平東將軍、 法, 顯以爲擁逼之徒, 前許原免, 宜爲表陳請。 | 平從之, 於是咸蒙全濟。 事定, 顯仍述職。 時軍旅之後,因之飢饉,願爲綱紀,務存寬靜,甚收時譽。 州 爲冀州別駕,未之任,屬刺史元愉據州反,世宗造尙書李平爲都督,率衆討之。平以顯彼 .領袖,乃引爲錄事參軍,仍領統軍,軍機取捨,多與參決。 擒[楡之後,別黨千餘人皆將伏 和壁子顥,字門賢,學涉有時譽。自司空參軍轉員外郎,襲爵建康子,遷符璽郎中。出 尋加陵江將軍。坐事**免**。久之,

子德正,襲。武定中,黃門侍郞。

四。天平中,追贈散騎常侍、平北將軍 **關弟雅,字興賢,有風度。 自給事中稍遷司徒府錄事參軍、定州撫軍府長史。 卒,年三** 、冀州刺史。

子德乾,早有令問。任城太守。卒。

參軍。 北將軍、幽州刺史,贈帛二百匹,優一子出身,諡曰忠侯。 簡行佐,諒與隴西李仲尚、趙郡李鳳起等同時應選。 驍騎將軍,爲徐州行臺。至彭城,屬元法僧反叛,逼諒同之,諒不許,爲法僧所害,時年四十 朝廷痛惜之,贈左將軍、滄州刺史。 雅弟諒,字脩賢。少好學,多識强記,居喪以孝聞。 **諒造親表譜錄四十許卷,自五世已下,內外曲盡。** 又下詔,以諒臨危授命,誠節可重,復贈使持節、平 稍遷太尉主簿、國子博士。 太和末,京兆王愉開府辟召,高祖 三子。 覽者服其博記。 長惠勝,武定中,司徒外兵 正光中,加 妙

子法永,諸王從事中郎。 耐弟欽,幼隨從叔濟使於劉義隆,還爲中書學生,遷秘書中散。 亦早亡。 年四十餘,卒。

乾邕弟敖曹,天平中,司徒公、京兆郡開國公。

崔挺, 字雙根,博陵安平人也。 六世祖贊,魏尚書僕射。 五世祖洪,晉吏部尚書。 Ľ

鬱,濮陽太守。

推 者,遺挺,辭讓而受,仍亦散之貧困,不爲畜積,故鄕邑更欽歎焉。 相 ;讓田宅舊資,惟守墓田而已。 家徒壁立,兄弟怡然,手不釋卷。 時穀糴踊貴,鄕人或有贍 存慰,辭旨款備,得者榮之。三世同居,門有禮讓。於後頻值飢年,家始分析,挺與弟振 挺 幼居喪盡 禮。 少敦學業,多所覽究,推入愛士,州閻親附焉。 每四時與鄉人父老書

馬牛各二。尚書李沖甚重之。高祖以挺女爲嬪。太和十八年,大將軍、宋王劉昶南鎭彭城, 詔假立義將軍,爲昶府長史,以疾辭免,乃以王肅爲長史。其被寄遇如此。 王碑,賜爵泰昌子。轉登聞令,遷典屬國下大夫。以參議律令,賜布帛八百匹、穀八百石、 舉秀才,射策高第,拜中書博士,轉中書侍郎。以工書,受敕於長安書文明太后父燕宣

哉。」復還州。及散騎常侍張彝兼侍中巡行風俗,見挺政化之美,謂挺曰:「彝受使省方,採 察謠訟,入境觀政,實愧淸使之名。」州治舊披城,西北數里有斧山,峯嶺高峻,北臨滄海,南 望岱嶽,一邦遊觀之地也。挺於頂上欲營觀宇,故老曰:「此嶺秋夏之際,常有暴雨迅風,嚴 吾所綴文,已成一集,今當給卿副本,時可觀之。」又顧謂侍臣曰:「擁旄者悉皆如此,吾何憂 及見,引諭優厚。又問挺治邊之略,因及文章。高祖甚悅,謂挺曰:「別卿已來,倏焉二載, 後除昭武將軍、光州刺史,威恩並著,風化大行。十九年,車駕幸兗州,召挺赴行在所。

路乎!遂營之。 石盡落,相傳云是龍道,恐此觀不可久立。」挺曰:「人神相去,何遠之有? 虬龍倏忽,豈 數年間,果無風雨之異。 挺旣代,即爲風雹所毁,於後作,復尋壞, 逐莫能 唯

立。

衆以爲善化所感

盗跖之誅,豈不哀哉!辭甚雅切,高祖納之。先是,州內少鐵,器用皆求之他境,挺表復鐵 子罪不相及。 畤 以犯罪配邊者多 天下善人少,惡人多,以一人犯罪,延及合門。 有逃越,遂立重制,一人犯罪逋亡,合門充役。 司馬牛受桓魋之罰,柳 挺上書,以爲周書父 不惠嬰

官,公私有賴。

諸州·

中正,本在論人,高祖將辨天下氏族,仍亦訪定,乃遙授挺本

州大

中正。

隨 藏之海島,垂六十歲。 忻逢明治,今願 取,光潤果然。 掖縣有人,年踰九十,板輿造州。 竟不肯受,仍表送京都。世宗即位,累表乞還。 自稱少曾充使林邑,得一美玉,方尺四寸,甚有光彩, 奉之。 挺曰:「吾雖德謝古人, 景明初見代,老幼泣涕追 未能以玉爲 寶。」遣船

隨,鎌帛贈送,挺悉不納。

亦 敍,挺終獨無言。 司馬,挺固辭不免。 何故默然。」挺對曰:「階級是聖朝大例,考課亦國之恒典。 散騎常侍趙脩得幸世宗、挺雖同州壤、未嘗詣門。 詳曰「崔光州考級並未加授,宜投一牒,當爲申請。 世人皆歎其屈,而挺處之夷然。 於後詳攝選,衆人競稱考第, 北海王詳爲司徒、錄尚書事。以挺 下官雖慚古賢不伐之美。至於 蘧伯 玉 耻 獨爲君子, 以求選 爲

列

卒,時年五十九。其年冬,贈輔國將軍、幽州刺史,諡曰景。 自 街求進,竊以羞之。」 詳大相稱歎。 自爲司馬,詳未曾呼名,常稱州號,以示優禮。 光州故吏聞凶問,莫不悲感,共 四年

鑄八尺銅像於城東廣因寺,起八關齋,追奉冥福,其遺愛若此。

遠致。 舊故多有贈贈,諸子推挺素心,一無所受。有子六人。 初,崔光之在貧賤也,挺贍遺衣食,常親敬焉。 世稱其知人。歷官二十餘年,家資不益,食不重味,室無綺羅,閨門之內,雍雍如也。 又識邢巒、宋弁於童稚之中, 並謂終當

也。」 賢子謁帝,旨諭殊優,今當爲羣拜紀。」挺曰「卿自欲善處人父子之間,然斯言吾所不敢 長子孝芬,字恭梓。早有才識,博學好文章。高祖召見,甚嗟賞之。 李彪謂挺曰「比

聞

見

任 刺 城王澄雅重之。熙平中,澄奏地制八條,孝芬所參定也。在府久之,除龍驤將軍、廷尉 史,啓孝芬爲司馬。後除司徒記室參軍、司空屬、定州大中正,長於剖判,甚有能名,府主 司 徒、彭城王勰板爲行參軍,後除著作郎,襲父爵。 尚書令高肇親寵權盛,子植除青州

孝 昌初,蕭衍遣將裴邃等寇淮南。 詔行臺<u></u>剛道元、都督河間王琛討之,停師城父,累月 少

卿。

不進。 詔 從弘農堰渠山 因 代 加孝芬 敕孝芬持節齎齊庫刀、三催令赴接,賊退而還。 通直散騎常侍,以將軍爲荆州刺史,兼尚書南道行臺,領軍司, 於 時,州郡内戍悉已陷没,且路由三鴟,賊已先據。 「道南人,遣弟孝直輕兵在前,出賊不意,賊便奔散, 荆州刺史李神儁爲蕭衍遣將攻圍 孝芬所統既少,不得徑進, 人還安堵。 率諸將以援神傷, 肅宗嘉勞之, 遂

乃 劾, 郡 城馬 出 孝芬按以重法。 後 一賊攻陷,尋爲賊所害。 以元叉之黨,與盧同、李獎等並除名,徵還。又孝芬爲廷尉之日,章武王融以贓貨被 及融 爲都督,北討鮮于脩禮,於時孝芬弟孝演率勒宗從, 融乃密啓,云三孝演入賊爲王。」遂見收捕, 合家逃竄, 避賊於博陵, 遇赦

并

齊馬及綿絹等物。

カ屈 愧 得 州 而 色。 聞? 内 行 退 臺。 孝昌 頭 走。 景儁 若 元 有 叉 孝芬 三年,蕭衍將成景儁率衆逼彭城,除孝芬寧朔將軍、員外常侍、兼尚書右 除孝 築棚 車 聞 中,稱 將發, 知 芬安 造堰,謀斷 ,此於元叉 人辭。 此 南 老嫗會須却之。」孝芬日:「臣蒙國厚恩, 將軍 親密 泗水 靈太后謂孝芬曰:卿女今事我兒,與卿便是親 一、光禄 以灌 過臣遠矣。 大夫、兼尚書,爲徐兗行臺 彭城。 孝芬 乞對言者 率大都督李叔仁、柴集等赴戰 ,足辨虚 實。」 義 無斯語。 靈太后悵 假 舊, 然 實 て『景傷等 意 有 曾 丞, 此 解 何 相 爲徐 誰 負 能

突圍

奔

蕭

行,餘悉平定。

紫光祿 建 大 義 夫, 初 太山 仍兼尚 太守羊侃據郡反,遠引南賊, 書 東道行 臺, 大都督刁宣馳往救援, 圍逼兗州。 Ξ 除孝芬散騎常 與行 臺于暉 接,至 侍、 鎭 便 東將 圍 軍 侃 金

陰王 州 **遣援,乃急攻之,晝夜不息。** 刺 暉業, 史,將軍 永安二年,莊帝聞元顥 乘勝徑進, 如 故。 孝芬 遣其 **外倦外役,固辭不行,乃除太常** 後軍都督侯暄守梁國城 有內侵之計, 敕孝芬南赴徐州。 五日,暄遂突出,擒斬之,俘其卒三千餘 以爲後 卿 拨。 顥遂潛師向考城,擒 孝芬 勒諸將 人。 莊帝還宮,授西兗 馳 往 大都督、 重 暄 一、恐頻 濟

州 夫,仍尙書。 授散騎常侍、 刺 史,兼尚 普泰元年,南陽 書南道行 後 驃騎 加 儀 將軍 太守趙脩 三司 臺。 西兗州 兼 又除都督三 延 吏 刺 襲據荆州城,囚刺史李琰之,招引 部 史。 尙 書。 一荆諸 太昌初, 軍事、車騎 兼殿 中 ·尚書。 將 軍、假驃 尋除車騎大將軍、 騎 南 將 寇。 軍 除 孝芬 孝芬 已出· 衞 左光祿 將軍 次, |荆 改

出 帝入關,齊獻武王至洛,與尚書辛雄、劉廢等並誅, 時年五十。 沒其 家 口, 天平 中 乃

孝芬 博 文 口 .辯,善談論,愛好後進,終日忻然,商搉古今,間以嘲謔,聽者忘疲。 所著文

章

十篇。(k) 有子八人。

子,弟宣度以子龍後之。 遣勉送勳貴妻子赴定州,因得還家。 除 廂出入其家。被收之際,在外逃免。 **兼國子祭酒,典儀注。** 浮競譏之。 中如故。 侍御史。 季景陰求右丞,奪勉所兼。世隆啓用季景,勉遂悵快自失。 長子勉,字宣祖。 以舉人失夷,爲中尉高道穆奏觅其官。 爲尚書令尒朱世隆所親待,而尚書郎魏季景尤爲世隆知任,勉與季景內頗不 永安初,除建節將軍、尚書右中兵郎 太昌初,除散騎常侍、征東將軍、金紫光祿大夫、定州大中正,敕左右 頗涉史傳,有几案才。 屬母李氏喪亡,勉哀號過性,遇病卒,時年四十七。 於後乃出,見齊獻武王於晉陽,王勞撫之。天平末,王 正光初,除太學博士。 中。 普泰中, 後太尉、豫章王蕭贊啓爲諮議參軍,郎 兼尚書左丞。 尋除安南將軍、光祿大夫、 莊帝之爲御史中尉,啓 勉善附會,世論 無 以

勉弟宣猷,司徒中郎,走於關西。

宣猷弟宣度,齊王儀同開府司馬。

宣度弟宣軌,頗有才學。 尚書考功郎中。 與弟宣質、宣靜、宣略,並死於晉陽。

冀州 諸蠻, 安東府 孝芬弟孝暐,字敬業。 詔孝 暐持節爲別將,隸都督李神軌討平之。 於外兵參軍,歷員外散騎侍郎、寧朔將軍、員外散騎常侍。
武泰初,蠻首李洪 少寬雅,早著長者之風。 **介朱榮之害朝士,孝暐與弟孝直攜** 彭城王勰之臨定州,辟爲主簿。 扇 釋褐 動

列

之。 牛,教其人種 戶 難 喪亡, 定 卒於郡, 陶 六畜. 莊 時年四十九。 一無遺, 初 招撫遺散,先恩後 徵 拜 **斗粟乃至** 通直散騎常侍,加征虜將軍,尋除趙郡太守。 贈通直散騎常侍、平東將軍、瀛州刺史,諡曰簡。 一數練, (威, 一周之後, 民皆賣鬻兒女。 流民大至。 夏椹大熟, 興立學校, 孝暐勸民多收之。 郡 經葛榮離 親加勸篤 朝議謂爲未 亂之後,民 郡內 白 姓 賴 無

子昂,武定中,尚書左丞、兼度支尚書。

申

復贈安北將軍

、定州刺史。

孝演 河 間 率宗屬保郡城,爲賊攻陷。賊以孝演民望,恐移衆心, 王琛爲定州刺史,以爲治中。 孝 **暐弟孝演,字則伯,出繼伯父。** 晚除瀛州安西府外兵參軍 性通 率,美鬚髯,姿貌魁傑。 乃害之,時年四十。 ·, 因 罷 歸。 少無宦情, 及鮮于脩 沉浮鄉里。 無子,弟孝 禮 起逆,

直

以子

|上遊

爲後。

士遊、儀同開

府倉曹參軍

0

騎 散 荆 · 芬入 侍 州 郎、 還轉直閣 孝 城 韶孝直假征虜將軍、 演 宣 後 弟 威 孝直 蕭衍 將,日仍以本官入領直後。 [將軍、通直散騎常侍。 9 字叔廉。 將 曹義宗仍在 別將, 身八尺,眉目踈朗。 馬圈 總羽林二千騎, 余朱兆入洛,孝直以天下未寧, 鼓動順陽蠻夷, 轉寧遠將軍、汝南王開府掾,領直 早有志尚, 與孝芬俱行。 緣邊寇 起家司空行參軍。 竊 孝直 孝直 潛 去職歸鄉里, 師徑進、賊遂破走。 率 衆禦之, 寢。 尋爲 兄孝芬除 勸督宗 賊皆退 員 外散

「吾才疏效薄,於國無功,若朝廷復加贈諡,宜循吾意,不得祗受,若致干求,則非吾子,斂以 親勸孝直曰:「榮華人之所願,何故陸沉。」孝直不答。年五十八,卒於郷里,顧命諸子曰: 人,務行禮義。後除安東將軍、光祿大夫,太昌中,又除衞將軍、右光祿大夫,並辭不赴。 广

長子士順,儀同開府行參軍。

時服,祭勿殺生。」其子皆遵行之。 有四子。

好辭賦。 孝直弟孝政,字季讓。十歲,挺亡,號哭不絕,見者爲之悲傷。操尚貞立,博洽經史,雅 喪紀之禮,特所留情,衣服制度,手能執造。太尉、汝南王悅辟行參軍。年四十

子巖,武定中,員外常侍。

決。 錢尺帛,不入私房,吉凶有須,聚對分給。諸婦亦相親愛,有無共之。始挺兄弟同居,孝芬 傷之。孝暐等奉孝芬盡恭順之禮,坐食進退,孝芬不命則不敢也。鷄鳴而起,旦參顏色,一 叔振旣亡之後,孝芬等奉承叔母李氏,若事所生,旦夕溫凊,出入啓覲,家事巨細,一以諮 每兄弟出行,有獲財物,尺寸已上,皆內|李氏之庫,四時分費,|李自裁之,如此者二十餘 撫從弟宣伯、子朗,如同氣焉。 孝芬兄弟孝義慈厚,弟孝演、孝政先亡,孝芬等哭泣哀慟,絕內,蔬食,容貌損瘠,見者

列傳

平陽 敕, 於 奉 振 除 長 窮 郡 法 爲高祖 太守。 時 治 兼 後改定職令,振本資惟擬五 如 挺 弟振 之。 廷尉 此 年五 所知 時琇內外親黨及當朝貴 不拜,轉高陽內史。 ,字延根。 正始初、除龍驤將軍、肆州刺 少 十九。 少卿。 出爲冀州、咸陽王禧驃騎 振有公斷, 贈本將軍、南兗州刺 少有學行,居家孝友,爲宗族所稱。 以明察稱。 品,詔曰:「振在郡著績,宜有褒升。」除太子庶子。 高祖南討,徵兼尚書左丞,留京。 要咸爲之言,振研覈切至, 史,諡 史, 河內太守陸琇與咸陽王禧同謀爲逆, 府司馬,在任久之。 在任 日定。 一有政績。 振歷官四十餘載,考課恒爲稱**職**。 自中 還朝,除河東太守。 終無縱緩, 書 太和二 學生 振旣才幹被擢,當世以爲 爲祕書中散,在 一十年,遷建威將軍 逐斃 之於獄。 · 禧 敗事 永平中 景明初 內護 卒 其

長子宣伯、早喪。子勁、字仲括。驃騎參軍、

善之。

冠 郎 軍 普泰 將 宣 伯 軍 北 中,從兄 弟子朗,美容貌,涉獵 徐 州 撫 孝芬為荆州 軍 府 長 史, 請爲 經史, 固辭, 車 少溫 不 騎 府 獲免。 厚,有 司 馬。 興和二年,中尉高 風尙。 孝芬轉 以軍 西兗州,為驃騎 功起家襄威將軍、員 仲密引爲侍御史,尋加平 府 司 馬。 外散騎侍 太昌 初,

西

將

軍

武定中卒。

子

道綱

o

除 珍 史。 元 平陽 珍 爲 刺 與行臺酈惲拒守不從,爲子鵠所陷,被害。 **外之,爲司徒從事** 挺 火史, 太守、 從父弟元珍, 加右 假右將 將 軍。 軍,爲別將以討之,頻破胡 釋祸司徒行參軍,稍遷司徒主簿、趙郡王幹開府屬。 以破 中郎, 胡勳,賜爵涼城侯。 有公平稱。 後遷中散大夫, 賊,郡內 世咸 介朱榮之越洛 《痛之。 以安。 加 征 子叔恭。 | 廣將| 也,遣其都督樊子鵠 武泰初,改郡為 軍。 IF. 光末,山 景明中, 唐州 胡 ,仍除元 取唐州。 荆州長 作逆,

太守。 佐。 年 卒,年五 入 挺 蕭衍 爲 從父弟瑜之,字仲璉。 司 十六。 圶 義 州 功曹參軍事、太尉主 刺史文僧明來降, 贈 平北 將軍 瀛 少孤,有學業。 州 瑜之迎 一簿, 刺 史。 遷冀州撫軍府 接 有 有 三子 太和中, 勳, 賜 舒高 長 釋褐奉朝請,廣陵王別常侍, 史。 邑男。 後爲揚 孝昌 州 平 初,除鴻臚 東府長史, 少 帶 卿。 累歷蕃 南 梁

中 軍 將 長子 軍 、殷州 孟舒,字長才, 刺 史,贈 平 襲父爵。 東 將 軍 下, 公 累遷 諡 平 日 東 康 將軍、 太 中 大夫。 |興和 中,除廣平太守。 卒,贈

孟舒弟仲舒,武定末,鄴縣令。

仲舒弟季舒,給事黃門侍郎

二二七四

挺從祖弟脩和、州主簿。

子儉,字元恭,雅有器度。 歷太學博士,終於符璽郎 中。

儉弟緒,字仲穆。 定州撫軍府法曹參軍。 緒小弟孝忠,侍御史、秘書郎。 並有容貌,無

他才識。

緒子子謙,尚書郎。

子謙弟子讓,與侯景同反,子謙坐以囚執,遇病死於晉陽。 子讓弟子廉等並伏法

子步兵校尉。 脩和弟敬邕,性長者,有幹用。 景明初,母憂去職。 後中山王英南討,引爲都督府長史,加左中郎將,以 高祖時,自司徒主簿轉尚書都官郎中,所在稱職 功賜 遷太

境,敬邕悉令送還,於是夷人感附。 **爵臨淄男。** 遷龍驤將軍、太府少卿,以本將軍出除營州刺史。「己」 熈平二年,拜征虜將軍、太中大夫。 庫莫奚國 神龜中卒,[10]年五 有馬百匹因 風入

十七。贈左將軍、濟州刺史、諡曰恭。

子子盛,襲爵。除奉朝請。

任城王澄所禮待,及澄爲定州刺史,接了無民敬,王忻然容下之。後爲冀州安東府司馬,轉 脩和從弟接,字顯賓。 容貌 魁偉,放邁自高,不拘常檢。 爲中 書博士、樂陵內史。 雅爲

與 廷 不 公事免。 靜 爲時 尉 Ē 書 挺族子纂,字叔則,博學有文才。 一一辭氣 知 ,每於大獄,多所據明, ,乃著 後爲洛陽令。 抑揚, 無談子論。後爲 無上下 正光 之體 中卒,年四十五。 給 有當官之譽。 事 又啓求解任, 中。延昌中,除梁州 景明中, 時太原王 贈司 乃除 太學博士, 徒左長史。 左中郎將 靜 征 | 虜府長 自 轉員外散騎侍郎、襄威將軍。 廷 ,領尙書三公郎 尉監遷少卿、纂耻 凡所製文,多行於 史。 熙平· 初,爲寧遠將 中。 居其下 世。 未幾, . T 軍、 以 旣

長 子史,武定末,儀同 府 長流 参軍

纂兄穆,寬雅 有度量,州辟主 簿。 卒。

子暹,武定末,度支尚 書、兼右僕射。

正光 中,定州 纂 (弟融) 別駕。 字脩業。 年 四十二,卒。 奉 朝詩。 尚書 令高肇 出討 巴蜀, 引爲統軍。 還, 除員 外散騎侍郎

子 鴻翻 郡 功 曹

纂從 列 祖 傳 弟 第 遊 四 + , 字 五 延 叔, 崔 挺 少 有風概。 釋褐奉朝請, 稍遷太尉主簿。 江 州 刺 史陳伯之啓爲

一二七六

遊坐徙秦州 司馬,還除奉 ,人而得還。 車都尉。大都督、中山王英征義陽,引爲錄事參軍,尋轉司 大將軍高 肇 西 征 ,引爲統軍, 除步兵校尉, 遷豫州 馬。 征 及英敗於 虜府 長 (史)未 鍾

幾,除征虜將軍、北趙郡太守,並有政績。

慕,號爲良守。 請聽更代,那內**感之。太學舊在城內,遊**乃移置 熙平末,轉河東太守。 以本將軍遷涼州刺史,以母 郡有 鹽 戶,常供州郡爲兵,子孫見丁從役, 憂解 任 城南閑敞之處,親自說經,當時學者莫不勸 遊矜其勞苦,乃表 聞

殺之,義不爲羣 不安,謀欲出外,尋爲城人韓祖香、孫藤 人以其不信,合境皆反。 感遊恩遇,獎諭羣氐,咸來歸款,且以過在前政,不復自疑。 叛,遊至州,深加招慰。 正光中,起除右將軍、南秦州 小所辱也。 松柏歸款,引爲主簿,稍以辭色誘之,兄弟俱至。 正光五年夏, 尋爲祖香等所執害,時年五十二。 永安中,贈散騎侍郎、鎭北將 刺史,固辭 秦州 攻於 州館。 城 人殺刺史李彥據州為逆。 遊事窘, 先是,州人楊松柏、楊洛德兄弟數爲反 遊乃因宴會,一時俱斬,於是 登樓慷慨悲歎, 松柏旣 數日之後,遊 乃推下 州之豪 小 女 知 帥 必 外 而

子伏護,開府參軍。

軍

定州刺

史。

節。 崔挺兄弟,風操高亮,懷文抱質,歷事著稱,見重於朝野,繼世承家,門族並著, 史臣曰:高祐學業優通,知名前世,儒俊之風,門舊不隕。 諸子經傳之器,加有捨生之 蓋所謂

校勘記

彼有人焉。

- 昔宋均樹德
 踏本「均」作「鈞」,冊府卷一○四1二三七頁作「均」。按事見後漢書卷四一宋均傳。
- 四字。 乃縣立講學黨立小學 獨百衲本如上摘句。按通鑑卷一三六四二七九頁敍高祐語全本魏書,却和百衲本同,知司 諸本及北史卷三一高允附高祐傳「小學」作「教學」,下更有「村立小學」
- 提到村,北魏鄉闆組織也沒有村的一級。雖北史或有所本,却未必是魏書脫誤,今從百衲本。 馬光所見魏書舊本卽如此,南本以下諸本當卽據北史改補。且上文只說「縣黨宜有餐序」,沒有
- 庫」亦見卷一三文成元皇后傳。疑「齊」字訛,但卷七七辛雄傳亦作「齊庫刀」,今仍之。 敕孝芬持節齎齊庫刀 通鑑卷一五〇四六九二頁「齊」作「齋」。一問注:「齋庫刀,千牛刀也。」按「齋
- 29 _ 孝芬率大都督李叔仁柴集等赴戰 諸本「赴」訛「起」,今據册府卷三五四四一九八頁改。

- 77 五. 大都督刁宣馳往救援 按文義「大都督」上當有「與」字。
- 所著文章數十篇 北史卷三二崔挺附崔孝芬傳「文章」作「文筆」。按當時以無韵之文爲筆, 疑

北史是。

1 t 尋爲員外散騎侍郎宣威將 按卷一一三官氏志太和後品令,宣威將軍在第六品,這裏「將」下

脫「軍」字。

贈中軍將軍殷州刺史贈平東將軍 北史卷三二崔挺傳附見孟舒作「贈殷州刺史、鎭東將軍」。

按上云「贈中軍將軍」,下又云「贈平東將軍」,不可通。卷一一三官氏志太和後職令」「平東」在

本「贈」上脫「再」或「加」字,又涉上「累遷平東將軍」語,「鎭」訛作「平」。

第三品,「中軍」與「鎭東」並在從第二品,而「四鎭」班在前。

疑本云「再(或加)贈鎭東將軍」,傳

Эч. Ш 以本將軍 出除營州刺史 諸本「營」作「管」,無此州名,今據北史卷三二雀挺附崔敬邕傳、

集釋崔敬邕墓誌圖版二三三改。

熙平二年拜征虜將軍太中大夫神龜中卒 乃其卒年。 疑傳記授官及卒年皆誤。 按崔敬邕墓誌, 授此官在延昌四年五一五 熙平二年

魏書卷五十八

列傳第四十六

楊播

軍、洛州刺史,未之任而卒。贈以本官,加弘農公,諡曰簡。 |祖南巡, 東人頌之,加寧遠將軍,賜帛三百匹。 徵爲選部給事中,有公平之譽。 除安南將 歸國,卒於上谷太守。祖眞,河內、淸河二郡太守。父懿,延興末爲廣平太守,有稱績。 楊播,字延慶,自云恒農華陰人也。 高祖結,仕慕容氏,卒於中山相。 曾祖珍,太祖時 高

行北邊,高祖親送及戶,戒以軍略。 與 擢 陽平王頤等出漠北擊蠕蠕, 爲中散,累遷給事,領中起部曹。 播本字元体,太和中,高祖賜改焉。母王氏,文明太后之外姑。 大獲而還。 以外親,優賜亟加,前後萬計。 未幾,除龍驤將軍、員外常侍,轉衞尉少卿,常侍如故。 高 祖嘉其勳,賜奴婢十口。 進北部給事中。 播少修整,奉養盡禮 遷武衞將軍,復擊蠕 詔播巡

列

蠕,至居然山而還。

軍 殿。 重 盡 更急。 賊 今我 時 除 衆 春 左 、逐集, 水初 欲 將 高 渡 祖 軍 於是圍 在 長 能 尋 北而 假 戰 賊 者來。」 衆大 前將軍。 播。 望之,旣無舟船 至, 乃 賊莫敢動,遂 爲 舟 隨車駕南討,至 艦 圓 塞川。 陳以 不 禦之, 擁 得救援。 播 衆而 以諸軍 身自 鍾 濟。 離。 搏擊,斬 水勢稍 渡淮 高 師回、詔播領步卒三千、騎 旭 未訖,嚴陳 殺 甚壯之,賜爵華陰子,尋除 滅 心甚多。 播 領 精騎三百歷 南岸,身自居後。 相拒 再宿,軍 其 五百爲 人 舟船,大 食 右 諸 盡 衆軍 衞 軍 贼贼 评 將 渡

高 可 日 旭 祖 與 左衞 中軍 笑 今古之殊 後 從 日 、彭 駕討崔慧景、蕭衍於鄧城,破之,進號 籌足,右 養 城 也。」從 由 王勰賭 基 衞 之妙,何復 不得 到 (射,左 懸 不解。」播 瓠 除 衞 過是。」遂舉卮酒 元遙 太 府 對 在 卿,進 日 勰朋 _ 仰 內,而 爵 恃 為 平東將軍。 以 聖 伯 賜 恩 播 居帝 播 ,庶幾必 日 曹。 時車駕耀威沔水, 古 爭。」於是彎弓 遙 人 射 酒 侯 以養病,朕 IE 中,籌 而 一發,其 限 L 今賞 已滿。 巳 一設宴 箭 卿 之能。 E 高 中 祖 高

侃 授 等停柩 安 西 景 將 明 不 軍 初 -葬,披 華 兼 州 侍 訴積年,至 刺 中,使 史。 恒 至州 州 熙平中乃贈鎭 借 赡 恤 民 寒乏。 田 爲 御史王基 轉 西將軍 左 衞 將軍。 雍州 所 刻, 刺 削 出 史,幷復 除 除 官 安 爵。 北將軍、幷州 以其館 延 昌二 證 日 年 刺 卒工 壯 史 固 家。 辭 $\mathcal{T}_{\mathcal{J}}^{'}$ 子

卿罕有識者。 侃,字士業。頗愛琴書,尤好計畫。時播一門,貴滿朝廷,兒姪早通,而侃獨不 親朋勸其出仕,侃曰:「苟有良田,何憂晚歲,但恨無才具耳。」

妄構白捺也!他人有心,予忖度之,勿謂秦無人也。」邃得移,謂已知覺,便爾散兵。瓜花等 城,日夕鈔掠。惟乃奏侃爲統軍。 以期契不會,便相告發,伏辜者十數家。 言,得無有別圖也。」雅深悟之,乃云:「錄事可造移報。」侃移曰:「彼之纂兵,想別有意,何爲 實答之,云無修白捺意。而侃曰:「白捺小城,本非形勝。邃好小黠, 城。若爾,便稍相侵逼,此亦須營歐陽,設交境之備。今板卒已集,唯聽信還。」佐僚咸欲以 已纂勒兵士,有期日矣,而慮壽春疑覺,遂謬移云:「魏始於馬頭置戍,如聞復欲修白捺 蕭衍豫州刺史裴邃治合肥城,規相掩襲,密購壽春郭人李瓜花、 年三十一,襲爵華陰伯。釋褐太尉、汝南王悅騎兵參軍。 逐後竟襲壽春,入羅城而退。 揚州刺史長孫稚請爲錄事 袁建等令爲內應。 今集兵遣移, 虛構是 遂列營於黎漿、梁

得三千餘人,銜枚夜進,至馮翊郡西。賊見大軍卒至,衆情離解,洪賓遂通書送質,乞求自 等軍敗,北地功曹毛洪賓據郡引寇,抄掠渭北。侃啓椿自出討之。遂購募戰士,信宿之間 侃叔椿爲雍州刺史,又請爲其府錄事參軍,帶長安令,府州之務多所委決。 及蕭寶夤

列傳

效。於是擒送宿勤明達兄子賊署南平王鳥過仁。

送降名者,各自還村,候臺軍舉烽火,各亦應之,以明降款。 城之寇,不測所以,各自散歸,脩義亦卽逃遁。 須殄戮,賞賚軍士。」民遂轉相告報,未實降者,亦詐舉烽,一宿之間,火光遍數百里內。 攻城,便據石錐壁。侃乃班告曰「今且停軍於此,以待步卒,兼觀民情向背,然後可行。 勝,昭然在目。」雕從之,令其子彥等領騎與侃於弘農北渡。所領悉是騎士,習於野戰,未可 西圍郡邑,父老妻弱,尙保舊村,若率衆一臨,方寸各亂,人人思歸,則郡圍自解。不戰而 軍、精神亂矣,寧堪圍賊。 疑。」侃曰:「珍孫本行陳一夫,因緣進達,可爲人使,未可使人。一旦受元帥之任,處分三 不戰而解,潼關之賊必望風潰散。諸處旣平,長安自克。愚計可錄,請爲明公前驅。」雅曰: 勝,縱曹操更出,亦無所騁奇。 「薛脩義已圍河東,薛鳳賢又保安邑,都督宗正珍孫停師虞坂,久不能進,雖有此計,猶用爲 之理,久而 後 雍 州 尋轉通直散騎常侍。 無決。豈才雄相類,算略抗行,當以河山險阻,難用智力。今賊守潼關,全據形 刺史蕭寶夤據州反, 河東治在蒲坂,西帶河湄,所部之民,多在東境。脩義驅率壯勇, 必須北取蒲坂,飛棹西岸,置兵死地,人有關心,華州之圍可 軍次弘農,侃白雅曰:「昔魏武與韓遂、馬超挾關爲壘,勝負 尚書僕射長孫雅討之,除侃鎭遠將軍、諫議大夫,爲稚行 長安平,侃頗有力。 其無應烽者,卽是不降之村,理 重

中郎將。 右 將 軍、岐州 建義 孝莊 初,除冠軍將軍、東雍州刺史。 刺 徙御 史。 河北,執侃手曰:「朕停卿蕃寄移任此者, 正爲 屬元顥 內逼,詔以本官假撫軍將軍爲都督,率衆鎭 其年州罷,除中散大夫,爲都督,鎭潼 今日。 大梁,未發, 但卿尊卑百 關。 還朝。除 詔行 北

之義。」固求陪從。 隨朕行 ,所累處大。 至建州,敍行從功臣, 卿可還洛,寄之後圖。」侃曰:「此誠陛下曲恩,寧可 自城陽王徽已下凡十人,並增三階。 以臣微族,頓 以侃河梁 一廢君 Z 臣

郎,敷西縣開國公,食邑一千戶。

誠,特加四階。

侃固辭,乞同諸人,久乃見許。

於是除鎭軍將軍、度支尚書、兼給事黃門侍

全,而 密信 兆 首尾旣遠,願復知防何處,一旦得渡,必立大功。」 爍大笑曰:「黃門卽奏行此計。」 於是亦朱 廣 將爲還計,欲更圖 心,何由可 與侃等遂與馬渚諸楊南渡,自一破顯子領軍將軍冠受,擒之。顯便南走。車駕入都,侃解 申經略,寧復帝基乎。夫兵散而更合,瘡愈而更戰,持此收功,自古不少,豈可以一圖 通款,求破橋立效,介朱榮率軍赴之。及橋破,應接不果,皆爲顯所屠滅 及 衆慮 車駕南還,願令蕭衍將陳慶之守北中城,自據南岸。 保? 頓廢。今事不果,乃是兩賊相殺,則大王之利矣。若今卽還,民情失望,去就之 未若召發民材,「一」惟多縛筏,間以舟楫,沿河廣布,令數百里中,皆爲渡勢。 一後舉。 侃曰:「未審明大王發幷州之日, 已知有夏州義士指來相應,爲欲 有夏州義士爲顯守河中渚,乃 榮因悵 不

列

傳

復除其長子師沖爲秘書郎

尙 一書,正黃門,加征東將軍、金紫光祿大夫。 以濟河之功,進爵濟北郡開國公,增邑五百戶,

施行。 書,八座不許。以今況昔,即理不殊。求取臣前表,經御披析。」 侃乃隨事剖辨,孝莊從之, 西, 嘗上書求復五銖錢, 事下三府, 不許。及援徵入爲虎賁中郎, 親對光武申釋其趣, 乃鑄五銖錢,如侃所奏。 時 ,所用錢,人多私鑄,稍就薄小,乃至 臣頃在雍州,亦表陳其事,聽人與官並鑄五銖錢,使人樂爲,而俗弊得改。旨下尚 風飄水浮,米斗幾直一千。侃奏曰「昔馬援至隴 事始

節、兼尚書僕射,爲關右慰勞大使。 万俟醜奴陷東秦,遂圍岐州,扇誘巴蜀。大都督介朱天光率衆西伐,詔侃以本官使持 還朝,除侍中,加衞將軍、右光祿大夫。

之,秋七月,爲天光所害。 盟 洛 許恕其罪。 也,侃時休沐,遂得潛竄,歸於華陰。 莊帝將圖尒朱榮也,侃與其內弟李晞、城陽王徽、侍中李彧等,咸預密謀。 侃從兄昱恐爲家禍,令侃出應,假其食言,不過一人身歿,冀全百口。 太昌初、贈車騎將軍、儀同三司、幽州刺史。 普泰初,天光在關西,遺侃 子婦父韋義遠招慰之,立 子純陀襲。 **介朱兆之入** 侃往赴

播弟椿,字延壽,本字仲考,太和中與播俱蒙高祖賜改。 性寬謹,初拜中散,典御廐曹。

朝,水 僵 以端愼小心,專司 公正,高 仆。 漿不御,羣下惶灼,莫知所言。 且 祖嘉之。 聖 人之禮,毁不 '醫藥,遷內給事,與兄播並侍禁聞。 及文明太后 滅性, 崩高 縱陛下欲自賢於萬代,其若宗廟何」高祖感其言,乃一 祖 陛下荷祖宗之業,臨萬國之重,豈可同匹夫之節, 五日 不食。 椿進諫曰:「陛下至性,孝過有虞,居哀五 又領蘭臺行職,改授中部曹,) 析訟 以 進 M

將 平原太守崔敞所訟,廷 軍 、 濟州 出爲安遠將軍 刺 史。 高 工、豫州 祖自 尉論輒收市利, 鍾 刺史。 離越鄴,至碻傲,四幸其 高祖自洛向豫,幸其州館信宿,賜馬十匹、綠 費用官炭,発官。 州館,又賜馬二匹、縑 後降爲寧朔將軍、梁州刺史。 千五百 千匹。 匹。 遷冠 坐爲 軍

粥。

轉授宮輿曹

少卿,

加給

事

中。

虜將軍 都督西河 椿 僕 腹之疾。」 卿 領步騎五千出頓下辨,貽書集始,開 初,武興王楊集始爲楊靈珍所破,降於蕭鸞。 ·,持節招慰。 征諸軍事、行梁州 遂領其部曲千餘人來降。 尋以氐叛,拜光祿大夫,假平西將軍,督征討諸軍事以討之。還,兼太 刺史,與軍 司 尋以母老,解還。 羊祉討破之。 以利害。 集始執書對使者曰:「楊使君 至是,率賊萬餘自漢中 於後梁州運糧,為 後武都氐楊會反,假椿節、冠軍將軍、 奉氏劫奪。詔椿 前 北,規復舊土 此書,除我心 兼 征

秦 州羌呂苟 見、涇州 屠各陳瞻等聚衆反、詔椿爲別將、隸安西將軍元麗討之。 敗入隴

守蹊 襲,斬瞻 耳。 討。 椿曰 乃緩師不進,賊果出掠,乃以軍中驢馬餌之,不加討逐。 自 今宜勒三軍, 固 傳首。 ·「並非計也。 或謀伏兵山徑,斷其出入,待糧盡而攻之,或云斬除山木, 入正太僕卿,加安東將軍 勿更侵掠,賊必謂我見險不前,心輕我軍,然後掩其不備, 此本 ·規盜,非有經略,自王師一至,無戰不摧,所以深竄者, 如是多日,陰簡精卒,銜枚夜 縱火焚之, 可 舉 正避 然後進 丽 死

方 人 餘 州 益 外 椿 述。 持節 家。 也。 覊 元 愉 徙 初,顯祖 縻 今新 往徙焉。 太中大夫王通、高平鎭將郎育等,求徙置淮北,防其叛走。詔許之,慮不 之 在 叉 而 難 此 亡。 中夏,而 、果悉 族 附者衆、若舊者見徙、新者必不安。不安必思土,思土則走叛。 世有蠕蠕萬餘戶降附,居於高平、薄骨律二鎮,太和之末,叛走略盡,唯有一千 類,衣毛食肉,樂冬便寒。 是以 椿以爲徙之無益,上書曰:「臣以古人有言: 裔不謀夏,夷不亂華。 浮 生後患,愚心所見,謂爲不可。」時八座議 先朝居之於荒服之間者,正欲悅近來遠,招附殊俗,亦以 河赴賊,所在 鈔掠,如椿 南土濕熱,往必將盡。 所策 不從,遂徙於濟州緣河 進失歸伏之心,退非藩 狐 別華戎、異內 死首 從命。 居之。 丘,其害 荒忽之 乃使 衛之 冀

|撫| 武 永 JII 平 ·懷朔三鎭三道諸軍事、平北將軍、朔州刺史。 初 徐州 城 人成景儁以宿 預叛 認 椿率衆 四萬討之,不克而返。久之,除都督 在州,爲廷尉奏椿前爲太僕卿日 朔 ·, 招

人,注 引 加 撫軍 細 人,盜種牧田三百四十頃, 籍 將軍,入除都官尚書,監修白溝堤堰。 盜 門,同籍合門不仕。 世宗以新律旣班,不宜雜用舊制,詔依寺斷, 依律處刑五歲。尚書邢巒,據正始別格奏椿罪應除名爲庶 復以本將軍除定州刺史。 聽以贖論。

軍,滅 椿 以屯 自 椿 自 《其帥百八十四人。州有宗子稻田,屯兵八百戶,年常發夫三千,草三百車,修補畦堰 太祖 ·兵惟輸此田課,更無徭役,及至閑月,卽應修治,不容復勞百姓, 中原稍定,八軍之兵,漸 在 州 平中山, 因治黑山道餘功,伐木私造佛寺,役使兵力,爲御史所劾,除名爲庶人。 多置 軍府,以相威攝。 割南戍,一軍兵纔千餘,然主 凡有八軍,軍各配兵五千,食祿主帥軍各四十六 一帥如故,費祿 椿亦表罷。 不少。 椿表 朝 廷從 龍 四 **(**)

時,涇 軍 史 州 追之,不 恒 朔流 叉 侃 復 率 正 (除撫 進 岐 民,揀充軍 光 以 號 止 及 五 防 豳 車 軍將軍、衞尉卿。 年,除 禦。 寶夤 騎 悉 已陷賊,扶 大 詔 將軍 後至,留 輔國 士。 椿 以 、儀 不行。 將軍、南秦州刺 本官 於逍 同 風 三司 轉左衞將軍,又兼尚 加侍中、兼尚書右僕射爲行臺,節度關 以 尋加 遙 西 袁 非 衞 肅 內、收集 復 將軍 寶夤、元 史。 國 有。 ٠, 時南 出 將 恒 除 椿 士, 秦州 都 芝諸軍 乃 書右僕射,馳驛詣幷肆,齎絹三萬 猶 督雍 鳩 得萬餘,由 反叛,路又阻塞,仍停長安。 募 爲 內 南 一個二州 賊 外, 所敗,恒芝從渭 得 是三輔人 七 語軍事、本將 千餘 西 諸 將 人,遣 'L' , 頗 其 北 統 得 兄 軍、雍 東 安帖。 內 子 次渡, 匹。募召 轉授岐 $\mathcal{F}_{\mathbf{L}}$ 錄 品已 州 椿 事 Ŧ 使 刺

列

椿父子所謗。 憂。」昱還,面啓肅宗及靈太后,並不信納。及寶夤邀害御史中尉酈道元,猶上表自理,稱爲 得州,喜悅不少,至於賞罰云爲,不依常憲,恐有異心。 朝廷應遣心膂重人,何得任其牒用?此乃聖朝百慮之一失。且寶夤不藉刺史爲榮,吾觀其 下、郡縣須有補用者,任即擬授。椿遇暴疾,頻啓乞解。詔許之,以蕭寶夤代椿爲刺史、行臺。 啓二聖,幷白宰輔,更遣長史、司馬、防城都督。欲安關中,正須三人耳。如其不遣,必成深 椿還鄉里,遇子昱將還京師,因謂曰:「當今雍州刺史亦不賢於蕭寶夤,至 但其上佐。 椿辭以老病,不行。 詔復除椿都督雍岐南豳三州諸軍事、本將軍、開府儀同三司、雍州刺史、討蜀 關中可惜。 汝今赴京,稱吾此意,以

爲冀州刺史,順子仲宣正平太守,兄子侃、弟子遁並從駕河北,爲顯嫌疑。以椿家世顯重,恐 失人望,未及加罪。時人助其憂怖,或有勸椿攜家避禍。椿曰:「吾內外百口,何處逃竄? 進位太保、侍中,給後部鼓吹。 元顥入洛,椿子征東將軍昱出鎭滎陽,爲顥所擒。 建義 元年,遷司徒公。亦朱榮東討葛榮,詔椿統衆爲後軍,榮擒葛榮,乃止。永安初, 又椿弟順

願言致仕,顧懷舊德,是以未從。 莊 帝還宮,椿每辭遜,不許。 上書頻乞歸老,詔曰:「椿國之老成,方所尊尚,遽以高年, 但告謁頻煩,辭理彌固,以茲難奪,又所重違,今便允其

正當坐任運耳。」

旣難相違,深用悽愴。」椿亦歔欷,欲拜,莊帝親執不聽。 執椿手流淚曰:「公,先帝舊臣,實爲元老,今四方未寧,理須諮訪。 詔二人,仰所在郡縣,時以禮存問安否。方乖詢訪,良用憮然。」椿奉詔於華林園,帝下御座 雅志。可服侍中朝服,賜服一具、衣一襲、八尺床帳、几杖,不朝,乘安車,駕駟馬,給扶,傳 於是賜以絹布,給羽林衞送,羣公 但高尚其志,決意不留,

椿臨行,誠子孫曰:

百僚餞於城西張方橋,行路觀者,莫不稱歎。

記清 兄弟,若在家,必同盤 愼 兄弟八人,今存者有三,是故不忍別食也。 吾兄弟,不能遵奉。今汝等服乘,以漸華好,吾是以知恭儉之德,漸不如上世也。又吾 酒肉飲食。 の積 爲虚假。 千石、方伯不絕,祿恤甚多。至於親姻知故,吉凶之際,必厚加贈襚,來往賓僚,必以 河翁時服飾,恒見翁著布衣韋帶,常約敕諸父曰:「汝等後世,脫若富貴於今日者, 我家入魏之始,卽爲上客,給田宅,賜奴婢、馬牛羊,遂成富室。自爾至今二十年, 金一斤、綵帛百匹已上,用爲富也。」又不聽治生求利,又不聽與勢家作婚姻。至 是故親姻朋友無憾焉。國家初,丈夫好服綵色。吾雖不記上谷翁時事,然 如聞 .汝等兄弟,時有別齋獨食者,此又不如吾等一世也。吾今日 而食,若有近行,不至,必待其還,亦有過中不食,忍飢 又願 畢吾兄弟世,不異居、異財,汝等眼見, 不爲貧賤。 相待。一

然居住舍宅不作壯麗華飾者,正慮汝等後世不賢,不能保守之,方爲勢家作奪。

深愼言語,不可輕論人惡也。 言語。和股母子者唯楊椿兄弟。」遂舉賜四兄及我酒。 汝等脫若萬一蒙時主知遇,宜 清徽堂豫讌。高祖謂諸王、諸貴曰:「北京之日,太后嚴明,吾每得杖,左右因此有是非 終以不言蒙賞。及二聖間言語,終不敢輒爾傳通。太和二十一年,吾從濟州來朝,在 過,當時大被嫌責。答曰:「臣等非不聞人言,正恐不審,仰誤聖聽,是以不敢言。」於後 難,宜深愼之。又列人事,亦何容易,縱被瞋責,愼勿輕言。」十餘年中,不嘗言一人罪 列者,亦有太后、高祖中間傳言構間者。 吾兄弟自相誠曰:「今忝二聖近臣,母子間甚 太后左右。于時口敕,責諸內官,十日仰密得一事,不列便大瞋嫌。諸人多有依敕密 北都時,朝法嚴急。太和初,吾兄弟三人並居內職,兄在高祖左右,吾與津在文明

光祿大夫、儀同、開府、司徒、太保,津今復爲司空者,正由忠貞,小心謹慎,口不嘗 身之大病也。 馳勢門者,有輕論人惡者,及見貴勝則敬重之,見貧賤則慢易之,此人行之大失,立 人過,無貴無賤,待之以禮,以是故至此耳。聞汝等學時俗人,乃有坐而待客者。有 吾自惟文武才藝、門望姻援不勝他人,一旦位登侍中、尚書,四歷九卿,十爲刺史, 汝家仕皇魏以來,高祖以下乃有七郡太守、三十二州刺史,內外顯職,時

流 七十五,自惟氣力,尙堪朝覲天子,所以孜孜求退者,正欲使汝等知天下滿足之義,爲 少比。 汝等若能存禮節,不爲奢淫驕慢,假不勝人,足兔尤誚,足成名家。 吾今年始

初、贈都督冀定殷相四州諸軍事、太師、丞相、冀州刺史。 椿還華陰踰年,普泰元年七月,爲尒朱天光所害,年七十七,時人莫不寃痛之。太昌

門法耳,非是苟求千載之名也。

汝等能記吾言,百年之後,終無恨矣。

郎 餘人,其不死者悉除名爲民。 兆、廣平二王國臣,多有縱恣,公行屬請,於是詔御史中尉崔亮窮治之,伏法於都市者三十 子昱,字元晷。起家廣平王懷左常侍,懷好武事,數出遊獵,昱每規諫。正始中,以京 唯昱與博陵崔楷以忠諫得免。 後除太學博士、員外散騎侍

父剛則不吐,柔亦不茹。」一坐歎其能言。|肅曰:「非此郎,何得申二公之美也。」 「尊伯性剛,不伏理,大不如尊使君也。」昱前對曰:「昱父道隆則從其隆,道洿則從其洿,伯 在餞席。 初,尚書令王肅除揚州刺史,出頓於洛陽東亭,朝貴畢集,詔令諸王送別,昱伯父播同 酒酣之後,廣陽王嘉、北海王詳等與播論議競理,播不爲之屈。北海顧謂昱曰:

延昌三年,以本官帶詹事丞。于時,肅宗在懷抱之中,至於出入, 左右乳母而已,不令

宮僚聞 太子,必降手敕,令臣下咸知,爲後世法。」於是詔曰:「自今已後,若非朕手敕,勿令兒輒出。 爾出 知 無二傳輔導之美,退闕羣僚陪侍之式,非所謂示民軌儀,著君臣之義。 昱諫曰:「陛下不以臣等凡淺,備位宮臣,太子動止,宜令翼從。 然自 此以來,輕 陛下若召

宮臣在直者,從至萬歲門。」

州刺 哀切。 希叉旨,就郡鎖竖赴鄴,訊百日,後乃還任 之廢太后,乃出思爲濟陰內史。 明,云:「父定州刺史椿、叔華州刺史津,並送甲仗三百具,謀圖不逞。」叉叉構成其事。 聽。 六叔舒妻,武昌王和之妹,和卽叉之從祖父。舒早喪,有一男六女,及終喪而元氏頻請別 化 左右御仗五百人,夜圍昱宅而收之,並無所獲。 不能感親姻,在外不稱人心,卿有所聞,愼勿諱隱。」显於是奏揚州刺史李崇五車載貨,恒 史楊鈞造銀食器十具,並餉領軍元叉。 昱父椿乃集親姻泣而謂曰:「我弟不幸早終,今男未婚,女未嫁,何忽忽便求離居。」不 逐懷慽焉。 久之,轉太尉掾,兼中書舍人。

靈太后嘗從容謂昱曰:「今帝年幼,朕親萬機,然自薄德 太后乃解昱縛,和及元氏並處死刑,而叉相左右,和直免官,元氏卒亦不坐。及元叉 神龜二年,瀛州民劉宣明謀反,事覺逃竄。 中山王熙起兵於鄴,叉遣黃門盧同詣鄴刑熙,并窮黨與。同 靈太后召叉夫妻泣而責之。叉深恨之。昱第 靈太后問其狀,昱具對元氏遘釁之端,言至 叉乃使和及元氏誣告显藏隱宣 乃遣

分散於冀、定、瀛三州就食。後賊圍幽州,詔昱兼侍中,持節催西北道大都督、北海王顥,仍 孝昌初,除征虜將軍、中書侍郎,遷給事黄門侍郎。 時北鎮饑民二十餘萬,詔昱爲使,

侍中催軍。 於陳斬神達及諸賊四百許人,餘悉奔散。 脛豳,與賊相對,若使長安不守,大軍自然瓦散,此軍雖往,有何益也」遂與叔仁等俱進, 請援,一日一夜,書移九通。 隨軍監察。 尋除征虜將軍、涇州刺史。未幾,昱父椿出爲雍州刺史,徵昱還,除吏部郎中、 豳州圍解。 雍州蜀賊張映龍、姜神達知州内空虚、謀欲攻掩, 刺史元脩義懼而 都督李叔仁遲疑不赴。昱曰:長安,關中基本。今大軍頓在 韶以昱受旨催督,而顯軍稽緩,遂免昱官。乃兼

軍將軍、都督,防守雍州。 武 【衞將軍,轉北中郎將,加安東將軍。 显遇賊失利而返。除度支尚書,轉撫軍、徐州刺史,尋除鎮東將 及蕭寶夤等敗於關中,以昱兼七兵尚書、持節、假撫

軍、假車騎將軍、東南道都督,又加散騎常侍。

侃兄深,時爲徐州行臺,府州咸欲禁深。 軍、番郡刺史、「八」擁衆一萬,攻逼番城。 後 太山太守羊侃據郡南叛,蕭衍遣將軍王辯率衆侵寇徐州,番郡人續靈珍受衍平北將 昱曰:「昔叔向不以鮒也見廢,春秋貴之,奈何以侃 昱遣别將劉馘擊破之,臨陳斬靈珍首, 王辯退走。

罪深也。宜聽朝旨。」不許羣議。

還 朝 未幾,屬元顯侵逼大梁,除喅征東將軍、右光禄大夫,加散騎常侍、使持節、假車騎

列

乞楊昱以快意。」 顯曰:「我在江東,嘗聞梁主言,初下都日,袁昂爲吳郡不降,稱其忠節。 奈 光等三百餘人伏顯帳前,請曰:「陛下渡江三千里,無遺鏃之費,昨日一朝殺傷五百餘人,求 業、王道安等招昱,令降,昱不從,顥遂攻之。城陷,都督元恭,太守、西河王悰並踰城而走, 將軍,爲南道大都督,鎮滎陽。 題既入洛,除竖名爲民。 何殺楊昱。自此之外,任卿等所請。」於是斬昱下統帥三十七人,皆令蜀兵刳腹取心食之。 老父、無人供養、負病黄泉、求乞小弟一命、便死不朽也。」顯乃拘之。明旦、顯將陳慶之、胡 俱被擒縶。 昱與弟息五人,在門樓上,須臾顯至,執昱下城,面責昱曰:「楊昱,卿今死甘心 否?卿自負我,非我負卿也。」昱答曰:「分不望生,向所以不下樓者,正慮亂兵耳。但恨八十 顯既擒濟陰王暉業,乘虚徑進,大兵集於城下, 遣其左衞劉

督瀛定二州諸軍事、驃騎大將軍、司空公、定州刺史。 臺,率衆拒尒朱仲遠。會尒朱兆入洛,昱還京師。後歸鄉里,亦爲天光所害。太昌初,贈都 孝莊還宫,還復前官。及父椿辭老,請解官從養,詔不許。今朱榮之死也,昱爲東道行

參伺機會。 爲人所告, 世隆收付廷尉, 掠殺之。 子孝邕,員外郎。走免,匿於蠻中,潛結渠帥,謀應齊獻武王以誅亦朱氏。微服入洛,

椿弟穎,字惠哲。本州别駕。

子叔良,武定中,新安太守。

將軍、太僕卿。 尋進號撫軍將軍。 穎 弟順,字延和,寬裕謹厚。 預立莊帝之功,封三門縣開國公,食邑七百戶。 罷州還,遇害,年六十五。 太和中,起家奉朝請。 太昌初,贈都督相殷二州諸軍事、太尉公、錄 累遷直閤將軍、北中郎將、兼武衛 出爲平北將軍、冀州刺史,

子辯,字僧達。 歷通直常侍、平東將軍、東雍州刺史。 尚書事、相州

刺史。

軍 僕射、青州 名,就加安西將軍。 事、車騎大將軍、儀同三司、恒州刺史,仲宣,贈都督青光二州諸軍事、車騎大將軍、尚書右 賜爵弘農男。 辯弟仲宣,有風度才學。自奉朝請稍遷太尉掾、中書舍人、通直散騎侍郎、 刺 建義初,遷通直常侍。 還京之日,兄弟與父同遇害。 出爲平西將軍、正平太守,進爵爲伯。 辯,太昌初贈使持節、都督燕恒二州諸軍 在郡有能 加鎭遠將

以 刀 斫斷其臂,猶請死不止,遂先殺之。 仲宣子玄就,幼而俊拔。收捕時年九歲,牽挽兵人,謂曰:「欲害諸尊,乞先就死。」兵人 永熙初,贈汝陰太守。

仲宣弟測,朱衣 直閣。 亦同時見害。 太昌中,贈都督平營二州諸軍事、鎭北將軍、吏部

尚書、平州刺史。

測弟稚卿,太昌中,爲尚書右丞,坐事死。

相招命,多辭疾不往。誕以爲恨,而津逾遠焉。 外交遊,至於宗族姻表,罕相祗候。 閱 于 何遽自外也。〕津曰:「爲勢家所厚,復何容易。 但全吾今日,亦以足矣。」 加 時高祖沖幼,文明太后臨朝,津曾久侍左右,忽咳逆失聲,遂吐數升,藏衣袖。 不見、問其故、具以實言。遂以敬愼見知、賜縑百匹。遷符璽郎中。 順弟津,字羅漢,本名延祚,高祖賜名焉。 司徒馮誕與津少結交遊,而津見其貴寵,每恒退避,及 人或謂之曰:「司徒,君之少舊,宜蒙進達, 少端蓮,以器度見稱。 年十一,除侍御 津以身在禁密,不 太后聞聲, 中散。

閤 尉 府 中有同禧謀,皆在從限。及禧平,帝顧謂朝臣曰:「直閤半爲逆黨,非至忠者安能不預此 長史,至懸瓠,徵加直閤將軍。後從駕濟淮,司徒誕薨,高祖以津送柩還都。 ,仍直閤。 景明中,世宗遊於北邙,津時陪從,太尉、咸陽王禧謀反,世宗馳入華林。 轉振威將軍,領監曹奏事令,又爲直寢,遷太子步兵校尉。高祖南征,以津爲都督征南 遷長水校 時直

謀。」因拜津左中郎將。遷驍騎將軍,仍直閣。

賊所劫。 出 除征虜將軍、岐州刺史。津巨細躬親,孜孜不倦。 時有使者馳驛而至,被劫人因以告之。使者到州,以狀白津。 有武功民,齎絹三匹,去城十里, 津乃下教云「有

者,未曾公言其罪,常以私書切責之。 行出而哭,云是己子。 人著某色衣,乘某色馬,在城東十里被殺,[刊]不知姓名,若有家人,可速收視。」有一 於是遺騎追收,幷絹俱獲。 於是官屬威厲,莫有犯法。 自是闔境畏服。 以母憂去 至於守令僚佐 職 有瀆貨 老母,

所輸 帶河內太守。 史,將軍如故。 尺特長,在事因緣,共相進退,百姓苦之。 [少劣,亦爲受之,但無酒,以示其耻。 延昌末,起爲右將軍、華州刺史,與兄膰前後皆牧本州,當世榮之。 太后疑津貳己,不欲使其處河山之要,轉平北將軍、肆州刺史,仍轉好州刺 徵拜右衞將軍 津乃令依公尺度其輸物,尤好者賜以杯 於是人競相勸,官調更勝舊 日。 先是,受調 還除北 中郎 酒 絹 匹,度 而 出,

賊,長史許被守門不聽,津手劍擊被,不中,被乃走。津開門出戰,斬賊帥一人,殺賊數百。 空而去。 其後,賊攻州城東面,已入羅城,刺史閉小城東門,城中慅擾,不敢出戰。 旣乘勝,士衆勞疲,棚壘未安,不可擬敵,賊必夜至,則萬無一全,欲移軍入城,更圖 鮮于脩禮起於博陵,定州危急,遂回師南赴。 軍、假撫軍將軍、北道大都督、右衞,尋轉左衞,加撫軍將軍。 史元固稱賊旣逼城,不可示弱,閉門不內。津揮刀欲斬門者,軍乃得入城。 孝昌初, 加散騎常侍,尋以本官行定州事。 始至城下,營壘未立,而 旣而近鎭擾亂,侵逼舊京,乃加津安北將 始津受命,出據 州軍新敗。 靈丘 後舉 津以賊 津欲禦 而 財帥 立,刺

列

都 賊 督,兼 退, 人心 吏部 少 尚書、北道行 詔除 衛尉 臺 卿,征官如故,以津兄衞尉卿椿代爲左衞。 初, 津兄椿得罪此州, 由 **鉅鹿** 人趙略投書所致。 尋加鎭軍 將軍 及津之至, ·、計虜

略

舉家逃走,津乃下教慰喻,令其還業。

於是闔

州愧服,遠近

稱之。

給 中 感 督將尉靈根、程殺鬼、潘法顯等書,曉喻之,并授鐵券,許以爵位,令圖 鑄 有 更) 營維 物 北 鐵 悟,復書云三今與諸人密議,欲殺普賢,願公聽之。 津隨城 未 ,持以灌 人,必須盡殺,公若置之,恐縱敵爲患矣。 時 堞 賊 忍便殺,但收內子城防禁而已。將吏 賊 帥 中首 薛脩禮、公杜洛周殘掠州境。 賊。 每來攻,機械競起。 領,問行送之,脩禮、普賢頗亦由此 賊遂相語曰:「不畏利槊堅城,唯畏楊公鐵星。」津與賊 又於城中去城十步,掘地至泉,廣作 孤 無不處其仁恕。 城獨立,在 願公察之。」津以城內北人雖是惡黨, 而 死 又賊欲圍城,正為 兩寇之間,津貯積柴粟,脩 朝廷初以鐵券二十枚委津分 賊 地道,潛兵涌出,置爐 取北人耳。 帥 帥元洪業及與 毛普賢。 理戰具, 然掌 洪業 城 争所 賊 握 等 中

瓌 稔 任 造 津 朝廷不 科賞, 工其從祖吐豆發率精騎一萬南出,前鋒已達廣昌,賊防塞隘口,蠕蠕持疑,遂還 旣 而 杜 能拯赴。 兵民給復 洛 周圍州城,津盡力捍守。 乃遣長子遁突圍 八年。 葛榮以司徒說津, 而 出,詣 詔 加 衛將軍 蠕蠕主阿那瓊,令其討 津大怒, 下, 封 斬其使以絕之。 開 國縣侯, 邑 贼。 千戶,將 自受攻圍, 遁 日夜泣 土 論 經涉 有 [si] 功者 那

發 數 裔 日 津 大 欲 長 慚 將 史李裔 烹之, 典 守者以 諸 引 贼 賊 還 踰 相告, 相 城。 諫 洛周弗之責 賊 止 一、遂得 入 ,轉衆, 趸 害。 津苦戦不 也。 |津 及葛榮吞洛周 曾 敵、逐 與 裔 相 見拘 見, 復 執。 對 諸 爲 洛 榮所 賊 周 帥 脫 以 拘 津 大 守 衣 義 " 服 榮破 責 置 之, 地 辭 始 牢 得 淚 K 還 俱

洛

宮掖 帝 以 固 津為 將 辭 親 ,竟不之任 永安初, 遣 出 司 第二 空、加 討 子 詔除津本將 以 侍 逸 津 中 封 爲 __^ 閉 年, 中 軍 府 兼 庫 大 軍 吏 都督 荆 部 各令 尙 州 防守。 兼 書, 刺 史, 領 又除 軍 ·將軍 加 及帝 車 散 騎 騎常侍、 0 入 將 心津 未行, 軍 左光祿 迎於北 瀕 當 入。 州都督。 大夫, 山 及 流 景頁 败 仍 津 涕 除 以 謝 津 前 吏 罪,帝深 乃 部 在 入 o 中山 宿殿 元 嘉 陷 顥 中 慰 寇,詣 內 Z 逼 掃 洒 莊 枞

泰 東 道 通 馬 元 轉 款 寡 大 年 行 弱 **介朱** 更 |津 ·, 亦 臺 0 爲 不 大弁州 築 始加 遇 從 方 死 害於洛 略 招 也, 以子 刺 募, 史,侍 以津 乃 逸旣 將從 率 時 輕 爲 年六十三。 中、 騎, 都 爲 滏 督幷 光 口 司 望於 州 而 空 刺 肆 入。 如 濟 故 燕 史,兄子昱時爲東道行臺, 州 太昌初,贈 7,委津 値 恒 渡 雲朔 **尒朱兆等便已克洛**, 河 以計 而 顯 汾蔚 都督秦華雍三州諸 **介朱**仲遠已 胡 經 九州 略 諸 |津 陷 軍 相 馬也 東郡 非 鳩 州 至 率 鄴 刺 驃騎大將 軍 部 所 ″,手下 史李神 事 曲 温 大將軍、太傅、雍州 不 在 唯 等議 遂,乃還 軍 於 羽 、兼 深 沛 林 欲 尙 $\mathcal{F}_{\mathbf{L}}$ 與 京 書 百 津 津 師 介、 規 舉 北 城 欲

列

傅

第

四

+

大

楊

播

刺 史,諡曰孝 穆。 將葬本鄉、詔大鴻臚持節監護喪事。 津有六子。

主簿。 左丞。 被害於洛,時年四十二。 長子遁,字山才。 永安末,父津受委河北,兼黄門郎詣鄴,參行省事,尋遷征東將軍、金紫光祿大夫。亦 累遷尙書郎。 莊帝北巡,奉詔慰勞山東。 車駕入洛,除尚書左丞,又爲 其家貴顯,諸子弱冠,咸縻王爵,而遁性澹退,年近三十,方爲鎭西府 太昌初、贈車騎大將軍、儀同三司、幽州刺史、諡曰恭定。 光祿 大夫,仍

津 在中山,爲賊攻逼,逸請使於尒朱榮,徵師赴救,詔許之。 随弟逸,字<u>遵</u>道,有當世才度。 起家員外散騎侍郎。 以功賜爵華陰男,轉給事中。 ダ

帝益憂怖,詔逸晝夜陪侍,數日之內,常寢宿於御床前。 建義初,莊帝猶在河陽,逸獨往謁,帝特除給事黃門侍郎,領中書舍人。 帝曾夜中謂逸曰「昨來,舉目唯見 及朝 士 濫

異

一人,賴得卿,差以自慰。」

食,夜分不寢。 未有先之者。 又法令嚴明,寬猛相濟,於是合境肅然,莫敢干犯。 尋除吏部 仍以路阻不行,改除平東將軍、光州刺史。逸折節綏撫,乃心民務,或日昃不 郎中,出爲平西將軍、南秦州刺史,加散騎常侍。時年二十九,於時方伯之少 至於兵人從役,必親自送之,或風日之中,雨雪之下,人不堪其勞,逸曾無倦 時災儉連歲,人多餓死,逸欲以倉

之。 兵 門養粥 臨 此 粟 淮 「獲戾,吾所甘心。」 遂出粟,然後 吏 賑給,而 在 王 出 州 彧 使下邑,皆自 飯 政績 之,將死而 以爲宜貸二萬。 所司懼罪不敢。 尤美。 持糧,人或爲設食者,雖在闇室,終不進,咸言楊使君 得濟者以萬數。 詔聽二萬。云 逸曰:「國以人爲本,人以食爲命,百姓不足,君孰與足? 申表。 帝聞而善之。 逸既出粟之後,其老小殘疾不能自存活者,又於州 右僕射 元羅以下謂 逸爲政愛人,尤憎豪猾,廣設耳 公儲難闕,並執 有千里眼,那可欺 不許。 尚書 令、 自。 假令以 其

供, 諡 日 貞。 及 月之中,所在 其 /家禍, 介朱 不絕。 仲遠遣使於州害之,時年三十二。 太昌初,贈都督豫郢二州諸軍事、衛將軍、尚書僕射、 吏人如喪親戚, 城邑村落,爲營齋 豫 州 刺史。

光 禄 大 逸 大、衞 弟 謐, 將 字遵智。 軍。 在 晉陽,爲尒朱兆所害。 辟太尉行參軍,歷員外散騎常侍,以功賜爵弘農伯、 太昌 初 贈 驃騎將軍 一、兗州 刺 史。 鎭軍 平將軍、

| 證弟遵彦,武定中,吏部尚書、華陰縣開國侯。

於 中 河陰。 正、兼 津 弟暐,字 武 贈 衞 衞 將軍 將 延季。 軍 、尚 、儀 食典 性 同 三司 雅厚,頗 御。 雍 孝 州刺 昌 有文學。 初,正 史。 一武衛 起家 將軍 奉朝詩,稍遷散騎侍郎、 , 加散騎常侍、安南將軍 直閣 將軍、 |莊|帝 初 本州大 冯遇 害

列

子元讓、武定末、尚書祠部郎中。

坐。 來,唯有盧淵兄弟及播昆季,當世莫遠焉 显已下,率多學尚,時人莫不欽羨焉。一家之內,男女百口,總服同爨,庭無間言。魏 所寄,輒對 問。一初,津爲肆州,椿在京宅,每有四時嘉味,輒因使次附之,若或未寄,不先入口。 食, 候安否。 椿、津年過六十,並登台鼎,而津嘗旦暮參問, 障,爲寢息之所,時就休偃,還共談笑。 椿毎 然後食。 兄弟旦則聚於廳堂,終日相對,未會入內。有一美味,不集不食。廳堂問,往往幃幔隔 播 家世純厚,並敦義讓,昆季相事,有如父子。 近出,或日斜不至,津不先飯,椿還,然後共食。食則津親授匙箸,味皆先嘗,椿命 之下泣。 津為司空,於時府主皆引僚佐,人就津求官,津曰:「此事須家兄裁之,何爲 兄弟皆有孫,唯椿有曾孫,年十五六矣,椿常欲爲之早娶,望見玄孫。自 **椿年老,曾他處醉歸,津扶侍還室,仍假寐閣前。承** 播剛毅。椿、津恭謙,與人言。自稱名 子姪羅列階下, 椿不命坐。 津不敢 椿毎得 世以 見

其 司 檢聞 世 隆等將害椿家,誣其爲逆,奏請收治。 世隆後乃奏云:「楊家實反,夜拒軍人,遂盡格殺。」廢帝惋悵久之,不言而已。 世 隆 遂遣 步騎 液圍其宅,天光亦同日收椿於華陰。 前廢帝不許,世隆復苦執,不得已, 東 西 一兩家,無 少長 皆 下詔付有 遇 知世

史。 軍將軍、七兵尚書、北道行臺。 又除徐州、 鈞 頗 有幹用,自廷尉正爲 播族弟鈞。 東荆州刺史,還爲廷尉 祖暉 ,庫部給事,稍遷洛州刺史。 長水校尉、中壘將軍、洛陽令。 卒,贈使持節、散騎常侍、車騎大將軍、 卿。 拜恒州刺史,轉懷朔鎭將。 卒,贈弘農公,諡 出除中山太守,入爲司徒 所居以强濟稱。 曰簡。 左光祿大夫、 父恩, 河間太守。 左長史。 華州刺 後為撫

長子暄,卒於尙書郎

|喧弟穆,|華州 別 駕

侍、平南將軍,州罷不行。 元顥 刺史,仍陷 有舊,及願入洛,受其位任。 穆 弟儉, 寧遠將軍、頓丘太守。 普泰初, 莊帝還宮,坐免。 除征南將軍、金紫光祿大夫。永熙中,以本將軍除北 建義初,除太府少卿。 後以本將軍潁州刺史,[10]尋加散騎常 尋爲華州中正,加左將軍。 儉與 雍

永安二年,除中軍將軍、太府卿。 |儉弟寬, 自宗正 丞, 建義初爲通直散騎侍郎,領河南尹丞。 後為散騎常侍、驃騎將軍、右光祿大夫、澄城縣開 稍遷散騎常侍、安東將軍。 國伯。太

列 傳 第 四 十 六 楊 播

州

關西。

昌初,公 年,兼武衞將軍,又除黃門郎。 除給事黃門侍郎,尋加驃騎大將軍,除華州大中正,監內典書事。 隨出帝入關西。 儉、寬皆輕薄無行,為人流所鄙 坐事去官。

之理,何相及哉 也。 於天下。 諸子秀立、青紫盈庭、其積善之慶歟。及b
「及問逆擅朝、淫刑肆毒、以斯族而遇斯禍、 史臣曰:楊播兄弟,俱以忠毅謙謹,荷內外之任,公卿牧守,榮赫累朝,所謂門生故吏遍 而言色恂恂,出於誠至,恭德愼行,爲世師範,漢之萬石家風、陳紀門法, 所不 報施 過

校勘記

未若召發民材 五三、四七六五頁都作「材」。按這裏是說徵集材木以縛筏渡河、「村」字訛、今據改。 諸本「材」作「村」、北史卷四一楊播附楊侃傳、册府卷四二一五〇一六頁。通鑑卷

乃令亦朱兆等率精騎夜濟。」 頁作「與」, 遂與馬渚諸楊 無「諸」字。 南渡 諸本「與」作「於」,無「諸」字。 按卷七四公朱榮傳敍此事云:「屬 周書卷三四楊顯傳云:「顯率其宗人, 北史卷四一也作「於」,有「諸」字,册府同上卷 馬渚諸楊云 收船馬渚 有 小船數艘,求 馬渚 爲 是黄河 鄉導, 渡 榮

口

,楊樹族人居於馬渚,故稱他們爲「馬渚諸楊」。

「諸」字不宜省,「於」是「與」

字之訛。

今據北

,班,而改補。

魏 改授中部曹 都大官者如任城王雲、 ·部」字乃「都」之訛,「中都曹」屬中都大官,所以管獄訟。 有內、 中、 外三都大官,管刑獄事。 北史卷四一楊播附楊椿傳「中部」下有「法」字。 京兆王子推、 廣川王略 元宏曾說「三都折獄,特宜慎重」。 **| 本傳都提到他們在任上治刑 獄** 北史因下有「析訟公正」語、故加「法」 按此官不見卷一一三官氏志。 卷二一處陽王禧傳其官中 的 事。 疑這裏

至碻 字。 磝 諸本「碻敬」作「敬碻」。按隔敞是當時重鎭,濟州的治所見卷一〇六中地形志中,屢見紀傳。

- 五 當今雍州刺史亦不賢於蕭寶夤 諸本誤倒,今乙正。 册府卷四○四四八一○頁「不」作「無」。按文義當作「無」。
- ブベ 設置 番郡 續靈 刺史 珍死後、州名亦廢。 册府卷三五四四二〇〇頁「郡」作「州」。按郡不當有刺史,「番州」也不見記載,或臨時
- , . -L 在城 上文稱「被劫」,以爲「殺」字誤,妄改作「劫」,今據北史、御覽回改。 殺」。按若說「被劫」, 東十里被殺 諸本「殺」作「劫」、 其人現存,豈得云 「家人可速收視」。據御覽, 北史卷四一楊播附楊津傳、 知魏書本亦作 御覽卷八一 ..「殺」, 七三六三四頁作 後 人 因
- 列 時 賊 傅 (加薛) 第 四 脩 + 禮 六 北史卷四 校 勘 記 一楊播附楊津傳 「薛」作「鮮于」。按「薛脩 禮」只 三〇五 此一見, 此傳前文和

·魏書他處記載都只作「鮮于脩禮」,當時攻圍定州的也只有鮮于脩禮和杜洛周兩支起義軍。 雖

可能「薛」是「鮮于」所改的漢姓,但別無佐證,且亦不應前後歧異,疑「薛」字誤。

へたし 詔聽二萬 二萬」。若「詔聽二萬」,應云「從之」,不必又舉數字。「二」當是「五」之訛。 北史卷四一楊播附楊逸傳「二萬」作「五萬」。按上文稱「尚書令、臨淮王彧以爲宜貸

[10] 後以本將軍潁州刺史 按「將軍」下當脫「除」或「爲」字。

魏書卷五十九

列傳第四十七

劉昶 蕭寳寅 蕭正表

府。 朝,「以觀其意。子業曰:「義陽與太宰謀反,我欲討之,今知求還,甚善。」又屢詰法生: **遂委母妻,攜妾吳氏作丈夫服,** 「義陽謀事,汝何故不啓。」法生懼禍,走歸彭城。 及駿子子業立,昏狂肆暴,害其親屬,疑昶有異志。 劉昶,字休道,義隆第九子也。 結義從六十餘人,問行來降。 義隆時,封義陽王。 一起欲襲建康,諸郡並不受命。和平六年, 兄駿以爲征北將軍、徐州刺史、開 |飛聞甚懼, 遣典籤虞法生表求入 在路多叛,隨腿至者二十

南將軍、駙馬都尉,封丹陽王。 | 飛雖學不淵洽,略覽子史,前後表啓,皆其自製。 歲餘而公主薨,更尚建興長公主。 朝廷嘉重之,尚武邑公主,拜侍中、征

列傳第四十七 劉昶

體 立, 事 母 ,更尙平陽 爲二敬,猶修往文,彼所不納。 爲 不 彰于遐 殊 其 國 興 妾 中 旄 邇 劉 , 宜 作牧 長 公主 孔 如 彧 懷之義難奪,爲臣 春秋荀罃對 遣其員外郎李豐來朝,顯祖詔昶與彧書,爲兄弟之戒。〔三彧不答,責 ,職班台位。 楚稱外臣之禮 天厭 伏 願 之典靡經,棠棣 子業,夷戮 聖慈停臣今答。」朝廷從之。 同體 尋敕 昶更與 之詠可修,越敬之事未允。 背本歸朝, 彧 書。 事捨簪笏。 昶表 拜外都坐大官。 日一臣 臣 殖 弟彧廢姪自 臣若 根 南 公主復 i改書, 為,託 減以。

怪 在 毎 至 問 公坐 威忿,楚朴特苦 昶 一,諸王 好犬馬,愛武 至於陳奏本國 毎侮弄 一,引待 事,入國 之,或戾手齧臂,至於痛傷,笑呼之聲,聞 事 故,語及 南 士,禮 歷紀,猶布衣皂冠,同凶素之服。 征 多 役,則能斂容 不 足,緣此 「涕泗, 人 懷 畏避 悲 動 左 于御 右。 然呵詈童僕, 聽。 而 天性編 高祖 每優假之,不以 躁, 音雑 喜怒不 喪夏。 雖

州 醜, 臨 丽 陳, 來。 哭 翦 太 拜 四 除 卿宗 和 其 面 民 初 拜諸將士,自陳家國 母 害。 ()轉內 廟 舊堂。哀 不復 氛 都 穢 血 坐大官。 既清 感 食,朕聞 從 者。 卽 胙 斯 及 乃遍 滅亡,蒙朝廷慈覆,辭理切至,聲氣激揚, 卿 問 蕭 , 矜忿: 道成 江南之土,以 循故居,處處隕涕, 殺 兼懷 劉準 一,時遣 今遣 興蕃業。」乃以 諸 大 將南 將 左右 軍 伐,詔昶曰:「卿識機 率 亦莫不 本 南 將 州 甲卒,以伐逆竪, 軍 ·辛酸。 與諸 涕泗横流, 將同 及 至 行。 軍 體運力 所 三軍咸 路 克 蕩 先 將 經 慰 徐 兇 欲

爲感歎。 後昶恐雨水方降,表請還師,從之。 又加儀同三司,領儀曹尚書。 於時改革朝儀,

韶昶與蔣少遊專主其事。 昶條上舊式,略不遺忘。

紀,本邦湮滅,王者未能恤難矜災,良以爲愧。 恩,處臣邊戍,招集遺人,以雪私耻。雖死之日,猶若生年。」悲泣良久。 奔波,投蔭皇闕,仰賴天慈,以存首領。然大耻未雩,痛愧纏心。 屬逢陛下釐校之始,願 高祖引見於宣文堂,昶啓曰:「臣本國不造,私有虐政,不能廢昏立德,扶定傾危, 出蕃之日,請別當處分。」後以起女爲 高祖曰:「卵投誠累 鄕 無曲 君。 萬里

當諸侯之禮,但王者不遺小國之臣,況此蕃垂之主,故勞公卿於此。」,昶對曰:「陛下道化光 蕞爾,豈不食椹懷音。」 容並不閑備,向見集始,觀其舉動,有賢於願承。」一起對曰「陛下惠洽普天,澤流無外,武興 被,自北而南,故巴漢之雄,遠覲天闕。臣猥瞻盛禮,實忻嘉遇。。高祖曰:「武興、宕昌,於禮 高祖臨宣文堂,見武興王楊集始。 既而引集始入宴,詔昶曰:「集始邊方之酋,不足以

釋臣私耻。」頓首拜謝。 議南伐,語及劉、蕭篡奪之事,昶每悲泣不已。因奏曰:「臣本朝淪喪,艱毒備罹,冀恃國靈, 又爲中書監。 開建五等,封昶齊郡開國公,加宋王之號。十七年春,高祖臨經武殿,大 高祖亦爲之流涕,禮之彌崇。蕭賾雍州刺史曹虎之詐降也,詔昶以

列傳第四十七 劉昶

兵出義陽,無功而還。

曰:「時. 笑耳。」 費 於 其 彭城 害。 中。 高 祖 其 契 西 不 親 南 勝 年 能 重 餞之, ٠, 綏 殘 昶 除 邊懷 事 與三公主同些而 如 使 是。 鍾 命 持 物,撫接義故,而 文業,雖 百 節 自昶之背彭城 僚賦詩贈昶, 、都督吳越楚彭 則不 異穴。 學,欲罷 閨 ,至是久 叉 門喧 發石累 **以城諸軍** 以 其文集 不 **腰** 矣。 能。 之, 事、大將 內 外姦 其 脫 墳崩, 部 一普 思 賜 雜 奫 軍, 昶。 見, • 字 壓殺 前 固辭, Щ 故以 民 池 高 十餘 舊 祖 並 吏, 相 詔 因 人。 尙 示 以 不 莫不 存立 許 所 後 製 雖 復 慨 视 又 文筆 無 移 歎 賜 足 更修 焉 改 布千匹。 示之, 味, 繕 聊 爲 豫 還 謂 營 公 復 私 墓 處 昶 及

民 勞 拒 土 守 宣威布德,二事 馬 · 不 克, 高 祖 久淹 南討, 昶 乃 歲 班 昶候駕於行宮,高 時, 師 旣暢,不 有損 + 威 九 失本圖 靈, 年, 伏聽 高 祖 祖遣侍中 一,朕 斧鉞。」高 在 亦無 彭 城 克 昶至入 迎勞之。 祖 而 曰:「朕 還,豈但 見。 **昶討蕭昭業司州** 之此行, 卿 昶 也。 日 臣 本 奉敕 無攻守之意,正欲伐罪 雖 專 征 屢破 剋殄 賊 軍 兇 而 醜 義 弔 徒 陽

長 或 仰 大綱 典。 祖 質 十月, · 治民 朴,清濁同流,混齊 故 自 昶 夏及秋、 之柄。 朝于京 親 師。 君 議 能 高 條 好 一等,君子小人名品 典 祖 制 則 臨 或言 光 國 治,不 極堂 唯 能 大選。 能 是 則 寄 國 無別, 高 不 亂 祖 必 目 拘 我 此殊爲不可。 門,朕 國 朝 家昔在 因 以 月 爲 且 恒 , 不 代, 欲 我今八族以上,士人品 爾 評 隨 魏 時 何 典。 者? 制 作 夫 當 非 典 今之世, 通世 者 之 爲

可止爲一人,渾我典制。 有九,九品之外,小人之官,復有七等。 故令班鏡九流,清一 若苟有其人,可起家爲三公。 朝軌,使千載之後,我得髣像唐虞,卿等依 正恐賢才難得。 係

元、凱。」
 则對曰:「陛下光宅中區,惟新朝典,刊正 九流,爲不朽之法,豈唯髣像唐虞,固以

人君患不能納羣下之諫,爲臣患不能盡忠於主。 朕今舉一人,如有不可,卿等盡言其失,若 有高三代。」高 祖曰:「國家本來有一事可慨。 可慨者何? 恒無公言得失。今卿等各盡其

有才能而 朕所不識者,宜各舉所知。 朕當虛己延納。 若能如此,能舉則受賞,不言則有罪。

贈假黃鉞、太傅、領揚州刺史, 年六十二。 及論大將軍,高祖曰:「劉昶卽其人也。」後給班劍二十人。二十一年四月,薨於彭城, 高祖爲之舉哀,給溫 加以殊禮,備九錫,給前後部羽葆鼓吹,依晉琅邪武王伷故 明祕器、錢百萬、布五百匹、蠟三百斤、朝服一具、衣一襲,

少而匹疾。 尚高祖妹彭城長公主,爲駙馬都尉。 先昶卒,

員外常侍。

事,諡曰

眀

幸主侍婢有身,主笞殺之。 爲 世子,襲封。 長子文遠,次輝。字重昌,並皆疏狂,昶深慮不能守其爵封。 正始初,尙蘭陵長公主,世宗第二姊也。 剖其孕子,節解,以草裝實婢腹,裸以示輝。 拜員外常侍。 然輝 猶小,未多罪過, 公主頗嚴妬 輝遂忿憾, 輝 疏薄 嘗 Γ'n 私 以 公

懷奏 縣,幽于同州,將加死刑,會赦得免。三年,復其官爵,遷征虜將軍、中散大夫。 哀太極東堂,出葬城西,太后親送數里,盡哀而還。謂侍中崔光曰「向哭所以過哀者,追念 及劉騰等皆爲言於太后。 家遂衰頓,無復可紀。 公主為輝頓辱非一,乃不關言,能爲隱忍,古今寧有此!此所以痛之。」後執輝於河內之溫 其事,二家女髠笞付宮,兄弟皆坐鞭刑,徙配|敦煌爲兵。公主因傷致薨, 遂與輝復致忿爭。 公主,誠令謹護。 (其不和之狀,無可爲夫婦之理,請離婚,削除封位。 姊因入聽講,言其故於靈太后,太后敕淸河王懌窮其事。 正光初,輝叉私淫張陳二氏女。公主更不檢惡,主姑陳留公主共相扇獎, 輝推主墮床,手脚毆蹈,主遂傷胎,輝懼罪逃逸。 太后慮其不改、未許之、確等屢請不已、聽復舊義。 太后從之。 公主在宮周歲,高 懌與高陽 靈太后召清河王懌決 太后親臨慟哭,舉 王雍 四年,輝卒, 太后流涕送 廣 平王 陽

文遠,歷步兵校尉、前將軍。 景明初,為統軍。 在壽春,坐謀殺刺史王肅以壽春叛,事

發伏法。

建寧子,司徒外兵參軍,稍轉步兵校尉、游擊將軍,卒于河內太守。 通直郎劉武英者,太和十九年從淮南內附, 自云 一劉裕弟長沙景王道憐之會孫,賜爵 而昶不以爲族親也。

車 三尙及建業城,城上射殺數人,衆乃奔散。 騎將軍、開 蕭寶夤,字智亮,蕭鸞第六子,寶卷母弟也。鸞之竊位,封寶夤建安王。 <u>遂迎寶夤率石頭文武向其臺城,稱警蹕,百姓隨從者數百人。會日暮,城門閉,乃燒</u> 府,領石頭戍軍 事。 寶卷昏狂,其直後劉靈運等謀奉寶夤, 寶夤棄車步走,部尉執送之,自列為 密遣報寶夤 寶卷立, 人所逼,實 一寶夤 以爲

卷亦不罪責也。

寶卷弟寶融僭立,以寶夤爲衞將軍、南徐州刺史,改封鄱陽王

夤 故義,皆受慰信,唯不見夏侯一族,以夏侯同蕭衍故也。 待,馳告揚州刺史、任城王澄,澄以車馬侍衞迎之。時年十六,徒步憔悴,見者以爲掠賣生 畔,躡屩徒步,脚無全皮。防守者至明追之,寶夤假爲釣者,隨流上下十餘里,追者不疑,待 賃驢乘之,

畫伏宵行,

景明二年至壽春之東城戍。

戍主杜元倫推檢,

知實蕭氏子也,以 散,乃度西岸。 口 拱、黃神密計,穿牆夜出寶夤。 (從命。 也。 蕭衍. 澄待以客禮。 澄率官僚赴弔,寶夤居處有禮,不飲酒食肉,輟笑簡言,一同極哀之節。 既克建業,殺其兄弟,將害寶夤,以兵守之,未至嚴急。 逐委命投華文榮。 文榮與其從子天龍、惠連等三人, 棄家將寶夤遁匿 乃請喪居斬衰之服, [三] 澄遣 具小船於江岸,脫本衣服,著烏布襦,腰繫千許錢,潛赴江 |人曉示情禮,以喪兄之制,給其齊衰, 改日造澄,澄深器重之。 其家閹 人顏文智與左右麻 壽春多其 .山澗 禮 延

列

京邸 亦 曷 館 以 景 過 明 付 扣 尙 年 書 里 悉 可 几 令 月, 遭 豫 羽 詔 備 林 曰 ____ 監 ; 及 領 蕭 至 主 寶夤深 京 書 師 劉 , 世 桃 識機運,歸 宗 符 詣 禮之甚 彼 迎 誠 接 有 道 **其資** 伏 冒 訴 險履 闕 生 下 所 , 須 屯 請 之物, 投 兵 命 南 及衣 絳 伐, 闕 冠、車 雖 微 遇 子 暴 陳 風 大 在 韓

雨

: ,終不

暫

移

等為 賁 酒 **令**且 都 夤 相 肉 五 督 誠 慘 積 百 據 東 懇 是 寶夤 弩將軍 東 揚 年 及 人 形 事 伯 南 冬, 城 接 悴色,蔬食粗 之所 徐兗 對 待秋 從 蕭 文榮等三人 し豊厚 報復,不 衍 陳 三州諸 冬大 江州 時 ٠, 猶 舉。 不 刺史陳伯之與其長 失 衣 軍 不 可失, 其 事 及劉 爲 寶夤 未嘗 鎭 理 强 四 昶 嬉 弩 東 明 年二月, 將軍 之優 笑。 當 將 拜 軍 隆 及被 , 命 並 東揚 也 其 沙 史褚胄等自 爲 命當 引 夜 軍 叉 州 八 主。 慟 任 刺 南伐, 座門 其 史、 寶 募 壽春 2 下 貴 夤 至 美 文 晨, 要 雖 丹 下 歸降, 議 多 小 壯 易 備 部 羇 相 勇, 郡 禮 分之方。 流 憑 策授 開 得數 託 國 而 門門 請 公、 志 干 軍 賜 庭 性 齊 匹 人。 立 車 賓 雅 王, 月, 效。 馬 客若 重 以 什 除 配 文智 世宗 過 物 市 兵 使 期 持 書 猶 給 \equiv 以 萬, 寶 絕 虎

盛 民 響 寶夤 附 正 始 韋 以衆寡無援,退入金城。 元 逼 年 壽 三月 春 逐據 寶夤 外郭 行達 汝 寶 陰, 夤 叉 躬 東 出 城 貫 相 已陷 甲 國東門, 胄 率 遂 停 下 率 撃之, 壽 衆力戰,始破走之。 春 之栖賢 自 四 更交 诗。 戦 値 至 賊 當 將 明 寶 姜 H 入夤 申 慶 壽 時 眞 春之戰 內 賊 侵, 旅 彌 士

勇冠 諸軍,聞見者莫不壯之。 七月,還京師,改封梁郡開國公,食邑八百戶

死, 発官削爵還第。」 五 五 百人。與英頻破衍軍,乘勝遂攻鍾離。 有司奏寶夤守東橋不固,軍敗由之,處以極法。 及中山王英南伐,寶夤又表求征。 乃爲使持節、鎭東將軍、別將以繼英,配羽林、虎賁 淮水汎溢, 詔曰:「寶夤因難投誠,宜加矜貸,可恕 寶夤與英狼狽引退,士卒死沒者十四

夤器性溫順,自處以禮,奉敬公主,內外諧穆,淸河王懌親而重之。 年,而敬事不替。寶夤每入室,公主必立以待之,相遇如賓,自非太妃疾篤,未曾歸休。 尋尙南陽長公主,賜帛一千匹,幷給禮具。公主有婦德,事寶夤盡肅雍之禮,雖好合積 寶

堂餞之。詔曰:「蕭衍送死,連兵再離寒暑,卿忠規內挺,孝誠外亮,必欲鞭尸吳墓,戮衍 臨,不勝悲荷。」因泣涕横流,哽咽良久。於後,盧昶軍敗,唯寶夤全師而 陰,故授卿以總統之任,仗卿以克捷之規,宜其勉歟。」寶夤對曰:「讎耻未復,枕戈俟旦,雖 救之、詔寶夤爲使持節、假安南將軍、別將、長驅往赴、受盧昶節度。賜帛三百匹,世宗於東 無申包之志,敢忘伍胥之心。今仰仗神謀,俯厲將帥,誓必拉彼姦勁,以清王略。聖澤下 永平四年,盧昶克蕭衍朐山戍,以琅邪戍主傅文驥守之。衍遣師攻文驥,盧昶督衆軍

延昌初,除安東將軍、瀛州刺史,復其齊王。四年,遷撫軍將軍、冀州刺史。 傅 第 四 + يد 蕭 獀 及大乘賊

起, 寶夤遣軍討之,頻爲賊破。 臺軍至,乃滅之。 靈太后臨朝,還京師

還京師,又除使持節、散騎常侍、都督荆□東洛三州諸軍事、衞將軍、荆州刺史。 宗率壯士千餘,夜渡滩,燒其竹木營聚,破賊三壘,殺獲數千人,斬其直 討之。 叔 殿 統 火 患,寶夤於堰 率壯 數 中尚書。 軍 日不滅。 魏續年等赴擊,破之,孟孫等奔退。 蕭 士數百,夜渡淮南,焚賊徐州刺史張豹子等十一營,賊衆驚擾,自殺害者甚衆。 衍 尋復封梁郡開 遣其 上流、更鑿新渠,引注淮澤,水乃 將 行將垣孟 康絢於浮山堰 國公, 孫、張僧副等水軍三千,渡淮,北攻統軍呂回。 寄食濟州之濮陽。 淮 以灌 揚徐。 乃授左光祿大夫、殿中 除寶夤使持節、都督東討諸 小減。 熙平初,賊堰旣成, 乃遣輕車將軍劉智文、虎威將 ·尚書。 淮水 寶夤遣府司馬元達、 閣將軍 寶夤又遣軍主 濫溢, 軍事 主升 鎭 將爲 不行,復爲 東將 明 揚徐 軍 而 周恭 寶夤 劉 軍 之 以 延

累日,一鼓魚潰,克定慧景,功踰恒文。亡弟衞尉,兄弟勠力,盡心內外。 景事,大將覆軍於外,小將懷貳於內,事危累卵,勢過綴旒。 强。 値 北寇華陽,地絕一 使至之日,君臣動色,左右相賀,齊明帝每念此功,未嘗不輟箸咨嗟。 寶夤之在淮堰,蕭衍手書與寶夤曰:「謝齊建安王寶夤。 隅,內無素畜,外絕繼援,守危疏勒, 計踰 亡兄忠勇奮發,旋師大峴,重 田單,卒能全土破敵,以弱 亡兄長沙宣武王, 大勳不報, 及至 一昔投漢中, 張永、崔 翻 罹 重

之視 朝廷爲之報答。 更設奇計,恐機事一差,難重復集,勿爲韓信,受困野鷄。」寶夤表送其書,陳其忿毒之意。 **遣軍以相影援。** 不克捷,亦丈夫也。 旣非大舉,所以不復文移北土。 所 歲 朕 以自有天下,絕棄房室,斷除滋味,正欲使四海見其本心耳。 王 衆樊鄧,會踰孟津,本欲翦除梅山兒、茹法珍等,以雪寃酷,拔濟親屬,反身素里。 咎,遠身邊外,亦復不免。 茶 、酷、百 以每抑鎭戍,不與校計。 於昆蟲,猶不欲殺,亦何急爭無用之地,戰蒼生之命也 一珍國已建大事,實咥、子晉屢動危機,迫樂推之心,應上天之命,事不獲已,豈其 月滋甚。 此,曾不如一芥。 口 幽 或攻小城小戍,或掠一村一里。若小相酬答,終無寧日, 、執、禍害相尋。 得捷之後,便遣卿兄子屛侍送卿國廟、幷卿室家及諸姪從。 今止河洛,眞其時矣。 雖復崆峒之蹤難追,汾陽之志何遠。 遂遣劉山陽輕舟西上,來見掩襲。 繼伯旣得如此,濫竊彌多。 股於齊明帝,外有龕敵之力,內盡帷幄之誠,日自三省,**曾無** 卿幼有倜儻之心,早懷縱橫之氣。 雖然,爲卿計者,莫若行率此衆,襲據彭城,別當 今修此堰,止欲以報繼伯侵盜之役, ! 正爲李繼伯在壽陽, 勿謂今日之位,是爲可重 時危事迫,勢不得已。 而今立此堰, 往日卿於石頭 邊邑爭桑,吳楚連禍 卿當未達本 若方欲 侵犯邊境 始 舉事,雖 屬張稷、 願。 所以誓 還北, 一,股 所

寶夤志存雪復, 傅 第 四 十 七 屢請居邊。 蕭 뙟 夤 神龜中,出爲都督徐南亮二州諸軍事、車騎將軍、 徐州刺

乃起學館於清東,朔望引見土姓子弟,接以恩颜, 與論經義, 勤於政治, 吏民愛之。

在三州,皆著名稱。

史。

正光二年,徵爲車騎大將軍、尚書左僕射。 善於吏職,甚有聲名。 四年,上表日

多門,猶且顧其聲第,愼其與奪。 商準,用捨之宜,非無依據。 歷試者乎。旣聲窮於月旦,品定於黃紙,用效於名輩,事彰於臺閣, 大較在于官人用才,審於所莅;練迹校名,驗於虛實。 臣聞堯典有黜陟之文, 周書有考績之法,雖其源難得而 雖復勇進忘退之儔,奔競於市里,過分亡涯之請,馳騖於 器分定於下,爵位懸於上,不可妄叨故也 豈不以臧否得之餘論 尋, 然條流抑亦可知矣。 則賞罰之途,差有 ,優劣著於

不復覈其是非。 卑,人無貴賤,皆飾辭假說,用相褒舉。 官,任當四岳,授曰 極地,德行之稱,爲生之最首。 叉在京之官"積年一考。 今竊見考功之典,所懷未喻,敢竭無隱,試陳萬一。 遂使冠履相貿,名與實爽,謂之考功,事同汎陟,紛紛漫漫,焉可勝言。 . 爾諧,讓稱兪往,將何以克厭大名,允茲令問。 自比已來, 其中或所事之主遷移數四,或所奉之君身名廢絕,或具 忠貞之美,立朝之譽,仁義之號,處身之端,自非 涇渭同波,薰猶共器,求者不能量其多少,與者 何者?竊惟文武之名,在人之 官罔 職惟 カ

僚離索,或同事凋零,雖當時文簿,記其殿最,日久月深,駁落都盡,人有去留,誰復掌

凡

中庸已降,夫復何論。 附,共爲脣齒,飾垢掩疵,妄加丹素,趣令得階而已,無所顧惜。 其勤墮?或停休積稔,或分隔數千,累年之後,方求追訪聲迹,立其考第。 官以求成,身以請立,上下相蒙,莫斯爲甚。 賢達君子,未免斯思, 無不苟相悅

紀之中,便登三級。彼以實勞劇任,而遷貴之路至難,此以散位虛名,而升陟之方甚 佐、無事冗官,或數旬方應一直,或朔望止於暫朝,及其考日,更得四年爲限。 限滿代還,復經六年而敍。 何內外之相懸,令厚薄之如是! 又勤恤人隱,咸歸守令,厥任非輕,所責實重。 是則歲周十二,始得一階。 然及其考課,悉以六載爲程,旣而 於東西兩省、文武閑職、公府散 是則

萌生,偽辯鋒出,役萬慮以求榮,開百方而逐利。 惜,殷勤若此。况乎親非胏腑,才乖秀逸,或充單介之使,始無汗馬之勞,或說興利之 豈不重骨肉、私親親。 誠以賞罰一差,則無以懲勸,至公暫替,則覬覦相欺。 規,終慚十一之潤。 以假人。是以賞罰之柄,恒自持也。至乃周之藹藹,五叔無官,漢之察察,館陶徒請。 人爵也。古之人修其天爵而人爵從之。故雖文質異時,汚隆殊世,莫不寶茲名器,不 又聞之,聖人大寶曰位,何以守位曰仁。孟子亦曰:仁義忠信天爵也,公卿大夫 皆虛張無功,妄指贏益,坐獲數階之官,藉成通顯之貴。於是巧詐 握樞秉鈞者,亦知其若斯, (P) 但抑之 故至慎至

則其流已注,引之則有何紀極。

裁非 密,不得開視,考績之日,然後對共裁量。 杜 則 臨 通 以 卽 能否,審其實用而注其上下,游辭宕說,無一取焉。 職 而誅賞之。 明法 時 正 蔓草難除,涓流遂積,穢我彝章,撓茲大典。 則 澆弊之門。 一歲終,則令官府各正所司,受其會計,聽其致事,而詔於王,三歲,則大計羣吏之治 斟酌、匪拘恒例。至如援流引比之訴、貪榮求級之請,如不限以關鍵、肆其傍通, 庸管,乞求博議,以爲畫一。若殊謀異策,事關廢興,遐邇所談,物無異議者,自可 本曹尚書與令、僕印署、留於門下,一通則以侍中、黃門印署、掌在尚書。 |而罰之,不得方復推詰委否,容其進退。 旣定其優劣,善惡交分。 庸短 **夫琴瑟在於必和,更張求其適調。 ;幹務忠淸,甄能以記賞。總而奏之。** 愚謂:今可粗依其準,見居官者,每歲終,本曹皆明辨在官日月,具覈才行 如斯,則吉士盈朝,薪槱載煥矣。 去者旣不可追,來者猶或宜改。按周官太宰之 如此,則少存實錄,薄止姦回。其內外考格, 經奏之後,考功曹別書於黃紙、油帛。 謂宜明加禁斷,以全至治,開返本之路, 列上尚書, 覆其合否。 下第,黜凡 如有紕謬, 嚴加緘

詔付外博議,以爲永式,竟無所定。

時蕭衍弟子西豐侯正德來降,寶夤表曰:

難測。

滅,偷 獲謗 弗聞,去就先結。 人倫之所先,王敎之盛典。 臣 生江 無所逃死,衞伋受誣,二子繼沒。 聞 立身行道,始於事親,終於事君。 表,自安毒耽。 隔絕山 淮,溫凊 而正德居猶子之親,竊通侯之貴,父榮於 三千之罪, 永盡,定省長 莫大於不 親命匪 故君 棄, 違,報復何日? 孝。 親盡之以 國孰. 毀則 無父? 藏姦, 恒敬, 以 況今封 常刑 此 嚴父兼之以博愛。 爲 國,子 وليار 靡 赦。 育於 الأ 存, 可 所 、家、履 知 長 以晉 矣 蛇 未 恭 斯

欽 君忽父,狼子是心,旣不 困 趾 丘 彭 園 光纂歷,昭德塞違,以臨羣后,脫苞此 文身之渠,款關 宋,實丁 ,標忠孝以納賞,築**藁街于**伊洛, 皇朝綿基累葉,恩均四海,自 公 而 而 効質。 親親, 吳項已平,二臣 至如正德,宜甄義 安能親 北徂 集華裔 人。 南,要荒仰澤, 区 卽 醜,置 中間 法。 其 以致貶。 變詐, 歸 豈不 一之列位,百官是象,其何誅焉 نار 錄其情哉? 能言革化, 或有萬等。 被髮鐻身之首, 昔越 栖 |會稽,賴宰嚭 欲 無 伏惟陛下聖敬自天。 明責 思不韙。 屈膝 以示 以 而 後。 貫玉帛 獲 請 立 吏,交 况遺 漢 於

居獻替, 臣 釁 愚衷寸抱, 結 禍深,痛 纏肝 敢不申陳。 髓,日暮途遙,復報 伏願聖慈少垂察覽,訪議槐棘, 無 H , 묘 品 园 於 一豎哉? 論其 、是非。 但才 雖 使秋霜春 庸 近 職

列

露,施之有在;相鼠攸刺,遄死有歸。無令申伋受笑於苟存,曾閔淪名於盛世。

正德既至京師,朝廷待之尤薄。歲餘,還叛。

都督徐州東道諸軍事,率諸將討之。既而揚州刺史長孫稚大破邃軍,斬鴻,賊遂奔退。 五 一年,蕭衍遣其將裴邃、虞鴻等率衆寇揚州,詔寶夤爲使持節、散騎常侍、車騎大將軍、

州,執元志、裴芬之等,遂寇雍州,屯於黑水。朝廷甚憂之,乃除寶夤開府、西道行臺,率所 弟天生爲高陽王,伯珍爲東郡王,安保爲平陽王。遣天生率衆出隴東,攻没汧城, 部東行將統,爲大都督西征。肅宗幸明堂,因以餞之。 死,其第四子念住竊號天子,改年日天建,置立官僚,以息阿胡爲太子,其兄阿倪爲西河王, 初,秦州城人薛珍、劉慶、杜遷等反,執刺史李彦,推莫折大提爲首,自稱秦王。 大提尋 仍陷岐

遣其兄子忻和率騎東引國軍。 城、「八」遂至顯親。 都督、秦王、資其士馬、還征秦州,大敗念生將杜粲於成紀,又破其金城王莫折普賢於水洛 度兄弟,始共念生同逆,後與兄衆保於顯親,聚衆討念生,戰敗,降於胡琛。 留,不速追討,隴路復塞。仍進討高平賊帥万俟醜奴於安定,更有負捷。時有天水人吕伯 寶夤與大都督崔延伯擊天生,大破之,斬獲十餘萬。 念生率衆,身自拒戰,又大奔敗。 念生事迫,乃詐降於寶夤。 伯度乃背胡琛,襲琛將劉拔, 追奔至于小隴,軍人採掠,遂致稽 朝廷喜伯度立義之功,「宀」授無 琛以伯度爲大 破走之,

進。 軍 將 驃騎大將軍 軍 念生復反,伯度終爲醜奴所殺。 、涇州刺史、平秦郡開國公,食邑三千户。 、儀同三司、假大將軍、尚書令,給後部鼓吹,增封千户。 故賊勢更甚,寶夤不能 而大都督元脩義 制。 孝昌二年四月, 、高津,停軍隴 寶夤 初自 黑水 除 寶瓷 久不 侍 西

至平凉,

與賊相

對,數年攻擊,賊亦憚之,關中保全,寶夤之力矣。

密欲 韶尚 號, 恢等攻而 大將軍 州 日 有 粲 覆 刺 司 放其部 所殺 書僕射行臺長 取 敗 史、假 處寶夤 是 三年正月,除司空公。 ·盧祖 诗, 慮 殺之,詐收道元尸,表言白 ,合門皆盡。粲據 見猜 内,稱隆緒元年,立百官。 :車騎大將軍、開府、西討大都督,自關以西,皆受節度。九月,[10]念生爲其常山 彌以憂懼 山東、關 遷等擊退, 死罪,詔恕 責,内不自安。 孫 西寇賊充斥,王師屢北,人情 稚討之。 爲 爲民。 而長安輕薄之徒,因相 退 州請降於寶夤。十月,除散騎常侍、車騎將軍 所殺。 出師既久,兵將疲弊,是月大敗,還雍州。 四 時北地 朝廷頗亦疑阻 .月,除使持節 又遣其將侯終德往攻遐。 賊所害。 乃遣郭子恢東寇潼關 人毛鴻賓與其兄遐糾 説 , 、都督雍涇岐南 又殺都督、南 沮喪。 動。 乃遣御 道元行 寶夤 史中尉酈道元 平王 率鄉義 達陰盤驛, 自以出軍累年, 會子恢爲官軍所敗,長孫稚 行臺張始樂圍 豳四州諸軍事、征 仲 問。 將討 爲關 仍停長安,收聚離 、、尚書令,復其舊封。 是月,遂反, 寶夤 寶夤。 中 華州 密遣其將 大 **糜費尤廣**。 使。 西將軍、 刺 寶夤 史崔襲 寶夤 僭舉大 郭子 遣 雍

列

傅

第

四

尋

奔

醜

奴

醜

奴

以

寶

夤

爲

太

傅

敗, 遣 攜 子 公 彦 主 破 及 始 其 榮 少 於 子 華州 與 部 終德 下 百 因此 餘 騎 勢挫, , 從 後門 還 圖 出 寶夤。 走, 渡渭 軍至白門, 橋 投 於寧夷 寶夤始 巴張宕昌 與 德交戰, 劉 興周 戰

慟 施 自 與 間 前 而 寶 哭 寶 朝 外 闔 云 夤 夤 帝 至, 門 極 永 便 安 李 素 哀 夷 然 外 將 其 尙 莊 都 舊 然 恕之。 年 寶夤 書 帝 街 言, 一人相 自 之中 問 高 持 功 都 道 7 死 督 黄 於 寶夤 習在 色 菛 京 尕 太 不 與左右 憂 貌 朱 僕 與 師 敗 外 寶夤 懼 駞 士 天 不 於 所 光遣 ,言於 女 唯 改 牛 長 聞 署 周 安, 聚 稱 賀 款 寶 賜 莊 道 共 走為 拔 推 夤 死 帝 觀 習 並 岳等破 有 天 ,云「其逆亦 視 日: 居 三子、 委 寶夤 醜 凡 得 命 奴 言之 太傅, 唯 醜 之將 經三日 皆 恨 奴於安定 聞 公 不 地, 陛 死 終 事 主 岩 下 在 必能全之。」 所 臣 神 非 欲 吏 節 儁 前 生 陛 不 部 追擒 而 朝 攜 L__ 下 尙 殺 而 ۴. 酒 御 書李 已。 蕭 並 冀 醜 就 曆 寶夤 凡 道 之以 得 奴、寶夤 之日 劣 神 公 習 赦 主 . 儁、黄 発。 敍 因 ? 帝 攜 舊故 日 賊 男 間 闸 會 並 臣 女 其 因 若 侍 送 應 不 就 故 定師 謂 詔 郎 翦 寶 對 寶 高 王 夤 之下 道 夤 法 道 道 訣 習 逆在 習 穆 欲 詔 別 泣 E 並 安 咔 置

長 子 烈 復 尙 肅 宗 妹 建 德 公 主 拜 駙 馬 都 尉 ō 寶 夤 反 伏 法

薄 無禮 氼 子 公主 權 敷加 賏 少 罪 子 責 凱 射 凱竊銜 戲 凱 矢激 恨, 中 妻復惑說之。 之 而 死 凱 天平 仕 至 司 中 徒 凱逐 左 長 造 史。 奴害公主。 凱 妻 一,長 孫 乃製凱於 稚 女 也 輕輕 東

市,妻梟首。家遂殄滅。

贊 孕,匿而不言,衍仍納之,生贄,以爲己子,封豫章王。 **晝則談謔如常,夜則銜悲泣涕,結客待士,恒有來奔之志。** 寶夤兄寶卷子贊,字德文,本名綜,入國,寶夤改焉。 及長,學涉,有才思。 初,蕭衍滅寶卷,寶卷宮人吳氏始 爲衍諸子深所猜疾,而衍甚愛 其母告之以實

寵之。

軍。 聞 城。 敬 其 相 然諾。 於時, 形貌,斂眉悲感。 孝昌元年秋,屆于洛陽,陛見之後,就館舉哀,追服三載。 有 濟陰內文寵、安定梁話,贊曲加禮接,乃割血自誓,布以腹心。 肅宗遣安豐王延明、臨淮王彧討之,贊便遣使密告誠款, 値 元法僧以彭城叛入蕭衍,衍命贊爲南克、徐二州刺 朝廷賞賜豐渥,禮遇隆厚,授司空,封高平郡開國 寶夤于時在關西,遣使觀察, 史、都督江北諸 與龍、話夜出,步投彧 龐、話等旣感其情義, 公、丹陽王,食邑七 軍 事 ,鎭彭

齊 建 義 濟西克三州諸軍 初 及 寶夤反,贊惶怖,欲奔白鹿山,至河橋,爲北 ,隨尒朱榮赴晉陽,莊帝徵贊還洛。 事、 驃騎大將軍、開府儀同三司、齊州刺史。 轉 司 '徒,遷太尉,尚帝姊壽陽長公主。 中所執。 朝議明其不相干 寶夤 見擒,贊拜表請寶夤 預,仍蒙慰勉。 出 爲 都 督

列傳

命。 介朱 兆 入洛,為 城民趙洛周所逐。 公主被錄還京,介朱世隆欲相陵逼,公主守操被害。

贊 旣 棄州 爲 沙門,潛 詣 長白山 ,未幾,趣白鹿 Щ 至陽 平,遇 病 而卒,時年三十一。

葬 郎 蕭 鹿念護 氏 贊 墓 機 焉。 辯 喪事,以王 ~,文義 贊江南有子 類有 禮 可觀 與公主合葬嵩 ,在 而 國 輕薄俶儻,猶見父之風尙。 無 後。 Щ 至 元象初 吳人盜其喪還江東,蕭 普泰末, 敕 迎 其喪至洛, 衍 猶以爲子, 祔 遣黄門

性 理 蕭 短 正 表, 闇 字公儀,蕭衍弟臨川王宣達子 行以爲 封 Щ 縣 開 國 侯,拜給 事 也。 中, 正表長七尺九寸,眉目疏朗。 歷 東宮洗馬、淮南晉安二 郡太守。 雖 質貌豐美, 轉 車

將軍、北徐州刺史,鎭鍾離。

而

騎 奔洛,朝 託 正 常 舫 德 侍 糧未 以 初 1、光祿 船 衍 廷 集,磬桓不進。 數 未 以 十舫迎之。 有 其 大 夫, 子,以 人 才 知丹陽 庸劣, 正 表兄 景渡 景尋以正表為 不 尹 正德 事 加 江 行 禮 0 爲子,旣 侯景之將 待。 召 正 尋逃 表 南兗州刺 入援。 而 歸,行 濟江 封爲 也, 西 史,封南郡王。 不 正 ·之罪。 [豐侯。 表 知 率 IE 衆 德 後封 正德 有 次 廣 恨 私懷 陵, 正德 於 正表旣受景署。 行 聞 念憾。 臨 賀 王。 ,密與交通,許 正 德爲 正光三年,背衍 侯景 衍 末,復 遂於歐陽 所 推 推 爲 爲 美。 散 13

立 棚,斷行援軍。 又欲遣其妾兄龔子明進攻廣陵。 行南兗州刺史、南康王蕭會理遣前廣陵

令劉瑗襲擊,破之。 正表狼狽失據,乃率輕騎,走還鍾離

定,正表入朝,以勳封蘭陵郡開國公、吳郡王, 武定七年正月, 仍送子爲質, 據州內屬。 食邑五千戶。 徐州刺史高歸彥遣長史劉士樂馳赴之。 尋除侍中、車騎將軍、特進、太

子太保、開府儀同三司,賞賚豐厚。 其年冬薨,年四十二。贈侍中、都督徐楊兗豫濟五州諸

軍 事、驃騎大將軍、司空公、徐州刺史,開國公、王並如故。 諡曰昭烈。 子廣壽。

蕭贊 戎 雖 亦 夷 有 以優哉。 臨 一影狡輕薄之常事也。 枕戈之志,終無鞭墓之誠。 史臣曰: [邊脫· 身,晚去讎賊,寵祿頓臻,顚沛旋至,信吉凶之相倚也。 劉昶猜疑懼禍,蕭夤亡破之餘,並潛骸竄影,委命上國。俱稱曉了,咸當任遇, 天重其罪,鬼覆其門,至於母子兄弟還相殲滅,抑是積惡之義云。 昶諸子 低疏,喪其家業。 寶夤背恩忘義,梟鏡 |正表歸命。 其心。 大享名族, 此亦

校勘記

- 遣典籤虞法生表求入朝 朱書卷七二、南史卷一四晉熙王昶傳、 通鑑卷一三〇四〇七八頁「虞」
- 並作「蘧」,疑「虞」字訛。
- 爲兄弟之戒 北史卷二九劉昶傳「戒」作「式」。疑「戒」字訛
- 乃請喪居斬衰 之服 北史卷二九蕭寶夤傳「居」作「君」,指蕭寶卷,疑「居」字訛。
- |ZE| |___| 微子陳韓亦曷以過也 諱』字、遂誤爲『韓』。」按陳公子完齊齊,見左傳莊二十二年,李說疑是。 李慈銘云:「『陳韓』本作『陳完』,以南宋避飲宗嫌名,於『陳』下注 但卷七九成淹傳亦

欲追縱陳韓」語,似指陳平、韓信背楚歸漢,今不改。

- **35.** \Box 今從梁書。」則司馬光所見魏書作亦「胃」。 按梁書卷二〇陳伯之傳、 蕭衍 江州 刺史陳伯之與其長史褚冑等自 通鑑卷一四五四五二 頁作「褚網」, 壽春歸降 「緭」「胃」同音,「冑」當是「胃」之訛 北史卷二九百衲本同,汲本、殿本作「胃」。 考異云:「魏書蕭寶夤傳作『褚胃
- 八六山 首 除使持節 照 九有 例 首列所督為哪一 按卷八世宗紀景明四年四 都督 東揚 南徐兗三州諸軍 州, 卽是此州刺史, 月記 事鎭東將軍 蕭寶夤 且當時揚州刺史是任城王澄。 東揚 官也是「東揚州刺史」。寶夤都督三州、「東揚」居 州 刺史 諸本「揚州」上無「東」字,北史卷 知脫 「東」字無疑

今據北史補。

「八」又破其金城王莫折普賢於水洛城 諸本「水」作「永」,册府卷三五四四二〇一頁作「水」。 按水洛

口、水洛亭,見水經注卷一七渭水篇。「永」字訛,今據改。

(元) 朝廷喜伯度立義之功 北史卷二九蕭寶夤傳「喜」作「嘉」,是。

(10)九月 諸本「月」訛作「年」,據北史蕭寶夤傳及本書卷九肅宗紀改。

列

魏書卷六十

列傳第四十八

韓麒麟 程駿

好學,美姿容,善騎射。 韓麒麟, 昌黎棘城 人也,自云漢大司馬增之後。 恭宗監國,爲東曹主書。 高宗即位, 父瑚,秀容、平原二郡太守。 賜爵魯陽男, 加伏波將軍 麒麟 幼 īħĵ

踐偽境,方圖進取,宜寬威厚惠,以示賊人,此韓信降范陽之計。 亡,在喪有禮,邦族稱之。 後參征南慕容白曜軍事,進攻升城,師人多傷。

及城潰,白曜將坑之,麒麟諫曰三一今始

勁敵在前,而便坑其衆。恐

自此 曜從之,皆令復業,齊人大悅。 攻東陽, 以 東,將人各爲守,攻之難克。 麒麟 上義租六十萬斛,幷攻戰器械,於是軍資無乏。 後白曜表麒麟爲冠軍將軍, 日久師老,外民乘之, 以生變故, 與房法壽對爲冀州 及白曜被誅, 則三齊未易圖也。」白 麒麟亦徵還, 刺 史。 白 曜

列

傳第

四

滯多年。 高祖時,拜給事黃門侍郎,乘傳招慰徐克,叛民歸順者四千餘家

獲敍,懷德安土,庶或在茲。」朝議從之。 被,幷職從省,守宰闕任,不聽土人監督。 竊惟新人未階朝宦,州郡局任甚少,沉塞者多,願 言冠冕,輕爲去就。愚謂守宰有闕,宜推用豪望,增置吏員,廣延賢哲。則華族豪榮,良才 未階臺宦,士人沉抑,乃表曰:「齊土自屬偽方,歷載久遠,舊州府僚,動有數百。自皇威開 犯法,何所戮乎。若必須斬斷以立威名,當以卿應之。」普慶慚懼而退。麒麟以新附之人。 公仗節方夏,而無所斬戮,何以示威。]麒麟曰:「刑罰所以止惡,蓋不得已而用之。今民不 尋除冠軍將軍、齊州刺史,假魏昌侯。 麒麟在官,寡於刑罰,從事劉普慶說麒麟曰:「明

太和十一年,京都大饑,麒麟表陳時務曰:

茂,禮敎興行。遠於中代,亦崇斯業,入粟者與斬敵同餌,力田者與孝悌均賞,實百王 之常軌,爲治之所先。 古先哲王經國立治,積儲九稔,謂之太平。故躬籍千畝,以勵百姓,用能衣食滋

動以 萬 今京師民庶,不田者多,遊食之口,三分居二。蓋一夫不耕,或受其飢,況於今者, 故頃年山東遭水,而民有餒終,今秋京都遇早,穀價踊貴。 質由農人不勸。

素無儲積故也。

素。 暇 數年之中,必有盈贍,雖遇災凶,殆於流亡矣。 本,實在於斯。 日 多,貴富之家,童妾袨服,工商之族,玉食錦衣。 承平日 少, 食,蔑以爲喻。上垂覆載之澤,下有凍餒之人,皆由 制天下男 伏惟陛下天縱欽明,道高三、五,昧旦憂勤,思恤民弊,雖帝虞一 田有荒蕪。 **人**,豐穰積 女,計口受田。 愚謂凡珍玩之物,皆宜禁斷,吉凶之禮,備爲格式,令貴 年,競相矜夸,遂成侈俗。 穀帛罄於府庫,寶貨盈於市里,衣食匱於室,隨服溢 宰司 四時巡行, 車服第宅,奢僭 臺使歲一 農夫餔 有司不爲明制,長 糟糠,蠶婦乏短褐。 按檢。 無限;喪葬婚娶,爲費 勤相 日萬幾,周文昃不 勸課, (賤有) 東不 於路。 別、民 嚴 恤其本。自 故 加 令耕 飢 賞賜 歸朴 寒之 者 實

豐多 而不 可長 積,歲儉出 往 年校比戶貫,租賦 久<mark>。</mark> 脱有戎役,或遭天災,恐供給之方,無所取 赈。 所謂私民之穀,寄積於官,官有宿積,則民 輕少。 臣所統齊州、租粟纔可給俸、略無入倉。 濟。 可 無荒 減 絹 年 布, 增益 雖 於民爲 穀租,年

律 令於坐旁。 十二年春,卒於官,年五十六。 臨終之日,唯有俸絹數十匹,其清貧如此。 遺敕 其子,殯以素棺, 贈散騎常侍、安東將軍 事從 (儉約) 麒麟立性恭慎, 燕郡公。 恒置

諡曰康。

長子 興宗,字茂先。 好學,有文才。 年十五,受道太學。 後司空高允奏爲秘書郎,參著

列

傅

第

作 事 王叡貴寵當世。闕 爲文。 遷秘書中散。 太和十四年冬, 贈寧遠將軍、 漁陽

常侍,遷郎中令。初,子熙父以爵讓弟顯宗,不受。子熙緣父素懷,卒亦不襲。 子熙別蒙賜爵,乃以其先爵讓弟仲穆。兄弟友愛如此。父亡,居喪有禮。 子子熙,字元雍。 少自修整,頗有學識。 弱冠,未能自通,侍中崔光舉子熙爲淸河王懌 子熙爲懌所眷 及顯宗卒,

令傅靈**撐、賓客張子**愼伏闕上書曰 以終身不仕。後靈太后返政,以元叉爲尚書令,解其領軍。 及元叉害懌,久不得葬。子熈爲之憂悴,屛處田野,每言王若不得復封,以禮遷葬,誓 子熙與懌中大夫劉定興、學官

遇,遂闕位,待其畢喪後復用。

其罪罪之。 務,以元叉皇姨之壻,權勢攸歸,遂相附託,規求榮利,共結圖謀,坐生眉眼,誣告國王, 皇崩殂,陛下沖幼,負扆當朝,義同分陝。宋維反常小子,性若青蠅,汙白點黑,讒佞是 枉以大逆。 竊惟故主太傅清河王,職綜樞衡,位居論道,盡忠貞以奉公,竭心膂以事國,自先 維遂無罪,出爲大郡,刑賞僭差,朝野怪愕。若非宋維與叉爲計,豈得全其 賴明明在上,赫赫臨下,泥漬自消,玉質還潔。 **謹案律文**: 諸告事不實,以

身命,方撫千里?

明丹款。 **顯忠錄,區目十篇,分卷二十。旣欲彰忠心於萬代,豈可爲逆亂於一朝。乞追遺志,足** 疾,爲王致死。王之忠誠款篤,節義純貞,非但蘊藏胸襟,實乃形於文翰,搜括史傳,撰 惋。及會公卿,議王之罪,莫不俛眉飲氣,唯諮是從。<a>[三] 僕射游肇, 九言厲氣,發憤成 生嫌,私深怨怒,遂乃擅廢太后,離隔二宮,拷掠胡定,〔〕。誣王行毒,含齒戴髮,莫不悲 親賓阻絕。于時,吏部諮禀劉騰,奏其弟官,郡戍兼補。及經內呈,爲王駁退。 王以權在寵家,塵謗紛雜,恭愼之心,逾深逾厲,去其本宅,移住殿西,闔門靜守。 騰由此

方雲擾。自古及今,竹帛所載,賊子亂臣,莫此爲甚。 猖狂,歷歲爲亂,荆徐蠢動,職是之由。昔趙高秉秦,令關東鼎沸,今元叉執權,使四 猛將,盡忠棄市。其餘枉被屠戮者,不可稱數。緣此普天喪氣, 匝地憤傷。致使朔隴 本興義兵,不圖神器,戮其大逆,合門滅盡,遂令元略南奔,爲國巨患。 [三]奚康生國之 由陛下,賞罰之詔,一出於叉。名藩重地,皆其親黨,京官要任,必其心腹。中山王熙, 叉籍寵姻戚,恃握兵馬,無君之心,實懷皂白。擅廢太后,枉害國王,生殺之柄,不

開 .逆之始,起自宋維,成禍之末,良由騰矣。而令凶徒姦黨,迭相樹置,高官厚祿,

列

洿其 崇 亞 盡。 歎,竊以寒心,實願宸鑒,早爲 任 情 臣 舍 自 歷觀 事 廬 取 **,非但臣等痛恨終身,抑爲聖朝懷慚負愧。** 委以 曠 鵩 代, 合斵 樞端,所謂 緬 棺 追 斬骸、沉 振 古, 虎 其五 當 也 斷 更傅其翼。 族。 不 斷 , 上謝 其 禍 朝野 天 更 人 生。 잻 切 齒 隔之憤,下報忠臣寃酷之痛 以臣赤心慺慺之見,宜梟諸 況叉猜 遐 邇 忍, 扼 腕。 更居衡 蔓草難除, 要。 臣 中宵 去之宜 兩 方乃 觀, 九

秦庭夜哭,千古之痛,何足相比。 臣 . 等潛伏閭閻,於茲六載,旦 號 今幸遇陛下叡聖,親覽萬幾,太后仁 白日,夕泣星辰,叩地寂寥,呼天無響。 明。 更 衛野納 撫 四 海,臣

之所

書 奏,靈太后義之,乃引子熙爲 中書舍人。 後遂剖騰棺,賜 叉 死

治語

闕披陳,乞報寃毒

尋修國史,加寧朔將軍。 未 幾,除著作郎, 叉 兼 司 州 别 駕。 轉 輔 國將 軍 鴻 臚 少 建

義 初 ,兼黃門, 尋正

熙友 於是 除 愛,等於同 伯 熙清白自守,不 華 東太原 生,長 太守。 獪 交人事。 共 、居,車 及伯華在郡,爲刺史元弼所辱,子熙乃泣訴朝廷, 叉 馬資財 少孤 為叔 ",隨其 顯宗 ·費用,未嘗見於言色。 所無 養,及顯宗卒, 叉上書 顯宗子伯 求 肅宗韶 析 華 階 又幼, 遣按檢 與 伯 華,

讓。

吏部 辟,恕死 不 起 逆,詔 遜,無宜見之。 鄎。 余朱榮之擒葛榮也,送至京師,莊帝欲 発官。 子熙慰勞。 出帝 初,還領著作郎。 未幾,兼尚書吏部郎。 介朱榮聞 **杲** 非降,而子熙信之,還至樂陵,杲復反,子熙遂還。 而 大怒, 以奉册之故,封歷城縣開 請罪 普泰初,除通直散騎常侍、撫軍 子熙, 面見數之。 莊帝. 恕 子熙以爲榮旣元兇,自知 而 國子, 不 責。 食邑五百戶 郣 加 將軍 征 房將 坐付 、光 , 軍 叉 減 廷 尉,論 必死,恐或 加 大 及 衞 夫,尋正 邢杲 將 以 Z 大

也 時 以祭酒 論者高之。 天平 閑 ·初,爲侍讀,又除國子祭酒。 務, 止給二人。或有令其陳請者,子熙曰:「朝廷自不給祭酒兵, 尋除驃騎將軍。 元象 中,加 子熙儉素安貧,常好退靜,遷鄴之始,百司並給 衞 大將軍 何關韓子熙事 兵 力, 右

光

禄

大

夫。

軍、儀同三司、幽州刺 釋奠,敕子熙爲侍講。 生三子。 先是,子熙 王李不 與弟娉王氏爲妻,姑之女也,生二子。 ·穆, 迭相告言, 歷年不 尋卒,遺戒不求贈諡, 罷。 子熙因 其子不能遵奉, 此 子 慚 熙尚未 恨, 遂 遂至干謁。 以 婚,後遂 發 疾。 與寡嫗李氏 興和 武定初,贈 中, 孝 驃騎 蔹 靜 欲 合 將 行 HII

興宗 弟顯宗, 字茂 性 剛 直,能面折庭諍,亦有才學。 沙門法撫, 三齊稱 其聰悟, 常

與顯宗校 試 ,抄百餘人名,各讀一逼,隨即覆呼, 法撫猶有一二舛謬, 顯宗了無誤錯。 法 撫

歎 日一貧 道 生平以來,唯服郎耳

太 和 初, 舉 秀才,對策甲科,除著作佐郎。 車駕南討,兼中書侍郎。 旣定遷都, 顯宗

省諸 之深 足稱 今猶 宜 時 早息,洛京宜速成。 猶 勞,然 就 恐來夏菜色。ED況三農要時,六軍雲會,其所損業,實爲 州 憂 其 編 也。 供 遷者 戶供 曰:竊聞輿駕今夏若不巡三齊,當幸中山,竊以爲非計也。 帳之費 大駕親臨,誰敢寧息? 且 奉 向 , 并功專力, 以營洛邑。 炎暑,而六軍暴露,恐生癘疫,此可憂之次也。 勞費 如 歸 (爲劇。 省費則徭役可簡,幷功則洛京易就。 聖鑒矜愍,優旨殷勤,爵浹高年,賚周鰥寡,雖 往來承奉,紛紛道路,田蠶 則南州発雜徭之煩,北都息分析 往冬輿駕停鄴, 暫廢, 不少。 臣 願 則將來無資。 興駕早還北京,以 何者? 雕 調 之歎,洛京 斂輕省,未 賑 是閑隙之 當今徭役 貸 普 此 國 口

損 力 之叉損。 於 經 其 略,故能 二日: 頃來北都富室, 競以第宅相尚, 今因遷徙, 宜申禁約, 自 基字開 古聖 帝 廣,業祚隆 必 以儉約爲美,亂主 泰。 今洛陽基址 一必以奢侈貽患。 魏 明帝所營, 仰惟先朝,皆卑宮室 取譏前 令貴賤有檢, 代。 伏 願 無得踰 陛 M 致

以

制 端廣衢路,通利溝渠,使寺署有別,四民異居,永垂百世不刊之範,則天下幸甚矣。

也。 垂堂, 清道而後行,尚恐銜蹶之或失,況履涉山河,而不加三思哉!此愚臣之所以悚息, 况萬乘之尊, 富有四海乎? ·竊聞輿駕還洛陽,輕將數千騎。臣甚爲陛下不取也。夫千金之子,猶坐不 警蹕於聞闥之內者,豈以爲儀容而已,蓋以戒不處

伏願

少垂省察。

以嗇 矣。此愚臣所不安,伏願陛下垂拱司契,委下責成,唯冕旒垂纊,而天下治矣。 神養性,頤無疆之祚。莊周有言:形有待而智無涯,以有待之形,役無涯之智,殆 加以孝思之至,隨時而深,文章之業,日成篇卷。雖叡明所用,未足爲煩,然非所 其 、四曰:伏惟陛下耳聽法音,目玩墳典,口對百辟,心虞萬幾,晷昃而食,夜分而

尚祖頗納之。

雖 於皇家? 此,則可 三后之胤,自墜於皂隸矣。 今之州郡貢察,徒有秀、孝之名,而無秀、孝之實。而朝廷但檢其門望,不復彈坐。如 |顯宗又上言曰:「進賢求才,百王之所先也。前代取士,必先正名,故有賢良、方正之 `令別貢門望,以敍士人,何假冒秀、孝之名也。 夫門望者,是其父祖之遺烈,亦何益 益於時者,賢才而已。 是以大才受大官,小才受小官,各得其所,以致雍熙。 苟有其才,雖屠釣奴虜之賤,聖皇不耻以爲臣;苟非其才, 議者或

列

當校其有寸長銖重者,卽先敍之,則賢才無遺矣。」 云。今世等無奇才,不若取士於門。 此亦失矣。豈可以世無周邵,便廢宰相而不置哉?但

也。 家,必以刑法爲治,生民之命,於是而在。 由於此。書曰:『與其殺不辜,寧失不經。』實宜敕示百僚,以惠元元之命。」 臺閣百官,亦咸以深酷爲無私,以仁恕爲容盜。迭相敦厲,遂成風俗。陛下居九重之內,視 近肅清。由此言之,止姦在於防檢,不在麗刑也。 人如赤子;百司分萬務之要,遇下如仇讎。 是則堯舜止一人,而桀尉以千百。 有制不行,人得僥倖,則雖參夷之誅,不足以肅。 又曰:「夫帝皇所以居尊以御下者,威也,兆庶所以徙惡以從善者,法也。 有罪必罰,罰必當辜,則雖箠撻之刑,而人莫敢 今州郡牧守,邀當時之名,行一切之法" 自太和以來、未多坐盜棄市、至而遠 和氣不至,蓋 是以有 國有 犯

廟在焉,山陵託焉,王業所基,聖躬所載,其爲神鄉福地,實亦遠矣。今便同之郡國,臣竊不 周漢,出於不得已哉。按春秋之義,有宗廟曰都,無則謂之邑,此不刊之典也。況北代宗 自 創革,西京尙置京尹,亦不廢舊。今陛下光隆先業,遷宅中土,稽古復禮,於斯爲盛,豈若 愚謂代京宜建畿置尹,一如故事,崇本重舊,以光萬葉。」 叉曰:「昔周王爲犬戎所逐,東遷河洛,鎬京猶稱『宗周』,以存本也。 光武雖曰中興,實

叉曰:「伏見洛京之制,居民以官位相從,不依族類。然官位非常,有朝榮而夕悴,則衣

盛美。」 升降, 之謂 之重 惑。 處。 併省,今人口旣多,亦可 士 不 師 成 欲 冠 風 可雜 苦訓 人 淪 南被,仍而不改,凡有重名,其數甚衆。 其 (業定 今稽古建極, 光宅中區, 凡所徙居, 皆是公地, 分別伎作, 在於一言, 有何爲疑, (同處,則禮敎易興;伎作雜居,則風俗難改。 仰惟 也。 但不設科禁,賣買任 於厮竪之邑,臧獲騰於膏腴之里。 又曰:「自南偽相承,竊有淮北,欲擅中華之稱,且以招誘邊民,故僑置中州郡縣。 何其密也。 居,士人不宜異處之明驗也 今令伎作家習士人風 **,誦詩講禮。** 愚 太祖道武皇帝創基撥亂,日不暇給,然猶 而 志 以爲可 專。 至於開伎作宦途,日 業定 依 宣令童齓,任意所從,其走赴舞堂者萬數,往就學館者無一。 地 理舊名, 則不僞, 復舊。〔七〕君人者,以天下爲家,不得有所私 情,販貴易賤,錯居 禮,則百 志專則不 一皆釐革。 故孔父云里仁之美,孟母弘三徙之訓,賢聖明誨 年難成,令士人兒童効伎作容態,則一 物之顚 得與膏粱華望接閤連甍, 疑惑書記,錯亂區宇,非所以疆域物 淫。 混 小者幷合, 倒,或至於斯。 雜 故耳目所習, 朝廷每選舉人士,則校其一婚一宦, 分別士庶,不令雜居,伎作屠沽, 假令一處彈筝吹笛, 大者分置。 不督而 古之聖王,必令四民異居者, 何其略也。 及中 也。 就, 父兄之教, 緩舞 州 故倉庫儲貯。 郡 朝可得。 縣,昔以 長歌; 土,必也正 此 愚臣 此

不肅

而

各有

攸

處

一般

則

使

作

以俟

戶少

名

自皇

之所

以爲

是以

此

而

闕

褒揚,稱事加賜,以勸爲善,不可以親近之昵,猥損天府之儲。」 比以來,亦爲太過。 水旱之災,供軍國之用,至於有功德者,然後加賜。爰及末代,乃寵之所隆,賜賚無限。 若分賜鰥寡,贍濟實多。如不悛革,豈周急不繼富之謂也? 在朝諸貴,受祿不輕,土木被錦綺,僮妾厭粱肉,而復厚賚屢加,動以千 (3) 愚謂事有可賞,則明旨 自

叉曰:「諸宿衞內直者,宜令武官習弓矢,文官諷書傳。而今給其蒱博之具,以成褻狎

第。」又謂程靈虬曰:「卿比顯宗復有差降,可居下上。」顯宗對曰:「臣才第短淺, 猥聞上天, 馬之徒,固自遼闊。若求之當世,文學之能,卿等應推崔孝伯。」又謂顯宗曰:「見卿所撰燕志 及在齊詩詠,大勝比來之文。然著述之功,我所不見,當更訪之監、令。校卿才能,可居中 覆盎之談,二百年外,則越諸子。今臣之所撰,雖未足光述帝載,稗暉日月,然萬祀之後,仰 聖明之世,覩惟新之禮,染翰勒素,實錄時事,亦未慚於後人。昔揚雄著太玄經,當時不免 至乃比於崔光,實爲隆渥。然臣竊謂陛下貴古而賤今,臣學微才短,誠不敢仰希古人,然遭 曰:「著作之任,國書是司。卿等之文,朕自委悉,中省之品,卿等所聞。 之容,長矜爭之心,恣諠囂之慢,徒損朝儀,無益事實。如此之類,一宜禁止。」 後乃啓乞宋王劉昶府諮議參軍事,欲立効南境,高祖不許。高祖曾謂顯宗及程靈虬 高祖善之。 若欲取況古人,班

明時,直筆而無懼,又不受金,安眠美食,此臣優於遷固也。」高祖哂之。後與員外郎崔逸等 堯舜,公卿寧非二八之儔。」高祖曰:「卿爲著作,僅名奉職,未是良史也。」顯宗曰:「臣仰遭 觀 無愧於虞舜,卿復 祖宗巍巍之功,上覩陛下明明之德,亦何謝欽明於唐典,愼徽於虞書。」高祖曰:「假使朕 何如於堯臣。」顯宗曰:「臣聞君不可以獨治,故設百官以贊務。 陛下齊蹤

參定朝儀

旭 論當世膏腴爲監、令者。」顯宗曰:「陛下以物不可類,不應以貴承貴,以賤襲賤。」高祖曰: 之。不審中、秘書監令之子,必爲秘書郎,頃來爲監、令者,子皆可爲不。」高祖曰:「卿何不 邑,百禮唯新,國之興否,指此一選。 臣旣學識浮淺,不能援引古今,以證此議,且以國事論 陛下若專以門地,不審魯之三卿,孰若四科。」高祖曰「猶如向解。」顯宗進曰「陛下光宅洛 曰:「適欲請諸賢救之。」祕書令李彪曰:「師旅寡少,未足爲援,意有所懷,不敢盡言於聖日 曰:「傅巖、呂望、豈可以門見舉。」高祖曰:「如此濟世者希,曠代有一兩人耳。」沖謂諸卿士 有殊人之伎,不患不知。然君子之門,假使無當世之用者,要自德行純篤,朕是以用之。」沖 宜 曰:「俱欲爲治。」沖曰:「若欲爲治,陛下今日何爲專崇門品,不有拔才之詔。」高祖曰:「苟 相與量之。」李沖對曰「未審上古已來,置官列位,爲欲爲膏粱兒地,爲欲益治讚時。」高 高 .祖曾詔諸官曰:「自近代已來,高卑出身,恒有常分。 朕意一以爲可,復以爲不可。

列

「若有高明卓爾、才具雋出者,股亦不拘此例。」後爲本州中正

將軍 宗官,詔曰:「顯宗雖浮矯致愆,才猶可用,豈得永棄之也!可以白衣守諮議,展其後效。 兵寡 鄙很之性,不足參華,可奪見□,幷禁問訊諸王。」 責,進退無檢,虧我淸風。 高 南、廣陽王嘉諮議參軍。 期遣其軍主胡松、高法援等幷引蠻賊來擊軍營,顯宗親率拒戰,遂斬法援首。 上而已。」|高祖笑曰:「如卿此勳,誠合茅社,須赭陽平定,檢審相酬。」|新野平,以顯宗 祖 王肅 (力弱,擒斬不多。 脫復高曳長縑,虛張功捷,尤而效之,其罪彌甚。臣所以斂毫卷帛,解 詔 一十一年,車駕南伐,顯宗爲右軍府長史、征虜將軍、統軍。 日『卿破賊斬帥,殊益軍勢,朕方攻堅城,何爲不作露布也。』顯宗曰「臣頃聞鎭南 獲賊二三,驢馬數匹,皆爲露布,臣在東觀,私每哂之。 。此而 顯宗後上表,頗自矜伐,訴前征勳。 不糾,或長弊俗。 可付尙書,推列以聞。」兼尙書張彝奏免顯 詔曰:「顯宗斐然成章,甚 近雖 軍次赭陽,蕭鸞戍主成公 仰憑威靈,得摧 顯宗至新野 醜 可怪 爲 鎖

舊國 愧 顯宗撰馮氏燕志、孝友傳各十卷,所作文章,頗傳於世。 無若人 銜 顯宗旣失意,遇信向洛,乃爲五言詩贈御史中尉李彪曰:「賈生謫長沙,董儒詣臨 淚 跡,忽尋兩賢蹤。 届新 邦。 哀哉無援民, 嗷然 追昔渠閣游,策駑厠羣龍。 失侶鴻。 彼蒼不我聞,千里告志同。」二十三年卒 如何情願奪,飄然獨遠從? 景明初,追赭陽勳,賜爵章武男。 痛哭去

程 駿,字麟駒,本廣平曲安人也。 六世祖良,晉都水使者,坐事流于凉州。 祖父肇,呂

光民部尚書。

若 可 以三隅反者,此子亞之也。」一酸謂兩曰:「今世名敎之儒,咸謂老莊 以 乖 經 駿 則 世,駿意以爲不然。 少孤貧,居喪以孝稱。 煩 爲生,若爽性則沖眞喪。」兩曰:「卿年尙稚,言若老成,美哉!」由是聲譽益播,沮 夫老子著抱一之言,莊生申性本之旨,若斯者,可謂至順矣。 師事劉昞,性機敏好學,晝夜無倦。 昞謂門人曰:「舉一隅 其言虛誕,不切實 要, 弗 而

渠牧犍擢爲東宮侍講。

籍,後 「夫君· 作郎 人言,意甚 太 之使臣,必須終效。 授 爲 延 方伯,愚以爲允。」書奏,從之。 任 五. 開暢。」 城 年,世祖平凉,遷于京師,爲司徒崔浩所知。 王雲郎 叉問 中令,進箴於王,王納而嘉之。 |駿日:「卿年幾何。]對曰:「臣六十有一。」顯祖 駿實史才,方申直筆,千里 顯祖 屢引駿 與論易老之義,顧謂 一之任,十室可有。 皇興中、除高 高宗踐阼,拜著作佐郎,未幾,遷著 密太守。 曰:「昔太公旣老而遭 請留之數載,以 羣臣曰:「朕 尚書· 李敷奏曰 與此 成前

列

文王。 卿 今 遇 股 , 豈非早也。] 駿曰:「臣雖才謝呂望, 而陛下尊過 西伯 凱 天假餘 年, 竭洪

鞱之効。」

績。 待 隆 錫 臣 持 事 以 方 具 漢 其 節 罪 以 咸 百 璉 夷 譴 五 王 周 未 祖 以 如 初 延 不勝其 / 險故 之軌, 等 漢 爲 高 興 遷 見 有 之名。 約, 宜 神 末, 麗 旣 預 書奏, 主于 無 依 也。 迎女, 事 念,遂斷 高麗王 罰 非功不侯。 於宗 舊 文於遠代, 頗 從之。 事 雖 太 **今若送女**, 滅古, 賜布帛百 復帝 駿 廟 廟 有 **駿從者酒食。** 獨 而 文 王 賞實 魏晉亦 以 司 獲賞 必當 明 制 爲 匹。 奏、舊事 恐不異於馮氏。」璉遂謬言 太后 作, 增 不 於 屬 昔。 、雕記: 弗相 H] 駿 疆 有 謂羣臣曰:「言事固當 至平壤城。 主 命 朝 璉欲逼辱之,憚而 沿襲, 時 於 表 於 因 往 徒 中執事之官,例皆賜爵,今宜 大 曰:「臣 神主 見晉鄭 年。 君 然當 之辰,展 改耐、清廟 自皇 或 聞 時 之后 勸 恩澤,豈足爲 名器為帝 璉 道 心 日 一魏 開 以 不敢害。 女喪。 正直 力於 符,乾 夾 致 輔 肅, 而 戰 爲 王 昔 業創統, 駿 準古典,安可 謀 所 會與 與燕婚, 長 而 至勳,吳鄧 與 之日 貴, 世 授 連 之 犁 依 祖 往 Щ 9 軌 舊 崩 司 務高 復 然 河 旣 乎? 以 之儔 後 乃還, 爲 經 而 詔百 九 依附暫時舊 品 可 年, 伐之, 乖 딞 以 夏之重。 以 之命 五. 拜祕 僚 衆 責 征 應茅 之愆, 之 評 伐 璉 由 規 り類 議 書 上 爲 以 行 令。 奉 軍 伏 Z 是 義 思 重 λ

乎

了賜駿衣一襲、帛二百匹。

一般又表曰:「春秋有云:見有禮於其君者,若孝子之養父母;見無禮於其君者,若鷹鸇之

背劉氏之恩義,則曲在彼矣,何負神明哉!直義檄江南,振旅回斾,亦足以示救患之大仁, 陛下、太皇太后英算神規,彌綸百勝之外,應機體變,獨悟方寸之中。臣影頹虞淵,昏耄將 夫爲社稷之計者,莫不先於守本。臣愚以爲觀兵江滸,振曜皇威,宜特加撫慰。秋毫無犯, 虞,拾夤僥倖於西南,狂虜伺暨於漠北。脫攻不稱心,恐兵不卒解,兵不卒解,則憂慮逾深。 若應聲響悅,同心齊舉,則長江之險,可朝服而濟,道成之首,可崇朝而懸。 異則禍釁出。 則民知德信,民知德信,則襁負而來,襁負而來,則淮北可定,淮北可定,則吳寇異圖,寇圖 揚義風於四海。 天回、七州雲動、將水蕩鯨鯢、陸掃凶逆。然戰貴不陳、兵家所美。宜先遣劉昶招喩淮南。 逐鳥雀。 所以勸誡將來,垂範萬代。昔陳恒殺君,宣尼請討,雖欲晏逸,其得已乎。今廟算 然後觀釁而動,則不晚矣。請停諸州之兵,且待後舉。 且攻難守易,則力懸百倍,不可不深思,不可不熟慮。今天下雖謐,方外猶 所謂守本者也。伏惟 荷江南之輕薄,

及,雖思憂國,終無云補。」不從。

用詩之本意。臣以垂沒之年,得逢盛明之運,雖復昏耄將及,猶慕廉頗强飯之風。 風俗,靡不備焉。上可以頌美聖德,下可以申厚風化,言之者無罪,聞之者足以誡。 沙門法秀謀反伏誅。廢表曰:臣聞詩之作也,蓋以言志。邇之事父,遠之事君,關諸 此古人 伏惟陛

下、太皇太后,道合天地,明侔日月,則天與唐風斯穆,順帝與周道通靈。 隱謀之地,冥靈潛翦,伏發覺之誅。 用能七廟幽贊, 人神扶助者已。 臣不勝喜踴。 是以狂妖懷逆,無 謹竭老

鈍之思,上慶國頌十六章,幷序巡狩、甘雨之德焉。」其頌曰:

昌運,道隆茲辰 契三、五。 乾德不言,四時迭序。於皇大魏,則天承祜。 明明在上,聖敬日新。 汪汪叡后,體治垂仁。 疊聖三宗, 重明四祖。 德從風穆, 教與化津。 千載 豈伊殷周,遐

聖則宣。王業初定,中山是由。臨幸之盛,情特綢繆。 **眚**,蕩民百憂。 歲惟巡狩,應運遊田。 ` 百憂旣蕩,與之更初。 邕邕億兆,戶詠來蘇。 省方問苦,訪政高年。咸秩百靈,柴望山川。 仰歌祖業,俯欣春柔。 誰云 禮帶, 大哉肆 遇

犧庭曷軌?希仁尙德。徽音一振,聲敎四塞。 自來矣。美哉皇度,道固千祀。百靈潛翦,姦不遑起。姦不遑起,罪人得情。 律,五秩猶輕。 忽有狂竪,謀逆聖都。 於穆二聖,仁等春生。 明靈幽告,發覺伏誅。 除棄周漢,遐軌 **豈惟京甸,化播萬國** 羿浞爲亂,祖龍干紀。 **、** 周漢奚棄。忿彼苛刻 狂華冬茂,有 憲章刑

誠 信幽贊,陰陽以調。谷風扇夕,甘雨降朝。 聞諸詩者,雲漢賦宜。章句迥秀,英昭雅篇。 嘉生含穎,深盛熙苗。 **矧乃盛明,德隆道玄。** 豈唯兩 鰥貧 巷詠,寡

施,神徵豐年。 豐年盛矣,化無不濃。有禮有樂,政莫不通。咨臣延躍,欣詠時邕。

云易遇,曠齡一逢。

息。昔聞典論,非位不謀。漆室憂國,遺芳載臭。咨臣昏老,偏蒙恩祐。忽忘狂瞽,敢 民之從令,實賴衣食。農桑失本,誰耕誰織?飢寒切身,易子而食。靜言念之,實懷歎 惠,蠶食役煩。.民不堪命,將家逃山。宜督厥守,威德是宣。威德如何?聚衆 盈川。 仁不悔。人亦有言,聖主愼微。五國連兵,踰年歷時。鹿車而運,廟算失思。有司不 上天無親,唯德是在。 思樂盛明,雖疲勿怠。差之毫釐,千里之倍。願言勞謙,求

文明太后令曰:「省詩表,聞之。歌頌宗祖之功德可爾,當世之言,何其過也。所箴下章,戢 獻愚陋。

頌十篇,聞之。鑒戒旣備,良用欽玩。養老乞言,其斯之謂。」又詔曰:「程駿歷官淸愼,言事 之不忘。」駿又奏得一頌,始於固業,終於無爲,十篇。文多不載。文明太后令曰:「省表幷

每愜。又門無俠貨之賓,室有懷道之士。可賜帛六百匹,旌其儉德。」駿悉散之親舊。

昔王孫裸葬,有感而然,士安邃篨,頗亦矯厲。今世旣休明,百度循禮,彼非吾志也。可斂 性介直,不競時榮。太和九年正月,病篤,乃遺令曰:「吾存尚儉薄,豈可沒爲奢厚哉。」

時服,器皿從古。」遂卒,年七十二。初,駿病甚,高祖、文明太后遣使者更問其疾,敕御師

列傳第四十八 程駿

以

六 + 三五〇

徐謇 文明 太后 診 視 傷惜 2 之,賜 賜 以湯藥。 東 園 秘器 臨終,詔以 朝服 小子公稱爲中散,從子 稱、帛三 百匹,贈冠軍 將軍 靈虬爲著作佐郎。 |兗州刺 史、 曲安侯, 及卒,高 祖

憲。所製文筆,自有集錄。

駿六子,元繼、公達、公亮、公禮,並無官。

公義,侍御史、謁者僕射、都水使者、武昌 王 司馬、沛郡太守。 公稱,主文中散、給事

尙書郎。並早卒。

公禮子畿,字世伯。好學,頗有文才。荆州府主簿。

始駿 從祖弟伯達,伯達名犯顯祖 廟諱。 與駿同年,亦以文辯。闕 沮渠牧犍時, 俱選與牧

犍世子參乘出入,時論美之。 伯達早亡。

貧病。 選,還申爲著作郎,以崔光領任,敕令外敍。 旣下梁郡 爲著作佐 弟 久之,崔光啓申爲羽林監,選補 子 郎。 靈虬 ,志力少衰,猶時爲酒 幼孤,頗有文才,而久淪末役。 後坐稱在京無總親,而高 困 久去官祿,不 徐州 祖 知 梁郡 其與駿子公義爲始族,故致譴免。 在吏職十餘年,坐事 **觅飢寒,屢詣尚書乞効舊任。** 太守,以 酗 酒爲 刺 尧。 史武 會駿臨終啓請, 昌王鑒 僕射 至洛, 所 劾 高肇領 失官。 無官 得擢

功,所未聞也。 史臣曰: 韓麒麟以才器識用, 遂見紀於齊土。 顯宗文學立己, 屢陳時務, 至於實錄之 子熙清尚自守,榮過其器。 程驗才業未多,見知於世者,蓋當時之長策乎?

校勘記

- 拷掠胡定 諸本「掠」字缺、册府卷七一五八五〇二頁作「掠拷」,今據補「掠」字。
- 唯諮是從 册府同上卷頁「諮」作「諾」。按「唯諮是從」語意晦澀,「諮」當是「諾」之訛。
- 局本。 爲國巨患 諸本「巨」作「臣」,獨局本作「巨」。按作「臣」不可通,册府同上卷頁也作「巨」,今從
- 24 雖賑貸普霑今猶恐來夏菜色 流「恐」作「愍雨」二字,兩通,今不改。 諸本無「貸」字、語氣不完、今據册府卷四七二五六二五頁補。 叉}册
- ハガ 未多坐盜棄市 頁 有。 按顯宗意謂嚴刑無效,若無「未」字,便和原意相反,今據補 諸本「多」上無「未」字、北史卷四〇韓麒麟附韓顯宗傳、册府卷四七二五六二六
- 列 至於開 傳 第 伎作宦途 四 +八 校 諸本「於」訛「與」、今據北史卷四○、册府卷四七二五六二七頁改。 勘 記

フセン 亦可復舊 諸本「可」上有「不」字,北史卷四○、册府卷四七二五六二七頁無。按若云「不可復

舊」,則無需申說。「不」字符,今據删。

ハベン **豈周急不繼富之謂也** 諸本「急」訛「給」。今據北史卷四〇、册府同上卷頁及論語雍也章原文改。

ハたし 敕御師徐謇診視 北史卷四〇程駿傳「御師」上有「侍」字,與本書卷九一徐謇傳合, 這裏當脫

「侍」字。

魏書卷六十一

列傳第四十九

薛安都 畢衆敬 沈文秀 張讜 田益宗 孟表

遺,馬牛衣服什物充牣其庭。 遁,及世祖臨江,拔乃得還。 後自盧氏入寇弘農,執太守李拔等,遂逼陝城。 輕 俠,諸兄患之。 薛安都,字休達,河東汾陰人也。父廣,司馬德宗上黨太守。 安都乃求以一身分出,不取片資,兄許之,居於別廐。 眞君五年,與東雍州刺史沮渠秉謀逆,[1]事發,奔於劉義隆。 時秦州刺史杜道生討安都。 安都少驍勇,善騎射,頗結 遠近交遊者爭有送 仍執拔等南

業弟晉安王子勛,安都 都 爲平北將軍、徐州刺 安都在南,以武力見敍,值劉駿起江州,遂以爲將,位至左衞率。 與沈文秀、崔道固、常珍奇等舉兵應之。 史,鎭彭城。 和平六年,劉彧殺其主子業而自立,羣情不協, 彧遣將張永討安都,安都遣 劉昶歸降,子業以安 共立 子

列傳第四十九 薛安都

臨 南、北克、青、冀五州、豫州之梁郡諸軍事,鎮南大將軍,徐州刺史,賜爵河東公。 東大將軍、博陵公尉元、城陽公孔伯恭等率騎一萬赴之。拜安都使持節,散騎常侍,都督徐、 亡,於是乎在。」顯祖納之。安都又遣第四子道次爲質,幷與李敷等書,絡釋相繼。 使來降,請兵救援。 江浦。今江南阻亂,內外離心,安都今者求降,千載一會,機事難遇,時不可逢, 顯祖召羣臣議之,羣官咸曰:「昔世祖常有幷義隆之心,故親御六軍,遠 取亂侮 乃遣鎭

安都 安都因重貨元等,委罪於女壻裴祖隆,元乃殺祖隆而隱安都謀。 以 事窘歸國,元等旣入彭城,安都乃中悔,謀圖元等,欲還以城叛,會元知之,遂不

收敍焉。 皇 興二年,與畢衆敬朝于京師,大見禮重,子姪羣從並處上客,皆封侯,至于門生無不 又爲起第宅,館字崇麗,資給甚厚。三年卒。贈本將軍、秦州刺史、河東王,三益

復 以 本 子 將軍爲秦州 道標,襲爵。 刺史。 太和初,出爲鎭南將軍、平州刺史,治有聲稱。 十三年卒。 轉相州刺史,將軍如故。

日

百戶 子 達,字宗胤,襲,例降爲侯。 後以 河東畿甸,改封華陰縣侯。 及開建五等,以安都著勳先朝,封達河東郡開國侯,食邑 熙平初,拜奉車都尉,同出爲漢陽太守。 達不樂

郡,詔聽解。

子 承華,襲爵。 稍遷司徒從事中郎、河東邑中正。 卒於安南將軍、光祿大夫。

子羅漢,襲。齊受禪,爵例降。

道 .標弟道異,亦以勳爲第一客。 早卒。 贈寧西將軍、秦州刺史、安邑侯。

道異弟道次。 既質京師,拜南中郎將、給事中,賜爵安邑侯,加安遠將軍。 出爲安西將

軍 、秦州刺史、假河南公。 太和十五年,爲光祿大夫,卒。

滎陽 利, 爲持節、光祿大夫、假安南將軍、西道 得 而 巒等退還。 騰死。 太守,遷平北將軍、肆州刺史。 子巒,襲爵,降爲平溫子。尚書郎、秦州刺史、鎭遠將軍、隴西鎭將,帶隴西太守。 正光五年,莫折念生反於秦州,遣其別帥卜胡、王慶雲等衆寇涇州。 後爲撫軍將軍、汧城大都督,鎭北隴。 所在貪穢,在州彌甚。 別將,與伊瓫生等討之。 孝昌 納賄於司空劉騰, 二年春,卒於軍。 進及平涼郡東, 以求美官,未 與賊交戰,不 贈征西大將 庸宗以巒 後爲

軍、雍州刺史,子如故。

安都兄子碩明,隨安都入國,賜爵蒲坂侯,清河太守、太中大夫。

從安都來降,為 安都 從祖弟眞度。 上客。 太和 初與安都南奔,及安都爲徐州,眞度爲長史,頗有勇幹,爲其爪牙。 初,賜爵河北侯, 加安遠將軍,爲鎭遠將 軍、平州刺 史,假陽平

列

後降侯 爲伯, 除冠軍將軍。 隨駕南討,假平南將軍。 久之,除護南蠻校尉、平南將軍、

荆州刺史。

赭陽百敗,何足計也。 所敗 。 奪,進足彰忠,退可明失。」尋除假節、假冠軍將軍、東荆州刺史。 宋,外捍沈攸、道成之師,內寧邊境烏合之衆,淮海來服,功頗在茲。言念厥績,每用嘉美, 蕭 賾 有司奏発官爵。 雍州刺史曹虎之詐降也,詔眞度督四將出襄陽, 宜異羣將,更申後效。 高祖詔曰:「眞度之罪,誠 可還其元勳之爵,復除荆州刺史,自餘徽號削 如所奏。 無功而還。 但頃與安都送款彭 後征赭陽, 為房伯 方, 開闢 徐 玉

情皆異,真度獨與股同。 京,每在戎役,沔北之計,恒所與聞,知無不言,頗見採納。及六師南邁, 股欲超據新野,羣 賞功,有國 又加持節,正號冠軍,改封臨晉縣開國公,食邑三百戶。 初,遷洛後,眞度每獻計於高祖,勸先取樊鄧,後攻南陽,故爲高祖所賞,賜帛一 徽範。故一言可以興邦,片辭可以喪國,得無遠錄前謀,以褒厥善。 撫蠻寧夷,實有勤績,可增邑二百戶。」轉征虜將軍、豫州刺 詔曰:「獻忠盡心,人臣令節,標善 眞度爰自遷 史。 百匹。

在拯卹。 臣輒 景明初,豫州大飢,眞度表曰:「去歲不收,飢饉十五,今又災雪三尺,民人萎餧,無以 陳郡儲粟雖復不多,亦可分贍。 日別 出 州 倉米五十斛爲粥,救其甚者。」 尚書量 賑以聞。」 韶曰:「眞度所表,甚有憂濟百姓之意,宜 濟

平中 來拒 史, 官隨行 仍本將軍。 卒 戰 及裴叔業以壽春內附,詔眞度率衆赴之。 叔仁擊破之,俘斬三千。 蕭 年七十四。 衍 豫 入爲 州 刺 大司 史王超宗 賻帛四 農 卿。 百匹、 率衆圍逼 IE 還朝,除金紫光祿 朝服 始 初 除平 小峴 ___ 製, ,真度遺兼統 南將 贈 尋遷華州刺 左 軍 光 大夫, 揚 禄 大 州 加散 夫, 軍 史, 刺 李 史, 常侍 叔 將軍 騎常侍, 仁 叉 如 如 等率步騎 以 故 故。 年 叉 老, 改 諡 未幾, 聽子 封 日 擊之。 莊 敷 懷 西 轉 超宗 荆州 有子 古 縣 以 永 逆 本 刺

騎 嫡 將 軍 子 、左光 懷徹,襲封。 祿 大 夫 自 太常丞,稍遷征虜將 軍、中散大夫, 又除左將軍、太中大 夫。 卒 於

車

初

真

度

有

女

妓

數

十

人,每集賓客,輒

命奏之,絲竹歌

類,不

輟

於前、盡聲色之適。

庶長

二人。

子 懷吉 居喪 過 周 以 父 妓 十餘 人
弁樂器
獻之,
世 宗納 焉

懷吉,好 勇 有膂力,雖不 善書 學, 亦 解達世 事。 自 [奉朝詩, 歷直 後 寝, 領 太官令。 IE

初,爲驃騎將軍,後試守恒農郡。

益州 蕭行 除征 遣 虜 衆 將 入寇徐克 軍 益 州 一安東 刺 史。 邢巒 以元愉未平, 討之, 詔 i 懐吉以 中山 王英為征 本任為 巒 東將軍 軍 司。 討 永平 之, 初, 詔懷吉爲英軍司 分梁州 晉壽的 爲

列

傅

英討 别 刺 不 以 馳 未 南 駕 坐。 史。 驛 發 范 先 復 至 而 珦 于 赴。 延 愉 昌 關 安陸 擊平之。 平。 諸 中 時 作惟 以以 戍。 豫 蕭 行遣 州 義陽 本將軍除梁州 後鎭 進 城民白早生 號右將軍。 將寇陷郢州之三關,詔英南討, 東將軍盧昶救朐 城 丽 已。 殺 刺史。 正 刺史,以 懷吉 光 初,除後將軍 南秦 與郢 山 懸 , 氏反 州 瓠 與 入蕭衍 賊 刺史婁悅督 相持, 攻逼 、汾州刺 懷吉仍爲軍司。 ,衍將齊苟仁 武 詔 興 懷吉爲昶軍司。 厲 史。 「將士」 懷吉遣 匹 年卒。贈 且守且 率 長史崔纂、司 衆 以系 守城, 戰,卒全義陽 易 平 及 危急, 北 昶 於是自 將軍 敗 馬韋弼 ,懷吉得 令懷 一、
対
州 懸 , 瓠 與

繼 言, 戚 至 毎 悉令同 懷 逮 有 吉 于將 接 本不厲淸節,及爲 行 對 兼爲 別, 但 贈 默 然 之 以錢 彌 而 退。 縫,恣其 練,下及 汾州 旣指 7,偏有 厮 取受。 授先期, 傭,咸 聚納之響。 而 過 將勞賓客, 人馬之數, 本望。 自以 其 、延納貴 曲 左右 盡 支庶,餌誘勝己,共爲婚姻。 物 密 賤 情、送去 已 岩此。 記 錄。 迎 俄 來,不避 m 酒饌 寒熱。 相 葬 多 芻 攜 性 栗 少 親

懷吉弟懷直,京兆內史、衞大將軍、左光祿大夫。

懷直弟懷朴,恒農太守、襄陵男。

懷 朴 弟 懐景 征南 將 軍 河 東 太守 安定男。 卒,贈持節 、都督北徐兗東徐三州諸軍 事。

驃騎大將軍、儀同三司、徐州刺史。

懷 景弟懷儁, 撫軍 將 軍 、光祿大夫、汾陰男。 出 爲 征 南將軍、益 州刺史。 天平 初

我 至 于 梁 時 州 猶 與 在 刺 襄 史元 陽 了, 且 羅 州 俱 壤 爲 連 蕭 接 衍 極 將 蘭 相 欽 知 所 練。 擒 送 卿 今至 江 南 一此,當 0 衍 見懷 能 住 儁 乎? 謂 若 之 欲 日 還 一者,亦 卿 父先爲 以 禮 魏 相 荆 州

子 湛 儒 襲。 武 定 中,司 空水曹參軍。 齊受禪 爵 例 降

顧

謂

左

右

日

此

家

在

北

富

貴

極

不可

言。」懷儁

便乞歸

行

聽

還

或

興

和

中卒。

ō

顯 在 公府 眞 度 ",發揚· 諸 子 旣 疵 多 景。 其 時 母 人 非 耻 焉 , 同 產 相 朋 , 因 有 懀 愛。 興 和 中, 逐致訴 列, 云 以毒藥相害,

徐 兗 刺 畢 史,辟 衆 敬 爲 小 部 名 捺,東 從 事 o 平須 駿 旣 昌 竊 人。 號 少 歷 好 其 弓 泰 馬 Ш 射獵,交結 太守 元 從 僕 輕 果,常 射 於疆 境盜掠爲業。 劉 駿

及 劉 彧 殺 子業 而 自 立 遺 衆 敬 出 詣 克州 募 人。 到 彭 城 刺 史薛 安都 召與 密 謀

云:

安 有 上 流 之名, 且孝 武 第三子 ٠, 當 共 卿 爲 計 西 從。 乃 矯 彧 命 以 衆敬 行 兗 州 事 衆 敬 從 之。

時兗 州 刺 史 般 孝 祖 留 其 、妻子, 率 文 ?武二 千 人 赴 彧 使 司 馬 劉 文石 守 城 衆 敬 率 衆 取 瑕 丘,

殺文石 安 都 與 孝 祖 先 不 相 協 命 衆敬 詠孝祖 諸子, 衆敬 不 ·得已, 逐殺 之。 州 內 悉 附 唯

列傳第四十九 畢衆敬

拷掠 下 東 り回 平 太守 近 纂 墓 中纂 細 閉 民, 門 據 城 死 守, 無鹽城不 者十餘人。 深恨 衆敬 與之同。 又疑纂所爲, 會 有 及 人發 彧平子勛 衆敬父墓,遂令其 弟 衆愛爲 授纂兗州刺史。 安都長 (史) 亦遣人密至濟陰, 母骸 首散落。 會安都 引國 衆敬 授軍經其城 發哀行 掘纂父 服

墓

以

相

報

答

降。 拾之。 史, 遣 詩 賜爵 元遣 衆 及 安都 敬 衆 東平公, 將 敬 衆敬猶· 拔 以 入 城, 汀斫 城入國,衆敬不同其謀。 與 未從 事定, 中 柱 書 曰:「皓首之年, 之。 侍 衆敬悔恚, 郎李璨對 衆敬 先已 爲 數日]遣表 唯 刺 子元賓以母幷百口悉在彭城,恐交致禍,日 有 史。 不 謝彧, 此子 食。 • 彧授衆敬兗州刺 皇 今不 |興初, ·原貸, 就 拜散騎常侍、寧 何 用 史,而 獨 全 _ ! 以元賓 及 別元 一南將 有 至, 軍 他 夜 罪 遂 兗 啼泣, 州 以 獨 刺 城 不

家之 後 火起 復 |纂 爲 慕容白 禍 兗州 創 酷 皆 重不 |曜攻克 刺 史, 由 能 於纂 避 將 無鹽 一,爲 軍 __ 如 火所燒死。 聞纂 故 中纂為亂 了、徵還 死, 京 沙 兵所傷,走 衆敬 師 悅 聞 克 年 無鹽 出 , 被擒、送於白曜。 與 薛安都 9 懼 不 殺 朝 纂, 于 京師 功 與 白曜無殺纂之意 自 因 曜 留 書, 之, 幷 賜 表 甲 朝 第 而 廷, 城 品

云

中

騁,有若少壯 衆 敬 善 自 奉養,食 篤於姻類 膳 豐華 深有國 必 士之風,張臟之亡,躬往營視,有若 致 他 方 遠 味。 年已 七十, **鬢**髮 皓 白,而 至親 氣 力未 太和 衰, 中,高祖賓 跨鞍 馳

虎矛一 款,有若平 禮 舊老,衆敬與咸陽公高允引至方山,雖文武奢儉,好尙不同,然亦與允甚相愛敬,接膝談 枚、仙· 生。 人文綾 後以篤老,乞還桑梓,朝廷許之。 ___ 百 匹。 文明太后、高祖引見於皇信堂,賜以酒饌,車一 衆敬臨還,獻真珠璫四 具、銀裝 乘、馬三匹、絹 劍 口 刺

百匹,勞遣之。 十五 年十月卒。 韶於兗州賜絹 一千匹,以供葬 事

城公。 兼殿 時,乘輿出至元賓所,先遣左右敕不聽起, 俱爲上客,賜爵須昌侯,加平遠將軍。 能督課田 中 子元賓,少而豪 父子相代爲本州,當世榮之。 尙 書。 產,大致儲積。 其年冬末卒。 俠, 元賓 有武幹, 贈撫軍將軍 爲政清平,善撫民物,百姓愛樂之。 涉獵書史。 時衆敬以老還鄉,常呼元賓 後以元賓 、衞尉卿、諡 觀其斷決,忻忻然喜見顏色。 爲劉 勳重、拜使持節、平南 駿 正員將軍,與父同建勳誠。 日 平。 賜帛 八百匹。 爲使君。 以父憂解任,喪 將軍 衆敬善持家業, ・、兗州 每於元賓 刺 及至京師, 中遙授長 史,假 聽政 之 彭 尤

暉。 祖 元 朽 賓 最長 入國 八祖暉 ,初娶東平劉氏, 次祖 髦。 故事 有四子 , 前妻雖先有子,後賜之妻子皆承嫡。 ٠, 祖 朽、 祖髦 八祖歸 祖旋 賜 妻元氏生二子、祖榮、祖 所以劉氏先亡。祖

暉不服重,元氏後卒,祖朽等三年終禮。

祖 榮早卒。 子義允,襲祖爵東平公,例降爲侯。 陵江將軍、給事中,卒。 子僧安襲。

例 降 爲 祖 伯 朽 起家 長 八尺, 員 外 郎。 腰帶 十圍, 尙 書 郎、治 歷涉 書侍 經史,好爲 御 史, 文詠。 加寧遠 將 性寬 軍 厚,善 本 州 中 與 IE 人 交。 襲 父爵 須

還 神龜 驤 還 道 統 儀 將 栅 軍 除前 末, 軍 IE 寧 假 祖 始 除持 將 朔 寧 朽 延昌 軍 朔將 將 夜 年 節 太太 軍 叉 蕭 末,安南 焚擊 王 軍 尉 東 季 ·, 隸 衍 豫州 長 秀。 一,賊 將蕭 史、兼 那 王 刺 徒 巒 志 及先 以 史, 潰 討 尙 出 功封 散。 之。 書 將 率 討 北 荆 南 步 軍 追討 祖朽 一騎二 城 沔 道 如 以以 縣 故 行 開誘 白 萬 開 臺 祖朽 餘 祖 國 入寇兗州 里,斬 有 朽 男,食邑二百戶 爲志 方,降 善撫邊 獲 軍 及先 者 及 司, 入赴沂水 人,清平 相 繼 爺給 令 Ç 0 别 死 賊 事黄門 歷散 有信, 帥 者四千 出 角念 逆 騎 戦 侍 務 待 屯 餘 在 郎 祖朽 郎 于 人,斬 安 蒙 中 尋 静 Щ 大 書 遷 破 龍 侍 百 司 之。 以祖 驤 空長 姓 郎 將 稱 賊 軍 朽 加 史。 矯 走 爲

軍 刺 嬴 史。 孝昌 州 刺 初, 史。 除持節 無子 爲賊 ٠, 以 帥 本將軍 鮮 于 脩 南 禮 攻 兗 圍 州 積 刺 後 旬 史。 , 襲爵 拒 尋 守 授度支 自 固 命 病 .普。 卒 於 行 州 定州, o 贈 衞 未 將軍 Ż 職 吏 改授安 部 尚書[、] 東東 完定 將

州

祖

朽

弟

祖

歸

子

義

暢

爲

散 騎 常 義 侍 暢 傾 太昌 巧 無 初 土 車 業 騎 將 善 軍 通 時 尋除散騎 要。 歷 尚 常 書 侍。 郞 中 天 平 侍 中 郎 兗 坐 與 州 北 刺 史、大 豫 州 Щ 中 賊 Ē 張 中 儉 軍 通 將 伏 軍 法 通 直

祖 起家奉朝 請。 兄|祖 朽別封南城, 以須昌侯回授之。 神龜初, 累遷揚烈將軍、東平

太守。後爲本州別駕,卒於官。

子 義 和 襲。 卒於 右將軍、太中 ·大夫。 贈散騎常侍、安東將軍 、兗州刺史。 子仁超。

義 和第六弟義亮, 性豪疏。 歷尙書郞、中書舍人。 天平中,至 與舍人韋鴻坐泄密 賜

盡於宅。

戰且 右將軍 太子 建義 邑 郡 以 四 祖 太守。 壁,祖 中, 百戶。 前 暉 祖暉,早有器幹。 前在 、豳州刺史。 ,突圍入治。 詔復 入爲驍騎將軍,加征虜將軍。 暉擊破之。 後值蕭寶夤退敗,祖 州日得民情和,復授平西將軍 州 爵, 加撫 入爲平東將軍、光祿大夫。 孝昌初,北海王顥救至,城圍始解。 自奉朝請、稍遷鎭遠將軍、前軍將軍、直後。 而賊宿勤明達復攻祖暉,祖暉 軍將軍。 暉 乃拔 永安中,祖暉從大 後試守勃海郡。 城 東趣華州,坐発官 正光五年,豳州民反,招引隴 史,假安西將軍,爲別將 嶺 兵少糧竭,軍援不至,爲賊所乘,遂歿 棚規 熙平中, 以全城之勳, 爵。 入 州 城。 尋假征 拜潁川 正始中,除龍 于時 封新昌縣開 房將 太守。 賊 以討之。 軍 賊,攻逼州 帥 , 行 叱于 神龜 驤 將軍 豳 國子 騏驎保 祖 初, 州 暉 1,食 東 除 且

長子義 勰,襲爵。 武定 中,開府中郎 齊受禪,爵例降。 時

年

五十。

義勰弟義雲,尚書騎兵郎中。

列傳第四十九 畢衆敬

祖 歸 ,官至建寧太守。

子義遠,武定中,平原太守。

兄弟善營鮭膳,器物鮮華,常兼長史,接宴賓客。義顯,左將軍、太中大夫。義儁,歷司空主 義遠弟義顯、義儁,性並豪率。 天平已後, 蕭衍使人還往, 經歷克城, 前後州將以義儁

祖旋,太尉行參軍、鎭遠將軍。卒,贈都官尚書、齊兗二州刺史。

簿、兗州別駕而卒。

子義眞,太尉行參軍。

衆 敬弟衆愛,隨兄歸國。 以勳爲第一客,賜爵鉅平侯。 卒,贈冠軍將軍、徐州刺史,諡

日

節、平 軍 除淸河內史,因以疾辭,復爲龍驤、中散。又試守廣平內史。正光初,相州刺史、中山王熙 遠將軍。出爲徐州平東府長史,帶彭城內史。永平中,遷中散大夫,加龍驤將軍。 起兵謀誅元叉,聞慰斬其使,發兵拒之。 康。 子 東將軍、滄州刺史,甚有政績。後以本軍除散騎常侍、東道行臺,尋爲都督、安樂王鑒 ·聞慰,字子安,有器幹。襲爵,例降爲伯。拜<u>泰山太守,入爲尚書郎、本州中正</u>,加威 孝昌元年春,徐州刺史元法僧反,聞慰與鑒攻之,爲法僧所敗,奔還京師。 在任寬謹,百姓愛附。後叉以聞慰忠於己,遷持 被劾,遇 延昌初,

赦 死。 其年卒,年五 十七。 贈散 騎常侍、安東將軍、兗州 刺史,伯 如 故,諡 日 恭

逼 年 **Б**. 祖 十。 彦 子 南 祖 贈 入 彦 都 字 永安中 督竞濟二州 脩 賢。 , 得還。 涉獵 諸 書傳, 歷 軍 事 中 征 書侍郎,襲爵 風 度閑 東 將 雅 軍 為爲 人尚 鉅 時 書 平伯 所 左僕射 知 中軍 以 7、 | | | | | | | | | 侍 ·將軍 御 史爲 刺 一、光祿 史。 元 法 大 夫。 僧 監 軍 |天 平 四 法 年 僧 反,

祖彦弟哲,永安末,秘書郎。

諸畢當朝,不乏榮貴,但幃薄不修,爲時所鄙。

無鹽 王 南 劉 守 昶 申纂者,本 劉 孤 國 城 彧 侍 於 用 郎 危 爲 魏郡 兗州 亡之地 景明 人,申 刺 初 一, 欲 史。 試試 鍾 建功立節豈 守濟陰 顯 曾孫 祖 日 也。 郡、揚 申纂旣不 皇始 可 得乎 州 初, 車 、上纂旣 騎 識 太祖 府 機 錄 ,又不量 平中山, 事 敗,子景義 參軍 · 、右 力, 纂宗室 進 司 入 國 不 馬。 南 能 太 奔, 歸 和 正朔, 家于 中 ·, 爲 濟陰。 退不 散 員 能 (士、床 還 及 江

|蔡, 告長 珍奇率文武 常 社 珍奇 鎭 請 者 降 汝南 · 類 來迎 祖 遣 人 羲 也。 殿 說石 中 尙 爲 令徑入城,語 書元 劉 駿 石 司 州 爲 都 刺 正在義傳。 史, 將 率 亦 衆 與薛 赴 事定,以珍奇爲持節 之。 安都 中 等 書 推 博 立 士 劉 鄭義 子 勛 参石 Õ 平南 子 軍 勛 將 敗, 軍 豫州 遺 進 至 使 刺 馳

列

傅

第

四

豫州 乞高 篡立 臣 地 史、河內公。 雖 垂仁, 木 刺史殷琰等共唱大義,奉戴子勛,纂承彼曆。 臣官名,更遣雄將,秣馬五千,助臣經討,幷賜成儀,震動江 武 生殄悴,危於綴旒。 亟 ,乞備前驅,進據之宜,更在處分。 圖 珍奇表曰:「臣昔蒙劉氏生成之恩,感義亡身,志陳報答,遂與雍州刺史袁颢、 [南服,宜遣文檄,喻以吉凶。 伏惟陛下龍姿鳳儀,光格四表, 使江東之地,離 敢冒愚款,推誠 大運未集,遂至分崩。 上聞,機 心草靡; 凡在黔黎, 外。 運可乘,實在茲 荆雍九州,北 長江已北,必可定矣。 延屬象魏。 而 劉 彧滔 天,殺主 面 所願天 日。 請 吏。

汝徐 平輿 其子超走到苦城,爲 未平 三縣 珍奇 ,元石自出攻之。 居民,屯于灌水。 雖有虛表,而誠款未純。 人所殺。 珍奇 石馳往討擊,大破之。 小 子沙彌囚 乘虚 歲餘,徵 於懸瓠 [送京師,刑 其子超,超母 反叛, 燒城 會 爲 日 閣 東門,斬三百餘人,虜掠上蔡、 闇, 胡氏不欲超赴京 人。 放 火燒其營, 珍奇乃匹馬逃免。 師,密懷 南 叛。 安城、 時

沈文秀,字仲遠 ,吳興武康人。 伯父慶之,劉駿司空公。 文秀初為郡 主簿,稍遷建威將

軍、靑州刺史。

和平六年,劉子業爲其叔彧所殺,文秀遂與諸州推立劉子勛。 及子勛敗,皇興初,文秀

與崔道固俱以州降,請師應接,顯祖遣平東將軍長孫陵等率騎赴之。 會劉彧遣文秀弟文炳

來喻之,文秀復歸於彧,彧以文秀爲輔國將軍、刺史如故

師。 之禮。」白曜忿之,乃至撾撻。後還其衣,爲之設饌,遂與長史房天樂、司馬沈嵩等鎖送京 |秀何在。]|文秀厲聲曰:「身是」]|執而裸送于白曜。 力攻討,長圍數匝,自夏至春始克。文秀取所持節,衣冠儼然,坐於齋內。亂兵入,曰:「文 降,以軍人虜掠,遂有悔心,乃嬰城固守。 面縛數罪,宥死,待爲下客,給以粗衣蔬食。 後慕容白曜旣克升城,引軍向歷下,白曜復遣陵等率萬餘人長驅至東陽。 陵乃引師軍於清西。白曜既下歷城,乃率大衆幷 左右令拜,文秀曰:「各二國大臣,無相拜 文秀始欲

史,假吳郡公。是時河南富饒,人好奉遺,文秀一無所納,卒守清貧。然爲政寬緩,不能禁 忠於其國,賜絹綵二百匹。後爲南征都將,臨發,賜以戎服。尋除持節、平南將軍、懷州刺 止盜賊,而大興水田,於公私頗有利益。在州數年,年六十一,卒。 顯祖重其節義,稍亦加禮之,拜爲外都下大夫。太和三年,遷外都大官。 高祖嘉文秀

援連口退敗,有司處之死刑。高祖詔曰:「保沖,文秀之子,可特原命,配洛陽作部終身。」旣 子保沖,太和中,奉朝請、大將軍宋王外兵參軍,後爲南徐州冠軍長史。二十一年,坐

列傳第四十九 沈文秀

獲免。世宗時,卒於下邳太守。

房天樂者,淸河人,滑稽多智。 先爲青州別駕,文秀拔爲長史,督齊郡,州府之事,一 以

委之。卒于京師。

弟子嘉慶,漁陽太守。

嘉慶從弟瑚璉,長廣太守。

文秀族子嵩,聰敏有筆札。 文秀以爲司馬, 甚器任之。 隨文秀至懷州。 文秀卒後,依

朱王劉昶。昶遇之無禮、憂愧飢寒、未幾而卒。

質妍偉、辭氣辯暢、高祖奇之、禮遇亞於王肅、授前軍將軍。 長史趙儼密言于朝廷,尚書令王肅深保明之,切責儼。 南徐州刺史,尋假節、龍驤將軍。二十二年秋,進持節、冠軍將軍。 百餘口,夜走南入。 文秀族子陵,字道通。 智度於彭城知之,從清中單舸奔陵,爲下邳戍人所射殺。 太和十八年,高祖南伐,陵攜族孫智度歸降,引見於行宮。 旣而果叛,殺數十人,驅掠城中男女 後監南徐州諸軍事、中壘 及高 祖崩,陵陰有叛 將軍、 陵姿 رثار وثار

射。 讜仕 張黨,字處言,清河東武城 劉駿,歷給事 中、 泰山太守、 人也。 青冀二州輔國 六世 祖名犯顯祖諱,晉長秋卿。 府長史, 帶魏郡太守。 父華,爲慕容超左 劉 或之立, 遙授 一僕

及革 後至京師,禮遇亞於薛、畢,以勳賜 徐克, **識乃歸順於尉元。** 元亦表授冠軍、東徐州刺史, 爵平陸侯, 加平遠將軍 遣中書侍郎高閭 與黨對

刺

史。

冠軍將軍

東徐

州

刺

史。

年。 軍、青州 推 得襲父爵。 懷 陳款, 第四子敬叔,先在徐州, 瀟 性 刺 開通, 史,諡 無 所 篤於撫恤, 康侯。 顧 避。 畢衆敬等皆敬重之, 子敬伯,求致父喪,出葬冀州淸河 青齊之士,雖 初聞父喪,不欲奔赴,而規南叛,爲徐州 疏族末姻, 高允之徒亦相 咸相 舊墓, 敬 器待。 視。 久不被許,停柩在家 李敷、李訢等寵 延興 所勒送。 四 年卒。 至乃自理, 要勢家, 鮹 積五 平南 後 六 將 亦

敬伯,自 以隨父歸 國之功,賜爵昌安侯,出爲樂陵太守。

敬叔,武邑太守。 父喪得葬舊墓,還屬淸河

初,讜兄弟十人。 兄忠,字處順,在南爲合鄉令。 世祖南征 一、忠歸降,賜爵新昌男,拜新

興太守,卒官。 贈冀州 刺 史。

初,黨妻皇甫氏 被 掠,賜中官爲婢, 皇甫遂乃詐癡,不能梳沐。 後讜 爲劉駿冀州長史

奇好、能重室家之義,此老母復何所任,乃能如此致費也。」皇甫氏歸、讜令諸妾境上奉迎。 因貨千餘匹購求皇甫。 高宗怪其納財之多也,引見之,時皇甫年垂六十矣。 高宗曰:「南人

爲客積年,出爲東河間太守,卒官 數年卒,卒後十年而讜入國

元茂弟子讓,洛州安西府長史、都水使者。元茂,〔4〕爲信都令,遷冀州治中。

封安昌縣伯,食實邑五百戶。二十二年,進號征虜將軍 任 南新蔡宋安五郡諸軍事、冠軍將軍、南司州刺史,光城縣開國伯,食蠻邑一千戶,所統守宰, 制 其銓置。後以益宗旣渡淮北,不可仍爲司州,乃於新蔡立東豫州,以益宗爲刺史。 於蕭賾。太和十七年,遣使張超奉表歸款。十九年,拜員外散騎常侍、都督光城弋陽汝 田益宗,光城蠻也。 身長八尺,雄果有將略,貌狀舉止,有異常蠻。 世爲四山蠻帥。受 尋改

山關南八十餘里,據長風城,逆擊子陽,大破之,斬獲千餘級。 景明初,蕭衍遣軍主吳子陽率衆寇三關。[世]益宗遣光城太守梅興之步騎四千,進至陰 蕭衍建寧太守黃天賜築城赤

亭,復 擬隨雍,揚州之卒頓于建安,得捍三關之援,然後二豫之軍直據南關,對抗延頭。 之滅,今實時矣。 外,須乘夏水汎長,列舟長淮。 守之宜,實須豫設。義陽差近淮源,利涉津要,朝廷行師, 立 殲 賜等,斬首數 皆拯羣生於湯炭,盛武功於方來。 於轉輸, 其人。 了

孤存而已。

不乘機電掃,

原彼蠻疆,

恐後之經略,

未易於此。 遺其將黃公賞屯於漴城,與長風相持。 甲兵疲於戰鬭,事救於目前,力盡於麾下。 竊惟蕭衍亂常, 四君臣交爭, 江外州鎮, 中分爲兩, 東西抗峙, 已淹歲時。 百,獲其二城。上表曰:「臣聞機之所在,聖賢弗之疑, 氣弱攻昧, 前王莫之捨。 度彼衆不過須精卒一萬二千。然行師之法,貴張形勢。請使兩荆之衆西 師赴壽春,須從義陽之北,便是居我喉要,在慮彌深。 然霜 棄將淪,非勁飈無以速其籜,天之所棄,非假手無以 益宗命安蠻太守梅景秀爲之掎角擊討,破天 無暇外維州鎭,四綱紀庶方, 必由 .此道。岩江南一平,有事准 且壽春雖平,三面仍梗,鎭 造一都 藩城棊 民庶窮 陽

積聚。 餘 命魯生 級,溺死 世 興戍 衍戍主趙文舉率衆拒戰,魯生破之,獲文舉及小將胡建興、古皓、莊元仲等,斬五千 宗納之,遺鎭南元英攻義陽。益宗遣其息魯生領步騎八千,斷賊粮運,幷焚其鈞城 千五百人,倉米運舟焚燒蕩盡。 主奇道顯逆擊破之,追奔十里,俘斬千餘。 後賊寧朔將軍楊僧遠率衆二千,寇逼蒙籠,益宗 進號平南將軍。 又認益宗率其部曲

總諸軍節度,季冬進師,迄于春末,弗過十旬,克之必矣!」

幷州鎭文武, 與假節、征虜將軍、太僕少卿宇文福綏防蠻楚,加安南將軍,增封 百戶 、賜帛

二 千 匹

郢 宗以車騎大將軍、開府、儀同三司、五千戶郡公。當時安危,在益宗去就,而益宗守節不移。 遲近淸盪,更有別旨。」時自樂口已南,郢豫二州諸城皆沒於賊, 舍人趙文相具宣股懷,往還之規,口別指授,便可 以淸邊境,節義慷慨,良在可嘉,非蹇蹇之至,何以能 電驅;征南將軍、中山王英統馬步七萬,絡繹繼發。量此蟻寇,唯當逃奔。 狂,忽構釁逆,殺害鎭主,規成反叛。 豫克平,益宗之力也 白早生反於豫州, 韶益宗曰:「懸瓠要藩, 此而 可忍,孰不可容。卽造尙書邢巒總精騎 密邇崧潁, 善盡算略,隨宜追掩,勿令此豎 爾?深戢誠款,方相委託。 南疆之重,所寄不輕。 唯有義陽而已。 知 將軍 得有竄 志翦犲 五萬、星馳 蕭衍 故遣· 而羣 招益 小猪 中書 逸。 狼

魯生 宗韶之曰:「風聞卿息魯生淮南貪暴,擾亂細民,又橫殺梅伏生,爲爾不已,損卿誠效。 先朝耆艾,服勤邊境,不可以地須其人,遂令久屈。 世宗深亦慮焉,乃遣中書舍人劉桃符宣旨慰喩,庶以安之。 一與使 益宗年稍衰老,聚斂無厭,兵民患其侵擾。 赴闕 當 加 任 使。 如欲 外祿, 便授 中畿一 諸子及孫競規賄貨, 郡。」魯生久未至。 可使持節、鎮東將軍、濟州刺史、常侍如 桃符還,啓益宗侵掠之狀。 部內苦之,咸言欲 延昌中,詔曰:「益 可 世 令

戍, 生 故 魯賢 而 世宗慮其不受代, 以 益 等 宗還。 奔 於關南, 授 征 招引 南 遺 將 後將軍李世哲與桃符率衆襲之, 賊兵, 軍 金紫光 襲 逐諸戍 禄 大 夫, 光 城 加 散 已南 騎常侍 皆 爲 出其不意 ,改封曲 賊 所 保。 陽 , 世 縣 奄入廣 哲 開 討 或 撃破 陵。 伯 之,復 盆 宗 子魯

郡

之痛 有 返 實 命 子 訟 暴 絕 藩 部 京 狀 亂 由 超 有 賊 任 曲 路 師 於 唱 秀 幾 三千 非 益 分從 宗 昔 此 等 云 方 竊 復 歲 : 又 欲 餘 並 生 憲 欺 謂 云 朝 殘 我 在 乞 家 長 仰 網 朝 誠 敗 被 檢 ,棄彼 憑國 廷 城 耗 邊 心, 廷, 頻 官 居 中 地 如 面 事 業 不不 桃 說 遣 敕 仰 威 原 粟 邊 安然 為爲 若 以以 符 臣 桃 帛, 簡 冀 榮, 願 符 是 朝 父 何爲 內樂, 生 能 雪寃耻 倉 無二, 野。 謬 子 數 歸投 蕩 得 庫 ¹,坐宜 加 全 然,乃 魯生 驗? 傾 無 慰勞 但 雖位 樂 盡。 而 忠 任 豈容背寵 士, 桃符 復云 有 魯賢 誠 一而 復毁 重 秩 歸。 御 據 兄弟茶炭, 崇 密遣 史覆 虐害 桃 誣 一發墳 (首者) 邊, 重 詔 符 陷 一,猶 向 凶姦, 積 檢, 易 日 番 貞 墓 讎 各賞 兵, 招 :旣經 射 以 良, 一,露 曾 釁結 將 塵謗, 爲 殺賣 擅 就 無損 惑 泄 本 恨, 軍 險 生 大宥,不容方更爲 枯 亂 鹿 郡 賊 、過半, 禍 危 致 上表 折 朝 骸 . __ 朝。 永 福 使 命 聽 土 固 云云 桃 曰:「臣 初代 存 馬 私 高 如 昔郢 符 者罹 乞 單 將 祖 . 其 唯 横 Z 攝 遶 甲 所言, 孝文皇帝 一昔在 我 옗 加 H 桃 士, 生 相 紛 鵩 讒 離 符 獄 申, 城 毁 擾, 南 打 二子 未 與 之苦,亡魂 唱 息 臣 審 說 致 臣 錄 仰餐皇 殺,二 魯 魯生 死 並 降 躬 臣 臣 生 恩旨』。 失 對 乃 恒 淧 之家 魯賢 息戰怖 化, 誠 欲 義 遭 僅 投 兵 粉 臣 得 授 擁 て、從 南 存 所 . 罪 骨 及 擁 以 変

亮。 郢州刺史、諡曰莊 於先。且卿年老,方就閑養,焉得以本州爲念。魯賢來否,豈待自往也,但遣慰納,足相昭 外叛,忠孝俱乖,翻爲戎首。 卿勞舊,州小祿薄,故遷牧華壤,爰登顯級。于時番兵交換,不生猜疑,而卿息魯賢等無 里,列土承家,前朝往恩,酬敍不淺。 若審遺信,當更啓聞,別敕東豫,聽卿喻曉魯賢。」二年卒,年七十三。 熙平初,益宗又表乞東豫,以招二子。 以卿誠重,不復相計。 兼子弟荷榮,中表被澤,相□輕重,卿所知悉。 靈太后令曰:「卿誠著二朝, 。今臥護征南,榮以金紫,朝廷處遇,又甚 勳光 贈征東大將軍 南服, 先帝 作藩 以 萬 事

少子纂,襲封。 位至征虜將軍、中散大夫。 卒,贈左將軍、東豫州刺史。

益宗長子隨興,冠軍將軍、平原太守。 隨興情貪邊官,不願內地,改授弋陽、汝南二郡

太守。

東豫

軍、江州刺史,詔賜朝服、劍舄一具,治麻城。 益宗兄<u>興祖,</u>太和末,亦來歸附。 景明中,假郢州刺史。 興祖卒,益宗請隨興代之,世宗不許,罷弁 及義陽置郢州, 改授征虜將

初, 益州內附之後, 蕭鸞遣寧州刺史董巒追討之, 官軍進擊,執巒幷其子景曜,送於

行宫。

巒 單 篡 也 坐 不 騎 一徙 襲始終,辭理橫出,言非 多識文字。]景曜: 目 朔州 「「不然,軍勢甚盛。」至境首北 南走, 轡 字仲舒,營陽人。 鎖詣 過南陽、新野,歷告二城以魏軍當至,戒之備防。 及車駕 高 行 在所,數 祖引巒於庭,問其南事,巒怖不能對,數顧景曜。景曜進代 南討漢陽,召巒從軍。 而 眞君末, 隨父南叛。 而辯, 斬之。 高祖異焉。 向哭呼景曜云三百日在彼,事理 景曜至洛陽,密啓其父必當奔叛。 以巒爲越騎校尉,景曜爲 雖長自江外, 言語風氣猶同華夏。 房伯玉 一須 還, 、劉忌並云無足可 員 外 父答。 郎。 不得顧 軍 次魯陽, 謀 申敍蕭鸞 欲 性 汝 南 疏 二子 巒

光 軍 開 乘 爲 千戶 趙 質 禄 勝 國 大夫 長 祖 公。 叉 有 驅 倪 四 虎牙 築城 年 景 入 陳伯之者,下邳 虎牙 城 ,以伯之爲持節、都督江郢二州諸 明三年,伯之遣使密表請降,幷遣 爲 刺刺 於水 遷前 冠 祖 軍 東, 悅 軍 將 與潁川 將 三創 軍、員外散騎常侍、豫 軍 人也。 財財 接對, 衆大敗。 以勇力自効, 置兵數千, 進討南城 寧縣開 軍 其子冠軍將軍、徐州刺史、永昌 仕於

江南,

為鎮南大將軍、

江州刺史、 欲爲 事 ,破賊諸部, 、平南將軍 國伯 攻討 之本。 邑五 、江州刺史、曲江 斬獲數 一百戶。 伯 之 進軍討 子。 Œ 始 初 | 縣開 祖 年夏,除怕之 蕭衍 縣 倪, 開 國 國 大破之, 、豐城縣 侯虎 征虜將 公,邑 牙

列

孟表,字武達,濟北蛇丘人也。 自云本屬北地, 號索里諸孟。 青徐內屬後,表因事南

渡,仕蕭鸞爲馬頭太守。

珍言色,頗疑有異,即加推覈,乃云是叔業姑兒,爲叔業所遣,規爲內應,所攜妻子並亦假 自云姓邊字叔珍,攜妻息從壽春投表,云慕化歸國。 撫循將士,勠力固守。會鎭南將軍王肅解義陽之圍,還以救之,叔業乃退。初,有一南人, 表出叔珍於北門外斬之,於是人情乃安。 後蕭鸞遣其豫州刺史裴叔業攻圍六十餘日,城中食盡,唯以朽革及草木皮葉爲粮。 太和十八年,表據郡歸誠,除輔國將軍、南兗州刺史,領馬頭太守, 未及送闕,便值叔業圍城。 賜爵譙縣侯。 表後察叔 鎭

祿 大夫,進號平西將軍。世宗末,降平東將軍、日日齊州刺史。 高祖嘉其誠績,封汶陽縣開國伯,邑五百戶。 遷征虜將軍、濟州刺史,爲散騎常侍、光 延昌四年卒,年八十一。 贈

安東將軍、兗州刺史、諡曰恭。

子崇,襲。官至昌黎、濟北二郡太守。

度 離,亦仁智矣。 氣,非但身蒙嘉禮,乃至子免刑戮。 謀,見賞明主。 史臣曰 薛安都一武夫耳,雖輕於去就,實啓東南。 田益宗蠻夷荒帥,翻然效款,終懷金曳紫,不其美歟 衆敬舉地納誠,榮曜朝國,人位並列, 在我欲其駡人,忠義可不勉也。 事窘圖變,而竟保寵秩, 無乏於時。 ! 張讜觀機委質,篤恤 文秀 孟表之致名位,非徒 不回,有死節之 優矣。 流 眞

校勘記

然也。

與東雍州刺史沮渠秉謀逆 沮渠蒙遜傳都作「沮渠秉」。 北史卷三九薛安都傳作「康」,卷九三北凉沮渠氏傳作「季義」。 諸本「秉」作「康」。按卷四下世祖紀下太平眞君五年七月和卷九九 其

人 本名「秉」,字「季義」,北史避唐諱, 改「秉」爲「康」,或稱其字。 魏書本皆作「秉」,這裏當是後

入據北史改,今回改。

贈本將軍泰州刺史河東王 疑皆「泰州」之訛。 泰州 治河東蒲坂,是薛氏本州,當時以官本州刺史爲榮,故祖 按此傳載安都及其子孫生前曾任、 或死後追贈秦州刺史的共五 孫多 居此

官。 若是秦州 和薛氏 毫無關係, 便不可解。 又此州雖或先曾有「秦州」之稱, 但此時早已名

列

「泰州」,參卷一〇六下地形志下校記泰州條。

- 二 二 拜奉車都尉 諸本「車」下有「騎」字。 按「奉車都尉」見卷一一 三官氏志太和前、 後職令 「騎」
- [8] 會安都引國授軍經其城下 按「授」當是「按」之訛

字衍,今删

- 37. 天平中 鴻 附 見卷四五章閩傳,事在「天平三年」。「太」乃「天」形近而訛,今改正 諸本「天」作「太」。 按「太平」無此年號。下云。「與舍人韋鴻坐泄 密, 賜盡於宅。」 韋
- **八**六 **一** 元茂 後,上有脫文。 按「元茂」不知何人。 上文稱「龖兄弟十人」,但只舉「兄忠」一人,「元茂」當是臘兄弟之
- -景明 |卷 亦稱 史田 稱蕭 初 蕭 益宗破 蕭行造軍主吳子陽率衆寇三關 寶卷將黃天賜 行軍主誤。 蕭寶卷將吳子陽、鄧元起於長風。」這年十一月蕭衍才起兵反寶卷。 下文「蕭衍建寧太守黃天賜築城赤亭」, 此傳兩「蕭行」均當 按卷八世宗紀景明元年五〇〇九月乙丑記:「東豫州 作「寶 卷」。 據世宗紀 事在景明二年七月, 吳子 陽乃蕭寶 刺
- 竊惟 蕭 衍 亂常 諸本「亂」字空格或注「闕」字,今據通鑑卷 四 四 五〇四頁 補。
- , . ≠i '____' 無暇 外 維 州 鎭 諸本「無」字上注「闕」字,「無」字下無「暇」字,今據通鑑 同上卷頁 補
- 二年夏除伯之光祿大夫 虎牙 遷前 軍將軍 按伯之於次年二月敗梁將昌義之於梁城, 隨即奔

梁,見卷八世宗紀,其子虎牙爲魏所殺,見梁書卷二○陳伯之傳。 此傳敍事不完,當有脫文。

字訛或衍。否則「世宗末」上脫去孟表由「平西」進升軍號事。

世宗末降平東將軍 按上文稱「進號平西將軍」,由「平西」改「平東」,不能說是「降」號。疑「降」

魏書卷六十二

列傳第五十

李彪 高道悅

冠,自一雅有志業,娶東徐州刺史博陵崔鑒女,路由冀相,聞彪名而詣之,修師 間,博學高才,家富典籍,

處遂於悅家手抄口誦,不暇寢食。 旣而還鄉里。 平原王叡年 業 於郡,遂舉孝廉,至京師館而受業焉。 於長樂監伯陽,伯陽稱美之。晚與漁陽高悅、北平陽尼等將隱於名山,不 李彪,字道固,頓丘衞國人,高祖賜名焉。 高閭稱之于朝貴,李沖禮之甚厚,彪深宗附。 家世寒微,少孤貧,有大志,篤學不 ·果而 友之禮, 倦。 罷。 將弱 稱之 悦兄 初受

事,三無一存。 丞,參著作事。 高祖初,爲中書教學博士,後假員外散騎常侍、建威將軍、衞國子,使於蕭賾。 自成帝以來至于太和,崔浩、高允著述國書,編 彪與秘書令高祐始奏從遷固之體,創爲紀傳表志之目焉。 年序錄,爲春秋之體,遺落時 遷秘

彪叉表曰:

敢修往式,竊揆時宜,謹冒死上封事七條。 詢 諮善,不棄芻蕘。用能光茂實於竹素,播徽聲於金石。 臣 聞 . 昔之哲王,莫不亹亹孜孜,思納讜言,以康黎庶。 狂瞽 之言,伏待刑戮。 是以訪童問師,不避淵澤, 臣屬生有道,遇無諱之朝,

深愼罰 綺, 人,則 浮華相競,情無常守,大爲消功之物,巨制費力之事,豈不謬哉!消功者,錦繡彫文是 柝,其宫室 深,敦樸情淺,未識 造 邇 怨 不 物之曲 列則 乏饗矣,舉賢才以 曠矣;傾 土木 其 華荒抃舞矣, 四門無凶 以明 一日,自太和 被 成也。 車服 府藏 文 (刑,則庶獄得衷矣;薄服味以示約,則儉德光昭矣,單宮女以配鰥,則 繡 以 人矣,制冠服以明秩,則典式復彰矣,作雅樂以協人倫,則 各有差品,小不得踰 然臣愚以爲行儉之道,猶自闕 (賑錫)則大賚周渥矣;省賦役以育人,則編戶巷歌矣;宣德澤以懷 垂至德以暢幽顯,則禛瑞效質矣。 儉素之易長, (三 酬諮,則多 建號,踰于一紀,典刑 一士盈朝矣;開至誠以軌物,則朝 而行奢靡之難 古先哲王之爲制 大,賤不 德政,可得 · 得踰 如。三 貴。 久。 也,自天子以至公卿,下 何者? 而言也。 生生得所, 事事惟新 夫然,故上下序而人志定。 壯制第宅,美飾 今 四 無佞 立 圓丘以昭孝,則百神 人豪富 人矣" 敦六順 車馬、僕妾 之家。 人神交慶矣, 巍巍 及 抱 習華 今時 關 衣 子 猶 人無 以教 擊 綾 旣 遠

傳 第 五 + 李 彪

列

法

齊

此

爲

其

吾

獪

王

誼

而

財滿 昔子產爲政一年,百姓歌之曰:「我有田疇,子產伍之,我有衣冠,子產貯之,孰殺子產, 不可以稱其侈意,用違經典。今或者以爲習俗日久,不可卒革,臣謹言古人革之之漸。 然耳。 也;費力者,廣宅高宇、壯制麗飾是也。其妨男業、害女工者,焉可勝言哉!漢文時,賈 誰 正 制 其 一未革者, 豈楚越之人易變如彼, 大魏之士難化如此。蓋朝制弗宣, 人未見德, 使之 |好勇而士多輕死,楚靈好瘠而國有飢人。 今二聖躬行儉素, 詔令殷勤,而百姓之奢 於涼,其弊猶貪。」此言雖略,有達治道。 示 不 上疏云「今之王政可爲長太息者六」,此卽是其一也。夫上之所好,下必從之。故越 卿 爲終善哉。夫尙儉者開福之源,好奢者起貧之兆。然則儉約易以敎行,華靡難以 ·繼之。]然則鄭人之智,豈前昏而後明哉。且從政者須漸,受化者難頓故也。 與 儉於後王,後王所宜觀其意而取折衷也。孔子爲魯司寇,乘柴車而駕駑馬,晏嬰爲 ,是以聖人留意焉,賢人希準焉。故夏禹卑宮室而惡衣服,殷湯寢黃屋 以差品之,始末之情,魏士與鄭人同矣。旣同鄭人,是爲卒有善歌,豈可憚其初怨 一冠濯 、之。」及三年,乃改歌曰:「我有田疇,子產殖之,我有子弟,子產誨之,子產若死, 臣愚以爲第宅車服,自百官以至于庶人,宜爲其等制,使貴不逼賤,卑不僭高, 冠 而 衣故裘。 此示儉於後臣,後臣所宜識其情而消息之也。 臣之瞽言,儻或可採,比及三年,可以有成。 前志云:「作 而乘輅輿。 **今若**

固

有 成 則 人務本,人務本則奢費除,奢費除則穀帛豐,穀帛豐則人逸樂,人逸樂則皇基

敎 悌 得 也,故恢崇儒術以訓世嫡,世嫡於是乎習成懿德,用大協於黎燕,是以世統生人,載祀 廟 太子乎。二即拜佚爲太子太傅,漢明卒爲賢主。 天下 之途異耳。 肆虐以 博聞 以 ,秦祚之所以短促也。 無所饗,冢嫡廢則神器無所傳。聖賢知其如此,故垂誥以爲長世之法。昔姬王得斯道 而 刑 可。 其二曰:易稱:「主器者,莫若長子。」傳曰:「太子奉冢嫡之粢盛。」然則祭亡主則宗 逮嬴氏之君於秦也,殆棄德政,坑焚儒典,弗以義方教厥冢子,於是習成凶德, 則 有道 戮斬劓及夷 臨黔首,是以饗年不永,二世而亡。亡之與興,其道在於師傅,師傅之損益,可 固宜 博 益者,周公傅成王,教以孝仁禮義,逐去邪人,不使見惡人,選天下之端士、孝 土 昔光武議爲太子置傅,以問其羣臣,羣臣望意,皆言太子舅執金吾、新陽侯 術者以爲衞翼。 用天下之賢才。」光武稱善,曰:「置傅,以輔太子也。 張佚 、人族,逐去正人,不得見善士,諂佞讒賊者爲其左右。 正色曰:「今立太子爲陰氏乎。爲天下乎。卽爲陰氏,則陰侯可,爲 夫皇天,輔德者也,豈私周而疏秦哉。由所行之道殊,故禍福 **衞翼良,成王正,周道之所以長久也。損者,趙高傅胡亥,** 然則供之傳漢明,非迺生之漸也,尚或 今博士 左右邪,胡亥 **示難** 正朕,况

列傳第五十 李彪

訓導正則太子正,太子正則皇家慶,皇家慶則人幸甚矣。 之躋,及儲宮誕育,復親撫誥,日省月課,實勞神慮。今誠宜準古立師傅以訓導太子, 溫習,今而思之,豈唯予咎,抑亦師傅之不勤。」尚書李訢觅冠而謝,此則近日之可鑒 |帝慨少時師不勤教,嘗謂羣臣曰:「朕始學之日,年尙幼沖,情未能專,旣臨萬機,不遑 敬之道也。然古之太子,「自爲赤子,而敎固以行矣」。此則遠世之鏡也。 之,有司齊肅端冕,見于南郊」,明冢嫡之重,見乎天也。「過闕則下,過廟則趨」,明孝 也。伏惟太皇太后翼贊高宗,訓成顯祖,使巍巍之功邈乎前王。陛下幼蒙鞠誨,聖敬 有稱,而況迺生訓之以正道,其爲益也固以大矣。故禮曰「太子生,因舉以禮,使士負 高宗文成皇

誠可懼也。臣以爲宜析州郡常調九分之二,京都度支歲用之餘,各立官司,年豐糴積 勸農,相切若此。頃年山東饑,去歲京師儉,內外人庶出入就豐,旣廢營產,疲而乃達, 謂國非其國。光武以一畝不實,罪及牧守。聖人之憂世重穀,殷勤如彼,明君之恤人 陽水旱,人無菜色者,蓋由備之有漸,積之有素。暨于漢家,以人食少,乃設常平以給 又於國體實有虛損。若先多積穀,安而給之,豈有驅督老弱餬口千里之外。以今況古, 之,魏氏以兵糧乏,制屯田以供之。用能不匱當時,軍國取濟。又記云:國無三年之儲, 其三曰:臣聞國本黎元,人資粒食,是以昔之哲王莫不勤勸稼穑,盈畜倉廩。 故堯

於倉

幷征 務懷遠人,禮賢引滯。故漢高過趙,求樂毅之青,晉武廓定,旌吳蜀之彥。 料 頃 戍 畝 雑役。 之數,以贓贖雜物餘財市牛科給,令其肆力。一夫之田,歲責六十斛,蠲其正課 行此二事,數年之中,則穀積而人足,雖災不爲害。臣又聞前代明主,皆 臣謂宜於河

欲靜。 表七州 致旱。 王之勤 微成著,以通三統,三統之月,斷獄流血,是不稽天意也。 春,十二月陽氣上通,雉雊雞乳,殷以爲春,十三月陽氣已至,蟄蟲皆震,夏以爲 季冬,至孝章時改盡十月,以育三微。 至 年登則常積,歲凶則直給。又別立農官,取州郡戶十分之一以爲屯民,至相水陸之宜, 也。今二聖哀矜罪辜,小大二情,日訓歡決之日,多從降恕,時不得已,必垂 可以懷 其 聽肆赦,亦如斯而已。 以起隆怒,不可謂寧,以行大刑,不可謂靜。 事下公卿,尚書陳寵議: 冬至陽氣始萌,故十一月有射干、芸、荔之應,周 四日:昔帝舜命咎繇惟刑之恤,周公誥成王勿誤于庶獄,斯皆君臣相誠,重刑之 人中,擢其門才,引令赴闕,依中州官比,隨能序之。一可以廣聖朝均新舊之義, 江漢歸有道之情。 至若行刑犯時,愚臣竊所未安。 後歲旱,論者以十月斷獄,陰氣微,陽氣泄,以 章帝善其言,卒以十月斷。今京都 月令: 仲冬之月, 身欲寧, 事 漢制,舊斷 獄 惻 報 隱,雖 重。常 春。 以爲 故 杰 前

或闕然。 及四方斷獄報重。常竟季冬,不推三正以育三微。寬宥之情,每過於昔,遵時之憲。猶 (秋)盡於孟冬,不於三統之春,行斬絞之刑。如此,則道協幽顯,仁垂後昆矣。 豈所謂助陽發生、垂奉微之仁也? 誠宜遠稽周典,近採漢制,天下斷獄,起自

將 貴臣,不明言其過也。臣有大譴,則白冠氂纓,盤水加劍,造請室而請死,此臣之所以 良 是。夫貴臣者,天子爲其改容而體貌之,吏人爲其俯伏而敬貴之。其有罪過,廢之可 之心、慰戚屬之情。然恩發至衷、未著永制、此愚臣所以敢陳末見。昔漢文時、人有告 知罪而不敢逃刑也。 人 也,賜之死可也。若束縛之,輸之司寇,榜笞之,小吏詈駡之,殆非所以令衆庶見也。及 得 丞相周勃謀反者,逮繫長安獄,頓辱之與皂隸同。賈誼乃上書,極陳君臣之義,不宜如 不議之時,臣安可陳瞽言於朝,但恐萬世之後,繼體之主有若漢武之事焉。夫道貴長 ·刑也,臣則北面再拜,跪而自裁。 天子曰:子大夫自有過耳,吾遇子有禮矣。 . 歸第自盡。遣之日,深垂隱愍,言發悽淚,百官莫不見,四海莫不聞。 誠足以威將死 由 抑而刑之也。孝文深納其言,是後大臣有罪,皆自殺不受刑。至孝武時,稍復入獄, 一孝文行之當時,不爲永制故耳。 伏惟聖德慈惠,豈與漢文比隆哉。今天下有道,庶 其五曰:古者,大臣有坐不廉而廢者,不謂之不廉,乃曰簠簋不飾。此君之所以禮 聖朝賓遇大臣,禮同古典。自太和以降,有負罪當陷大辟者,多 上不使

久,所以樹之風聲也, 法尙不虧, 所以貽厥孫謀也, 焉得 行 恩 當 時, 而 不 著 長 世 之

子弟之於父兄,父兄之於子弟,惟其情至,豈與結盟相知者同年語其深淺哉?二聖清 使人知有所耻矣。 令父兄露板引咎,乞解所司。 若職任必要,不宜許者,慰勉留之。如此,足以敦厲凡薄, 簡風俗,孝慈是先。臣愚以爲父兄有犯,宜令子弟素服肉袒,詣闕請罪,子弟有坐,宜 戚之理也?昔秦伯以楚人圍江,素服而示懼,宋仲子以失舉桓譚,免冠而謝罪。 **父兄無愧恧之色。宴安榮位,遊從自若,車馬仍華,衣冠猶飾,寧是同體共氣、分憂均** 懼,懼應相連者,固自然之恒理也。無情之人,父兄繫獄,子弟無慘惕之容,子弟逃刑, 體而同氣,可共而不可離者也。及其有罪,罪不相及者,乃君上之厚恩也。至若有 其六日:"孝經稱:「父子之道天性。」書云:「孝乎,惟孝友于兄弟。」 二經之旨,蓋明 然則

周季陵夷,喪禮稍亡,是以要絰卽戎,素冠作刺,逮于虐秦,殆皆泯矣。漢初,軍旅屢興, 喪制、未有定聞。至後漢元初中、大臣有重憂、始得去官終服。暨魏武、孫、劉之世、日 未能遵古。至宣帝時,民當從軍屯者,遭大父母、父母死,未滿三月,皆弗徭役,其朝臣 其七曰:禮云:臣有大喪,君三年不呼其門。此聖人緣情制禮,以終孝子之情者也。

遭 也 司 衣 道 尋 洽 出 大 錦 以 干戈,前 父 納 乘 爲 如 禮 母 臣 敷 軒 教 之言 奏而 父母 從郊 興行 世禮制復廢而不行。 聖 少 魏 已,國之吉慶, 喪者 之日也。 廟之祀, 有可 之初,撥亂 皆聽 採,願付 鳴玉 然 終服。 愚 返正,未遑建終喪之制 垂 一令無預。 有司 臣 一矮,同 「所懷, 晉時,鴻臚鄭默喪親,固請終服,武帝處其孝 若 別爲條制 無其 節 竊 慶之醼,傷 其軍 人有 有未 曠 戎之警,墨縗從役, 盡 庶官者, 0 伏見 人子之道, 今四方無虞,百姓 朝 則 臣丁父憂者, 優旨慰喻, 虧 天 雖愆於禮, 地之經。 起 安逸,誠是孝 (三假滿 令 視 事 誠, 愚謂 事 所宜行 赴 逐 但綜 如 著 慈 有

高祖覽而善之,尋皆施行。

學 可 故 {禮 毛遂 特 博 }志 墳 遷 彪 起 祕 籍 稍 高 賤 書 祖 見 剛 奮抗 令, 禮 詔 辯 遇,加 日 之才 以 楚之辯,苟 酬 歷觀古 ,頗堪 厥 中壘將軍 款。」 時 事 以參議 7、求能: 用 有才能,何必 ·。及文明太后崩,羣臣請高祖公除,高祖 兼 律 非 憂 令 吏若家 之勤 或承 拘 ?,載宣 湯賜 族 也。 藉微蔭,著德當時, 帛 五. 朝美, 彪 百 雖 匹、馬 若 宿 不 非清第 賞 一匹、牛二 庸 () 本闕 敍績,將 或見拔 不許,與彪往復,語 華資, 頭 丝 何 陋 以 然 勸 識 流 獎 性 名 勤 嚴 後 集 在

坐 彪曰 其 年 齊 加 主 員 旣 外 散 賜 讌 騎 樂,以 常侍,使於 一勞行 蕭 人,向辭樂者, 賾 **晴**遣 其 卿或 主客 未相體 郎 劉 繪 接 對, 自 喪 幷設 禮 廢 讌 替,於 樂。 兹以久,我皇 彪 辭樂。 及

列傳第五十 李彪

於君 人。」彪 答言 日 慕,俯從羣 竟 謝 孝 其 觀 前 之 間 見 卿 何 使還日 在 性 一故事 我聞 . 可謂! 所依 此言、 自 「使臣請重 重 此 如 日 天, 固 工學 』。 赋 此。 載 ,似成長闊 議。 決於下。我朝官司皆 得禮之變。」繪 應具此,我 追 籍 阮 慕 彪前 朝自爲曠代之制 日『高宗三年, ·五帝之臣,臣不若君,故君 詩 服 图 賦阮 云。 變不異三年,而限同 極,故有今者喪除之議。 後六度銜 但願 今辭樂 詩曰『宴衍 復問 以 長閑暇,後歲復 殊 想 命 孝文踰 · 「若欲遵古,何爲不終三年。」|彪日 南 禮相送。」蹟 五帝之臣, ,何關許 清都 卿無怪。」 人奇 中,一去永 月_, **| 其謇諤** 人。」繪言:「百官總已聽於冢 期 來遊』,果如 親攬其事,三王君臣 繪答言:「辭樂之事 主上 今聖上追 逐親 ,可謂亡禮之禮 去三月晦, 親攬, 至 矣哉」。」賾 琅邪 鞠育之深恩, 蓋遠 今日 朝 城, 臣始除衰 ・
朝
軒 惘 。」繪言:「汰哉叔氏 登 然曰「清 山臨 智等,故 卿此還 唐。 向 「萬機不 威慈訓之厚德, 以不 水, 裳, 彪 宰,萬機何 將還, 共理 命羣 都 也 異。 猶 一,復 以素服 可 可 臣 爾 機務 請 有 賾 賦 久 į 問 親 慮、 來 曠, 詩 五, 專 從 魏 於曠 執 去 理 謂 以 朝 事 以 否。」彪 霸 於 何 故 国 送別 喪 禮 殷 事. 臣 割 卿 彪 許 漢 過 至

於 作 是從容謂羣臣曰「吾之有本生,猶漢之有汲黯。」汾州胡叛,詔彪持節綏慰,事寧還京,除 郎 後 車 彪 旣 駕 爲 南 高 征 ,假彪冠 祖 所 寵 性 軍 將軍 叉 剛 直 、東道副 一、遂多 所劾糾 將,尋假 遠近近 征 虜 畏 將 之,豪右 軍。 車駕還京, 屛氣 高 遷御 祖 常 史 呼 中 彪 尉 爲 李 領 生

散 騎常侍,仍領御史中尉,解著作事。 高祖宴羣臣於流化池,謂僕射李沖曰「崔光之博,李

彪之直,是我國家得賢之基。」

彪答 先王 治 黄,無所 罪過,乃於 忠以報 拔,等望清華,司文康觀,綢繆恩眷,繩直 文 議 (功建 書侍 乖 異、遂 旣 臣 車 德。 九合 駕南伐,彪 憲章於古,陛下又經綸於今,用能車服 御 憚 「『事 史臣 懾。 尚 形於聲色,殊無降下之心。自謂身爲法官,莫能糾劾己者,遂多專恣。沖積 而 .書省禁止彪,上表曰:「臣聞範 猶見抑於請隊,季氏藉政三世,尚受譏於 竊名忝 見 酈道元等於尙 肆志傲然,愚聾視 在 兼度支尚書,與僕射李沖、任城王等參理留臺事。 百, 職,身爲 實如所刻, 書都 《違傲,矜勢高亢,公行僭逸。 座,以 聽,此 皆彪所 而 彪所犯罪狀告彪, 憲臺,左加 知,何須復召部下。』 可忍,誰不可懷 國匡人,光化昇治,輿服典章,理無暫失。 有叙,禮物 金瑞, 、璵璠。 無墜。 臣! 訊 右珥 坐輿禁省, [五]冒取 其 固 「輒集尙 臣今請以見事,免彪 虚 蟬冕。闕東省。 案臣彪昔於 知名器之重,不可 實,若或不知, 彪素性剛豪,與沖等意 書已下、今史已上,弁 凡 官材 宜 品, 須 感 所 - 如 觀 駕 ! 恩 湉 以妄假。 特 其前 居 厲節, 部下。 以才 故晉 職 乘 後

沖叉表曰:

付

廷

別

治

獄

臣 與 彪 相 識 以來垂二十載,彪始南使之時,見其色厲辭辯、 才優學博, 臣 之愚識, 威暴者,臣以直繩之官,人所忌疾,風謗之際,易生音謠,心不承信 天下改目,貪暴斂手。 志信行,不避豪勢,其所彈劾,應弦而倒。赫赫之威,振於下國;肅肅之稱,著自京師。 臣時見其所行,信謂言行相符,忠淸內發。 然時有私於臣,云其

疑,不以申徹,實失爲臣知無不聞之義。 言:「南臺所問,唯恐枉活,終無枉死,但可依此。」時諸人以所枉至重,有首實者多,又 徒。 由,訊檢之狀。 心難彪,遂各默爾。 奴,叱吒左右,高聲大呼云:「南臺中取我木手去,撘奴肋折!」雖有此言,終竟不 時有人訴枉者,二公及臣少欲聽採。 往年以河陽事,曾與彪在領軍府,共太尉、司空及領軍諸卿等,集閱廷 商略而言,酷急小罪,肅禁爲大。 因緣此事,臣遂心疑有濫,審加情察,知其威虐,猶未體其採訪之 。語理未盡,彪便振怒,東坐攘袂揮赫,口稱 會而言之,猶謂益多損少。 尉 故懷寢所 所 問 賊 卽 囚

無忌 振 古忠恕之賢,校其行是天下佞暴之賊。 ,尊身忽物,安己凌上,[10]以身作之過深劾他人,己方事人,好人佞己。 及 去 ·年大駕南行以來,彪鬑尚書,日夕共事,始乃知其言與行舛, 臣與任城卑躬曲己,若順弟之奉暴兄。 是己非人, 聽其言同 其所 專恣

欲者,事雖非理,無不屈從。

依 事 求 實,悉有成驗。 如臣列得實,宜殛彪於有北,以除姦矯之亂政, 如臣無證,

宜投臣於四裔,以息青蠅之白黑。

歸

本

鄉。

高 祖 在 懸 瓠 覽表歎愕曰:「何意留京如此也」有司處彪大辟, 高祖恕之,除名而已。 彪尋

彪自 高 伏 彪 應 對 東 祖 報 皐 納 日 高 或 之下 宋弁 事 "「臣愆由己至,罪自身招,實 祖 盡 自懸 枉 身爲 高 ,不應遠點屬 將 瓠北幸鄴,彪拜迎於鄴南。 川,而 祖 復 明 彪 採 近見彈文, 用 無 車之塵,但伏 此,遣左右 ,會留臺表言 殊 乖 (非陛下: 慰勉之,聽 所以。 彪 承 聖躬 與御史賈尚往窮 高祖曰:「朕之期卿,每以貞松爲志,歲寒爲心,卿 横與臣 卿 不豫,臣肝 以 罹 4 此譴,爲朕 罪,又 車散 /非宰 載,送之洛 膽 庶 塗地, **(人)** 與卿、爲宰事 事 無辜 事 是 陽。 以敢至,非 濫 理 臣。 有 會赦 與卿 誣 臣 抑, 得 罪 爲 発。 謝罪而 奏請收彪。 旣 卿自 如 此,宜 取

高 祖 崩 世宗 踐 祚,彪自 託於王肅,又與邢巒詩書往來,迭相 稱 重 一, 因 論 求 復 舊職,修史

官之事,肅等許爲左右,彪乃表曰:

大漢之風,美類三代,炎□□崇,道冠來事。降及華、馬、陳、干,CIEI 咸有放焉,四。 班之錄,乃文窮於秦漢,事盡於哀平,懲勸兩書,華實兼載,文質彬彬,富哉言也。令 歌音,辨周公之至孝。是以季札聽風而知始基,聽頌而識盛德。 開之以兩經,公旦申之以六聯,郁乎其文,典章大略也。故觀雅、頌,識文武之丕烈,察 [傳著夏氏之箴,詩錄商家之頌,斯皆國史明乎得失之迹也。逮于周姬,鑒乎二代,文王 陳、日三民師建而賤貴序,此乃人間之繩式也。是以唐典篆欽明之册,虞書銘愼徽之篇, 贊弗遠,Clill不可力致,豈虛也哉?其餘率見而書,覩事而作者多矣,尋其本末,可往 丘明之辨孔志,可謂婉而成章,盡而不汚者矣。自餘乘、志之比,其亦有趣焉。 臣聞龍圖 .出而皇道明,龜書見而帝德昶,斯實冥中之書契也。 至若尼父之別魯籍。 自瑞官文而 壁史、 卑高 敷

蕪。」至于太和之十一年,先帝、先后遠惟景業,綿綿休烈,若不恢史闡錄,懼上業茂功 業、虎嘯域中、龍飛宇外、小往大來、品物咸亭。自兹以降、 唯我皇魏之奄有中華也,歲越百齡,年幾十紀。太祖以弗違開基,武皇以奉 加以東觀中圮,册勳有闕,美隨日落,善因月稀。 故諺曰:「一日不書, 百事荒 世濟其光。史官敍錄,未充 時拓

列傳第五十 李彪

使國遷、頻有南轅之事、故載筆遂寢、簡牘弗張、其於書功錄美、不其闕歟? 時賢制作於此者,恐閨門旣異,出入生疑,弦柱旣易,善者或謬。日四自十五年以來,臣 世何觀。」臣奉以周旋,不敢失墜,與著作等鳩集遺文,幷取前記,撰爲國書。假有新進 授臣丞職,猥屬斯事,無所與讓。高祖時詔臣曰:「平爾雅志,正爾筆端,書而不法,後 始有缺矣。於是召名儒博達之士,充麟閣之選。于時忘臣衆短,采臣片志,令臣出納,

夷者,先皇之略也;海外有截者,先皇之威也;禮田岐陽者,先皇之義也;張樂岱郊者, 遷都改邑者,先皇之達也;變是協和者,先皇之鑒也,思同書軌者,先皇之遠也;守在四 齊明日月者,先皇之洞照也;慮周四時者,先皇之茂功也;合契鬼神者,先皇之玄燭也; 美洞鑒,準之前代,其聽靡悔也。時哉時哉,可不光昭哉!合德二儀者,先皇之陶鈞也, 周公之才,不得行周公之事。今之親王,可謂當之矣。然先皇之茂猷聖達,今王之懿 加以魏典流製,藻績垂篇,窮理於有象,盡性於衆變,可謂日月出矣,無幽不燭也。記 其靜,不愆不忘,率由舊章,可謂重明疊聖,元首康哉。惟先皇之開創造物,經綸浩曠, 曰:善流者欲以繼其行,善歌者欲人繼其聲。[三故傳曰:文王基之,周公成之。又曰:無 地。賴遇陛下體明叡之眞,應保合之量,恢大明以燭物,履靜恭以安邦,天淸其氣,地樂 伏惟孝文皇帝承天地之寶,崇祖宗之業,景功未就,奄焉崩殞,凡百黎萌,若無天

觀乎人文者,先皇之蘊也;革弊創新者,先皇之志也;孝慈道洽者,先皇之衷也。 播 肅 先皇之仁也;鑾幸幽漠者,先皇之智也;變伐南荆者,先皇之禮也,升中告成者,先皇之 有大功二十,加以謙尊而光,爲而弗有,可謂四三皇而六三帝矣,誠宜功書於竹素,聲 於 也;親虔宗社者,先皇之敬也;袞實無闕者,先皇之充也;開物成務者,先皇之貞也; 、金石。 先皇

晉之世· 官,太史之職,如有其人,宜其世矣。故尚書稱義和世掌天地之官,張衡賦曰「學乎舊史 晉書,存一代之事,司馬紹敕尚書唯給筆札而已。 不終業者有之,皆陵遲之世不能容善。 則 氏」,斯蓋世傳之義也。 唯 小 知耳。 載 事 者史遷、班固是也。故能聲流於無窮,義昭於來裔。是以金石可滅而流風 而 《籍乎?諺曰「相門有相,將門有將」,斯不唯其性,蓋言習之所得也。 臣 有 .竊謂史官之達者,大則與日月齊明,小則與四時並茂。 其大者孔子、左丘是也, 功立,彪固 所 佐郎王隱,爲著作虞預所毀,亡官在家,晝則樵薪供爨,夜則 以言及此者,史職不修,事多淪曠,天人之際,不可須臾闕載 世事而 若夫良冶之子善知爲裘,良弓之子善知爲箕,**物**豈有定,習貫 名成,此乃前鑒之軌轍,口於後鏡之蓍龜也。 是以平子去史而成賦,伯階違閣 國之大籍,成於私家,末世之弊,乃 觀 然前 也。 而就 文屬綴,集成 竊謂天文之 不泯者,其 是以 代 志。 史官之 近僭 談 遷

世

至如此,史官之不遇,時也。

時司空、北海王詳,尚書令王肅以其無禄,頗相賑餉,遂在祕書省同王隱故事,白衣修史。 業,雅頌垂薦,起於德美,雖時有文質,史有備略,然歷世相仍,不改此度也。 舉,注述是同,皆登年不永,弗終茂績。 則 綜理國籍,以終前志,官給事力,以充所須。 近則準晉史之紹統,推名求義,欲罷不能,荷恩佩澤, 知之者不得爲」,臣誠不知,强欲爲之耳。 臣雖今非所司,然昔忝斯任,故不以草茅自疏,敢言及於此。 是以久而受譏。 其子遷曰:「當世有美而不書,汝之罪也。」是以久而見美。 也。而故著作漁陽傅毗、北平陽尼、河間邢産、廣平宋弁、 官非所司。 期月可就,遠也三年有成,正本蘊之麟閣,副貳藏之名山 今大魏之史,職則身貴,禄則親榮,優哉游哉,式穀爾休矣,而典謨弗恢者,其有以 唯崔光一人,雖不移任,然侍官兩兼,故載述致闕。 取之深衷,史談之志賢亮遠矣。 前著作程靈虬同時應舉,共掌此務,今從他職, 竊尋先朝賜臣名彪者, 雖不能光啓大録,庶不爲飽食終日耳。 書稱「無曠庶官」,詩有 死而後已。 昌黎韓顯宗等, 孔明在蜀, 語日 臣聞載籍之興,由於大 今求都下乞一 遠則擬漢史之叔皮, 患爲之者不必知, 不以史官留意, 「職思其憂」, 並以文才見 昔史談誡 静處, 近

列傳第五十 李彪

世宗親政,崔光表曰:「伏見前御史中尉臣李彪,夙懷美意,創刊魏典,

臣昔爲彪所致。

内 旣 收起,還綜厥 與 先 思,研積歲月,紀册 之 **、帝厚委,宿歷高班,纖負微愆,應從滌洗。** 同 業積 年 事。 一,其志 老而 力貞强,考述無倦,督勸羣僚,注綴略舉。 必就。 彌厲,史才日新,若克復舊 鴻聲巨迹,蔚乎有章,盛軌懋詠,鑠焉無泯矣。」 愚謂· 職,專功不 宜申以常伯,正綰著作,停其 殆, 雖 必能 頃 來 契闊 昭 明 春秋,闡 多所 世 宗 外役,展 廢離,近蒙 不 成 、皇籍。 其

|明二年秋,卒於洛陽,年五 韶 彪 兼 通直散騎常侍,行汾州事,非彪好也,固請不行,有司切遣之。 一十八。 會遘 疾累旬,

景

彪 喻 五. 十匹 之功。 汾州 始 叛胡 彪 贈鎭 述春秋 爲 一,得其 (中尉,號爲嚴酷,以姦款難得,乃爲木手擊其脇腋,氣絕而復屬者時有焉。 遠將 三傳,合成十卷。 、兇渠, 軍、汾州 。皆鞭 刺 史,諡 面 「殺之。 日 其所著詩頌賦 剛憲。 及彪之病也、體 彪在 誄章奏雜 祕 書歲餘,史業竟未及就,然 上往往瘡潰,痛毒 筆百餘篇 別 備 有 集。 極。 品 詔 分書體 賜 帛 叉慰 自

穆 色, 求 彪 官 及 亦 時 知 彪 爲 祚 論 之, 雖 羅州 以 仍 與宋弁 不 此 以 以爲 譏 舊 ,彪詣澄爲志求其府僚,澄釋然爲啓,得列曹行參軍,時稱美之。 祚 第 結管鮑之交,弁爲 處之。 恨。 祚 及弁卒,彪痛之無已,爲之哀 毎 彪 旦 以 位 爾 與義 · 經常伯,又兼尙 大中正,與高 和 志交 造能 書,謂 祖 饒 私議,猶 **以誄,**備 爾 祚應 而 盡 怨 以 以 我 辛 貴 寒 乎。任 酸。 遊 地 拔 處之, 郭祚 之, 城 深 殊不 王澄 爲 用 吏 忿 與彪 部 欲 怨 彪 微 相 先 形 爲 優 亦 子志 不

嘗 任 通 自 軍 婕 習經 將 好 竊 撫 稱 鴻』於洛陽。」鴻遂 謂 導, 在 詠 軍 志 中 義,法 宮, 所 擢 字鴻道,博學有才幹。 由 親 散大 爲 是 常教 百.... 南荆 座 爲 高 講 夫、輔國將軍、永寧寺 帝 此當 州 說,諸僧 祖 妹 所責。 刺史,加征 書,誦授 與志交款往來。 興 我家、卿曹容得其力。」彪亡後、世宗聞其名、召爲婕妤、 歎重之。 及彪亡後, 經 房將同 年十餘歲,便能屬文。彪甚奇之,謂崔鴻曰:「子宜與鴻道爲 史。 軍 志所在著績。 典作 志後 彪有 婕妤果入掖庭, 建義 副 稍遷符 女,幼而聰令,彪每奇之,教之書學, 將。 初,叛入蕭衍 璽郎 始彪奇志及婕妤,特加 桓 叔 中、徐州 後宮咸師宗之。 興外叛,南荆荒毁,領軍元叉 平東府司 馬。 世宗崩,爲 器愛。公私 以 軍 讀 以 功累轉後 禮 此 坐集。必 誦 舉 丘尼, 經傳。 迎

肥 値 如 世 子。 祖 高 東討, 道 父玄起 悦, 字文欣,遼東新昌人也。曾祖策,馮跋散騎常侍、新昌侯。祖育,馮文通 率 其所 武邑太守,遂 部五 百餘家 居 歸 勃 命軍 海 蓨 門, 縣 世 祖 授 以建忠將軍 ·,齊郡、建德 二郡太守 建德令。 賜爵

文中散 不 惮 强 道 禦。 元志 悅 少 等 車 爲 駕 中 稽 書 南 違 征 學生、江巴侍御 期 , 會 徴 一奏舉 兵 秦雍 ·其 罪。 主 大 文 期秋 一中散。 又奏兼左僕射、吏部尚 季 閱集洛陽。 **外之**, 轉治 道悅 書侍御史,加諫 書、任城王 以使者治書御 澄 議 位 大夫,正 史 一群聰 總朝 右 色當官 侍 任 御 屬 Ì

嘉 詔 時道悅兄觀爲外兵郎中,而澄奏道悅有黨兄之負,高祖詔責,然以事經恩宥, 史中尉,留守洛京。 戎 其一至,謇諤之誠,何愧黯鮑也。 機,兵使會否,曾不檢奏;尚書左丞公孫良職維樞轄,蒙冒莫舉,請以見事免良等所 曰:「道悅資性忠篤,禀操貞亮,居法樹平肅之規,處諫著必犯之節, 其以爲主爵下大夫, 諫議如故。」 王公憚 車駕將幸鄴,又 其 逐寢 風 鯁 m 居官。 不 兼御 股實

乃愚智等慮,朝野俱惑,進退伏思,不見其可。又從駕羣僚,聽將妻累,舟檝之間,更無限 私 暫時遊嬉之用,損耗殊倍,終爲棄物。 作營構之材,部別科擬,素有定所。 博聽,義屬今辰。臣旣疏魯,濫蒙榮貫,司兼獻弼,職當然否,佩遇恩華,願陳聞見。 曰:「臣聞博納輿言,君上之崇務,規箴匡正,臣下之誠節。 女雜亂,內外不分。當今景御休明,惟新式度,裁禮調風,軌物寰宇,竊惟斯舉,或損洪猷。 回惶,僉深怪愕。 若欲委棹正流,深薄之危,古今共慎,若欲挽牽取進,授衣之月,裸形水陸,恐乖視人若 時宮極初基,廟 且鄴洛相望,陸路平直,時乘沃若,往來匪難,更乃捨周道之安,卽涉川之殆。此 庫 又欲御泛龍舟,經由石濟,其沿河挽道,久以荒蕪,舟檝之人。素不 未構,車駕將水路幸鄴,已詔都水回營構之材,以造 工治已訖,回付都水,用造舟艫。 且子來之誠,本期營起,今乃修繕 是以置鼓設謗, 爰自曩 闕永固居宇之功,作 舟檝,更爲非務,公) 舟 檝。 道悅 日, 竊以. 表 虚 便 都 諫

蠻民疏 深失溥天順則之望。又氐胡犯順,玉 之。江北不爾, 望,邊寇絕闚疆之心。 此 具乃心。 則 卿 之失辭矣。 戾,每造 但卿之立言半非矣,當須 則未相體耳。 不軌。 深薄之危,撫後之重,斯則卿之得言也。」於是,高祖遂從 臣禀性愚直,知而 闚 覦 回材都水,暫營嬉遊,終爲棄物,修繕非 間 隙 或或 陳非以示謬, 生慮 帛未恭,西戎內侵,介冑仍襲,南寇紛 無隱 外。 區 愚謂應妙選懿親 稱是以彰得, 晶 丹志,冒昧以聞。」 撫 然後明 務,舟 寧後 詔 所 事 檝 以 日 ·, 令 擾,對接近畿。〇〇 無鄣, 「省所 而 陸 姦 不 路。 用 回 土 有 息 工事 女雑 轉道悅 覬 由 覦 而 亂 深 爲 K

子。 於禁中殺之。 太和 叉詔 使者監 二十年秋,車駕幸中岳,詔太子恂入居金墉,而恂潛謀還代,忿道悅前後 高 一護喪事,葬于舊塋,諡 祖 甚加悲情,贈散騎常侍,帶營州 日貞侯。 世宗又追錄忠概,拜長子顯族 刺 史,行回 賜帛 Ŧ. 百匹,幷遣 給 王 事 人慰其 規 中 諫 遂

太子

中庶

子,正色立

|朝,儼然難犯,宮官上下咸畏憚之。

顯族,亦以忠厚見稱,卒於右軍將軍。

寶夤 顯族 四 征 弟敬猷,有 。 引 爲 驃 騎 司 風 馬。 度。 員外散騎 及寶夤謀逆,敬猷與行臺郎中封偉伯等潛圖 侍郎、 殿 中侍 御 史,進給事 中、輕車 義舉 將 軍、 工,謀泄 奉 車 見殺。贈 都 尉 蕭

冠軍將軍、滄州刺史,聽一子出身。

列

道悅長兄嵩,字崐崙。 魏郡太守。

子良賢,長水校尉

良賢弟侯,險薄爲劫盜,冀部患之。

空長史。 **嵩弟雙,淸河太守。濁貨將刑,在市遇赦免。** 未幾,遷太尉長史,俄出爲征虜將軍、凉州刺史。 時北海王詳爲錄尚書,雙多納金寶,除司 專肆貪暴,以罪免。後貨高肇,復

起爲幽州刺史。 又以貪穢被劾,罪未判,遇赦復任。 未幾而卒。

子景翻,幽州司馬。

雙弟觀,尚書左外兵郎中、城陽王鸞司馬。 南征赭陽、四步先驅而歿。贈通直散騎侍郎、

諡 日閔。

豈彪之謂也? 筆立言,足爲 史臣曰一李彪生自微族,才志確然,業藝夙成,見擢太和之世,賴軒驟指,聲駭江南,秉 良史。 高道悅匡直之風,見憚於世,醜正貽禍,有可悲乎 逮於直繩在手,厲氣明目,持堅無術,末路蹉跑。 İ 行百里者华於九十,

校勘記

平原王叡年將弱冠 北史卷四〇李彪傳「叡」上有「陸」字。按異姓王公例當書姓,這裏當脫

陸一字。

猶自闕如 諸本「闕」字旁注,無「如」字。無所卷五二九宋本作「闕如」,則本卷五二九六三三三

頁「闕」字亦旁注,「如」作「始」。今據册府宋本補正。

ハ 三 し 未識儉素之易長 諸本「未」作「夫」、册府同上卷頁作「未」。按作「夫」與上下文不貫、今據改。

時儉則加私之二 卷一一〇食貨志「二」作「一」,通典卷一二輕重引李彪語此句作「儉則減私

之十二糶之」。按常平本是封建國家欺騙人民的虛言,但表面上凶年算是減價出售,似作「減」

是。但「加私之二」也可作加於收進價之二解。故下云「歲凶則直給」,今不改。

〔至〕取州郡戶十分之一以爲屯民 諸本及北史卷四○「民」作「人」,按食貨志載李彪語作「屯民」。

北史避唐諱「民」例改「人」、這裏本當同食貨志、亦唐人諱改、今改正。

小大二情 册府卷五二九六三三四頁「二」作「以」。 按此用左傳莊十年曹劌論戰中「小大之獄,

雖不能察,必以情」語。「二」字當是「以」之訛。

伏見朝臣丁父憂者 聽 終服」。 這裏也不可能專指「丁父憂」。「父」當是「大」之訛。 北史卷四〇「父」作「大」。按下文,李彪主張「如有遭大父母、父母喪者皆

果如 册府卷六五八七八七六頁「如」下有「言」字了「今日」屬下讀了當是。

列

傅

H.

校

勘

記

- ハ た リ 坐輿禁省 諸本及北史卷四○「輿」作「與」。 通鑑卷一四一四四三三頁作「輿」,胡注:「言坐輿而
- 安己凌上 諸本脫「己凌上」三字,不可通,今據冊府卷五一九六二〇三頁補。

入禁省也。」按作「與」無義,今據改。

自瑞官文而卑高陳 册府卷五五八六七〇六頁「文」作「立」。 按作「文」不可解,疑當作「立」。 但

「瑞官」不

知所出,故不改。

- 降及華馬陳干 這裏是指 華嶠、司馬彪、陳壽、干寶四人、「千」「于」皆「干」之訛,今據改。 百衲本、南本「干」作「干」,他本作「于」。 册府卷五五八六七〇七頁作「干」。 按
- 恰正四 四敷贊 (弗遠 人,也可能「四」下有脫文,今於「四」字下句 册府同上卷頁「四」作「而」。 按作「四」不可通,疑當作「而」。 斷 但上舉華、馬、陳、干,
- 善者或謬 册府同上卷頁「者」作「音」。 按上云:「絃柱旣易」,疑作「音」是。
- 人。 記日善流 按「善歌者」句見禮記學記,上句不知所出,觀文義疑北史、册府是。 者欲以繼其行善歌者欲人繼其聲 北史卷四〇、 册府同上卷頁「流」作「迹」,「以」作
- 此乃前 道 争」不 鑒 可 之軌轍 解。 今據 諸本「此」字作「道爭」二字、北史卷四○、册府卷五五八六七○八頁作「此」。 改 按
- 道悅少爲中書學生 諸本「生」作「士」、北史卷四〇高道悅傳作「生」。 按「中書學生」屢見諸傳,

又氐胡犯順玉帛未恭西戎內侵介胄仍襲南寇紛擾對接近畿 道偏戎旗冑仍襲南寇對接近畿」,訛脫不可讀,今據册府卷五四一六四八六頁補 諸本這幾句作「氐胡犯順未恭西 Ę

然後明所以而不用有由而爲之 按此句晦澀,當有訛脫。

南征赭陽 帶營州刺史 諸本「南」作「西」,北史卷四○作「南」。按赭陽今河南方城縣,當時是北魏南邊,不 諸本「營」訛「管」、無此州、今據北史卷四○改。

得云「西」、今據改。

魏書卷六十三

列傳第五十一

王肅 宋弁

也。 辯,涉獵經史,頗有大志。仕蕭賾,歷著作郎、太子舍人、司徒主簿、祕書丞。肅自謂禮、易 親 爲長,亦未能通其大義也。父與及兄弟並爲蕭賾所殺,肅自建業來奔,是歲,太和十七年也。 臣之際猶玄德之遇 貴舊臣莫能間也。或屏左右相對談說,至夜分不罷。潚亦盡忠輸誠,無所隱避,自謂君 及爲國之道,肅陳說治亂,音韻雅暢,深會帝旨。高祖嗟納之,促席移景,不覺坐之疲淹 因言蕭氏危滅之兆,可乘之機,勸高祖大舉。於是圖南之規轉銳,器重禮遇日有加焉, 高祖幸鄴,聞肅至,虛襟待之,引見問故。庸辭義敏切,辯而有禮,高祖甚哀惻之。遂 王肅,字恭懿,琅邪臨沂人,司馬衍丞相導之後也。父與,蕭賾尚書左僕射。肅少而聰 孔明也。 **尋除輔國將軍、大將軍長史,賜爵開陽伯,肅固辭伯爵,許之。**

列傳第五十

王艏

軍 接,治有聲稱。 匹, 品 E 除持 肅 詔 聽 至 庸 節、都督豫康豫東郢三州諸軍事、〔1〕本將軍、豫州刺史、揚州大中正。 先 一義陽,頻破賊軍,降者萬餘。 討 擬 蕭鸞義陽。 **|用,然後表聞;若投化之人,聽五品已下先卽** 聽招募壯勇以爲爪牙,其募士有功,賞加常募一等,其從肅行者。六 高祖遣散騎侍郎勞之,以功進號平南將軍,賜駿馬 優授。 於是假肅節,行 庸善於撫 平南將

之高 今之所一,其雖欲 不 求 席 皮 相待 魏縣,躬操忘禮之本,而同無數之喪,誓雪怨耻,方展申復,窮諭再期,蔬縕 者企而行之。曾參居罰,寧其哀終,吳員處酷,豈聞四載。 風,末代之孝節也。 尋徵潚入朝,高祖手詔曰:「不見君子,中心如醉,一日三歲,我勞如何。 了,卿欲以何日發|汝墳也。故復此敕。」又詔曰:「肅丁荼虣世,志等<u>伍胥,自拔吳州,膺</u> 過禮,朕得不制之以禮乎?有司 但聖人制禮,必均愚智, 先王作則, 理齊盈虛。 可依 禮諭之,爲裁練禪之制 夫三年者。天下之達喪,古 過之者俯 ·不改,誠季世 飾館華林,拂 m

年,以禦九年之變。 問曰:「朕 不 敢 年七月,高祖 自 寧。 知 卿等至,不獲相 臣 臣又聞至於八月不雨,然後君不舉膳。 聞 以 堯 水湯旱,自然之數,須 見,卿何爲而 來』庸 聖 人以濟世, 詣闕,引在 對日,「伏承陛 昨四郊之外已蒙滂澍, 不由 中書省。 聖 下輟膳已 以致災。 高祖 經三旦,羣臣 在崇虛樓。遣 是以 唯京城 國 儲 九

克躬 也, 此 人 無 不 自 昔堯水湯 當遺 無威, 知 食 答曰:「昨 內微爲 朕之無處,安用朕身以擾民庶! 朕志 一、 自咎。 五. 人往行,若果一 穀,臣常謂矯。 下 朕 少澤。 無威。 學,賴 誠 但此 內外貴賤咸云四郊有雨,朕恐此輩皆勉勸之辭,三覆之愼, 心未至之所致也。」肅曰:「臣聞聖人與凡同者五 聖人 月十日已來,炎熱焦酷,人物同 蒸民未闕一餐, 昨之前,外有滂澤,此有密雲,臣卽謂天 雨也, 以濟民,朕雖居羣黎之上,道謝前王, 今見陛下,始知 便命大官欣然進膳。 陛下輟膳三日,臣庶惶惶, 八其驗。 且陛 .悴,而連雲數日,高風 豈可 下自 以近郊之內 一輟膳以來,若天全無應,臣亦謂上天 今日之旱,無以救恤 有知,陛下 無復情地。」 常, 異者 而慷慨要天乎? 蕭條,雖不 1神明。 有感矣。」高 高祖遣舍人答曰 必欲使信 昔姑 ",應待 食數朝, 而 射之神, 配遣舍 若其無 有徵 立 一秋, 猶 0

奥也。司 黄瑶起, 酷 年 歸 開 旣 一般,然 然 國 以 平 子 破 漢 馬 乃 流灣 ,食邑三百戶,持節、中正、刺 陽,韶 黄 未 知 瑶 是 能 將 卿 翦 起 裴叔業 庸曰:「夫知己貴義,君臣務恩 攻奥 怨 讎 也。 人,馘 殺之,故詔云然 功,進號鎭南將軍,加都 尋當 彼 相 凶帥 付 ,微望紓泄,使吾見卿之日, 何 史如 嘗 不興 故。 (言憤) 潚 督豫、南兗、東荆、東豫四州諸 不能矜災 頻 歎,羨吳閭 表 固讓,不許 如禍. तिव 差得緩懷。」 恩義焉 長 認認 息。 加 措? 鼓 此 一初 吹一 獲 卿 蕭 軍事,封汝陽 情同 部。 鷥 |賾 之收肅父 輔 伍 國 員,懷 將 軍

確

然,死

而後已。」是夜澍

雨

大

降

還 當 敗。 卿 敗 中 Ē 之 作 於 取 過也 刺刺 義 必 前 潚 高 陽,宜下則 事 克之舉,不可 表 祖 史 」。」庸 之伐 求 往 如 更 故 勢難 淮北 ?遣軍援 乃解義陽之圍,以赴渦陽,叔業乃引 下,鎭 故 令肅 為狐 也。 渦陽。 軍 疑之師,徒失南兗 朕若分兵, 討 淮 義陽,未克,而蕭鸞遣將裴叔業寇渦陽。 北。 詔日 深量二途, 遣之非多, 得表,覽之憮 也。 勿致重爽。 會無所制, 卿 然, 師而退。 便息意 觀卿 若孟 停彼,以圖 多遣 意 肅坐 非 表 專在 則禁旅難闕。 糧盡,軍不及至,致 劉藻等敗,黜爲 水, 義陽之寇。 劉 一藻等救之,爲叔業所 當是 以藻等銳 今日 平南 宜 之計。 失 止 渦 將 則 兵新 軍, 陽, 止 唯

彭 之, 其 廷 參 自 城 百 以 同 上下 僚 公主 高 謀 王 恒 肅 曠 謨 祖 降 稱 察 也, 加 崩 爲 而 我 自 四 避之。 遺 和 賜錢二十 魯 上 輯。 稔 詔 尚 陽 于 以肅爲尚書令,與咸陽王禧等同爲宰輔,徵肅會駕 至於 可, 兹, 尋 唯 從 任 爲 萬、 請 京洛,行途 澄 城 叔 依舊式考檢 帛 王 所 廣 奏劾 陽, 三千 澄 以 宗室 以其起 稱 喪紀,委肅參量,憂勤 匹。 能 潚 拿宿,(三) 潚 自羇遠, 否。」 謀 奏 叛 從之。 言 考以 歷任 尋 日 顯 申 一般,一般 內外, 在己之上, 釋 經 一綜,有 韶 由 云何 庸 績 尙 以爲 著, 過 陳 朝 舊 魯陽。 留 昇 令肅 戚。 慽 長 明 焉 公主, 退闇 禧 兄 居 潚 其 毎 至, 弟 本 右 謂 於 盈 也 並 遂 人 是乎在 與 昶 日 敬 子婦 脯 禧 而 朝 等 聞 昵

裴 叔 業 以壽春內附,拜肅使持節 都督江 西諸 軍事、車騎將軍,與驃騎大將軍、 彭城王

等 開 廓 將 恕 叉 問 或 定 率 圖 斬 侯 之 壽 步 期 騎 江 春 食邑 數 + 左 勢 萬 懿 有 將 遣 何 以 百戶 不 進 赴 息 將 久。 討 芝。 耗 胡 合 餘 松 以 肥, 如 庸 蕭 庸 李 故。 寶 曰 淮 居 生 卷豫州 擒 南 士 如 尋 累 等 叔 聞 以 捷 獻 領 潚 催 刺 衆 爲 賞 慧 史蕭 蕭 萬 景 散 帛 懿 餘 騎 棄 懿率衆三萬 匹 E 屯 常 千 死 小 據 侍、 1 峴 死 寶 南 百 都 虎 卷 走。 五 督 屯於 + 所 准 庸 仗 匹, 潚 南 進 小峴, 還 非 諸 進 師 京 討 位 軍 邪 師 事 交州 開 刨 擊 , 揚 府 佞 世 宗 刺 儀 州 破 史李 翩 同 天 刺 Ż, 三司 殆 東 史、 堂 以 叔. 擒 持 引 獻 此 封 共 飾 資 見 屯 昌 將 7一旁之, 合肥 唑 橋 餘 或 下 官 縣 迅 9

如

故

|陵, 言。 所 靜 侍 百 色 郎 匹 旣 卑 誠 賈 景 庸 有 蠟 高 亦 思 明 頻 宿 有 廉 伯 在 域, 百 約 Ú 代 年 邊 兼 斤 之 官 薨 勝 通 家 恋 九 幷 遂 達 直 於 無 心 原 先 散 所 問 壽 餘 撫 也 志 居 騎 其 春 財 接 常侍 1 存 年三十八。 故 遷遠 其 然 遠 亡崇 揚 令 撫慰 性 近 州 近 葬 微 歸 顯 刺 於 厥 懷, 輕 專 冲 史 孤 佻 遺 故 世 庸 附 預 杜 給 宗 侍 頗 誠 者 砜 預 御 東 爲 以 岩 義 墳 之 史 藁 舉 功 市, 結 之 歿 哀 名 秘 ----於 間 器 自 以 人 窓於 詔 監 誠 許 世 使 朝 日 綏納, 護 , 首陽 之神 服. 護 英 喪 庸 疵 惠 事 襲、錢 遊 奄 稱 咸 符 務 司 相 至 伐 得 空 於 得 不 令優厚 其 李 三十 李 小 救 也 Į, 杜 沖 所 萬、 痛 推 <u>′</u>°° 贈 平 覆 淸 **F** 惋 侍 舟 又 牛 帛 身 高 兼 中 是 詔 本 好 懷 旭 日 干 意 施 司 गि 毎 空公。 匹 願 死 遺 顧 簡 以 終 膽 生 布 中 此 絕 京 本 斯 爲 動 \mathcal{H} 書

列

傳

如故。 有司奏以庸忠心大度,宜諡匡公,詔諡宣簡。 肅宗初,詔爲肅建碑銘。 子紹襲

紹,字三歸。 歷官太子洗馬、員外常侍、中書侍郎。 卒,贈輔國將軍、徐州刺史。

子遷,襲。武定中,通直常侍。齊受禪,爵隨例降。

|紹弟||理,||孝靜初,始得還朝。||武定末,著作佐郎。

紹, 肅前妻謝生也,肅臨薨,謝始攜二女及紹至壽春。 世宗納其女爲夫人,肅宗又納紹

女爲嬪。

|肅弟秉,字文政。 涉獵書史,微有兄風。|世宗初,攜兄子誦、翊、|衍等入國,拜中書郎,

遷 司徒諮議,出爲輔國將軍、幽州刺史。卒,贈征虜將軍、徐州刺史。

害,年三十七。〔三〕贈驃騎大將軍、尚書左僕射、司空公、徐州刺史,諡曰文宣。 也,於時 爲 轉 左將軍 司 徒屬、司空諮議、通直常侍、汝南王友。遷司徒諮議,加前軍、散騎常侍、光祿 誦,字國章,肅長兄融之子。 大赦,誦宣讀詔書,音制 ·、幽州刺史。未幾,徵爲長兼祕書監,徙給事黃門侍郎。庸宗崩,靈太后之立幼主 抑揚,風神疎秀, 學涉有文才,神氣淸儁,風流甚美。 百僚傾屬,莫不歎美。 自員外郎、司徒主 孝莊 初,於河陰遇 大夫。出

子孝康、武定中、尚書郎中。卒。

孝 康弟儁康,性清雅,頗有文才。 齊文襄王中外府祭酒。 卒,贈征虜將軍、太府少卿。

初 督 故 所 西兗州刺 光 ら轉侍: 擒 禄 人竺號,於西兗爲仲遠所害,其妻子飢寒,衍置之於家,累年贍恤,世 青徐克三州諸軍 大 誦 以其名望不害也,令其騎牛從軍,久乃見釋。 夫、廷尉、揚州 弟 中 史。 衍 ,將軍 ,字文舒。 衍 一如故。 屆治未幾,屬介朱仲遠稱兵內向,州旣路衝,爲其攻逼。 事、驃騎大將軍、尚書令、司徒公、徐州刺史、諡曰文獻。 大中正、度支尚書, 名行器藝亞於誦。 天平三年卒,年五十二。敕給東園秘器、開物三百段,贈使持節 仍轉七兵, 徙太常卿。 自著作佐郎、稍遷尚書郎、員外常侍、司 還洛,除車騎將軍、左光祿大夫。 出爲散騎常侍、征 人稱 衍 |行篤 其 不 敦厚 能守,爲 於 東將軍 交舊,有 空諮議 仲遠 孝 都 靜

之稱。 郞 年三十七。 頗 翊 銳 字 入爲散騎 於 士遊,肅次兄琛子也。 、樂利 贈侍 常侍。 ,結婚於元叉,超拜 中、衞將軍 孝莊 · 司 初 空公、徐州 遷鎭 風 神 左將軍 南將軍 秀立。 刺 湾州 史。 、金紫光祿大夫,領國子祭酒。 好學有文才。 刺 史, 尋 加 歷司空主簿、 平東將 軍。 淸 清 靜 永安元年冬卒 河 愛民, 王 友 中書 有 政 治 侍

子 淵 武定中,儀同開府記 室參軍。

博 相 因 州 敷 士、員外散騎 刺 事 而 史, 死 ٠, 字 諡 義和 日惠。 常侍, • 廣 長子顯襲爵。 平列人人也。 使江南,賜爵列人子,還拜廣平太守。 | 併伯父|| 顯無子, (語] 養| 片為後。 祖悟,與從叔宣、博陵崔建俱知名。 興安五 年卒,回贈 弁父叔珍, 世 祖 時,歷位中書 李敷妹夫, 安遠將軍、

書丞 退而 弁 少官微,自 和 一,并自 獻 言曰:「此人一日千里, 王佐才也。」顯卒, 弁襲爵。 |弁 玉,楚王 才學儁 下而 中散彪請爲著作佐郎,尋除尚書殿 贍,少有美名。 不 對,聲姿清亮,進止 知寶之也。 高祖初, 可觀,高祖稱善者久之。 曾至京師, 中郎 見尙 中。 高 書李沖,因言論移日。 弁與李彪州里, 迭相祗好。 祖 因是大被知遇,賜名爲弁,意 曾因朝會之次,歷訪治道,弁年 沖竦然異之, 彪為秘 取

一蕭 怨 曾 氣 叛之民, 謇 氏父子 烈 江 遷 中 左 不 事 逮李彪,而體 書侍郎,兼 以 無 · 因問 臣 大 觀 功於天下 之,必不能 弁曰「卿 員外常侍,使於蕭賾。 韻 旣 和雅、舉止 比南 以逆取 胎厥孫謀, 保 行,入其隅隩,彼 ,不能順守。 閑邃過之。 有南 **賾司徒蕭子良、祕書丞王融等皆稱美之,以爲志** 海。 轉散騎 政道云 德 岩 政 物 不 侍郎,時散騎位在中書之右。 憚 何? 理,徭役滋劇,內 其 威 興亡之數可得 身免 為幸。」 無 股 知 肱 不 之助,外有 弁 對日 高 祖

後

車駕南征,以弁爲司徒司馬、曜武將軍、東道副將。

軍

人有盜馬靽者,斬而徇之,於

是三軍振懼,莫敢犯法。

高門大族意所不便者,弁因毁之,至於舊族淪滯,人非可忌者,又申達之。 弁又爲本州大中 左長史。時大選內外羣官,並定四海士族,弁專參銓量之任,事多稱旨。 黄門. 郎崔光薦弁自代,高祖不許,然亦賞光知人。未幾,以弁兼黃門,尋卽正, 然好言人之陰短, 兼司徒

正,姓族多所降抑,頗爲時人所怨。

侍,尋遷右衞將軍,領黃門。弁屢自陳讓,高祖曰:「吾爲相知者,卿亦不可有辭,豈得專守 其被知遇如此。 一官,不助股爲治。且常侍者黃門之粗冗,領軍者二衞之假攝,不足空存推讓,以棄大委。」 從駕南討、詔弁於豫州都督所部及東荆領葉、皆滅戍士營農、日本陸兼作。 遷散騎常

重。 名爲民, 弁大相嗟慨, 密圖申復。 及彪之抗沖,沖謂彪曰:「爾如狗耳,爲人所嗾。」及沖劾彪,不至大罪,弁之力也。 始、高祖北都之選也、李沖多所參預、頗抑宋氏。弁有恨於沖、而與李彪交結、雅相知 彪除

聖顔 引 見門下及宗室長幼諸人,入者未能知致悲泣,弁獨進及御床,歔欷流涕曰:「臣不謂陛下 段精乃爾 高 祖在汝南不豫,大漸,旬有餘日,不見侍臣,左右唯彭城王勰等數人而已。小瘳,乃 」由是益重之。 車駕征馬圈,留弁以本官兼祠部尚書,攝七兵事。 及行,執

列

傳

夜 其 以 在 手 弁 公,恩遇之甚,輩流莫及, 日 爲 國 之,與咸 之大事 陽王禧等六人輔 于,在 祀 與戎,故令卿綰攝二曹, 名重 政,而 朝 野, 弁已先卒,年四十八。 亞 於李沖。 可 不自勉。」弁頓首辭謝 高 祖 毎 稱 弁 詔賜錢十萬、布三百匹, 可 爲 吏 部 弁劬 尙 書。 勞王事 及崩 列夙 贈 遺

安

東

將

軍

瀛

州

刺

史,諡

日貞順

戸 弁 自 笑日 淸 , 殊 |弁 素 臣 性 爲 自立,要 好 可 殺伐 家 怪 未肯推 爾 自許 不 旅」高 推。」侍臣 膏 腴。 祖 高 出後,高 曰:「卿自漢魏以 祖 以郭祚晉魏名門,從容謂弁曰:「卿固 祖 調彭 城王 來,旣 想 河 河 沪 無高官, 人身良自 叉無儁 秀,何 不惡,乃復欲 應推郭祚之門也 得不 推 〕) 弁日 以 門戶

守, 逆立 紀 爲 宮西 行 益 逐 紀 懌。 參 州 長 與 為秦州 別 重 韻 子 維 館 懌 維 驤 爲 ",字伯 坐被 府 靈 計 禁 大羌令。 長 太 兵 錄 以 后 史,辭疾 緖 守 禁 富 臨 0 之。 政, 中。 貴 維 維及紀頗涉經史, 許 不行。 弟 委任 維 之。 文 紀,字仲烈。 應 殊 元 反 父 維 太尉、 坐, 叉, 子 見 叉寵 懼 叉言 而 淸 而 叉恃 勢 河 逃 維少襲父爵,自員外郎遷給 而 於 遁 日 王 浮薄 太后 寵 隆,便 懌 驕 輔 鞫 無行。 盈 政,以 無 欲 至乾 反 開 懌 狀。 將 沒 毎 懌親尊懿望, 維 來 以 名 以 功 告者之路 分 臣 文殊亡走, 告司 理 之子, 裁 染都 斷 事 朝野瞻屬 薦爲 中。 力 尉 叉 懸 黜 韓文殊 甚 通 坐 處 爲 忿 直 一諂 大 燕 恨 郎 事 辟。 維 州 父子 高肇,出 受懌眷 昌 辟 思 平 置 欲 其 以 弟 郡 懌 謀 害

靈太后反政,以叉黨除名,遂還鄉里。 肇每云:「伯緒兇疏,終敗宋氏,幸得殺身耳。」論者以爲有徵。 州刺史"紀超遷尚書郎。 世景以爲不爾,至是果然,聞者以爲知子莫若父。 徵維爲散騎侍郎,紀爲太學博士,領侍御史,甚昵之。 賞,而無狀構間,天下人士莫不怪忿而賤薄之。 初,弁謂族弟世景言:「維性疏險,而紀識慧不足,終必敗吾業也。」 尋追其前誣告淸河王事, 於鄴賜死。 及叉殺懌,專斷朝政,以維兄弟前 尚書令李崇、尚書左僕射郭祚、右僕射游 維超遷通直常侍,又除冠軍將軍、洛 後除營州刺史, 子春卿,早亡。 仍本將軍。 者告懌,

子欽道,武定末,冀州別駕。紀,肅宗末,爲北道行臺。卒於晉陽。欽仁,武定末,太尉祭酒。

弟紀以次子欽仁繼。

弁弟機,本州治中。

子寶積,卒於中散大夫。

爲冠 軍將軍 弁族弟穎,字文賢。 、涼州刺史。 自奉朝請稍遷尚書郎、魏郡太守。 |穎前妻鄧氏亡後十五年, | 穎夢見之,向| 穎拜曰:「新婦今被處分爲 納貨劉騰,騰言之於元叉,以穎

列傳

第五

高崇妻,故來辭君。」泫然流涕。 題旦而見崇言之,崇後數日而卒。

颖族弟燮,字崇和。 廣平王懷郎中令、員外常侍。 爲征北李平司馬,北殄元愉,頗有贊

之功。

人哀兵之苦,笑鴻貴之愚。 又疏凡不達律令,見律有梟首之罪,乃生斷兵手,以水澆之,然後斬決。 變族弟鴻貴,爲定州平北府參軍,送兵於荆州。 坐取兵絹四百匹,兵欲告之,乃斬十 尋坐伏法。

時

自致, 參顧 命, 史臣曰:古人有云,才未半古,功以過之,非徒語也。 抑亦逢時,榮任 拔萃 出類,其有以哉。 一赫然, 寄同 無子之歎,豈徒羊舌,宗祀之不亡,幸矣。 舊列,美矣。 誦 郊繼軌,不殞光風。 王肅流寓之人,見知一面,雖器業 宋弁以才 度 見知 迹

校勘記

除持 册府「東郢」無「東」字,檢一〇六中地形志中北揚州汝陰郡條稱「太和十八年爲東郢州, 節都督 豫東豫 東郢三州諸軍事 諸本「東豫」二字缺,今據册府卷三八一四五三三頁 補。 後罷 又

ヘニン 廣陵。 元澄說王肅不應位居嘉之上,嘉爲拓跋燾孫, 從叔廣陽宗室尊宿 據卷七下高祖紀下太和二十三年二月稱以王肅爲尚書令, 諸本及北史卷四二王肅傳「陽」作「陵」。 澄爲燾曾孫 故稱嘉爲「從叔」。「廣陵」顯爲「廣 按當時無所謂「宗室尊宿」封於 廣陽王嘉爲尚書左僕射。 故

四 祖王奐被殺事。 年三十七 ·年、魏太和六年四八二,至魏建義元年五二八,正得四十七歲。 墓誌集釋王誦墓誌圖版二六五稱誦死年「册七」。 與死在齊永明十一年, 即魏太和十七年四九三,這年十二歲, }誌 云 這裏「三」乃「四」之訛。 「年甫十二,備遭茶蓼」,指其 上推生於齊建元

陽」之訛,今改正。

- 29 興安五年卒 張森楷云:「興安只二年,『五』當是『二』之訛。」
- ŦŦ. 云 長子顯襲爵弁伯父世顯無子 |顯卒,弁襲 一一一 北史卷二六亦無『顯』字、疑『世』字不當有。」 張森楷云:「弁伯父即愔長子,而上云『顯』,下云『世顯』。 按「弁伯父」三字也是赘文, 據下

疑是後人旁注羼入。

ベン 詔弁於豫州都督所部及東荆領葉皆滅戍士營農 領葉」不可解、「領」或是「潁」之訛、然鄰太遠、也可疑。 册府卷五○三六○三五頁「領葉」作「潁鄴」。按

列

魏書卷六十四

列傳第五十二

郭祚 張彝

崔浩,一女妻浩弟上黨太守恬。世祖時,浩親寵用事,拜逸徐州刺史,假楡次侯,終贈光祿 後當富貴。。祚涉歷經史,習崔浩之書,尺牘文章見稱於世。弱冠,州主簿,刺史孫小委之書 大夫。父洪之,坐浩事誅,祚亡竄得免。少而孤貧,姿貌不偉,鄕人莫之識也。 郭祚,字季祐,太原晉陽人,魏車騎郭淮弟亮後也。 祖逸,州別駕,前後以二女妻司徒 有女巫相祚

鄎。 經渭橋,過郭淮廟,問祚曰:「是卿祖宗所承也。」」祚曰:「是臣七世伯祖。」高祖曰:「先賢後 |祚淸勤在公,夙夜匪懈,高祖甚知賞之。從|高祖南征,及還,正黃門。 高祖初,舉秀才,對策上第,拜中書博士,轉中書侍郎,遷尚書左丞,長兼給事黃門侍 車駕幸長安,行

記。

又太原王希者,逸妻之姪,共相賙恤,得以饒振。

列傳

園 甚。 哲, 兩 參謀幃幄,隨其才用,各有委寄。 高 爲 因 人,當 高高 祖 襲 觀 頓在一 故景陽 之於後。]。祚曰:「高山仰止。」高祖 因 銳意典禮,兼銓鏡九流,又遷都草創,征討不息,內外規略, 祖 敕 勘誰 舉觴 以太牢祭淮廟, 門。」祚對曰:「昔臣先人以通儒英博,唯事魏文, 山,祚曰:「山 也。」其一 賜祚及崔光曰:「郭祚憂勞庶事,獨不欺我,崔光溫良博物,朝之儒秀。 (見知若 以仁靜,水以智流,願陛下修之。」高祖 令祚自撰祭文。 此。 祚承禀注疏,特成勤劇。 日:「得非景行之謂。」遷散騎常侍, 以贊遷洛之規, 嘗以立馮昭儀,百官夕飲淸徽 賜爵東光子。 微臣虛薄, 曰:「魏明 號爲多事。 遭奉 以奢 高祖 仍領黃門。 |祚 明聖, 會幸 失於前 與黃門宋弁 華林園 自惟 不勸此), 股 是時 後 何

部尚書,尋除長兼吏部尚書、幷州大中正 不換彪官也。 惡,臣欲之已久,不敢辭讓。」高祖歎謂 異。」高 下 聖鏡 初,高祖 祖 照臨 沉吟曰:「此自 **,論才授職,進退可否,黜陟幽明,品物旣彰,人倫有序,豈容聖詔一行** 以李彪爲散騎常侍,祚因入見,高祖謂祚曰:「朕昨誤授一人官。」 乘輿南討, 祚以兼侍中從, 拜尚書, 進爵爲伯。 應有讓,因讓,朕欲別授一官。」須臾,彪有啓云:「伯石辭卿, 祚 曰「卿之忠諫,李彪 高祖崩,咸陽王禧等奏祚兼吏 正辭,使朕遲回不能復 祚對曰:「陛 決。」 子產所 而 有差 遂

世宗詔以姦吏逃刑,懸配遠戍,若永避不出,兄弟代之。 祚奏曰:「慎獄審刑, 道煥先

皆所以謀其始迹,訪厥成罪,敦風厲俗,永資世範者也。 不免,姦途自塞。」詔從之。 復應從之,此則一人之罪,禍傾二室。 姦不息,禁過不可永傳,將何以載之刑書,垂之百代。若以姦吏逃竄, 之路,爲治之要,實在於斯。 異,不容不述。 古,垂憲設禁,義纂惟今。 誠以敗法之原,起於姦吏,姦吏雖微,敗法實甚。 是以先王沿物之情,爲之軌法,故八刑備於昔典,姦律炳於來 然法貴止姦,不在 愚謂罪人旣逃,止徙妻子,走者之身,懸名永配,於眚 過酷,立制施禁,爲可傳之於後。 伏惟旨義博遠,理絕近情, 伏尋詔旨,信亦斷 徙其兄弟, 罪人妻子 若 法 其 既懷愚 猛 逋 逃 而

卽 云:「此人便以貴矣。」由是事頗稽滯,當時每招怨讟。 尋正 吏部。 祚持身潔清,重惜官位,至於銓授,假令得人,必徘徊久之,然後下筆,下筆 然所拔用者,皆量才稱職,時又以

此歸之。

敬之宜,言於世宗,帝納之,下詔:「御在太極,騶唱至止車門,御在朝堂,至司馬門。」騶唱不 今思之。入爲侍中、金紫光祿大夫、|幷州大中正,遷尚書右僕射。 |祚值歲不稔, '闔境飢弊,矜傷愛下,多所賑恤,雖斷決淹留,號爲煩緩,然士女懷其德澤,于 中、黃門參議刊正。 出為 使持節、鎮北將軍、瀛州刺史。及太極殿成、祚朝於京師、轉鎭東將軍、靑州刺 故事,令、僕、中丞騶唱而入宮門,至於馬道。〔1〕及祚爲僕射,以爲 時議定新令,詔祚與侍 非盡

者,號爲桃弓僕射、黃觚

少師

肅宗。 入宫,自此 時應詔左右趙桃弓與御史中尉王顯迭相脣齒,深爲世宗所信,祚私事之。 始 也。 韶祚本官領太子少師。 祚曾從世宗幸東宮, 肅宗幼弱, 祚 懷一 黄觚 時人謗祚 出奉

遷半階,殘年悉除。 體,自依 九等,前後不同,參差無準。」詔曰:「考在上中者, 文武閑官悉爲三等, 級者卽須量折。 可正滿三周 上下者,三年遷一階。 祚奏曰:「謹案前後考格雖班天下,如臣愚短,猶有未悟。今須定職人遷轉由狀,超越階 舊來恒斷。』今未審從舊來之旨,爲從景明之斷,爲從正始爲限? 爲限,不得計殘年之勤。 景明初考格,五年者得 考在上下者,得汎以前,六年以上遷半階,不滿者除。 考同任事,而前尚書盧昶奏上第之人三年轉半階。 散官從盧昶所奏。」 又去年中,以前二制不同,奏請裁決。 一階半。正始 得汎以前,有六年以上遷一階,三年以上 中,故尚書、中山王英奏考格,被旨 景明考法,東西省 今之考格,復 其得汎以後考在 旨云:『黜陟之 分 一: 但 爲

三年以來,至今十有一載,準限而判,三應昇退。今旣通考,未審爲十年之中通其殿最,積 非 下,累計八殿,品降至九。 超 倫;幹能 |祚又奏言:「考察令:公淸獨著,德績超倫,而無負殿者爲上上,一 粗 可,而守平堪任;或人用小劣,處官濟事, 幷全無負殿之徒 未審今諸曹府寺,凡考:在事公清,然才非獨著,績行 殿爲 爲 上中,二殿為 依 何第? .稱務, 景明 而 德

自依 累殿及守平得濟,皆含在其中,何容別疑也。 発。 備、寡咎,皆謂文武兼上上之極言耳。自此以降,猶有八等,隨才爲次,令文已具。 以爲第,隨前後年斷,各自除其善惡而爲昇降?且負注之章,數成殿爲差,此條以寡愆爲 杖十者爲一負。 最,多戾爲殿。 或爲御史所彈,案驗未周,遇赦復任者,未審記殿得除以不。」詔曰:「獨著、超倫及 一舊來年斷,何足復請。 未審取 罪依律次,過隨負記。 何行是寡愆。何坐爲多戾。結累品次,復有幾等。 其罰贖已決之殿,固非觅限,遇赦觅罪,惟記其殿,除之。」尋加 十年之中,三經肆眚,赦前之罪,不問輕重, 所云通考者,據總多年之言,至於黜陟之體, 諸文案失衷,應 其積負 皆蒙宥 才

命一重將,率統軍三十人,領羽林一萬五千人,幷科京東七州虎旅九萬,長驅電邁, 遗令撲 已兆。然古諺有之,『敵不可縱』。夫以一酌之水,或爲不測之淵,如不時滅,恐同原草。 歲云暨,東作將始,臣愚量謂宜待豐靖之年,因子來之力,可不時而就。」從之。世宗末年, 須 每引祚入東宮,密受賞賚,多至百餘萬,雜以錦繡。又特賜以劍杖,恩寵甚深,遷左僕射。 、防捍。 先是,蕭衍遣將康絢遏淮,將灌揚徐,祚表曰:「蕭衍狂悖,擅斷川瀆,役苦民勞,危亡 時詔營明堂國學,祚奏曰:「今雲羅西舉,開納岷蜀,戎旗東指,鎭靖淮荆,漢沔之間復 徵兵發衆,所在殷廣,邊郊多壘,烽驛未息,不可於師旅之際,興板築之功。 且獻 宜

散騎常侍。

列 傳第五十二 郭祚

當州 周王 討。 桑之時,非發衆之日,苟 之兵令赴浮山,表裏夾攻。」朝議從之。 興六月之伐。 擒斬 之勳 , 如 臣職忝 常制, 事 理宜 樞衡,獻納是主,心之所懷,寧敢自默 賊資雜物,悉入軍人。 一然,亦不得不爾。 昔幸顧: 如此, 跋扈, 則鯨鯢之首 殷后起昆吾之師 0 并宜敕揚州選 可 不 日而 玁 懸。 猛將,遣 狁 誠 孔 知農 熾,

忠聞而· 叉以 态,

崔光之徒, 西、雍州、雖喜於外撫, 非可避也,但當明白當官,何所 毎 法尤峻,貴臣蹉跌,便致誅夷。 以 東宮師傅之資,列辭尚書,志在封侯、儀同之位,尚書令、任城王澄爲 孤 出除使持節、散騎常侍、都督雍岐華三州諸軍事、征西將軍、雍州刺 大怒,矯韶 門往經崔氏之禍,常慮危亡,苦自陳挹,辭色懇然,發於誠至。沖謂之曰:「 曲躬承奉, 殺祚,時年六十七。 **尚以府號不優**, 祚 心 惡之, 顧畏。」自是積二十餘年, 李沖之用 乃遣子太尉從事中郎景尚說高陽王 心 事 望加大, 也,欽祚識幹,薦爲左 執政者頗怪之。 位秩隆重, 丞,又兼 於時, 而 進趨之心更復不 黄門。 史。 雍, 領軍于忠恃 之奏聞。 令出忠爲州 太和 人生 意 便滿 以 及 前, 有 爲征 寵 息。 運, 足, 朝

罪 見害,遠近莫不 祚達於政事 ,凡所 惋惜。 經 履、咸爲稱職,每有斷決,多爲 靈太后 臨朝,遺使弔慰,追復伯爵。 故事。 正光中,贈使持節、車騎將軍 名器旣 重,時望亦深, 朝非

儀同三司、雍州刺史, 諡文貞公。

眞 《偽今自未辨,我家何爲減之。然主上直信李沖吹嘘之說耳。」祚死後三歲而于忠死,咸以 初,高祖之置中正,從容謂祚曰「幷州 中正,卿家故應推王瓊也。」 祚退謂密友曰 1:「瓊

作爲祟。

祚長子思恭,弱冠,州辟爲主簿。 早卒。 思恭弟慶禮以第二子延伯繼

延伯,襲祖爵東光伯。 武定中,驃騎大將軍、將作大匠。齊受禪,爵例降。

員外郎、司徒主簿、太尉從事中郎。公强當世,善事權寵,世號之曰「郭尖」。肅宗時,遷輔國 思恭弟景尚,字思和。 涉歷書傳,曉星歷占候,言事頗驗。 初爲彭城王中軍府參軍,遷

將軍、中散大夫。轉中書侍郎,未拜而卒,年五十一。

子季方,武定中,膠州驃騎府長流參軍。

景尙弟慶禮,字叔,爲祚所愛。著作佐郎、通直郎。 卒,贈征虜將軍、瀛州刺史。

子元貞,武定末,定州驃騎府長史。

爵平陸侯,拜平遠將軍、青州刺史。 張彝,字慶賓,清河東武城人。 曾祖幸,慕容超東牟太守,後率戶歸國。 祖準之襲,又爲東靑州刺史。父靈眞,早卒。 世 祖嘉之, 賜

彝性公强,有風氣,歷覽經史。 高祖初,襲祖侯爵,與盧淵、李安民等結爲親友,往來朝

常侍 蜂居 昭 使弔 遷主 兼 切 顧 善於督 尚 爲 忌。 常 書那 兼 之。 客 兼 慰, 喪 相 「察,每 郎 過 令 文明太后雅 侍 詔 追隨 巒聞 中 禮 中 例 以 泛葬 黜爲守尚書。 ,持節巡察陝 東 驍騎將軍起之,還復本位。 降侯爲伯 處分非常, 西 淵 |馳使 自平城達家,千 爲主客令,安民與彝並爲散令。 尙恭謹, 因 有所巡檢,彝恒充 ,轉太中大 出京奔走,為御史中尉 東、河 世宗 會次見其如此,遂召集 南 初 夫, 里 了。 除正 士 一徒步 仍行主客曹事 州,甚有聲稱。 ′,不乘車 尙 其選,淸愼嚴 以參定遷都 書、兼侍中, 甄琛所彈 馬,顏貌 彝少而豪放,出 o 之勳 百僚督責 猛,所至 尋爲黃門。 尋 使還,以從 ٠, 進館 正 毁瘠,當世稱 云「非虎非兕, 侍 中。 之, 人皆畏伏,儔類亦 爲侯, 征 令其修 入殿庭,步 後 世宗 之勤 從駕南 轉太常少卿 之。 親 悔, 遷尙 政 率彼曠野」,詔 高 征 眄高上, 龍 旭 而 書 幸冀州 :六輔: 母 以 猶 憂 此高 無 遷散 坐舉 彝 解 悛 無所 改 之。 完 騎 與

彝 謫 所 衞 爲 與 制 方伯 立,宣 土木之功,無復鞭杖之罰。 郭 尋除 祚等俱以 威 安西將 布 儀,赫 新 風 勤舊 軍 然 ,革其舊 秦州 可 觀。 被 徵 刺 「俗,民· 羌夏 史。 及還 **漫伏** 庶愛 彝務 時陳留公主寡居,彝意願尚主,主亦許之。 州 憚 尚 進 仰 號 之。 其威整, 典式,考訪故事。 撫 軍 爲 將 或 軍 造 方肅 佛 ,彝表解 寺 靜, 名曰 及臨隴右,彌 號爲 州 興皇 任,韶不 良牧。 活諸 有 許。 加討習, 罪 其年冬,太極 答者 彝敷 僕射高肇亦望 隨 於是出 政 其 隴 初就, 輕 右 入直 重

年,因 貮 尙 得 主意不 偏 所 親愛, 風,手脚不便。 可。 必欲致彝深罪。 <u>隆怒,醫</u>蜂於世宗,稱<u>彝擅立</u> 然志性不移,善自將攝,稍能朝拜。 **蜂清身奉** 法, 刑法,勞役 求其愆過, 百姓。詔遣直後 遂 無所 久之, 除光祿大夫, 得。 見代還洛,猶 萬旗興 馳驛撿 加 停 魔數

紫綬。

專門,武闕方略,早荷先帝眷仗之恩,末蒙陛下不遺之施。曰 往之衢,孜孜於不逮之路,用能聲高百王,卓絕中古,經十氏而不渝,歷二千以孤鬱。 **祝史陳辭之日。** |夏殷,富仁盛於周漢,澤敎旣周,武功亦匝。 雜種之渠,衡南異服之帥,沙西氊頭之戎,漠北辮髮之虜, 聖臨朝,經營云始,未明求衣,日昃忘食,開翦荆棘,徙御 太祖撥亂,変代重光。 以 盡 聞 其廣。 規 元 政闕。 天 高朗,尙假 愛好知己,輕忽下流,非其意者,視之蔑爾。 先聖識其若此,必取 虞人獻箴規之旨,盤盂著舉動之銘,庶幾見善而 況臣家自奉國八十餘年,紆金鏘玉,及臣 列星以 世祖以不世之才,開盪函夏,顯祖以溫明之德, 助明" 物以自誠。 洞庭淵湛,猶藉衆流以 故堯稱則天,設謗木以曉未明;舜稱盡善,懸 **猶且發明詔**, 雖疹疾家庭,而志氣 增大。莫不以孤照不詣 神縣, 四世 重譯納貢,請吏稱藩。 思求 思齊,聞惡 侍則出入兩都,[B] 更新 直士,信是蒼生薦言之秋 過以 風軌 小才,藉蔭出仕,學慚 潤沃九區。三 以自 爾亮。 冠帶朝流 改。 其幽, 上表 官歷納言 眷眷於 積德懋於 高 獨深 曰:「 臣 伏 海 諫 祖 未 東 惟 悔 鼓

此 新 標 常 披 殷 愛 私 首 覽 紂 物 之 篡 睿 訪 伯 八 十九, 輩 之仁, 奪 昏 範 舊 冀或 忝 桓 酣 書 图 牧 牧野 至 釋網 起 竊 合 靈 秦 不 如 予 成 藩 畢 不 觀 太康 改祝 五. 左 載 綱 有 圖 號 史, 右 卷,名曰 倒戈之陳 魏武 好田, 兼 起元 之澤,前 其帝· 安撫。 上補 遷鼎 庖犧 遇窮后 {歷 皇 未 清厲 帝 萌。 晉惠 歌 興 實 ,終於晉末,凡 圖 後 思碎首膏原, 起之元,配 迫禍, 伏願 , 逐 舞之應,囹 闇 亦謗 影 弱, 滅 陛 武乙逸禽,罹 木、 下 骨肉 天 不 遠惟宗 諫鼓 十六代,百二十八 圄寂 隆家 旋踵; 仰 相 酬二 屠 之業 、虞 寥 廟 幽 震 之美,可 朝 終使 之憂 人、盤 王遇 之惠, 雷 修 暴酷 聰 造 惑 盂 近 爲 曜 益 之類 死 輕塵碎石 夏桀 存 帝 鴞 民 輝 黎民之念, 之奇 ,歷三千 視 亦 風 幷 淫 景 相 脱蒙 州 亂 尋 行者, 輒 龍鱗雲 南 遠 勒虎 置 ___ 曁 增嵩岱之高 取 御 百 於 巢 其 鳳 坐 七 狼 漢 謹 有 之瑞, 賢 之 年 據 成 非 編 君 側 燕 失 命 丹 雜 之誅, 棄 御,亡 趙 青 時 卑) 以 其 復 五. 如 宮 輒

亂 之 雖 惡 左 登皇, 主 道 周 姚 什 有 彝 夏 則微 隆 又 繼 輿 翦彼鯨鯢,龕靖神縣,數紀之間, 表 汚 起 人 臣 日 獻 雕 而 箴,流 沉 被 涼 竊 淪 繡 惟 競 地 傳 皇王 立, 於 下 檄 夏 ٠, 致使 典。 統 無 未 天, 異 始 九 不 乘雲登天矣。」世宗 必以 服 闕 然, 也。 搖 窮 搖 則 幽爲 及惠帝 美 天下 民 刺 無 美; 無 寧一, 定 失 以 盡 主, 御 得 善之。 理 傳輝 彰 禮 作 中 儀 夏 聖 善 七帝 下 亦假 典 崩 惡 制 離 有 , 積 廣 此 劉 時 聖 焉 苻 採 不 如 達。 堙 專 成 明。 據 神 滅 秦 逮 高 西 於 曁 故 祖 詢 大 兩 燕 遷 魏 漢 於 趙 鼎 芻 應 魏 獨 薨 成周 歷 制 撥 膠

養,復 改 顯。 凡 以 樞 機 牧 有七卷, 爲 深 秦 是務 而 得拜 蕃 才 憂者也。 輕任 今寫 掃 遠離 及輦駕之返,膳御未和 丘 重,多不遂心。 闕下 墳,明目 上呈,伏願 陛下 繼 垂 以譴疾 友 日月之明,行雲雨之施,察臣往罪之濫,矜臣貧病之切, 昭覽,敕 朋,無所 所採之詩,並始 相 纏, 一續以 負愧。 付 有司,使魏代所採之詩,不堙於丘井,臣 寧丁八歲。 大諱奄臻,四海崩慕,遂爾推 且臣 中目,而值鑾輿南討,問罪宛鄧,臣 一二年來,所患不 常恐所採之詩永淪 劇 尋省本書, 丘壑, 遷,不及聞 是臣 一之願 旣蒙崇以祿 粗 夙 . 復 徹 也 夜 忝 有髣髴 行軍, 所 未 懷, 幾,

級 引 事 叉 ·, 孜 齊 並 下 ·多之。 肅宗 同 爲 孜 行 舉 多 聖 無 ^一, 近 初,侍 晉 怠。 庭,帖穆選 大 之士丐,推 來參差,便成替後。 起第宅 公私 中崔 光表 法 殺。」 微號 集, 長伯 公曰:「彝 衣 詔 華侈 冠 游 加 從 征),頗侮其疏宗舊戚,不甚存紀, 及李韶,朝列 古 計 事 西 ,延請 人 將 其 所高 階 軍 、冀州 途, 道 當 俗 雖 之中 ,修營齋 大 時 應 中 見 遷陟, 唯此二人出身官次本在臣 許。 Ē 講 然恐 雖 敢 好 緣 年 善 向 班 斯 時有怨 六十, 欽 秩 義 賢 猶 乞降 未 愛獎 し憾焉。 加 賜 臣 之風 等。 人 位 物 右、器能 疾 榮宦之間 昔 衞 階 而 南 之公叔, 授 自 北 幹世, 彼 新 强 未 汎 舊

列

傳

能止足、屢表在秦州預有開援漢中之勳、希加賞報、積年不已、朝廷患之。

羽林等就加毆擊,生投之於烟火之中。及得尸骸,不復可識,唯以髻中小釵爲驗。 唱呼嗸嗸,焚其屋宇。 懼,莫敢討抑。 **賁幾將千人,相率至尚書省詬駡,求其長子尚書郎始均,不獲,以瓦石擊打公門。** 路,立榜大巷,剋期會集,屠害其家。彝殊無畏避之意,父子安然。 第二子仲瑀上封事,求銓別選格,排抑武人,不使預在清品。 彝僅有餘命,沙門寺與其比隣,與致於寺。遠近聞見,莫不惋駭。 遂便持火, 虜掠道中薪蒿, 以杖石爲兵器, 直造其第, 曳彝堂下, 捶辱極意, 始均、仲瑀當時踰北垣而走。始均回救其父,拜伏羣小,以請父命。 神龜二年二月,羽林虎 由是衆口喧喧, 謗讟盈 仲瑀傷 上下畏

終,臣之命也,知復何言。若所上之書,少爲益國,臣便是生以理全,死與義合,不負二帝於 地下,臣無餘恨矣。 之秋,忽見此苦,顧瞻災酷,古今無比。 仲瑀等叩請流血,乞代臣死,始均卽陷塗炭,仲瑀經宿方蘇。臣年已六十,宿被樂遇,垂暮 聽,豈圖衆忿,乃至於此。臣不能禍防未萌,慮絕殃兆,致令軍衆橫囂,攻焚臣宅。息始均、 終然靡効。臣第二息仲瑀所上之事,益治實多,旣曰有益,寧容默爾。通呈有日,未簡神 彝臨終,口占左右上啓曰:「臣自奉國及孫六世,尸祿素餐,負恩唯硯,徒思竭智盡誠, 一歸泉壤,長離紫庭,戀仰天顏,誠痛無已。不勝眷眷,力喘奉辭,伏願 臣傷至重,殘氣假延,望景顧時,推漏就盡,頃刻待

大臣,特垂矜惻,數月猶追言泣下,謂諸侍臣曰三吾爲張彝飲食不御,乃至首髮微有虧落。 仲瑀遂以創重避居滎陽,至五月,創得漸瘳,始奔父喪,詔賜布帛千匹。 羣豎,卽爲大赦以安衆心,有識者知國紀之將墜矣。 極,亡魂有知,不忘結草。」彝遂卒,時年五十九。 聖加御珍膳,覆露黔首,壽保南嶽,德與日昇。 官爲收掩羽林凶强者八人斬之,不能窮誅 臣夙被芻豢,先後銜恩,欲報之期,昊天罔 喪還所焚宅,與始均東西分斂於小屋 靈太后以其累朝

悲痛之苦,以至於此。」

冀州刺史、諡文侯。 乞冀州,吾欲用之,有人違我此意。若從其請,或不至是,悔之無及。」乃贈使持節、衞將軍、 以卿爲刺史,酬先世誠效。」彝追高祖往旨,累乞本州,朝議未許。彝亡後,靈太后云:「彝屢 有 數萬戶,故高祖比校天下民戶,最爲大州。。彝爲黃門,每侍坐以爲言,高祖謂之曰:「終當 初,彝會祖幸,所招引河東民爲州裁千餘家,後相依合,至於罷入冀州,積三十年,析別

年之體,廣益異聞,爲三十卷。又著冠帶錄及諸賦數十篇,今並亡失。初,大乘賊起於冀瀛 疹廢,特除始均長兼左民郎中。遷員外常侍,仍領郎。始均才幹,有美於父,改陳壽魏志爲編 之間,遣都督元遙討平之,多所殺戮,積尸數萬。始均以郎中爲行臺,忿軍士重以首級爲功, 始均,字子衡,端潔好學,有文才。司徒行參軍,遷著作佐郎。世宗以彝先朝勤舊,不幸

在於烟炭之間,有燋爛之痛,論者或亦推咎焉。 乃令檢集人首數千,一時焚爇,至於灰燼,用息僥倖,見者莫不傷心。 贈樂陵太守、諡曰孝。 及始均之死也,始末

子暠,襲祖爵。 武定中,開府主簿。 齊受禪,爵例降。

| 高弟晏之,武定中,儀同開府中兵參軍。

子台,儀同開府參軍事。中瑀,司空祭酒、給事中。

仲瑀弟珉,著作佐郎。

述。 張彝風力謇謇,有王臣之氣,銜命擁旄,風聲猶在。 史臣曰:郭祚才幹敏實,有世務之長,高祖經綸之始,獨在勤勞之地,居官任事,動靜稱 並魏氏器能之臣乎。遭隨有命,俱

校勘記

嬰世禍,悲哉!始均才志未申,惜也。

至於馬道 從與第七一一一○一頁「馬」作「馳」,當是。

潤沃九區 諸本「沃」訛「伏」、今據册府卷五二三六二四八頁改。 記

[三] 末蒙陛下不遺之施 諸本「末」作「未」,南本及册府同上卷頁作「末」。按「末蒙」與上句「早荷」相

對,「未」字形近而訛,今從南本。

(1) 侍則出入兩都 按「侍」字上或下當脫一字。

册府同上卷頁作「陪侍兩宮」。「兩都」指代京和洛

陽,兩宮指太后和帝,意有不同。

魏書卷六十五

列傳第五十三

形巒 李平

在家。」 入後。 題於羣臣曰:「往憶邢穎長者,有學義,宜侍講東宮,今其人安在。」司徒崔浩對曰:「 書侍郎,假通直常侍、寧朔將軍、平城子,銜命使於劉義隆。 邢巒,字洪賓,河間鄭人也。[1]五世祖嘏,石勒頻徵,不至。 世祖遣太醫馳驛就療。 蓋孫穎,字宗敬,以才學知名。 卒,贈冠軍將軍、定州刺史,諡曰康。 世祖 時,與范陽盧玄、勃海高允等同時被徵。 後以病還鄉里。久之, 嘏無子,巒高祖蓋,自旁宗 子脩年, 卽巒父也, 穎臥 世 後拜 祖 州 疾 訪 中

郡 表貢,拜中書博士,遷員外散騎侍郎,爲高祖所知賞。 巒 少而好學,負帙尋師,家貧厲節,遂博覽書傳。 有文才幹略, 兼員外散騎常侍,使於蕭賾,還,拜 美鬚髯,姿貌甚偉。 州

主簿。

「朝行 通直 小。」有司 臣 定意 在 郎 藥至此,見卿宅乃住,東望德館,情有 與魏昇降, 轉中書侍郎,甚見顧遇,常參座席。 奏策秀、孝,詔曰:「秀、孝殊問,經權異策,邢巒才清,可令策秀。」 寧容不務永年之宅。」高祖謂司空穆亮、僕射李沖曰:「巒之此言,其意不 依然。」巒對曰:「陛下移構中京,方建無窮之業, 高祖因行藥至司空府南, 見巒宅、遣使謂巒曰:

邦 耳。」尋除 日 固逆主,乃至如 後 高祖 兼黃門郎。 IE 黃門、兼御史中尉、瀛州大中正,遷散騎常侍、兼尙書。 曰:「至此以來,雖未擒滅,城隍已崩,想在不遠。所以緩攻者,正待中書爲露布 從征漢北,巒在新野,後至。高祖曰:「伯玉天迷其心,鬼惑其慮,守危 此。」巒曰:「新野旣摧,衆城悉潰,唯有伯玉,不識危機, 平殄之辰, 事在

孜,小 初 爲 加 在 民 素,不 要須 以節 承 世 升平之業, 大 宗初 者,請皆不受。」世宗從之。 - 務奇: 必 金 愼 猶 玉 ·)

戀奏曰:「臣聞昔者明王之以德治天下,莫不重粟帛,輕金寶。 歲 綺,至乃以紙 一是虛華損德之物。 損 輕賤珠璣,示其無設,府藏之金,裁 四疆清晏,遠邇來同,於是蕃貢 萬計,珍貨常有 絹爲帳展,銅鐵爲 故先皇深觀古今,去諸奢侈。 餘,國用恒不足。 尋正尙書,常侍如故。 轡勒。 **、繼路,商賈交入,諸所獻貿,倍多** 若 給 訓 而已,更不買積 朝 不裁其分限,便恐無以支歲。 廷以節儉, 示百姓 服御尚質,不貴 以費 國 以憂務, 資。 然粟帛安國育 (雕鏤, 所珍 於 逮 常 景明之 日 自今非 夜 孜 雖

蕭 衍 梁 秦二 州 行 事 夏侯道遷 以漢 中 內附 詔 加 巒 使 持節、 都 督 征 梁漢諸 軍 事 、假 鎭 西

也。 降。 等進 胤 停。 郡 楊 將 宵 之民 衆 軍 拜 遁,遂平之。 愛 統 蕭 師 進 討 軍 七 衍 巒 汜 退 千 之, 使持節 韓 輔 洪 徴 多 餘 國 雅 攝 \equiv 寶 戶 將 等領卒六千討之。 、安西 法 得 等率衆擊之, 軍 詔 相 靜 任 以 目 繼 僧 奔 便 將 -; 而 幼 潰 宜 繙 軍 至。 從 等三十餘將 乘 至 梁秦 事 被 破 勝追奔 蕭衍 天賜 , 巒 須 軍 平 州 至漢中 有 鋒 前 至 西 率 刺 板 所臨 軍 關 將 史。 官 趙 南安、廣長 城 軍 之下 賭, 李 白馬 以 賊皆 天賜、晉壽太守王景胤等擁衆 懷 擒斬 已 蕭 初 款 西 附 、東洛、大寒 衍 附 猶 龍 千三百。 未 唯 高 驤 將軍 歸 下 補 順 딞 谷 、武始 戊戌主 第, 關 遣 巒 城 統 遣 流 可 何 軍 寧遠將 依 除 雜 法靜 李 П 征 疑 義 義陽 「平溪、 據 李 珍 七 軍 侍叔 千, 城 討 楊 拒 都督之格 晉壽 屯據 桶 守 逆 谷 以 統 舉 諸 城 軍

褒 度、 衍 定 陵 遺 輔 酯 收 其 蕭 驤 或 集遺 冠 衍 西七 將 將 軍. 巴 軍 軍 將 衆, 西 李 百 李 太 軍 南南 畎 奔 思 守 孔 成石同 賢, 保 陵 龐景民 北 梓潼 等率 千里,獲郡十 賊逐 足叉破 恃遠不 衆 保 |巒統 二萬 回 車 軍 之,斬 降, 棚。 王 四、二部護軍及諸縣戍,遂逼涪城。 屯據深坑 足所 巒遺 足 衍 又進 巴州 在 輔 擊 或 擊 破 將 刺 冠軍 衍 之, 史嚴玄思往 軍 輔 符 將軍魯方達 梟衍 國 伯 將 度 輔 軍 其 范峻 或 攻之, 殺 將 傷投 固 軍 南安 樂保明 自 斬景民, 餘 溺 巒表 者萬 , 斬 \equiv 獲 日 巴西 有 冠 殆 率 朔 軍 餘 將 萬 將 將 悉 人。 數 軍 軍 開 任 李 孔

列

淵藻 斬 連 州 安、朱彤三月取 南 四 右 可 地昔來恒 安, 將 圖 反 可 少 训则 (年而已,旣不厭民望,多行殘暴,民心離解, 三可圖也。 叛, 復 圖 也。 揚 已奪其險、據彼界內、三分已一。從南安向涪、方軌任意、 何 也。 州 鄧元起攻圍,資儲散盡,倉庫空竭,今猶未復,兼民人喪膽,無復 几 是駕馭失方。 宜 蕭 多不守。 月 成都 城 昔劉 淵藻是裙展少年,四未洽治務,及至益州,便戮鄧元起、四曹亮宗,臨戎 四四 中坐 漢中,四月至涪城,兵未 相去萬里,陸途旣絕,唯資水路。 日至蜀。 禪據 況淵藻是蕭衍 而受困? 一國之地,姜維爲佐,鄧艾旣出綿竹,彼卽 范國惠津渠退敗,鎖執在獄。 水軍西上,非周年不達,外無軍援,一可圖 若其出鬭,庸蜀 兄子,骨肉至 皮 州,仲孫 之卒唯便刀矟,弓箭至少,假 一親,若其逃亡,當無死理。 蕭衍兄子淵藻,去年四月十三日發揚 逃命。 今之所任,並非宿將重名,皆是左 桓溫 蜀 西征, 之所恃唯劍閣, 投降。 前 軍 也。 累破,後 不 及苻堅之世,楊 益州 旬月而 脫 固守之意,二 有遙 軍 頃經劉 射,弗至 克涪城, 衆喪魂, 今旣克 平。 蜀

是 伏 臣 惟 以踐極之初,壽春馳款,先歲命將,義陽克闢。 聞 唑 乘 下 機而 纂武文之業,當 動,武之善經,攻昧侮亡,春秋 必世之期, 跨中 り明義。 州之饒, 未有捨干 **潍外謐以風淸,荆沔於焉肅晏。** 兼甲兵之盛,清蕩 戚而 康時,不征伐 天區 一,在 於 而 今 混

傷

人,五

可

晶

也。

7. 傅第五十三 邢曹

難,輒率愚管,庶幾殄克,如其無功,分受憲坐。 大劍,旣克南安,據彼要險,前軍長邁,已至梓潼,新化之民,翻然懷惠,瞻望涪益,旦夕 誠,漢境佇拔。 可屠。正以兵少糧匱,未宜前出。爲爾稽緩,懼失民心,則更爲寇。今若不取,後圖便 方欲偃甲息兵,候機而動,而天贊休明,時來斯速,雖欲靖戎,理不獲已。 歸侍養,微展烏鳥 三倍非匹,可乘可利,實在于茲。若朝廷志存保民,未欲經略,臣之在此,便爲無事,乞 事屬艱途,東西寇竊,上憑國威,下仗將士,邊帥用命,頻有薄捷。 臣以不才,屬當戎寄,內省文吏,不以軍謀自許,指臨漢中,惟規保疆守 且益州殷實,戶餘十萬,比壽春、義陽 藉勢乘威,經度 至使道遷歸

將席卷岷蜀,電掃西南,何得辭以戀親,中途告退!宜勗令圖,務申高略。」戀又表曰: 曰:「若賊敢闚關,觀機翦撲,如其無也,則安民保境,以悅邊心。子蜀之舉,更聽後敕。 方

若守也,直保境之兵則已一萬,臣今請二萬伍千,所增無幾。又劍閣天險,古來所稱, 才絕古人,智勇又闕,復何宜請二萬之衆而希平蜀。所以敢者,正以據得要險,士民慕 益州便是成擒之物,但得之有早晚耳。 義,此往則易,彼來則難,任力而行,理有可克。今王足前進,已逼涪城,脫得涪城,則 昔鄧艾、鍾會率十八萬衆,傾中國資給,裁得平蜀,所以然者,鬬實力故也。 且梓潼已附,民戶數萬,朝廷豈得不守之也? 況臣

涪城,以漸而進。若克涪城,便是中分益州之地,斷水陸之衝,彼外無援軍,孤城自守, 克,不得則自全。 復何能持久哉!臣今欲使軍軍相次,聲勢連接,先作萬全之計,然後圖彼,得之則大 張載銘云:「世亂則逆,世淸斯順。」此之一言,良可惜矣。 不守,恐辜先皇之恩遇,負陛下之爵祿,是以孜孜,頻有陳請。 自軍度劍閣以來,鬢髮中白,憂慮戰懼,寧可一日爲心。 所以勉强者,既得此地而 臣誠知征戎危事,不易可 且臣之意算,正欲先圖 自退

萬,若彼立州,鎭攝華獠,則大帖民情。從墊江已還,不復勞征,自爲國有 不能仕進,至於州綱,無由厠迹。巴境民豪,便是無梁州之分,是以鬱快,多生動靜。 落雖在山居,而多有豪右,文學箋啓,往往可觀,冠帶風流,亦爲不少。但以去州旣遠, 比建議之始,[f] 嚴玄思自號巴州刺史,克城以來,仍使行事。 故增立巴州,鎮靜夷獠,梁州藉利,因而表罷。彼土民望,嚴、蒲、何、楊,非唯五三,族 又巴西、南鄭相離一千四百,去州迢遞, 恒多生動。 昔在南之日,以其統綰勢難, 巴西廣袤一千,戶餘四

世宗不從。又王足於涪城輒還,遂不定蜀。

儲,專心酒色,公事諮承,無能見者。戀忿之切齒,仲遷懼,謀叛,城人斬其首,以城降衍將 巒旣克巴西,遣軍主李仲遷守之。仲遷得蕭衍將張法養女,有美色,甚惑之。散費兵 列 傅 第 五 + Ξ 邢 巒

至 譙 漢 希 遠 中 從 巴 容 西 逐 風 沒 雅 ,接豪 武 興 右 氏 以 楊集 禮 一, 撫 起 等反 細 民 以 叛 惠 巒 遣 歲 統 餘 軍 之後 一傅豎眼 頗 因 討 百 平 姓 之, 去 就 語 誅 在 豎 滅 眼 、齊民, 傳 藉 巒 之初 爲 奴

婢

者

百

餘

口

兼

商

販

聚歛

淸

論

鄙

之。

徵

授

度

支

尙

書

,

逆 將 戍 東 事 南 順 陷 軍 爲 理 其 沒 時 東 慮 殊 勉 蕭 將 宋 建 衍 滅 軍 世 魯 殊 遣 當 宗 之民 績 兵 無遠 尙 侵 目 以 書 /尤罹! 帙 稱 如 漢祖 徐克 故 況 股 湯 懷 臣 炭 有 仗 緣 世 云 自 宗 陛 邊 古 誠 一勞遣 金 鎭 下 忠 知 吾 之 戍 臣 將 擊 神 巒 相 亦 軍 算 郾 於 繼 非 旋 東 陷 吾 奉 無 京 堂 沒 孝 無 律 未 目 朝 憂 以 也 久, 矣」 摧 廷 蕭 憂之, 巒 膝 之, 衍 今將 對 下 平 寇 難違 日 邊, 殄之期 乃 軍 以 並 賊 , 旬 巒爲 然 戎 雖 朔 可 東 送 滋 使持 指 股 南 死 甚, 何 辰 之寄 連 諸 節、 慮 而 城 哉 待 軍 都 犬 舛 非 願 督 羊 將 互 唑 東 衆 軍 下 規 討 盛 莫 勿 致 諸 可 以 連 然 重

豫 大 匹 樊 率 眼 魯 千 衆 從 討 而 餘 先 萬 北 懷 是 級 文 逼 芯 玉 屯 蕭 之, 等 元 衍 别 於 復 恒 統 將 輔 孤 於 叉 軍 Щ, 或 元 清 破 劉 將 恒 固 南 (F) 思 攻 軍 造 城 肅 祖 固 衍 城 等 畢 城 將 及 夾 先 角 2 祖 統 念 水 朽 率 規 軍 造筏 等 衆 復 斷 畢 破 率 水 祖 念等 萬 衆 燒 陸 朽 其 之 討 寇 萬, 路 船 陷 角 兗 念 舫 擾 固 州 網 亂 城 悉 樊魯 衆 身 龜 平。 冠 軍 蒙, 莝 軍 齊進, 諸 大 巒 將 土 破 破 軍 民 軍 文玉 賊 從 魯 拔 自 將 棚 水 逆 顯 等,追 藍 文、 塡 南 懷 塹 而 驍 室 恭 奔 淮 登 騎 而 於 八 其 遭 將 Ŧi. 睢 + 城 平 軍 口 餘 南 巒 相 , 里, 火 將 進 遺 文 起 韋 軍 斬 統 玉 楊 宿 軍

俘 流 斬 四 面 萬 俱 擊 宿 豫 仍 陷 旣 平 賊 ,蕭 城,俘斬 昞 亦 於 數萬。 淮陽 退走,二成 在 陳 別斬懷 獲米 恭 擒 四十 其 列 餘 萬 侯 に列 將 直 閤 直 後三十餘

與 日三 千 旅 公私 軍 征 里 淮陽 南 折 將 慶 世 因 掎 泰 軍 带 忠 角 賜 宿 經略 何 規協 殊 巒璽 以 豫 快 勳 圖 雖 如之! 著,火 申 茂 書 已清 進 ·威東南 百 捷,自古莫 取 [:[知 烈霜 之計 賊行 復,梁城 大龕 ,清彼江 摧 此 電 舉 之財 醜 ·, 實 動岱 虜 但 介,忘此 が、威 ,猶敢聚結,事宜 爲 揚 陰, 傾 振 品 國。 未安, 風 賊 仍勞, 掃 庭, 比 沂嶧 者 餘 淮 用圖 燼 宿 外 乘勝 宜 霧 豫 遂 水逸, 盪 陷 披 令 徐 ,
弁勢摧 乘 歿 **逋**誅之寇,一 進 勝 淮 方卷壒 退 掎 陽 規度, 殄。 嬰城, 角 一、王 勢 可率二萬 朝 委之高算。」 不 略遠恢 区 殲 可 狡 夷 遺 侜 泥 之衆渡淮 元鯨 便 規抗 叉 可 維 大憝, 率 詔 巒 厲

喪 給 叉 城 與 廣陵懸遠,去江四十里, 衆 取 征 用 , 大 邑, 南 及 兵治 梁城 掎 未 敗 角 戎 而 見 贼 其果。 乘勝 還 須 走, 君 先 長 中 計校。 臣 得之 驅, Щ 失計 王 實是 則 英 鍾離、淮陰介在淮外,假 非 取 所 乘 可 其 笑 益 勝 會。 抑 未 攻 天 爲 |鍾離, 幾 下 但愚 必 不 勝 雖 (元) 獲 懷 叉 野 則 所 詔 戰 量,竊 幸 虧 巒 非 損 其 帥 人敵, 其歸順 必 無 衆 有 大。 能 會之。 未 守 杰 而 城 蕭 若 來, 足 衍 欲 繙 夫 有 掠 傾 表 圖 **猶恐無糧** 餘 竭 地 日.丁 南 誅 江 因 今 東 民 奉被詔旨 於 雖 爲 積 必 一艱守, 攻 風、伐 今歲 應 之, 萬 況 未 之 勝 令 或 加 易 躯 在 臣 如 攻討, ·, 疲 可 濟 欲 於 克。 兵 攻 資 淮

勞兵 機 臣 一之愚 士 亭? 勝 謂宜 計 且. 征南軍士從戎二時,疲弊死病,量 詔 修 復 曰:「濟淮掎角,事 舊戍,牢實邊方,息養中 如前敕,何容猶 ·州,擬 可知已。 之後 爾磐桓, 舉。 雖 有乘勝之資,懼 叉江 方有此請! 東之釁,不 可速 無遠用之力。 患 進軍 **人無,畜** 一、經 略之 力 待 若

宜

聽

征

南

至

要

陵、任 婢。 塡塞, 未解 臣 之志 等弱 知 蕭 何 所 方? 密 如 領 臣 餘 若 劣 巒 空坐 其 城 何 兵統 臣 雖 軍 所 叉 無 能 能 可 宣寧荷 不 猶 能 表 也, 至 爲 爲 自 日.日 武 悉 自 克 春 前 得失之計 息 怯 付 必 在 勝 忝 戒,豈容 無 蕭 中 懦 則 彼;[10]欲言 備 唯應 克 川 若 衍 不 士 征 狀。 自 進之責,不受敗 侵境,外勞王師,今者奔走,實除邊患,斯由靈贊皇魏,天 臣之愚見,今正 一將,前 不 廣 任 樂苦。 今者復 備 其 若其不 顧 以待 處 宜 無 萬 分, 遣 可否,頗實知之, 全,直 欲 糧 其來,實不宜勞師遠 ·復, 河運 臣 同 臣 之。 赴 其 損 船 襲 求 宜修復邊鎮,俟之後動。 彼, 廣陵, 空行 單 辱 復 今若: 騎 糧 至。 如 之罪。 隨 何 何 入其 往也,彼 逐 ! 而 以 臣旣謂難, 若 致? 欲 東 内 信 西 以 鍾 地, 入,自取 臣言 车 八 夏 離 來 城 且. + 天 出 俗諺云, 險 自 也 之兵,不 日 其 何容强遣。」 守,不 疲 糧 示 朝 願 且 뮵 困。 備, 賜 蕭 貴 城者,臣未之前 齎 與 臣 所 耕 衍 或未 今中山 . 停 具,若 冬服,脫 人 尙在,凶 則 、戰,城壍水 詔曰:「安東頻請罷 ; 若 問 可 田 謂 知 有 進 奴, 軍 臣 內 遇 身 敗寇豎, 難 冰 應 正 鍾 未 絹 聞 深, 行 雪 欲 離 除 則 則 求 屯 問 所 螳 非 取 月. Ĕ, 回 織 廣 所 可

列

軍 以 赴 遲 機 回 (會。」 戀 未 往 一, 阻 累表 異戎 求還,世宗許之。 規,殊乖 至望。 英果 士馬旣 敗退,時人伏 一般,無容停積,宜務神速,東 其 識 西齊契,乘勝掃殄,

乃背昶 陷 糾 有 巒 初 以 侍 爲 事 漢 成 巒 中所得 中盧昶 言於 許言於 世宗云 巴西太守龐景民女化生等二十餘 與巒 世宗以亮爲 不 平,昶 侍 有大功, 與元暉俱 中。 亮 已經 世宗所 於是奏刻巒在漢中掠 赦宥,不宜 に寵,御 口 與 史 方為 暉。 中尉崔亮,昶之黨 此獄 化 良人爲奴婢。 生等數人,奇色也,暉大悅, 也。 世宗納之。 也。 巒懼為昶等所 昶、暉令亮 高肇以巒

堂 何 惡 瓠 詔 害也。 之,民 時 密 巒 一勞造 勢或交兵。 邇 敵 持 可 豫 以 近 節 州 之效,而 爲凶 巒 畿, 平之? 早生得衍軍 率 城 日 民 羽 威 東南 白 林 爲 所 卿文昭 司 層對 精 早生 攝 馬 昶等所排,助 藩 騎 掉, 悅 不 之接, 殺 日 以討之。 武 不 早生 得 刺 度 愼 烈 史司 已 重 公之在彼,公三憂 溺於利欲之情, 朝 而 門之戒 封 馬 巒 苟 非 之南仲 悦,以 附。 平舒 有 申釋,故得不 深 假 謀 故 縣 智不 城 大智 開 蕭 令卿 南 國 彻 足以謀身, 慮 必守 入,蕭衍 能 伯 軍 北深 星 坐。 入 構 言 而不走。 食邑 應, 成 電 此 早生理 水路 邁,出 遣其冠軍將軍齊苟仁率衆 五 也,但因 匪 直 百戶, 不 今王師若臨, 其 一喪元 通, 不 不 獨立, 司 賞 糧 意。 隸豎、三乃大 馬悅 有豫 運 不 卿 必遠 虐於 繼,亦 之功 言早生走 士民 引吳楚, 百 也。 姓 必翻然歸順 成 虧 擒 入據 世宗 乘 也 王 耳,不能 衆 守 略 懸瓠 怒 也 民 臨 而 東 同 懸

傳第五十三 邢巒

列

哉 重 [之窮城,奔走路絕,不度此年,必傳首京師。 深 會股 遣 卿之意。 知 卿 親老,頻勞於外,然忠孝不俱,才宜救世,不得辭 願陛下不足垂慮。」世宗笑曰:「卿言何其壯 也。

英等將 討 之,日:「卿 逆 兵 三陽 繼 等二十一人開 死 至 拒 於 是戀 一,遂 戦。 士之力,臣何 亦 次於 役不踰時,克清妖 長圍之。 率 巒 撃破 騎 懸瓠,以後軍未至,前寇稍 門出降,卽斬早生等同惡數 八百,倍道兼行,五日次於鮑口。 孝智,乘勝長驅,至於懸瓠。 .功之有。」世宗笑曰:「卿匪直一月三捷,所足稱奇,乃存 詔加巒使持節、假鎭 醜, 鴻 勳 碩 美, 南將 多,憚不敢進,乃與戀分兵掎角攻之。 可謂 十人。 軍、都督南討諸軍事。 賊出 無愧古人。」巒對曰:「此自 賊遣大將軍胡孝智率衆 豫州 「城逆戰,又大破之,因卽渡 平,巒振旅還京師。 征 南 將軍 七千,去城二百, 士伯 陛下 世宗 一、中山 汝。 聖略 欲 臨 衍 功 旣 將 王 東堂勞 威靈, 成 齊苟 英 而 南 大 加

劾己, 史」,議者笑琛 賻 帛 加 四 巒 乃云 撫 百 自 軍 宿 匹, 瀛 將 豫大捷,及平懸瓠,志行修正,不復以 朝 軍 淺 o 服 孙 薄。 巒 延 之本 襲 昌 諡 贈 日 邦 年,暴疾卒,年五 文定。 車 騎 人 大將 情 所 軍、瀛 欲 。」乃從之。 +-州 刺 史。 樹才 財賄爲懷,戎資軍實絲毫 及踩爲詔, 初 兼 世宗 文 武 欲 乃云「優贈車騎將軍 朝 贈 冀 野 州 膽 望, 黄門甄 無犯。 上 下 琛 悼 惜 以 遷 瀛州刺 巒 之。 殿 中尚 前 詔

六。 陽,不克。 中正。 光祿大夫。 北蕃多難,稽留不進,免。 之,除大司農卿,與少卿馬慶哲至相糾訟。 唯爲忠臣,不爲慈父。」靈太后慨然,以遜爲長兼吏部郎中。 贈本將軍、光祿 子 遜, 因謁靈太后,自陳三功名之子,久抱沉屈。 還,除散騎常侍,加前將軍。 字子言。 出帝時,轉衞將軍、右光祿大夫。 勳卿、幽州刺史。 貌雖 陋短,頗有風氣。 孝莊初,除輔國將軍、通直散騎常侍、東道軍司、討逆賊劉舉於濮 永安二年,坐受任元顥,除名。 解褐司徒行參軍。 遜銳於財利,議者鄙之。 武定四年卒,年五十 孝靜初,以本官領嘗藥典御,加車騎將軍。 臣父屢爲大將,而臣身無軍功階級,臣父 出爲安遠將軍、平州刺史。 襲餌。 尋除撫軍將軍、金紫 後遷國子博士、本州 時

子祖微,開府祭酒。父喪未終,謀反,伏法。

|巒弟懦,瀛州鎭遠府長史、給事中。

儒 弟偉 一,倘 書 郎 中。 卒,贈博陵太守。 子町,在文苑傳。

偉弟季彦。

閤 祭酒。 季彦弟晏,字幼平。 世宗初,爲與廣平王懷遊宴,左遷鄭縣令,未之官。 美風儀,博涉經史,善談釋老,雅好文詠。 除給事 起家太學博士、司 中,遷司 空主簿、本州 徒東

復 昌 南 徵 中 啓孤 兗 中卒 爲 正 州 太中大夫、 ·, 時 年 五 汝南王文學。 兄子昕為府 刺 史,例 得 十 兼 -派 主簿,而其子 子 相 稍遷 解褐 贈 高 征 陽 前國將軍、 北將軍、尚 王右長史。 ,乃啓其孤 並未從官。 司空長史、 弟子 書左僕 尋以本將 子愼, 世 射 人 瀛 軍 以此多之。 兼吏部郎中。 年甫 除 州 滄 刺 干二, 史, 州 刺 諡 而 史。 日 其 以本將軍出爲南兗州刺 文貞。 子 爲 已弱冠 政 清靜,吏民安之。 晏篤於 矣。 義讓, 後爲 滄 初 州, 史。 孝

子測,武定末,太子洗馬。

定七 常侍,使於蕭 年,坐 測 弟亢,字子高 事 苑 衍 於晉陽,年三十 ,時年二 頻頗 十八。 有 文學。 四 還, 釋褐司 除 平 東將軍 空行參軍。 ,齊文襄王 遷廣平王開府從事 一大將 軍 府 屬 中 叉 轉 鄎。 中 外 兼 府 通 直散騎 屬 武

常侍, 巒 使 叔 於 祖 劉 病,字宗: 彧 以 將 祐 命 之勤 少有 學尙, ,除建威將軍 知名於時。 平 原 徵除著作郎, 太守 賜 爵 城 領 平 男。 樂浪王傅。 政 清 刑 肅 後假 百 員 姓安之。 外散

卒,年七十三。

外常侍、鄭 子產,字 縣 子 神 寶。 使 於 好 肅 學,善 賾 屬 產 仍 文。 世 將 少 命,時人美之。 時作孤蓬賦 了為時 後遷中書侍郎 所 稱。 舉 秀才,除著作佐 俄 遷太子中庶子。 郞 假 卒, 員

列

年四十六,朝廷嗟惜焉 贈建威將軍、平州刺史、樂城子、諡 日定。

必誅。 皆欲絕其類也。」奏入,世宗從之。 育永傳,非所以勸忠孝之道,存三綱之義。若聖教含容,不加孥戮,使父子罪不相及,惡止 肅然。 丘 禮,爲時所稱。 息,請假歸。 於其身,不則宜投之四裔,敕所在不聽配匹。盤庚言『無令易種於新邑』,漢法五月食梟羹, 旭 中 李平並與親善。 崩, 郎。 祐從子虬,字神虎。 尚書令王肅多用新儀,虬往往折以五經正禮。 時雁門人有害母者,八座奏轘之而潴其室,宥其二子。」則駁奏云:「君親無將,將而 高祖因公事與語,問朝覲宴饗之禮,虬以經對,大合上旨。 今謀逆者戮及期親,害親者今不及子,旣逆甚梟鏡,禽獸之不若,而使禋祀不絕,遺 值秋水暴長,河梁破絕,虬得一小船而渡,漏而不沒,時人異之。 年四十九,卒。贈征虜將軍、幽州刺史,諡曰威。 所作碑頌雜筆三十餘篇。有二子。 少爲三禮鄭氏學,明經有文思。 尋除司徒右長史, 遷龍驤將軍、光祿少卿。 轉尚書右丞,徙左丞,多所糾正,臺閣 舉秀才上第,爲中書議郞、 |虬善與人交,清河崔亮、順 轉司 徒屬二 國子博士。 母喪,哀毁過 虬母在鄉遇 尚書殿 高

長子臧,在文苑傳。

臧弟子才,武定末,太常卿。

虬從子策,亦有才學。卒於齊王儀同開府主簿。

冀州儀同開府長史,甚著聲稱,仍除正長史,太守如故。未幾,遂行河南尹,豪右權貴憚之。 郡,高祖曰:「卿復欲以吏事自試也。」拜長樂太守,政務淸靜,吏民懷之。 世宗卽位,除黃門郞,遷司徒左長史,行尹如故。 爵彭城公。 有文才。太和 李平,字曇定,頓丘人也,彭城王嶷之長子。 少有大度。 拜太子中舍人,遷散騎侍郎,舍人如故,遷太子中庶子。|平因侍從容請自效一 初,拜通直散騎侍郎,高祖禮之甚 重。 尋以稱職正尹,長史如故。 頻經大憂,居喪以孝稱。 及長,涉獵羣書,好禮、易,頗 車駕南伐,以平兼 後以例降,襲

積二年之儲,築室者裁 富 **令國有九年之糧,家有水旱之備。若乘之以羈紲,則所廢多矣。** 始 悦。臣之愚管,竊有惑焉。 何者。 嵩京創構,洛邑俶營,雖年跨十稔,根基未就。 代民至洛, 將 者猶損太半,貧者可以意知。兼歷歲從戎,不遑啓處,自景明已來,差得休息。 欲向盡,資產罄於遷移,牛畜斃於輦運,陵太行之險,越長津之難,辛勤備經, 欲講武||淇陽,大習||類魏,馳驌騻於綠竹之區,騁驎驥於潭滏之壤。 車駕將幸鄴,平上表諫曰:「伏見己丑詔書,雲軒鑾輅,行幸有期,鳳服龍驂,剋駕近日。 《有數間之屋, 莫不肆力|伊|瀝,人急其務。 實宜安靜新人,勸其稼穡, 夫從役, 舉家失業。 今 斯誠幽顯同忻,人靈共 得達京闕, 事農者未

列傅

洛,士馬無跋 復 秋稼盈田 ,禾菽遍野,鑾駕所幸,騰踐必殷。 涉之勞,兆民有康哉之詠,可不美歟。」不從。 未若端拱中天,坐招四海,耀武崧原,禮射伊 韶以本官行相州 事。 世宗至鄴,

於堂,親爲立讚。 平勸課農桑,修飾太學,簡試通儒以充博士, 前來臺使頗好侵取,平乃畫「履虎尾」、「踐薄冰」於客館, 選五 郡聰敏者以教之,圖 孔子及七十二子 注頌其下,以示

誡焉。

加平東將軍,徵拜長兼度支尚書,尋正尚書,領御

史中尉

親

幸平第,見其諸子。

尋正刺史,加征虜將軍

征 平對曰:「臣愉天迷其心,構此梟悖。陛下不以臣不武,委以總督之任,今大宥旣敷,便應有 之任,必令應期摧殄,務盡經略之規,勿虧推轂之寄也。 傾 以討之。 事,滅在昭然。 無戰。脫守迷不悟者,當仰憑天威,抑厲將士,譬猶太陽之消微露, 巨海之蕩熒燭, 天時 社稷,下殘萬姓。大義滅親,夫豈獲止。周公行之於古, 朕亦當行之於今。 冀州 世宗臨式乾殿,勞遣平曰:「愉,朕之元弟,居不疑之地,豺狼之心,不意而發,欲 刺史、京兆王愉 如其稽顙軍門,則送之大理,若不悛待戮,則鳴鼓釁鍾,非陛下之事 反於信都,以平爲使持節、都督北討諸軍 何圖今日言及斯事。」 事、鎭北 將軍, 因歔欷流涕。 委卿以專征 行冀 州 Ŀ.

遂至冀州城南十六里。 平進次經縣,諸軍 大集。 賊攻圍濟州軍,拔栅填塹,未滿者數尺。 諸將合戰,無利而還,憚 夜有蠻兵數千斫平前壘,矢及平帳,平堅臥不動,俄而乃定。 列傳第五十三 李平

叔 於 而 孫 更進。 鬭 死。 頭 追 之, 平親 乘勝 去信都 逐 入行間,勸以重賞,士卒乃前, 北, 至於 十里 擒 、城門, 愉 斬首數萬級, 冀州 平, 世宗遺兼給事黃門侍郎、秘書丞元梵宣旨慰勞。 大破 遂圍 逆衆。 城燒門。 愉 時墜馬, 愉 與百餘騎突門出走, 乃有一人下馬授愉 遣統軍 止

徵還京師,以本官領相州大中正。

請貸 開 但 原 多 隱 以 之。 或 有 截 性 未 積 官 公,食邑一 平 急 年 先 遷 許 口 爲 中 朩 爲 擅開 肇又 累。 書 決,平奏不 尚 .書令高肇、侍御史王 千五 扶 倉 尙 尙 成 賑 書令、 百戶 書如 (其狀)奏除 恤 一,有 問眞偽,一以景明 **,**嫌二千五 任城 故。 司 繩 肅宗 王 以 平名。 澄 費散之條,免其官爵。 奏理平 初 |顯所恨,後顯代平爲中尉,平加散騎常侍,顯 百匹。 轉 延昌 年前 吏部尚書, 定冀 初 ,詔復官 爲限,於是諍訟 之勳 一清酬 加 **爵,除其定冀** 撫 平奏款 軍 以 將 山河 止 軍 意 息。 之賞。 在 平高 一濟人, 之勳。 武]]] 明强 靈太后 鎭 心 流濟, 所· 前來 民 無不 飢 乃封 劾平在冀州 頻將任 良賤之訟, 善, 在 武 有 邑郡 款

金 東 西 克,又與 衫 州 先 是,蕭 甲 將 李崇 以禀之, 領 衍 賜 乖 遣 其左 獎 貮。 縑 如 游 有 布 詔 擊將 六十段、絳衲 平 乖 異 以 本官 以以 軍 趙 軍 使持節 祖 法 悦偷 襖 從 二領。 事 據 鎭 西硤石, 軍 詔 父子 大將 平 長 軍、兼 重列,拜受家庭, 子 衆至數萬,以逼 獎 以通 尙 書 直 右 郎 僕 從, 壽春。 射 觀 賜 爲 者榮之。 平 行 練帛 鎭南 臺, 節 白 崔 於 段 亮 度 是率步 、紫納 攻之, 諸軍,

將士相率歸附。 城西,李崇勒水軍擊其東面,然後鼓噪,南北俱上。 騎二千以赴壽春。 亮憚之, 以功遷尚書右僕射,加散騎常侍,將軍如 賊將王神念、昌義之等不得進救、祖悅守死窮城。平乃部分攻之。令崔亮督陸卒攻其 無敢乖互。 祖悅率其餘衆固保南城,通夜攻守,至明乃降。 平巡視硤石內外,知其盈虛之所。 頻日交戰,屢破賊軍。 故 安南將軍崔延伯立橋於下蔡,以拒 賊衆周章, 東西赴戰。 嚴勒崇、亮, 斬祖悅,送首於洛,俘獲甚 **令水陸兼備**, 屠賊外城, 剋期 賊 齊舉。 心之援 賊之

平自在度支,至於端副,夙夜在公,孜孜匪懈,凡處機密十有餘年,有獻替之稱。所製詩賦 簫管,肅宗手賜縑布百段。熙平元年冬卒,遺令薄葬。 詔 箴諫詠頌,[三別有集錄 帛七百匹。 公卿議之,平以爲不假兵力,終自毀壞。及潍堰破,靈太后大悅,引群臣入宴,敕平前鳴 |平還京師,靈太后見於宣光殿,賜以金裝刀杖一口。 靈太后爲舉哀於東堂。 贈侍中、驃騎大將軍、儀同三司、冀州刺史,諡文烈公。 詔給東園秘器、朝服一具、衣一襲、 時南徐州表云,蕭衍堰淮水爲患,

郎、直閤將軍、吏部郎中、征虜將軍,遷安東將軍、光祿大夫,仍吏部郎中。又以本官兼尙書, 平 長子獎,字遵穆,襲。 容貌魁偉,有當世才度。自太尉參軍事,稍遷通直郎、中書侍

出爲 莊 初 撫軍將軍、相州 ,爲散騎 常侍、鎭 刺史。 東將軍、河南 初,元叉擅朝,獎爲其親待,頻居顯要。 尹 0 獎前後所歷, 皆以 明濟著 靈太后反政,削除官爵。 稱 元顥 入洛,顥以獎

實錄。 嗟悼 神器 義 比 朝,語跡成罪,便與天下共當此責。 然北海未敗之日,徐州刺史元孚爲其純臣,莫之敢距,表啓相望,遲速 獎闔門百口, 神爽發,實廊 世 焉,所貴不 兼尚 一肩賊所,身臨河上,日尋干戈,時逢寬政,任遇不改。一介使人,獨嬰斯戮,凡在有心,孰 |擅名家,有此 斯 人故,見其若此,久欲陳辭。 書右 出 昔鄧艾下世,段灼 復,輕薄之徒,共生僥倖,詭言要賞,曲道求通,濫及善人,稱爲己力。 帝時,獎故吏通直散騎常侍宋遊道上書理獎曰:「臣聞賞善罰惡,謂之二機, 前 僕射,慰勞徐州,羽林及城人不承顯旨,害獎,傳首洛陽 朝所以論功者,見其邊人且相慰悅,其猶郭默生亂, 濫 同居京洛,旣被羈絷, 廟之瑚璉,社稷之楨幹。 良才,是兼 是以子胥無罪,吳人痛之,郤宛 理其冤,馬援物故,朱勃申其屈。 周用。 含言未吐,逐至今日,幽泉已閉,壟樹成行,內手捫心,顧 自少及長,忠孝爲心,入朝 于時朝旨 自拔無由 往歲,北海竊據,負晟當朝,王公卿士,俛眉 唯命発官,亦旣經恩,方加酷濫。 不幸,國 託 使東南,情存避難, 言未 臣雖小人,趣事君子,有懷 息。 出牧,清明流 劉胤懸首, 故河南 唯命 當時物論謂其得所。 尹李獎, 譽。 事乃權宜, 若以獎受命賊 襟懷 及皇輿返正, 伊昔具臣, 門居戚 從 放暢, 事。 有道存 舊恩, 蓋非 面 風

蒙 懷 愧愧 追 復 幸 而 逢 獎 雑 興聖,理 木 運 牛車 唯新,雖 未 改。 曰纂戎, 士威 知己, 事同創革。 懷 此 無忘, 頻有大恩, 輕率瞽言,干犯輦轂。 被於率土,亡官失爵 伏願 者悉 天

子構、襲。武定末、太子中舍人。齊受禪、舒例降。

鑒,賜

垂矜覽,

加

其

贈秩,慰此

幽

. 魂。

韶贈衛將軍

、冀州

刺史。

構弟訓,太尉默曹參軍。

太尉 諧 在 史職,無所 參 獎弟諧,字虔和。 軍,歷尚 歷意。 書 郎 徐州 加 風流閑潤,博學有文辯,當時才俊,咸相欽賞。 輔 北海王顥 國 將 軍 相州 撫軍 府 大中正、光祿 司 馬, 入爲 大 長 夫,除金紫光祿大夫,加衞 兼 中書侍郎。 受父前爵 崔光引 爲 彭城侯。 兼著作 將 郎, 自

元 顥 入洛, 以爲給事黃門侍 郎。 顥敗,除名,乃爲述 身賦 日

往, 徒從 情。 乃千乘所 師 咸 夫休咎相 爭途以 以下學,乏遊道於上京。 不 走利 躃 能 禍 傾 福 罕外己以逃名。 伊薄躬之悔吝,無性 相 生。 龜筮 洎方年之四五,實始筮之弱齡。 迷 其兆, 連從 命 車 聖達蔽其 之淑 以 載 禍, 靈 萌。 藉休 多 廐 覽成 庸 馬 於 以 敗於 祖 取 **发釋巾而** 武 刑。 前 迹, 仰 분 餘 料 從吏, 知 烈於 夫 趣 捨 家聲。 謬邀 介獨 於 人

竉

於時明。

總羣 穆三辰而貞觀。 ·雅而同歸,果方員而殊貫。 伊濫吹之所從,初竊服於宰旅。 彼□□之赫赫,乃陋周而小漢。 威北暢而武戢,鼎南遷而文煥。 帝文篤其成功, 異人相趨於絳 我武治其未亂。 闕, 奉盛王之高義,遊冤 鴻生接武 掩四 奥而 於儒館。 同軌,

園而容與。 綴鴻鷺之末行,連英髦之茂序。 及伯舅之西伐,赫靈旗之東舉。復奉役於前轅,仍執覊於後距。 迫玄冬之暮歲,

歷 關山之遐阻。 風激沙而破石,雪浮河而漫野。 樂在志其無端,悲涉物而多緒。俄宮

車之晏駕,改乘轅而歸予。

生,頗馳騁於文史。通人假其餘論,士林察於□理。乃妄涉於風流,遂飾輩於士子。 選之爲難,乃上應於列宿。陽源猶且自免,何稱仲治與太叔。 賦無征於湯沐。思守位而匪懈,每屛居而自肅。忽忝命於建禮,遊丹綺之重複。信茲 且以自託,□□□□。 而爲仕。好不存於吏法,才實疏於政理。竟火燭之不事,徒博弈其賢已。竊自託於諸 屬推恩之在今,自傍枝而禔福。 旣獻□以命宗,叨微躬於侯服。 余生□之蕭散,本寓名 禮空文於覜饗,

市之狹邪。 雖邇傒塵滓,而賞許雲霞。栖閑虛以築館,背城闕而爲家。 事雖儉而未陋,製有度而不奢。 山隱勢於複石,水回流於激沙。 帶二學之高字,遠三 樹先春而

休告。 后之淵猷,讚崇麾於華奧。豈千乘之乏使,感一眄之相勞。 類金谷之諠譁。 肆雕章之腴旨,咀文藝之英華。 動色,草迎歲而發花。 聊自足於所好,豈留連於或號。 座有清談之客,門交好事之車。 羞綠芰與丹藕, 薦朱李及甘瓜。 思炯戒而自反,勗身名於所蹈。 或林嬉於月夜,或水宴於景斜。 竟不留於三月,因病滿而 雖慚洛水之名致,有 奉哲

鳳之所栖,乃絲文之自出。歷五載而徘徊,猶官命之不改。 有待。晚加秩於戎章,乃□號之斯在 司惇史於藏室。慚班子之繁麗,微馬生之簡實。 彼東觀之清華,乃任隆於載筆。一去而貽恨,張再還而有述。 復通籍而延寵,陪帝局之華密。 謝能飛於無翼,故同滯於 忽牽短而濫官 信儀

野,嗟衞肝與嵇血。 電逝。 蹐於時昏,獨沉吟於運閉。

遂退處於窮里,不外交於人世。 皇統於是三絕。暨孝昌之陵陂,亦繼□而禍結。將小雅之詩廢,復三綱之道滅。 屬運道之將季,諒冠屨之無礙。 旣籍取亂之權, 方乘轉圓之勢。俄隙開而守廢,遂冠冕之毀裂。 **奄昇御於鼎湖,忽流哀於四海。** 及數反於中興,驅時雄 昔漢命之中微。 彼膏原而塗 。思跼 Th

何古今之一揆,每治少而亂多。盧遁身於東掖,荀窘迹於南羅。

時獲逃於□阜〉

傳第五十三 李平

列

沸 投 大 仍 矢 憩 風 於 竄 於 不 宿 交射於 濮 肆 於 測 陽, 巖 競征 吞噬於觜距, 阿。 實陶衞 舟 中。 鳥於歸波。 首丘 備 之舊壤。 一急於 百曜 咸邑燼 明發,東路長其如何。 時在 於茲日,諒陳蔡之非窮。 望鄉 而 所 野空。 村村 而 而佇立,曾不遙之河廣。 放 命, 徑黎陽之寇聚, 連百 I萬於山 遽登 乘虎 一舟而鼓枪,乃沿洛而汎 東。 迫崖 口 而 何信都之巨猾,若封 獲濟,陵陽侯 壘之渢隆。 聞 房馬之夕嘶, 躁 而 河 通 迅往,得 見胡 |I|鶩寸 豕 而 鼎 塵 與

氛祲 之蕞 命。 甫 之 爾,本無傒 王 廓 略 聞 蕩。 內 恢 . 侍之忝,復奉 而 廟勝,車徒發而 昔蘧生之出 於衰盛。 忻草茅 優 奔,覩亡徵 加之令。 雷響。 而 偃 扇風 於 伏, 何 亂 金紫之陸離,鬱貂 且 師之猛 政。 優遊於辰慶。 及 、季子之來反,乃君立而 氣,張天畢之層網。裁一 玉之相 復推 床 映。 於宦流, 位定。 鼓而 延 光 冰銷,俄 華於 伊 吾人 重

上

固 逝 藉 張 身 以 親 存 非 流 均 時 五 而 權 越 加 定 義 爭 翠華 之親 Ļ 紹 之云初 一飈而 暱 及 師 一。尚民 宸 出 罕 繚繞。芍 居 楚 狗 而 之反正 節 心之易擾。 飇發, 旆 於 命 漢 ,振天網於頹綱。 舛而 陽。 陵 數違, 江 彼 何 而 建武 百 雲矯。 雖 僚 功深 之明 之冠 甄大義以 闢 一帶, 而 傑,茂雄 祚 閶 咸 芜。 蓋 北 之 明罰 崢 面 時 姿 嶸, 於 於 難 、天表。 虚 西王。 勿 、端冕旒於 然已及, 半 列於 矧 忽靈 恩 周行 網 億 疏 命之有歸。 羅 兆 m 周 任. 乃褫 神 其 ·遠, 駕 几

帶而來反,驅下澤於故鄉。

保 柩 同 此 虚 息 以 舟 探 觸 之不 獲沒,不再罪於當 宿 地 志 山林。 以內 旣未 求, 雖 因 撫 識其所以 西浮之迹,何異東都之心。 身途而自計。 今。 來,亦豈知 不詭遇以邀合, 其 所 以逝。 願 自託於魚鳥, 於是 豈釣名 得 喪 以干世。 同 遣,忘懷自 永得性於飛沉 獨浩 然而任己, 深。 遇 物 庶

胥曰「金陵王氣兆於先代, 今猶 稱盛 鄴下 事宜。 言 主 殷 國 客 其 人否危,故遷相 美, 郎 讓 孝 豈 尙 靜 范 由 子 暖, 何 是測影之地 肾當 我 博 蕭 初 事 遭 北 士 们 遷 介行 間 示 接 求 鄴?」諧答 母 當 應 通 憂,還鄉 左 和 耿 諧問胥曰:「主客在 人,令卿左 小寒於 ?」諧答日 う貴 |轉爲郞。」胥答曰:「特 好, 朝廷盛選行人,以諧 朝 曰:「不常厥邑,于茲五 此。」諧答曰:「地居陰陽之正,寒暑適時,不 里。 何 黄旗紫蓋, 爲 轉。」胥答 「皆是皇居帝里, 徵為魏尹,將軍 而 遷 郎官幾時。」胥答 諧答「 本出 曰:「自顧菲薄,不足對 爲應接遠賓,故權兼耳。」諧言:「 [東南, 兼散騎常侍,為聘 聖 ·如故,以禪制未終, 邦,王 相 人 君臨萬邦, 去 藏 不 者 往 日: 遠, 知 無外,所 來, 「我本訓 可 得統 故宜在此。」諧答日 揚盛美,豈 相 使主。 在 時 表辭。 關 而 **冑虎門** 而 河,復 言之。」胥 知 動 諧至 多 敢言屈。」胥問 朝議亦以爲優, 少。」胥 何 何 石頭 屈己濟務,誠 適復 必 所怪。」 後 日 蕭 1 洛陽 「帝王符 於 今任 日 所 隆替。 衍 胥日 遣 諧 旣 訪 **V**5 得 其

幼主, 命 尙 諧曰:「大丞相勃海王秉文經武, 左右皇極, 畫一九州, 懸衡四海。 匡 王之詩。 魏 道 文武賢才,布在列位,四科之美,非無其人,庸短造次,無以備啓。」而曰「武王有亂臣十人, 輔。 !書令元世儁,宗室之秀,綰政朝端。 雖 」蕭衍親問諧曰:「魏朝人士,德行四科之徒凡有幾人。」諧對曰:「本朝多士,義等如林, 豈得與中國比隆。紫蓋黃旗,終於入洛,無乃自害也。有口之說,乃是俳諧, 人物之盛,豈得頓如卿言。]諧曰:「 永固 侍中高岳、侍中孫騰,勳賢忠亮,宣讚 皇朝廊廟之才,足與周人有競。」衍曰:「若爾,文足標異、武有冠絕者,便可指陳。」 :基業,深不可言。」江南稱其才辯。 左僕射司馬子如、右僕射高隆之, 愚謂周稱十人,本舉佐命,至於『濟濟多士』,實是文 王猷。 自餘才美不可具悉。」而曰:「故宜輔弱 錄尙書、汝陽王元叔昭 並時譽民英, 亦何足

悼惜之。 使還,除大司農卿,加驃騎將軍,轉秘書監。 贈驃騎大將 軍、衞尉卿、齊州刺史。 所著文集,別有集錄行於世。 遇偏風廢頓。」武定二年卒,年四十九,時

長子嶽,武定末,司徒祭酒。

嶽弟庶,尚書南主客郎。

才藻之美,爲 諧 弟 邕 時 字修穆。 所 稱。 幼 年二十五,卒。 而 **儁爽**,有逸才。 贈鎭遠將軍、洛州刺史、諡曰文。 著作佐郎、高陽王雍友。 凡所交遊皆倍年,儁秀

高 !明幹略,効智於時,出入當官,功名克著,蓋贊務之英也。 史臣曰:邢巒以文武才策,當軍國之任,內參機揆,外寄折衝,其緯世之器歟? 李平以

校勘記

- 河間 鄭人也 諸本「鄭」訛「鄭」,今據北史卷四三邢巒傳改。
- 舉等進師 討之 諸本「舉」作「懸」, 册府卷三五三四一九五頁 作「舉」。按「舉」即指上文的「楊舉」,
- 作「懸」無義,今據改。
- \subseteq 冠軍將軍鲁方達固南安 卷八世宗紀正始二年、 卷九八蕭衍傳, 諸本「鲁」作「曾」,通鑑卷一 是這次戰 事 中梁朝 四六四五四九頁作「鲁」。按「鲁方達」屢見 重要 將 領。 梁書卷一〇鄧元起傳
- **Z**9 蕭淵藻是裙屐 少年 諸本「裙屐」作「羣劇」,北史卷四三、通鑑卷一四六四五五二頁作「裙屐」。按

羣

劇

無義,今據改。

也幾次提到他,當時別無「曾方達」其人。「曾」乃「鲁」之訛,今據改。

二五 \Box 便戮鄧元起 諸本「起」作「超」。 按蕭淵藻殺鄧元起,事見南史卷五五鄧元起傳。 梁書卷一〇

鄧元起傳說元起「被收付州獄,於獄自縊」,微異,但死於淵藻之手的是鄧元起則一,「超」字訛,

今改正。

比建議之始 通鑑卷一四六四五五四頁「比」下有「道遷」二字「議」作「義」。按上二字當是通鑑所

增了議」疑當作「義」。

 $\overline{}$. ------ 驍騎將軍相文玉等率衆一萬屯於孤山 按卷八世宗紀

卷九八蕭衍傳同,並不見所謂「相文玉」。 正始三年七月丙寅稱「衍將桓和寇孤山、陷固城」、八月壬寅又稱「邢巒破蕭衍將桓和於孤山」。 通鑑卷一四六四五六三頁也作「桓和屯孤山」,而此傳

下文兩見「文玉」,通鑑都作「和」。則司馬光所見魏書當作「桓文玉」,故認爲「文玉」即「桓和」。

這裏「相」當是「桓」之訛,「文玉」或是和字。

「淮」作「清」。按宿豫城在泗水即清水旁、「淮」字訛、今據改。 而懷恭等復於清南造城 諸本「清」作「淮」,册府卷三五三四一九六頁、 通鑑卷一四六四五六四頁

非可抑爲必勝 諸本「勝」字闕,今據册府卷四○四四八○七頁補。

蕭密餘軍猶自在彼 按「蕭密」卽梁臨川王蕭宏, 卷八世宗紀正始三年四月作「蕭容」」「密」

「容」都是避元宏諱改。參卷八校記〇三一。

喪元隸豎 諸本「豎」訛「賢」,不可解,今據册府卷四二八五〇九九頁改。

列

傳第五

度公之在彼 諸本此句作「兼云□公在彼」,不可解,今據册府同上卷頁補改。

所製詩賦箴諫詠頌 按「諫」非文體之名,疑是「誄」之訛。

一四六四

魏書卷六十六

列傳第五十四

李崇 崔亮

|李崇,字||繼長,小名||繼伯,順丘人也,文成元皇后第二兄||誕之子。 年十四,召拜主文中

散,襲爵陳留公,鎭西大將軍。

易帖。 洛,宣詔綏慰,當即帖然。 刺 史,鎭上洛,敕發陝秦二州兵送崇至治。 百許人。 高祖初,爲大使巡察冀州。 但須 兩 一宣詔旨而已,不勞發兵自防,使懷懼也。」高祖從之。 境交和,無復烽燧之警。 尋勒邊戍,掠得蕭賾 尋以本官行梁州刺史。時巴氏擾動,詔崇以本將軍爲荆州 在治四年,甚有 崇辭曰··「邊人失和,本怨刺史,奉詔代之,自 人者,悉令還之。 稱績。 召還京師,賞賜隆厚。 南人感德, 乃輕將數十騎馳 仍送荆州 Z 到 然

以本將 列 傳 第 軍 除 Ŧ. + 兗州 四 刺 史。 李 崇 **克土舊多劫盜,崇乃村置一樓,樓懸一鼓,** 四六五 **盗發之處,雙槌亂**

爾

擒

送。

諸

州

置

樓

懸

鼓,

自崇始

也

後

例

降

爲侯

八改授

安東將

軍

鐅 村 聞 鼓 四 面 皆守要路 諸 村 始 聞 是 者 以 撾 盜 鼓 發 ----俄 通 頃 ,次復聞 之 間 者 聲 以 布 二爲 百 里 一之內。 節, 次後聞者以三 其 中 險 要 悉有 爲 節 伏 各撃 盗竊始發 数千 槌 諸 便

聚黨 作 數 車 逆, 駕 月 冀 南 人 征 多 州 斬 應 驃騎 之, 陸送之,賊徒潰散。 大將軍 搔擾 南 北 咸 0 陽 崇遣 王 一禧都 入爲 高 平 督 河南 人卜冀州 左翼 尹 諸軍 詐 事 稱 , 詔崇 犯 罪 以 逃亡歸 本官 副 陸 焉。 陸 徐州 納 降 以 人 郭 謀 陸

門, 之, 與 州 覽 率 連 惠 衆 表 戰 以 蕭 刺 以拒 鸞 襲 史。 援 敗 後 率 悅 靈 走, 車 相 官 精 鴐 高組 日日 奉 珍 結 俘 軍 勇 南 「使 其妻子。 崇 大 破 韶崇為 討 皆棄靈 手詔曰:「今仇、隴克淸, | 崇 乃 萬 漢陽 股 壉 鷲 無 命 珍散 使持節 之,幷 9 崇多 西 硤。 統 崇行梁州 軍. 顧 歸, 慕容 設 之 斬 龍 、都督 漫者, 婆羅 門 靈 疑 兵, 之 珍 拒 刺 北 首 率 衆 雕 史。 李崇之功 襲克 減 衆 數 右 殺 鎭捍以德, 五. -太 諸 氏楊 千 武 一千,從 半。 里 軍 餘 興 事, ra 靈 也 人, 伐 景進 珍 他 率 蕭 樹 遣 俘獲猷等, 衆數 以崇 路夜 文人威惠既宣, [] 實允遠寄, 鸞 據 塞路,鷲 弟 梁 赤 婆羅 製龍 萬討 爲 州 士, 都 刺 與子 靈 門,破 之。 督 硤 史 靈珍 珍 梁秦 之口 陰 雙領步騎 崇槎 叉 廣宗 走 之。 遣 積 奔 從 州 大木、 山 遣 崇 漢 弟 諸 分 ||參軍 中 乃 萬 建 進, 軍 自 聚 餘, 率 事 鄭 出 礌 高 攻 Ŧi. 輝、 本 祖 其不 襲破 靈 石 故敕授梁 珍 臨 將 在 Ξ 人 靈 意 軍 南 武 巾 思 崖 梁 興 考 清 珍 F

州 用 寧邊 服 便 Ħ] 善思 經 略, 去 其 可除,安其可 公私 所患, 悉令芟夷。」及靈珍偷據白

水,崇擊破之,靈珍遠遁。

崇 盡 將 開 以 IÉ 擊討 分遣 國 拒 力 伯 官 捍 魯 世 宗 諸 陽 軍 禦 不 邑 將 利 初 蠻 $\overline{\mathfrak{H}}$ 崇累戰 賊 微 攻 柳 一百戶 功 勢甚盛 北 爲 撆 以 喜、魯 一崇爲 0 右 贼 破 壨 東 衞 之, 使 北 將 荆 詔 連 持節 軍,兼 燕等聚 斬 州 職克 以 蠻 北 崇爲 樊安, 燕等, 散騎 捷,生擒 七兵尚書。 衆反 使 及持節、 常侍 聚衆 徙 叛, 萬 樊安 諸量 於龍 都 餘 都 尋加 戶 了進討 督征 督 一悉應 Щ 於 征 撫軍將軍 幽 蠻諸 蠻 僭 之, 西 1 并諸 諸 稱 荆 圍 軍 軍 大 州 諸 事 事 逼 號, ·, 正 蠻 以討 湖 進 蕭 世 一悉降 陽 尙 號 宗追 之。 書。 衍 鎭 共爲 游 南 賞 擊將 轉左 蠻 將 平氏 唇 衆 軍 齒 衛將軍 軍 數 > 之功 率 李 萬 遣 步 暉 兵 騎 先 屯 應之。 相 封 以討 據 鎭 州 魏 此 形 昌 大中 要 城, 諸 縣

侍 運 久 聲 結 征 算 未 詔 南 殄 以 將 延昌 崇 賊 軍 爲 揚 衍 使持 初 狡 州 詐 加 節 刺 侍 或或 兼 史。 中 生 侍 車 詔 詭 中、 騎 劫 日 將 東 宜 應 軍 道 遣 、都督 敵 大 銳 人使, 黜 制 兵,備 變 江 算 陟 西 其 不 諸 能 非 否, 軍 意。 途, 事 著 刺 崇 救 賞 左 史 可 罰 擊 都 如 之 故 督 右,疾雷 稱 淮 南 轉 諸 中 均 軍 護 勢。 事 軍 , ' ب 坐 今 出 敦 胸 除散 威 Щ 重 蟻 騎 一,遙 宼

以 狀 告。 先 是 各言已子 壽 春 縣 人 ٠, 一 並 泰 有 有 **隣證** 子三 歲 郡 一遇賊 縣 不 能 亡失, 斷 崇 數 日 年 不 此易 知 所 知耳。」令二父 在 後 見 在 百 與 縣 兒 人 各 趙 在 奉 别 伯 處 家

列

傅

莫辨。 賓 數 此 君 必 内 李 云:「先亡一 經 求 蓋 人 欲 重 及 所 懼後役 不 數 H 疑 等 自 之 具 見 相 識 旬 稱 其 間 所 勝 雇 報 以 叉 有 有 追責,規絕 報 殺 有 幾 思安 異, 後 所 兄慶賓,今住 奉伯 爲 子,故妄認之。」又定州流 崇 經 女巫陽氏自云 何 遣 有 從 便卽 攝 資 州 亦 當 咨嗟而 人告之曰:「君 外來,詣慶賓告曰「僕住在 慶 放 財 訟之,二人不勝楚毒, 爲 詰 人 賓 賢 , 名貫,乃認城外死尸 當不 問, / 縛送。 問 弟。 已, 揚 日 迹其 見鬼,說 州 愛惜。 殊 若其 相 崇 爾 無痛 兒遇患,向已暴死, 曲 國 弟 召 不 .緒。 城 今但 逃亡, 信 女 意。 思安被害之苦, 內,嫂姓徐,君 人解慶 可 巫 乃云是流 見質 崇察知之, 各自 視 , 見隨 何故 之,鞭笞 詐 款 賓 此 稱 妄 若 看 州, 兄弟, 引。 其弟 之。 兵背役 認 往 有敎解禁, 他 不 脫 ___^ 乃以 去此三百。 飢 獄 爲 百。 户。 慶賓 獲, 矜愍,為 坐事 將 渴之意。 人所 逃走, 兒還泰,詰 決 送官 慶賓 崇 悵 俱 竟 殺 斷 然 徙 姓解字 可出奔哀 往 崇疑而 何 伏 失 獄 揚州。 比 慶賓 迎 報 晚。 精 引 色, 有 告 歸 奉伯 審 一人見 思安。 叉 殯 求 是 停之。 寄皆 見申 更 弟 思 誣疑 葬。 也。」苟 其 故 問問 詐 此 少 相 蓋等, 狀。 委 安背役亡歸, 過寄宿 時 頗 類 司 停, 造 密 曲 欲 軍 類 也 泰聞即 奉伯 遺二人 思安, 功 當 家 兵蘇 指 送官。苦見 云 備 申 兄 夜 乃款 自 號 顯甫 財 聞 此 # 非州 見者 誣 物 此 意 慶 引 共

月,

時

有

泉

水湧

於八公

Щ

頂

壽

春

城

中

有

魚

無數。從

地

湧

出

野

鵬

羣

飛

入

城

與

鵲

爭

巢。

 \overline{H}

水增未已,乃乘船附於女牆

大霖雨十有三日,大水入城,屋宇皆沒,崇與兵泊於城上。

列 傳 第 五 + 四 李 崇

夏雨 滅之。 必守死 城不 恤 致 **慨**,義感黃河,吾豈愛 士庶,務盡綏懷之略也。」 崇又表請解州,詔報 此 大水。 汎 沒者二板 濫 此城,幸諸君勿言。」時州人裴絢等受蕭衍 崇以洪水爲災,請罪解任 , 斯 |淮 非 南 而已。 人力,何得 萬 里, 州府 一軀,取愧千 繫于吾身。 以此 勸崇棄壽春,保北山。 解解? 載。 詔 曰:「卿居藩累年,威懷兼暢,資儲豐溢,足制 日 今水涸路通,公私復業,便可繕甲積糧,修復 但憐兹 動 脚 ٠, 百姓 土 不聽。 一庶, 假 崇曰:「吾受國 瓦解, 豫 無辜 州刺 是時非崇,則淮南不守 同死,可桴筏隨高, 揚州 史,因 之地, 重恩,忝守藩岳。 乘大水,謀欲 恐非 國 人規 物 爲亂。 德薄招 勁寇。 昔王 自 城雉 崇皆 脱。 尊 災 慷 然 吾

之能 其 表言其狀,世宗屢賜璽書慰勉之。 日 、姦謀。 「臥虎」,賊甚憚之。 任崇也 **|崇沉深有將略,寬厚善御衆,在州** 行乃授崇車 騎大將軍、 蕭衍 惡其 <u>外在</u>淮南, 屢設反間, 無所 開府儀同三司、萬戶 賞賜珍異,歲至五三,親待無與爲比。 凡經 十年,常養壯 郡 公,諸子皆為縣侯, 士數千人,寇賊侵邊,所向 不至, 世宗雅相 行每歎息,服世宗 委重 欲以構崇。 衍 摧 無以 破 崇 措 號

平寇五 之人於城 肅宗踐祚,褒賜 門 內。 胡 興茂寇開 又遣二將昌義之、 衣馬。 霍。 及蕭衍 揚州諸戍,皆被寇逼。 王神念率水軍 遣其游擊將軍趙祖悅襲據 泝 淮 **崇分遣諸將**, 而 規 取 西 壽 一硤石 與之 春。 相 更築 田道 持。 龍寇邊城 外 密裝船艦二百 城, 逼徙 縁淮 路長

餘 命 邊城 艘, 敎 戍 之水 主 邵 戰, 申賢要其走路 以待 臺軍 o 蕭衍 破之於濡水,俘斬三千餘 霍州司馬田休等率衆寇建安,崇遣統 人。 靈太后璽 書勞 軍李神擊走之。 勉 又

崇累表 李 將 覆 三丈,十步置 刺 以 史、都 神 尙 軍 大 (船)東 崔亮 書 許 水 解州 重 李 昌 督 克 平 救 縣 西 如 其 兼 令), 前 硤石,鎭東將 故。 竟 一籬,至 兼紵麻戍主陳平玉 東北 右 後 水 僕射,持節 7,防賊 十餘 衍 外城,祖悦 淮 兩岸,蕃板裝治, 上,肅宗 堰 火 未破 軍 栰。 節 蕭 小水勢! 度之。 力屈乃降,語在 寶夤於行 乃 叉於八 南引行 以元志代之。 日 崇遣李 公山 四箱 增。 堰 軍,以戍 上流 之東 解合, 崇乃於硤石 神 平傳。 決淮 乘鬭 尋除都督冀定瀛三州 南,更起一城,以備 賊 歸之。 東注 艦百餘 至 朝廷嘉之, 一舉用, 戍間編 崇自秋 0 艘,沿淮 朝廷 不 舟爲橋, 戦解 以諸將乖角, 請援,表至十餘。 進號 與 大水,州人 下。 驃騎 諸軍事、驃騎 李平、崔亮 北 叉於 將軍、 更立 複船 不 號 船 相 儀 合攻 樓 日 詔 遣 鎮 之北, 順 干, 魏 同 大將軍 赴, 三司 一硤石 昌 各高 城 南 Jħ 連

崇上表曰

冀

孙

刺

史,

儀

百

如

故。

不

祀 宣 者 布 也。 下 臣 聞 土 故 以以 世 孔子 室明堂,顯 彰 則 稱巍巍乎其有成功, 天 (之軌 於 周 夏; 養黃髮以 二黌 兩 詢 郁郁乎其有文章, 學, 格 言, 盛 育 自虞殷。 靑 襟 而 敷 所以宗配 此 典式, 其盛 矣。 用 上帝。 能 爱暨 享 以著 國 亡秦,政 久 長, 莫 大之嚴 風 失其 徽 萬

列傳第五十四 李崇

東都有三本之盛,莫不紛綸掩藹,響流無已。 |漢勃興,更修儒術,文景已降,禮樂復彰,化致昇平,治幾刑措。 道,坑儒滅學,以蔽黔首。 國無黌序之風,野有非時之役,故九服分崩,祚終二世。炎 逮自魏晉,撥亂相因, 三五兵革之中,學 故西京有六學之美,

校不絕,遺文燦然,方軌前代。

永平之中,大興板築,續以水旱,戎馬生郊,雖逮爲山,還停一簣。 規周漢以新品制,列敎序於鄕黨,敦詩書於郡國。使揖讓之禮,橫被於崎嶇,歌詠之 音,聲溢於仄陋。 仰惟高祖孝文皇帝稟聖自天,道鏡今古,徙馭嵩河,光宅函洛,模唐虞以革軌儀。 但經始事殷,戎軒屢駕,未遑多就,弓劍弗追。 世宗統曆,聿遵先緒,

臣子所以匪寧,億兆所以失望也。 所謂追隆堂構,儀形萬國者也。伏聞朝議,以高祖大造區夏,道侔姬文,擬祀明堂,式配 牧竪之跡。 上帝。今若基宇不修,仍同丘畎,卽使高皇神享,闕於國陽,宗事之典,有聲無實。此 漸致虧墜。 竊惟皇遷中縣,垂二十祀。而明堂禮樂之本,乃鬱荆棘之林,膠序德義之基,空盈 城隍嚴固之重,闕塼石之工;墉堞顯望之要,少樓榭之飾。 又府寺初營,頗亦壯美,然一造至今,更不修繕,廳宇凋朽,牆垣頹壞,皆非 加以風雨稍侵,

臣叉聞官方授能,所以任事,事旣任矣,酬之以祿。 如此,上無曠官之譏,下絕尸

進退。 歟!誠知佛理淵妙,含識所宗,然比之治要,容可小緩。 苟使魏道熙緝,元首唯康,爾 飲,敦進郡學,精課經業。 之音,煥然而更作。 窟鐫琢之勞,及諸事役非急者,三時農隙,修此數條。 清平,九服寧晏,經國要重,理應先營,脫復稽延,則劉向之言徵矣。 勤勤請定刑法,至於禮樂,則曰未敢,是則敢於殺人,不敢於養人也。」臣以爲當今四 乃經營,未爲晚也。 有言:「王者宜興辟雍,陳禮樂,以風化天下。 以臣愚量,宜罷尙方雕靡之作,頗省永寧土木之功,幷減瑤光材瓦之力,兼 今國子雖有學官之名,而無教授之實,何異冤絲燕麥, 美榭高墉、嚴壯於外、槐宮棘宇、顯麗於中。 如此,則元、凱可得之於上序,游夏可致之於下國,豈不休 夫禮樂所以養 使辟雍之禮,蔚爾 人,刑法所以殺人,而 道發明令,「言 南箕北斗哉 但事 不兩 而復興; 興,須 昔劉向 重遵 分石 有司 諷 有 鄕 海 誦

靈太后令曰「省表,具悉體國之誠。配饗大禮,爲國之本,比以戎馬在郊,未遑修繕。 表晏寧,年和歲稔,當敕有司別議經始。」

瀛 四州諸軍 遷尙書令,加侍中。一崇在官和厚,明於決斷,受納辭訟,必理在可推,始爲下筆,不徒爾 除中書監 事、本將軍、定州刺史,儀同如故。 、驃騎大將軍,儀同如故。又授右光祿大夫,出爲使持節、 徵拜尚書左僕射,加散騎常侍,驃騎、儀 侍中、 都督定幽 同 燕 加

收領 也。 然性好財貨,販肆聚斂, 家資巨萬, 營求 亦 息。 子世哲為相州 刺 史,亦 無清 狀

飾, 志氣 蠕 蠕 奮 主 揚 阿 那瓌 時年六十九, 率 衆 犯塞,詔崇以本官都督北討諸軍 幹力如 少。 肅宗目而壯之, 事以討之。 朝廷莫不 ·稱善。 崇辭 於顯陽殿, 崇遂出塞三千餘 戎服 乖

里,不及賊而還。

搆逆, 遣崇行,總督三軍, 都 之心,致有今日之事 陵。」詔曰:「去歲 吏部 防,復陷凶手。 尋敗於白道 乃上表求改鎭 在北,憂慮金陵, 尚書元脩 後北鎮破落汗 登遣都督臨淮王克時除 一、賊衆 爲 義 恐賊勢侵淫,寇連 州 日「强寇充斥,事須得討。 阿那躟叛逆,遣李崇令北征,崇遂長驅塞北,返旆 日 拔陵反叛,所在響應。征北將軍、臨淮王彧大敗於五原,安北將軍 揚旌 甚。 臣等實懷悚息。 罷 但旣往難追,爲復略論 削舊貫。 韶引 恒朔,除彼 丞相、令、僕、尙書、 刻。 股 于 恒朔。 軍屆 羣盜。 時以舊典難革,不許其請。 李崇德位隆重,社稷之臣,陛下此遣, 五 金陵在彼,夙夜憂惶。 原, 諸 臣謂須得重貴, 人謂 此耳。 前鋒 侍中、黄門於 口 失利,二將殞命, 爾以不。」僕射蕭寶夤等曰:「 朕 以 李 崇 國 鎭 壓 諸 顯陽殿,詔 戚望重,器識英斷, 尋李崇: 楡 人宜 恒 關, 朔, 兵士 陳良策,以副 此亦一 總彼 此表,開諸 挫 日 一一一股比 實合羣望。」崇 衂。 師旅 時 之盛。 陛 叉武 李叔仁 朕 以 意 備 F 鎭 欲 以 非 衞 懷 鎭 JII 異 崇 還 金 乖

啓曰 領。 賢,收功盛 敎 日 一臣 揚,微 臣 **今更遣臣** 以 六鎭 . 實 塵 H 無 去塞。 北行,正是報恩改過,所不 幽 用,猥 垂 , 蒙 불 與 | 敢導 賊 殊寵,位 接 此 對, 区 鳴柝 妨賢路,遂充北伐。]源,開 聲弦, 生 敢辭。 賊 弗離 意。 旬 臣 但臣年 朔。 之愆 徒勞將士, 州名 七十, 負,死 差 有 自 重於鎭 無 餘責。 惟 勳 老疾, 而 還, 屬 謂 不堪 陛 實 慚 下 負 可 一敵場, 慈 悅 聖 寬 朝, 彼 心 更願 於 賜 全 使 英 莫 聲 腰

之北,賊遂幷力攻崇。 祖 瑩 詐增 功級, 盗沒軍資。 受崇節度。 於 是韶崇以 又詔崇子 本官. 光祿 加使持節、開府、 崇與廣陽王 大夫神軌,假平北 崇坐発官爵,徵還, 淵 力戰,累破 北討 大都督, 將 以後 軍, 賊 衆 隨崇 撫 事 付 相持至冬,乃引還平 軍 一將軍崔 北 淵 討。 崇至五 渥, 鎭軍 原,崔暹 將 城 軍 廣陽 大敗于白 淵表景長 王 淵 史 道

代之。 侍 馬 奔歸 中、驃騎 後 改除開府 徐 乃詔 州 大將 刺 復崇官爵,為徐州 史元法僧以彭城南叛,時除安樂王鑒爲 軍 相州 、司徒公、雍州刺 刺 史,侍中、 大都 史,諡 將軍 督,節度諸軍 日武 儀同並 康。 如 事 後重 故。 徐州 會崇疾篤 贈太尉公,增邑一千戶 孝昌元年 刺史以討法僧,爲 薨 乃 以衞 於位 一時年 將軍 餘 法僧 、安豐王 七十 如 所 0 故 敗 延 贈 單 明

軍 、驍騎將軍 長子 世哲, 尋遷後將軍,爲三關別將,計<u>羣</u>蠻, 性 輕 率, 供 奉豪侈。 少經 征 役, 頗 大破之,斬蕭衍龍驤將軍文思之等。 有 將 用。 É 司 徒中兵參軍 超 爲 征 虜 還 將

涇州 將軍 百姓患之。 拜鴻臚少卿。 李錐」。 刺 尋出爲 史, 肅宗 賜爵 崇北征之後, 相 性傾巧,善事人,亦以貨賂自達。 末,遷宗正 衞 州刺 國 子。 史, 將軍 卿, 正光五年七月卒。 徵兼太常 加平南將軍, 如故。 卿。 世哲至州,斥逐細 御史高 轉大司農卿, 賻帛五百匹、朝服 道穆毁發其宅, 高肇、劉騰之處勢也, 人,遷徙佛寺,逼買 仍本將軍 表其 襲, o 罪過。 又改授太僕 贈散騎常侍、 皆與親善, 其地,廣 後除鎭 卿 故 一加鎭 衞 西 興第宅, 世 將軍 將 號 軍 東 爲

吏部尚書

、冀州刺史、子如故。

相州 頻遷征 劫 詔 不守,遂便退 領之氣。 神 軌 刺史、諡曰烈。 詔 世 神軌 哲 與都督源子邕等討平之。 東將軍 弟神軌, 孝昌 爲都督,破平之。 還。 、武衞將軍、給事黃門侍郞, 中, 尋與百官候駕於河陰,仍遇害焉。 受父爵陳留侯。 為靈太后寵 **介朱榮之向洛也**,復爲 遇, 武泰初,蠻帥李洪易動諸落,伊 勢傾 自給事 朝 野, 中,稍遷員外常侍、光祿大夫。 常領中書舍人。 時云見幸帷幄, 建義初,贈侍中、驃騎大將軍、司空公、 大都督, 率衆禦 時 相 與 闕 鄭儼 州刺史、安樂王 已東,至於鞏縣,多被燒 之。 爲 雙,時 累出 出至 河橋 征討,頗有 人莫能 鑒 値 據 州 明 北 也。 反 1 將

城,道 文秀 幼 孫,居家貧,傭書自業。 阻 崔 固 亮, 兵叛之。 即亮之叔祖也。 字敬儒,清河東武城人也。 彧使元 孫討文秀,爲文秀所害。 及慕容白曜之平三齊,內徙桑乾,爲平齊民。 父元孫,劉駿尚書郎。 亮 母房氏, 劉彧之僭立也,彧青州刺史沈 攜亮依冀州刺史崔 時年十歲,常依 道 固於歷 季父

中 本,卿能記 言之於 彼 曰 一大 書 家 博 饒 時 沖, 催 隴 書, 士。 生寬和篤雅,汝宜友之,小崔 西李沖當朝任事,亮從兄光往依之,謂亮曰:「安能久事筆硯,而不往託李氏 之不。」亮卽爲誦之,涕淚交零,聲韻 因 沖召亮與語,因謂亮曰:「比見卿先人 轉議 可得 郎,尋遷尙 學。」亮曰:「弟妹飢寒,豈可獨飽? 書二千石 郞 生 峭整淸徹,汝宜敬之。 不 異。 相命論,使人胸 自可觀 神 甚奇之,迎爲館客。 書於市,安能 二人終將大至。」 中無復 忧 看 迫之念。 冲 入眉 謂 一沖薦 其 睫 乎!光 兄子彦 今遂亡 之爲 也?

帶 年 卿 人 ・廉愼 野王令。 遷 日假 高 中書 祖 明決,爲尚書郭祚所委,四 在洛、欲創 侍郎、 世宗 叉 一日,高 兼 親 政 尙 革 一遷給 書左丞。 祖 奮制,選置百官,謂羣臣曰:「與朕舉一 曰:「朕已得之,不 事 黄門侍郎, 亮雖歷顯任,其妻不免親 每云:「非崔郎中,選 仍 煩卿輩 兼 吏部 心 郎,領 馳驛徵亮 事不辨。」 靑 事 春 州 吏部郎, 大中 簸。 兼吏 庄 高 祖 部 必使才望兼允 聞 亮自參選 郎。 之, 俄 嘉 爲 其 事 太子中 清 垂將十 儿者,給 貧, 舍 詔

禁中, 轉都官尙書,又轉七兵,領廷尉卿, 內亦承候時情,宣傳左右郭神安頗被世宗識 侍中、廣平王懷 邑,費 日「廣平粗 集,懷恃親使忿,欲陵突亮。 尋除散騎常侍,仍爲黃門。 用甚廣。 世宗令兼侍中盧昶宣旨責亮曰:「在法官何故受左右囑請。」亮拜謝 .疏,向來又醉,卿之所悉,何乃如此也。」遂詔亮復坐,令懷謝焉。 以母弟之親,左右不遵憲法,敕亮推治。世宗禁懷不通賓客者久之。 亮在度支,別立條格,歲省億計。 亮乃正色責之,即起於世宗前,脫冠請罪, 遷度支尙書,領御史中尉。 加散騎常侍, 遇,以弟託亮,亮引爲御史。 中正 又議修汴蔡 如 故。 自遷都之後,經略四方,又營洛 徐州刺史元炳撫御失和,韶亮 二渠, 以通邊運, 遂拜. 及神安敗後 而 已 辭欲出。 亮外雖方正 無以 公私賴焉。 後因宴 上對。 世宗 因集

無恒, 利之,至今猶名崔公橋。 今唯慮長柱不可得耳。」會天大雨,山水暴至,浮出長木數 梁,況此有異長河,且魏晉之日亦自有橋,吾今決欲營之。」咸曰:「水淺,不可爲 賜衣馬被褥。 除安西將軍、雍州刺史。 又不可施柱, 恐難成立。」亮曰:「昔秦居咸陽, 橫橋渡渭, 亮至,劾**昞,處以大辟,勞賚綏慰,百姓帖** 後納其女爲九嬪,徵爲太常卿,攝吏部事 亮性公清,敏于斷決,所在並號稱職, 城北渭水淺不通船,行人艱阻。 百根。 亮謂僚佐曰:「昔杜預 三輔服其德政。 以像閣道, 藉此爲 用 ",橋逐 此 卽 浮橋,汎長 成 世宗嘉之, 以 柱 乃造 一百姓 爲橋。 何

馳驛安撫。

列

路,期之全獲,無令漏逸。 經略,宜共協齊,必令得掃盪之理,盡彼遺燼也。隨便守禦,及分渡掠截,扼其咽喉,防塞走 奔遁。若仍敢遊魂,此當易以立計,擒翦蟻徒,應在旦夕。將軍推轂所憑,親對其事,處分 乃進軍,共平陝石,語在平傳。 軍,亮焚擊破之,殺三千餘人。 南 勞遣亮等,賜戎服雜物。 軍,齊王 肅宗初, 蕭寶夤鎭東將軍,章武王融安南將軍,並使持節、都督諸軍事以討之。 出爲撫軍將軍、定州刺史。 若畏威降首者,自加蠲宥,以仁爲本,任之雅算。一二往使別 **亮與李崇爲水陸之期,日日進攻,而崇不至。及李平至,崇** 靈太后賜亮璽書曰:「硤石旣平,大勢全舉,淮堰 蕭衍左游擊將軍趙祖悅率衆偷據硖石。 孤危,自將 詔亮假鎭 靈太后

宣。」以功進號鎭北將軍。 卒憤激,東北騰上,垂至北門;而亮遲回,仍不肯上,臣逼以白刃,甫乃登陟。 · 虎已輒還京。按虎受付東南,推轂是託,誠應憂國忘家,致命爲限。而始屆汝陰,磐桓不 <u></u>
蔡,別將

然

生

即

往

東

岸

夷

夷

長

妻

,以

防

橋

道

。

臣

發

引

向

堰

、

舎

人

曹

道

至

、

奉

軟

更

売

あ

っ

こ

あ

っ

こ

っ

こ

こ

こ

っ

こ

っ

こ

こ

こ

っ

あ

っ

こ

っ

こ

っ

こ

っ

こ

こ

っ

こ<br / 進,暨到寇所,停淹八旬,所營土山攻道,並不克就。 損費糧力,坐延歲序。 賴天威遠被,士 一臣 以蕭衍將湛僧珍、田道龍遊魂境內,猶未收跡,義之、神念尚住梁城,令都督崔亮權據下 李平部分諸軍,將水陸兼進,以討堰賊。亮違平節度,以疾請還,隨表而發。平表曰: 及平硤石,宜

傳第五十四 崔亮

列

死』, 自擅,旣損威稜,違我經略。 闕 補過。」及下至,亮與爭功於禁中,形於聲色。 聽處分, 水陸之會? 叉云『軍還先歸者流』。 方更肆其專恣, 輕輒還歸。 緣情據理,咎深『故留』。今處亮死, 軍罷先還,尚有流坐,況亮被符令停, 雖有小捷,豈免大咎。但吾攝御萬幾,庶兹惡殺,可特聽以功 此而 不糾,法將焉寄。按律 上議。」靈太后令曰「亮爲臣不忠,去留 『臨軍征討而故留不赴者 委棄而反, 失乘勝之機。

晉 於 滯者皆稱其能。 求其文,不取 旣 以停解日月爲斷。 因循,又置 取 少,應選者多,前尙書李韶循常擢人,百姓大爲嗟怨。亮乃奏爲格制,不問士之賢愚, 當其 天下士子 力,不爲貽厥之累。 士之途不溥,沙汰之理未精。 尋除殿中尚書,遷吏部尚書。時羽林新害張彝之後,靈太后令武官得依資入選。官員 壯 也,尚 其理,察孝廉唯論章句,不及治道,立中正不考人才行業,空辨氏姓高下。 中正。 誰復修厲名行哉」一亮答書曰:「汝所言乃有深致。 亮外甥司空諮議<u>劉景安書規亮日;</u>殷周以鄉塾貢士,兩漢由州郡薦才,魏 不 雖復官須此人,停日後者終於不得,庸才下品,年月久者灼然先用。沉 諦觀在昔,莫不審舉,雖未盡美,足應十收六七。而朝廷貢秀才, 至上 如 人,況今朽老而居帝難之任。 昨爲此格,有由而然,今已爲汝所怪,千載之後,誰知我哉?可靜 而舅屬當銓衡,宜須改張易調。 常思 同昇舉直,公以報明主之恩;盡 吾乘 如之何反爲停年格以 時邀幸, 得爲 吏部 尙 限

之以 請賜 時宜 博哉。』今勳 共 曲 令十人 令 以 念吾言,當爲汝論之。 [是也。 垂 爵人也。 一人之鑒 踵 正 其爵,厚其祿。旣不見從,是以權立此格,限以停年耳。 組 須 而 共一官,猶無官可授,況一人望一官,何由可不怨哉?吾近面執,不宜使武人入選, 異。 法,何異汝以古禮難權宜哉!仲尼云:德我者亦春秋,罪我者亦春秋。 乘軒,求其烹鮮之效,未曾操刀,而使專割。 行之。 但令當來君子,知 何者? |照察天下。 人甚多,又羽林入選,武夫崛起,不解書計,唯可礦弩前驅,指蹤捕噬而 吾謂當爾之時,無遺才,無濫舉矣,而汝猶云十收六七。況今日之選專歸尙書, 自是賢愚同貫,涇渭無別,魏之失才,從亮始也。 昔有中正,品其才第,上之尚書,尚書據狀,量人授職,此乃與天下羣賢 吾兼、正六爲吏部郎,三爲尚書,銓衡所宜,頗知之矣。 劉毅所云:『一吏部、兩郎中而欲究竟人物,何異以管闚天, (吾意焉。」後甄琛、元脩義、城陽王徽相繼爲吏部尚書,利其便 又武人至多,官員至少,不 昔子產鑄刑書以救弊,叔向譏 但古今不 吾之此指,其 可周溥。 而求其 設

宗遣舍 故 襲,閒物七百段、蠟三百斤。 頻 年 轉 之中 人問 侍 中、太常卿,尋遷左光祿大夫、尙 疾,亮上表乞解僕射,送所負荷及印綬,詔不 名位隆赫,有識者譏之。 贈使持節、散騎常侍、車騎大將軍、儀同三司、冀州刺史、諡曰 轉尙 書右 書僕射,加散 、 僕射。 時 騎常侍。 許。 劉 騰擅權 尋 卒, E 亮託 光二年秋,疽 詔 給東 妻劉氏,傾身事之, 園 秘器、 發 於背、肅 朝服

貞 烈。 亮在雍州,讀杜預傳,見爲八磨,嘉其有濟時用, 遂教民爲碾。 及爲 僕射, 奏於 張方

橋 東 堰 穀 水造水碾磨數十區,其利十倍,國用便之。 亮有三子, 士安、 士和 士 泰 《,並强

於當世。

`,歷尙書比部郎,卒於諫議 大夫。贈左將軍、光州刺史。 無子,弟士和以子乾亨繼

乾亨,武定中,尚書都兵郎中。

脩義 左丞,行涇州事。 士和 ,歷司空主簿、通直郎。 蕭寶夤之在關 從亮征硤石,以軍 中 一,高 選僚佐,以 勳拜冠 爲督 軍 府 一將軍、 長 史。 中散大夫、西道行臺元 時莫折念生遣使詐降。

寶夤 表 士和兼度支尚書,爲隴右行臺,令入秦撫慰,爲念生 所害

驤 將軍、征蠻 士泰,歷給事中、司空從事 一別將, 事平,以功賜爵五等男。 中郎、諫議大夫、司空司 建義初, 馬。 遇害於河陰。 肅宗末,荆蠻侵斥,以 贈都督青克二州諸軍 士泰 爲

事、鎭東將軍、青州刺史、諡曰文肅。

子肇師,襲爵。武定末,中書舍人。

亮弟敬默,奉朝請。卒於征虜長史,贈南陽太守。

子思韶,從亮征 硤石,以軍 功賜 爵武 城子 ,爲冀 州 別

敬默 弟隱處,日 青州 州都。 **|亮以其賤出,殊不經紀,論者譏焉。**

列傳第五十四 崔亮

退,辭 韶 遂 經 爲 司 吏部尚 亮 而不當。 室行參軍,復請讓從叔和,曰:「臣誠微賤,未 從 父弟光韶 書 一李沖,讓官於光伯,辭色懇至。 高祖善之,遂以和爲廣陵王國常侍。 事親以孝聞。 初除奉朝 講。 沖爲 光韶 奏聞,高祖嘉 登讓品, 尋敕 與弟光伯雙生,操 光韶兼秘書郎,掌校華林御書 屬逢唐朝,耻無讓德。」和亦謙 而 許之。 業 太和二十年,以光 和作》 特 相 友愛。

謂 愛之。 高 司 徒 爲 植 諮 甚 庸宗 忿怒,然 入爲司空從事 知之,政事多 議,固辭不拜。 初,除青州治中,後爲司空騎兵參軍,又兼司徒戶曹。 孔懷雍 一委訪焉。 睦,人少逮之。 中郎,以母老解官歸養, 光韶性嚴毅,聲韻抗烈,與人平談, 遷青州 平東府長史,府解,敕知州事。 賦詩展意, 常若震厲。 朝士屬 出爲濟州輔國府 和者數十人。 光韶清直 至於兄弟議論, 明 外 之, 。 斷 民 司 馬 外聞 徴爲 吏畏 刺 史

今宗祏 河 然。 爲 以 長 南 史以 賊 孝 党英不 莊 不移,我欲受赦,諸君意各何如了在坐之人莫不失色,光韶獨抗言曰一元顯受制梁 退之後,刺 鎭之。 初, 風靡。 河 間 時陽平路回 史表光韶忠毅,朝廷嘉之,發使慰勞焉。 邢杲率河北流民十餘萬衆, im 刺 史、廣陵王欣集文武 寓居齊土,與杲潛相影響,引 以議 攻逼州郡。 所從。 欣曰:「北海、長樂俱是同堂兄弟。 賊入郭。 刺史元儁憂不自安,州人乞光韶 尋爲 東道 光韶 軍司 臨機處分, ō 及元顥 入洛 在 難 É

眷 國 未 稱 敢 兵 本 仰 朝, 從 拔本 長 史崔景茂、前 塞源 以以 資讎 瀛 敵 州 贼 刺 史 臣 張 亂 子,曠 烈、前 代 郢 少傷, 州 刺 史 何 房 但 叔 大王家 祖 微 士 事 張 所 僧 宜 皓 切 咸 齒 云 等荷 朝 司

議

欣

乃

斬

顥

使

罪 中 以 李 贓 彧 罪 尋 乎 徵 被 並 劾 輔 勢望當 其 或 光 執 將 韶 意 軍 時 必 不 皆 欲 廷 回 尉 致 爲 如 之 少 **瑩**求 此 卿。 重 法 寬 未 至 太 光 一,除 尉 韶 太尉 陽 正 色 城 百三. 長 王 徽 史, 朝賢 尙 加 書 左 執 將 令、 事 軍 於舜 脇 一,俄 淮 遷 王 之功 彧 廷 尉 未聞 吏 卿。 部 有 尙 時 書 秘 ۶ 李 書 如 前申 監 何 儁 祖 反 诗 爲 瑩

鵠 州 邢 妻 綾 王 而 界 爲 子 絹 惠 論 是 東 之,不 才 錢 於 永 丽 光 道 安 曾 布 夜 韶 誣 貸 大 遇 末 光韶 之繼 以 置 使 錢 盜 擾 篋 一,害 數 毫 室 知 子 亂 充 萬, 偃 其 之際 通 兄 其 積 見 與 女 物。 後 o 子。 前 枉 賊 送 議 逐 , 連 還 家 者 還 理 丽 結, 孝 足 之。 譏 出 貪 鄕 莊 於 其 之。 、婪,多 里 囚 財 光韶 詔 矯 其 黄 嗇 合家, 時 光 而 諸 門 ò 日 人 韶 性 不 高 其 勸令詣 博 儉 此 法 道 家 考 學强 答, 穆 資 掠 亡弟 光 令 產 樊陳謝 非 衣 辯 韶 加 馬 理 以 相 , 皆 檢 尤好 弊瘦 貨 親 丽 光 捕 情 伯 光韶 光 , 僕 理 韶 所營。 食 孤 論 不 坊之內, 味 日 與 相 知 , 之 至 非 粗. 也 羊 辯 責 光 於 薄 舌 伯 家 入倫· 爭 竟 丽 大夫 済 Ë, 别 始 銜 不 名 搜 光 之。 納 悉 色 已 索 韶 教 不 焚 有 在 得 屈 其 時 刺 成 失 至 都 耿 史 契。 之 事 光 會 翔 元 前 韶 間 樊 何 碿 里 反 加 於 前 間 X 搉

列

傅

第

Ti.

父老知 劫 往 光韶 也。 子鵠 復 ,以兵脅之,責以 何 計。淵 亦 歎 尚 之。 雖 恨 之,敬 後刺 謀 略。 史侯淵代下疑懼, 而不敢害。 光韶 曰:「凡起兵 尋除 征 停軍 者, 東 將軍、金紫光祿大夫,不 益都, 須 有 名義, 謀爲不軌。 使君 今日 令 數 舉 百騎 起 動 直 是 夜 作 入南 賊 郭,

未嘗不先以 如 業,足以遺汝,官閥 但 初 百年之後 ら、侍中 以 有 禄命有限 神 光 韶 靈 蕒 不不 一,不享汝祀。 以 思 推 世 同 須 道 弟。 合也 申 無容 屯 ·啓,稱述 弟 亦 遭,朝廷**屢變,**閉門却 希 領横 何足言 然贈諡 吾兄弟 世 取 光韶,贈散騎常侍、 禍 進。 權 也。 自 之及,出 作松 幼 在官 吾旣 及老、衣服 櫬 以來, 自 運薄,便 君 掃,吉凶 亦可 恩, 不冒 驃騎將軍 飲食未曾一片不 爲 經 豈容子孫 吾作 斷 \equiv 級, 一要,而 絕。 松 一青州刺 官雖 棺 誡 自求之也, 汝之兄弟各不 子 使吾見之。」卒年七十一。 不 孫 ·同,至 達, 史。 日 經爲 「吾自謂 於 勿 兒 須 同 九 女官婚 求 生, 卿 贈 立 合葬 身無慚古烈, 且 樂 若 吾平 利 違 非 之事 吾志, 古,吾 孝靜 生素

之祖 禮 之君 不愆,請宜許遂,以明道敎。」靈太后令從之。 一,尙不 不臣 光韶 諸父昆 弟光伯 得 臣 元況 尚 弟,封君 一个之刺 書 郎 、青州 之子臣昆弟 史,旣 別 非 駕。 世 繼 不 後以 一,而 臣 諸 族 得 父, 弟休 行 尋除北海太守, 臣 封君 臨 吏 州 之節,執笏 之孫 逐 得 中牒 盡 臣。 求 稱 有司 解。 名 計 者 以其更滿, 始 乎? 尙 封 書 之君 奏『按 檢光 依例奏代。 伯 卽 禮 請 是 解 始 世 封 率 繼

肅 宗詔曰:「光伯自莅海沂,清風遠著,兼其兄光韶復能辭榮侍養,兄弟忠孝,宜 有甄錄。 11]

更申三年,以厲風化。」後歷太傅諮議參軍。

防 見 其 經 水 光 無益 略 火焉 衞 衰 伯 者衆。 挫。 大事,不 出 前 也。」貴 城 廢帝 《慰勞。 以 蹙迫 時,崔 外人 此 與國 下逼之,不得已,光伯遂出 觀之,今日 小弟,從 疑 兄光韶曰:「城民陵縱,爲日已久,人人恨之,其氣甚盛。 士 ·祖螭、張僧皓起逆,攻東陽,旬日之間,衆十餘萬。 其欲戰,未及 圖之。 爲無名之行。 非可慰諭 所 共腹 曉諭,爲飛矢所中,卒。 心,皆趨走羣小。 止也。」貴平强之,光韶 若單騎獨往 城。 數里,城民以光伯兄弟羣情所繫,慮 一,或 見拘 既不能綏遏以杜其萌,又 贈征 · 蒙,若 曰「使君受委一方,董攝 東將軍、青州 以衆臨之, 刺史、東萊王貴平欲令 古人 刺 勢必 史。 不能 有言『衆怒如 相 坐 萬里,而 人劫留。 拒 一觀,待 敵 懸

子滔,武定末,殷州別駕。

有 名 迹 史 一, 於 臣 斷 李崇以 年 之 選 風質 失 之逾遠,救弊未聞,終爲 (英重)毅然秀立,任當將相,望高 《國**蠹,**「無所苟而已」, 朝野,美矣。 其若 崔亮旣明 是 乎? 達後事,動 光韶 居雅

仗正,有國士之風矣。

列

傳

第

五

+

四

校

勘

記

校勘記

- 鎭捍以德文人威惠既宣 册府卷一三二宋本「文人」作「义人」,明本一五九六月作「爾之」。 按作
- 「文人」不可通,據文義似 作「爾之」是,但恐是明人以意改。 疑「鎭捍」下有脫文,「以德乂人」連
- 讀,傳本「乂」訛「文」。
- ニニ 撥亂相因 册府明本卷五八三六九八三頁「撥」作「廢」、疑是。 但册府宋本也作「撥」,今不改。
- **ハ** 道發明令 册府同上卷頁「道」作「更」。 按「道發」不可解,疑作「更」是。
- 29 爲 部 尙 尙 書,後正除尚書,見卷六四來傳,別無「郭和」其人爲此官。 書郭祚所委 諸本「祚」作「租」, 北史卷四四崔亮傳作「祚」。按元恪卽位後, 「和」字訛、今據改 郭祚即兼吏
- 主 「貢秀才」和下「察孝廉」並舉、顯脫「秀」字,今據補 而朝 廷貢秀才 諸本無「秀」字、册府卷六三八七六五三頁 有。 按當時秀才試文,孝廉試經,這裏
- ハベレ 常思同昇舉直 册府卷八四九一○○九○頁「同昇」作「昇賢」。 按「同昇舉直」文義較晦,疑作「昇

賢」是。

个 敬默弟隱處 也可能「隱處」作「隱居」解,上下有脫文。 北史卷四四「隱處」作「敬遠」。 按亮字敬儒,弟兄以「敬」字排行,疑作「敬遠」是。

魏書卷六十七

列傳第五十五

崔光

之時水。 崔光,本名孝伯,字長仁,高祖賜名焉,東淸河鄃人也。 慕容氏滅,仕劉義隆爲樂陵太守。 父靈延,劉駿龍驤將軍、長廣太守,與劉彧冀州 祖曠,從慕容德南渡河,居青州

刺

史崔道固共拒

國軍

高祖 爵 六年,拜中書博士,轉著作郎,與秘書丞李彪參撰國書。 大 使, 「朝陽子,拜散騎常侍,黃門、著作 所知待。 慕容白 巡方省察, 曜之平三齊,光年十七,隨父徙代。 常曰「孝伯之才,浩浩如黃河東注,固今日之文宗也。」以參贊遷都之謀,賜 所經述敍古事,因而賦詩三十八篇。 如故,又兼太子少傅。 家貧好學,畫耕夜誦,傭書以養父母。 還,仍兼侍中, 遷中書侍郎、給事黃門侍郎, 尋以本官兼侍中、使持節,爲陝 以謀 謨之功。 進餌 甚爲 太 和 西

列

傳第

Τī

+

Ŧi.

崔光

爲伯。

機近, 若 侍 皇 中。 興 無 (初,有 光 意 曾 少有大度,喜怒不見於色, 外 不 留 同 咎 心文案,唯從容論議,參贊 郡二人並被掠爲 譴, 二十年後當作司空。」其見重如 双婢, 有毁惡之者, 後詣光 (大政 水哀, 而 已。 必善言以報之, 光乃以二口贖免。 是。 高 祖每對羣臣日「以崔 又從駕破 雖見 陳顯達。 誣謗, 高 祖 聞 世宗 終不 光之高 而 語之。 卽 自申 位。正除 才大量, ·曲直。 雖處

解侍 闍 彪 中、 初 著 表 光 作 與李彪共撰國書,太和之末,彪解著作,專以史事任光。 求 成 以 《魏書, 韶許之, 彪遂以白衣於祕 讓 彪,世宗 不許。 遷太常卿,領 齊州 書省著述。 大 中 Ė 光雖領 、史官, 彪尋 以彪意 以罪廢。 在 世宗居諒 專 功 表

正 始 元年 一夏,有: 典 事 史元顯獻四足四 翼雞 , 詔散騎 侍 郎趙 邕以問光, 光 表答曰

雞 雞 將 威,以害 欲化 生角 無距。 臣 爲雄 謹 政事 劉 按 元帝 向 {漢 猶 以 身毛皆似雄,但頭冠尚未變。 初元 *書 石顯 爲 五. 雞者 中,丞 行 也。 志 小 宣帝黃龍 畜, 竟寧元 相 府 主司 史家 年,石顯 時 雌 元年,未 起居, 雞 伏 伏 子, 辜,此 小 央殿路 韶 臣 漸 以問議郎蔡邕 . 執 化 其效 幹 事 爲 爲 中, 雄 也。 政 , 雌 之象 冠 湿 雞 距 帝 一川邕對日 化 也。 鳴 光 爲 將 和 雄 言 元 「貌之不 小 永 毛 年, 臣 光 變而 中, 南 將 宜 乘 不 有 赤,則 寺 鳴不 君 獻 雌 Z 雄

雞 亂 有 有 で、稱一 狀雖 其 雞 禍。 事 黄 與 , 而 漢不同,而其應頗相 臣竊推之,頭爲元首,人君之象也,今雞一身已變,未至於頭,而上知之,是將 不遂成之象也。 若應之不精,政無所改,頭冠或成,為患滋大。」是後張角作 類 矣。 向、邕並博達之士,考物驗事,信而 上不 改政,遂至天下大亂。 有證。誠可 今之

畏

也。

魂。 以 以 事 所 司 寇 殞 亂 制 用 殆 離 行 義陽 致 御 臣 亦前 .戮,君爲之不舉,陛下爲民父母,所 禍。 北 也。 以 陛下 方霜 邕言推之,翅足衆多,亦羣下相扇助之象,雛而未大,脚羽差小,亦其勢尙微, 屯 代君房之匹比者。 師 詩、書、春秋、秦、漢之事多矣,此陛下所觀者也。 臣 総欲 降,蠶 ,盛夏未返,荆蠻狡猾,征 .聞災異之見,皆所以示吉凶,明君覩之而懼,乃能招福, 闇主視之彌慢, 忽天下,豈不仰念太祖 婦 輟 事。 南境死亡千計,白骨横野,存 羣生 一憔悴, 人淹次。 取之艱 宜 莫甚於今。 一矜恤 難,先帝 東州 或 重 轉輸,往多無還,百 此亦賈誼哭歎, 戎戰,用 經營劬 有 今或有自賤 酷 勞 兵猶 恨之痛,歿爲怨傷之 也。 火,內 谷永 姓 而 貴,關 外怨 切諫 困 窮 ",絞縊 弊,易 之時。 預 政

之 正 誠 所 願 以 陛 害之。 下 留 聰 明 又躬饗 之鑒,警天 加罕,宴宗或闕,時應親肅郊廟,延敬 地 之意, 禮處 左右,節其 貴 越。 諸父。 往者 鄧通、董賢 檢訪 四方。務加 之盛

休 息 發慈旨,撫 賑貧瘼。 簡費山池,減撤聲飲,晝存政道,夜以安身。 博釆芻蕘,進

賢黜佞。則兆庶幸甚,妖弭慶進,禎祥集矣。

世 宗覽之,大悅。 後數 日,而茹皓等並 以罪 失 八伏法。 於是禮光愈重,加撫軍 將 軍

長,非 先 躬 大 鵬 也 高 所 壽 早 聳 鳴 謂『蒸成菌』者也。 華之所。 夫 國 等 跨 誠 於 二年八 興 野 有 宮寢 時、民 於 惟 木 而 根 山 新 妖 生 種 菌 今極 ·月,光表曰:「去二十八日,有物 岳 一朝,野 一柔脆 勞 豫。 聖 物 道 生 字崇麗, 牆築工 一,節 一賓階 是故 悴,莫此 鳥入廟, 之質,凋殞速易,不延旬月,無擬 夜飲 又云『朝菌 桑穀 軒坐 之甚。 之忻, 之正 拱庭 古人 太戊 强朝 一密,糞 不終晦朔』,雍 以爲敗亡之象。 承天子 準諸 御之膳,養方富之年,保 往 以昌; 雊 (朽弗 記,信 育者,所 出 加,沾濡 于太極之西序,敕以示臣, 門周 可 雉 宜矜 爲 然懼 集 斧斤。 誠 所 鼎 不及,而茲菌 恤 稱『磨蕭斧而伐朝菌』,皆指言 災修 , 武 且南 伏 又多生墟落穢濕 丁 德者,咸致休慶,所 願 用 西未靜,兵革不息,郊 金 些 熙。 玉 之性, 下追殷二 一歘構,厥 自比 臣 則 鴟鵲巢 按 宗 狀 魏 之地,罕 (其形, 扶坑 祚 感 謂 變 于 口 家 以 之意,侧 甸 廟 刨 誠 起 蒸 利 之內, 永 殿,梟 殿堂 莊子 氣鬱 而 足 怪 異

光 為韶, 四 年 光逡巡不作,奏白一「伏聞當刑元愉妾李,加之屠割。 秋 除 中 書 令, 進 號鎭 東將軍。 永平元 年秋,將 刑元愉 妖惑扇亂 妾李氏,羣官 ,誠合此罪。 無敢言者。 但外人 敕

竊 有 斯 夭 事 云 失。 李 今懷 君 臣 舉 之 必 姙 書 愚 例 識 義 待 知 無 分 產 無 隱 昧 不言,乞 且 酷 臣 而 尋諸 停 乖 李 法 舊 门,何 獄 [典] 兼 以 以示 俟 推 育 後? 近 孕。」世 事 陛 戮 7 宗 春 至 納 刳 秋 之。 已 胎,謂之虐 長,未 有 儲 刑 體 桀紂 皇 子 之主,乃行 襁 褓,至

監 出 南 從 並 如 者 賜 面 故 於 + 再 坐 延 是 昌 拜 餘 詔 賜 元 光 光 詹 年 敕 日 春 繡 事 以 綵 王 光 卿 遷 顯 ----是 爲 中 啓請 百 傅 書 朕 远,踩 之意, 監 西 從太子 臺 侍 大 |淵 令 中 臣 等 拜 肅 如 , 各 宗 今當 故 於 拜 有 是宮 差。 光 二年, 爲 太 臣畢拜 郭 光 子 世 授 叉 師 宗 太 拜 傅。 ·', |光 幸 子 辭 東 光 少 北 宫, 不 傅。 起 面 當 立, 召 拜 受太子 三年 固 光 不 與 辭 敢 、黄門一 , 詔 遷右 拜, 答 不 拜 甄琛 許。 復 ٠, 光 唯 不 派 蒙 廣 卽 四 大 許 陽 命 夫 面 王 肅 拜 肅 侍 宗 淵 謝 宗 出 中 逐 Mi

軍 帝 有 杖 據 崩 引 後 四 衞 漢 年 懷 光 聲 云 H 正 武 身 淚 月 初 廣 欲 俱 崩 平 世 止 上 宗 王 太 殿 云 懷 夜 哭 尉 侍 崩 扶 趙憙 大行, 中 疾 光 以 入 横 古 臨 與 叉 劍當 須 侍 事 以 裁 入 中、 階 母 我 見 弟之 領 主 推 我 軍 下 上。 親 將 不 親 敢 軍 徑 王 諸 于忠 不 故 至 人 服 皆 太 事 迎 愕 解 極 庸宗 於 然 西 色甚 是 膴 相 逐 於 哀 视, 還 東宮 厲 無 慟 頻 聞 敢 禁 遗 者 安 抗 內 左 莫 撫 對 右 不 呼 內 者。 稱 致 侍 外, 謝 善 中 光 光 壯 獨 黄 有 光 攘 門、 力 理 衰 焉 領 義 振

初 列 永 傅 平 第 四 五 年 + 五 以 黄 **育** 朝 崔 光 孫惠 蔚 代光領 著 作 惠蔚首尾 五. 載 無 所 厝 四 意 九 至 是三 月,

尚

{傳。 封邑。 及忠稍 書令、 入。 功, 封 尋遷 四 任 月, 光 熙平 被疏黜,光幷送章綬冠服茅土,表至十餘上。 博 城 車騎 平 王澄表光宜還史任,於是詔光還領著作。 更封光平恩縣開國侯,食邑一千戶,以朝陽伯轉授第二子勗。 完 - 縣開 年二月,太師、高陽王雍等奏舉光授肅宗經。 大將軍、儀同三司。 國公,食邑二千戶。 靈太后臨朝之後,光累表遜位。 七月,領國子祭酒。 靈太后優答不許。 四月, 初,光有德於靈太后,語在于忠 八月, 遷特進。 詔 于忠擅權,光依 光乘步挽於雲龍門出 五. 有司奏追于忠及光 月, 其月, 以奉迎肅宗之 敕賜羊車 附之。

土 修者。 功,豈謂應乾順民,裁成輔相者哉。 園 秉道 聖履仁, 臨 王不 一遠藐 志 懷 時 於道、據於德、依於仁、遊於藝。』藝謂禮、樂、書、數、射、御。 遊, 靈太后 若射、御、唯主男子事、不及女。 德,日 姑 吾 朝 射 ,眷言矍相,弦矢所 闡化,肅雍 何 率遵仁禮。 臨朝,每於後園親執弓矢,光乃表上中古婦人文章,因以致諫曰「孔子云」 以 休, 不 慢悌,靖徽 窺 是以漢后馬鄧,術邁祖考, 重 何, 發、必 安 齊穆,孝祀 臣不 (見富 中 古之賢妃烈媛,母儀家國, 美。 勝慶幸,謹上婦人文章錄 Ė 鵠 通於 威 天 情 靈遐暢,義震上下。 沖謙,動容祗 神明,和 羊嬪蔡氏,具體 風溢 于區 愧, 明前 垂 以爲 字。 帙,其集具在內,伏願 訓 文武! 伯 四業,丈夫 四海,宣教 階。 舉 因 懾 非 時 رثار 伏 鑑 暇 惟皇· 織 豫,清暑林 左 婦 九宗,可 右 事 太后 人所 悅 存 目, 含 同 無

以 時 披 覽, 仰 裨未 聞。 息彎挾之勞,納 閑 拱之泰,頤 精 養壽 · 栖 神 翰 林

京,士 樂,臣 曲 明 文母 鉀 憇 春秋 蓋 赴 衞 謂 輔 超古 有 非 女 在 往 洪 君 矯 身 還 流 思 紀 臣 是 等 謂 女 猶 避 一。 蒙 歸 陳 爲 秋 藻 邁 至 聖 御 順 傳皆 謔 和惠 悅 出 驕 曝 宋 時 躬 武 靈 以 但 不不 釋客 帷 塵 煩 太后 而 醴 帝 或 齊 綴 0 以接 白首之耋 日 遊 倦 自 之 族 言 其 集 親 頻 抑 孰 方 女 主 事 渙 奉 以 豐 以 羣 幸 能 養 衍 也 汗 並 后 臣,三 天 厨 主 垂 {載 爲 ,勳貴增 若 0 有 流 夫 一、欣 至 3 嘉 來 公第宅。 }馳 斯 離 度。 人, 周 醴, 詠。 遠 者 遇 伏 ٠, 王 竹竿 示男 明 致 哉 異 惟 后 犪 罄 縱 遷, 昨 無 時 雲輦 竭 莫 皇 年;青衿 所 軒 女之別 無 適 光 飢 魏 太 時 間 祗請遂多 爲 適 駕 表 臣 渴 一崇涼, 羞 爱 元 后 作 頻 本 家 諫 , 一, 上 已 月 之童 韰 也。 由 之義 日 出 或 來 靈 國 御 壽 之事 飯 眞 幸馮 之大 炳 ,將成彝式。 漢 一,慶 筵 弗 大。大 禮 莫正 固 不 曜 安暢。 上 赡, • 記 限 屬 非 翊 節 , 官 人父母 是 云 坤 斯 君 唐 ò 俟 賃 皇 觴 一『諸侯 制 美 儀 任 H 虚 伯 后將 馬 方 深於 挺茂, 左 在,有 0 隆 姬 假 興 右 城 陛下遵酌 千 0 丈 待 乘, 廢 居 僕侍,衆 王 土 非 甘踰 載 姆 紆 誕 昌邑, 第 出 大 問 時 交費 之所 屈 育 夫, 入,自 疾 安 歸 鱁 百 雕 帝 寧. 弔 就 前 駕 錢 許 難 霍 過 딞 獑 躬 喪 王 炎 當 帛 千 光,外 嫁 中 親 , 降 旦及 而 燎 維 沒 坦 唁 胎 秋 百 朝 臨 入 然 昔 賏 兄, 厥 Ż 樊姜 諸 闉 扶 加 使 日 餘 魏 人 後 豊 爲 里 衞 斜 熱 又 也 卿 臣 稱 道 矩, 一,榮 易 接接 跋 之家 俟 同 尙 義 大 陛 親爲 往 涉 蒸 命 夫 不 對 光 德 F 嫌 得 是 聘。 踰 帝 衡 室 甚 袍 不 忍

列

敢,輕陳狂瞽,分貽憲坐。」

爲公,億兆己任。 之風,習治國之道,則率土屬賴, 專薦郊廟,止決大政,輔養神和,簡息遊幸。 含生仰悅矣。 臣過荷恩榮, 所知 以德爲車,以樂爲御,考仁 必盡, 默默唯唯 愚竊 未 聖

方熙。 百餘 國君 賢。 者哉 道俗諸用,稍有發掘,基蹠泥灰,云或出於此。 千載之格言,百王之盛烈,而令焚荒汙毀,積榛棘而 篆,猶若此之至也。 抱卷於河右。 天文,以察時變,觀於人文,以化成天下。 有 典刑。』傳曰:『思其人猶愛其樹,況用其道不恤其人。』是以書始稽古,易本山泉,「『觀於 :載,計末向二十紀矣。 昔來雖屢經戎亂,猶未大崩侵。 民,教學爲先,京邑翼翼,四方是則也。尋石經之作,起自炎劉,繼以曹氏典論,初乃三 誠宜遠開闕里,清彼孔堂,而使近在城闉,面接宮廟,舊校爲墟,子衿永替。 一誠可爲痛心疾首,拊膺扼腕。 神龜元年夏,光表曰:「詩稱:『蔽芾甘棠,勿翦勿伐,邵伯所茇。』又云:『雖無老成 皇太后欽明慈淑,臨制統化,崇道重教,留神翰林。 元始孤論, 充漢帝之坐; 孟皇片字, 懸魏王之帳。 矧迺聖典鴻經,炳勒金石,理爲 伏惟皇帝陛下,孝敬日休,自天縱睿,垂心初學,儒業 孟子□實,至医脹訓說。 皇都始遷,尚可補復,軍國務殷,遂不存檢。 國楷,義成家範,迹實世模,事則 弗掃,爲鼯鼬之所栖宿,童豎之所登踞 如聞往者刺 將披雲臺而問禮,拂麟閣 前哲之寶重墳 安世記篋於汾南,伯山 史臨州,多 籍,珍愛分 豈所謂 構 人。尚 以招 建

缺。 韓神固 者之根源,不朽之永格,垂範將來,憲章之本,便可一依公表。」光乃令國子博士李郁 任幹事者,專主周視,驅禁田牧,制其踐穢,料閱碑牒所失次第,量厥補綴。」詔曰:「此乃學 官私顯隱,漸加剝撤。 職忝 、劉燮等勘校石經,其殘缺者,計料石功,幷字多少,欲補治之。 **青教,參掌經訓,不能繕修頹墜,興復生業,倍深慚耻。** 播麥納菽、秋春相因、□生蒿杞、時致火燎、由是經石彌減、 今求遣國子博士一人,堪 於後,靈太后廢,遂 文字增 與助教

寢。

麗丹青,人心所祗,銳觀滋甚,登者旣衆,異懷若面。 車輪。』樂正子春,曾參弟子,亦稱至孝,固自謹慎,堂基不過一尺,猶有傷足之愧。 下,祗心圖構,誠爲福善。聖躬玉趾,非所踐陟,臣庶恇惶,竊謂未可。 級,閣道回隘,以柔懦之寶體,乘至峻之重峭,萬一差跌,千悔何追。禮,將祭宗廟,必散 攬轡停輿曰:『臣聞千金之子不垂堂,百金之子不倚衡,如有車敗馬驁,柰高廟太后何? 不登高,不臨深。』古賢有言:策畫失於廟堂,大人蹙於中野。 云:上酎祭宗廟,出,欲御樓船。 七日,致齋三日,然後入祀,神明可得而通。 一年八月,靈太后幸永寧寺,躬登九層佛圖。光表諫曰:「伏見親昇上級, 佇蹕表刹之 [t] 薛廣德兔冠頓首,曰:『宜從橋,陛下不聽臣,臣以血汙 今雖容像未建, 縱一人之身恒盡誠潔,豈左右臣妾各 {漢 {漢 書 已爲神明之宅。 上欲西馳下峻坂,爰盎 按禮記:『爲人子者, 方加雕績,飾 水寧累 齌

穆之誠,上展瞻仰之敬,勿踐勿履,顯固億齡,融敎闡悟,不其博歟。」 宮也。伏願息躬親之勞,廣風靡之化,因立制防,班之條限,以遏囂汙,永歸淸寂。下竭肅 豈長世競慕一登而可抑斷哉。蓋心信爲本,形敬**乃**末,重實輕根,靖實躁君,恭己正南面 陟之事。 虞。 七級 者,豈月乘峻極,旬御層階。今經始旣就,子來自勸,基構已興,雕絢漸起,紫山華臺,即 華,堪室千萬,唯盛言香花禮拜,豈有登上之義。 見,超世奇絕,莫可而擬。 竭 日 虔仰? 畫昏, 特可驚畏。 未能級級加虔,步步崇慎,徒使京邑士女,公私凑集。 亦 天道幽遠,自昔深誠。 號崇壯,夜爲上火所焚。 傳云。『公旣視朔,遂登觀臺。』其下無天地先祖之神,故可得而乘也。 不可獨昇,必有 春秋、宋、衞、陳、鄭同日而災、伯姬待姆、致焚如之禍。 恭敬拜跽,悉在下級。 **墟墓必哀,廟社致敬,望塋悽慟,入門聳慄,適墓不登隴,未有昇 扈侍,懼或忘愼,非飲酒茹葷而已。** 雖梓愼、裨竈之明,尚不能逆剋端兆。 獨稱三寶階,從上而下,人天交接,兩得相 遠存矚眺,周見山河,因其所眄, 上行下從,理勢以然,迄於無窮, 昨 風 [霾暴興,紅 變起倉卒,預備不 去皇興中,青州 內經,寶塔高 塵 四塞 增發嬉 一, 自 共

騎萬餘,來去經踐,駕輦雜遝,競騖交馳,縱加禁護,猶有侵耗,士女老幼,微足傷心。 秋末

雖漸農隙,所獲栖畝,飢貧之家指爲珠玉,遺秉滯發,莫不寶惜。

九月、靈太后幸嵩高、光上表諫曰:「伏聞明後當親幸嵩高,往還累宿。

變遊

近甸。

步

存省民物,誠足爲善。

私 此行舉,自近及遠,交興怨嗟。伏願遠覽虞舜,恭己無爲,近遵老易,不出戶牖。 不稔,飢饉荐臻,方成儉弊。爲民父母,所宜存恤,靖以撫之,猶懼離散,乃於收斂初辰,致 壑,蒙犯霜露,出入半旬,途越數百,飄曝彌日,仰虧和豫。 遊,息傷財之駕,動循典防,納諸軌儀,委司責成,寄之耳目。人神幸甚,朝野抃悅。」靈太后 生,應垂 實用悚慄。 **久旱,塵壤委深,風霾一起,紅埃四塞。** 擾費。 未測,誠恐悠悠之議,將謂爲福興罪。 厨兵幕士,衣履敗穿,晝暄夜淒,罔所覆藉,監帥驅捶,泣呼相望。 且藏蟄節遠,昆蟲布列,蠉蠕之類,盈於川原,車馬輾蹈,必有殘殺。[10]慈矜好 轅關峭嶮,山路危狹,聖駕淸道,當務萬安。 厮役困於負擔,爪牙窘於賃乘,供頓候迎,公 七廟上靈,容或未許,億兆下心, 霜旱爲災,所在 罷勞形之 乘履澗

中,有鵜鶘集于靈芝池,文帝下詔以曹恭公遠君子,近小人,博求賢俊,太尉華歆由此遜位 此 固 徒、京兆王繼頻上表以位讓光。夏四月,以光爲司徒、侍中、國子祭酒,領著作如故。 而 即詩所謂『有鶖在梁』,解云『禿鶖也』。貪惡之鳥,野澤所育,不應入殿庭。 昔魏氏黃初 **[辭歷年,終不肯受。八月,獲禿鶖鳥於宮內,詔以示光。|光表曰:「蒙示十四日所得大鳥,** 讓管寧者也。 正光元年冬,賜光几杖、衣服。二年春,肅宗親釋奠國學,光執經南面,百僚陪列。 臣聞野物入舍,古人以爲不善,是以張臶惡鴟,賈誼忌鵬。 鵜鶘暫集而去,

第五

其道 衛侯 頤養 貴,窮窘之家,時有菜色。 前 且 一饕餮之禽,必資魚肉,菽麥稻 王 獪 神 好鶴,曹伯愛雁,身死國滅,可爲寒心。 誠 性。」肅宗 爲 願遠師殷宗,近法 至 一誠,況 覽表大悅,卽棄之池 今親 入宮禁,爲人所獲,方被畜養,晏然不以爲懼。 陛下爲民父母,撫之如傷,豈可棄 魏祖,修德延賢,消災集慶。 粱,時或餐啄, 澤。 陛 下 一食之費, 學通春秋 放無用之物,委之川澤,取樂琴書, 容過斤鎰。 ,親覽前事 人養鳥, ',何得口 準諸 留意於醜形 今春夏 往義,信 陽 詠 其言,行 惡 有殊矣。 聲哉 穀糴稍 違

勉之! 甚,敕 保,光又固 爲減常膳,言則追傷。 十萬、布一 第而薨,年七十三。 後,吾知觅夫。 親臨省疾,詔 詔 子 勉之! 召光 姪 等日 解。 千匹、蠟 與安豐王延明議定服章。 斷 以死 「諦聽吾言。 賓客,中使相望, 光年耆多務,疾病稍 吾荷先帝厚恩,位至於此,史功不成,歿有遺恨。 報國。 四 肅宗 百斤,大鴻臚監 每至光坐講讀之處,未曾不改容悽悼。 聞而 修短命也,夫復 聞曾子有云:人之將死,其言也善,啓予手,啓予足, 悲泣,中使相 爲 止聲樂, 增,而自强不已,常在著作,疾篤 護 三年六月,詔光乘步挽至 喪事 何言。 尋, 詔給 0 罷諸遊 車駕 速可送我還宅。」氣力雖微,神 眺。 親 東 園 臨,撫屍 溫 拜長子勵爲 明祕器、朝服一 慟哭。 五年正月,贈太傅、領尚書 東西 汝等以吾之故,並得名位, 齊州 不 上閣。 御辇還宮,流涕於路。 歸。 刺 具、衣一 史。 四年十 ル 月, 明 + 襲、錢六 月,肅宗 進 一月,疾 而 位 今而 太 至

令、 驃 騎 大將軍、開府、冀州刺史,侍中如故。 又敕加後部鼓吹、班劍,依太保、廣陽王故事

文宣公。 肅宗 祖喪建春門外,望轜哀感,儒者榮之。

爲百三郡國詩以答之,國別爲卷,爲百三卷焉。

初,

光

太和

中,依宫商

角徵羽

本音而

爲

五

韻

詩,以贈李彪,彪爲十二次詩以報光。

光

V

講次。 {摩、 乞爲 飾。 澤 集 不 中 申 及 郭 膝 重 任 崇信 徐 前 光 城 地 凡 始 寬 州 曾 裴植 王 讓 經, 遂 佛法 所 啓其 領軍于忠以光舊德,甚信 長 和 澄 汝 入 爲 慈 史、兼別 南王悦 聽 為 見殺,清 於 詩 女壻彭城 善,不逆於物,進退沉 者常 禮 懷, 赋 車 拜讀 銘 ·騎、儀同,讓 數百 緣臂 駕 ;爲太常,讓劉 贊 河王懌遇 誦,老 ,暫集京 、詠頌 劉 上肩, 人, 敬徽 表 而 卽 逾甚, 啓數百篇,五十餘卷,別 師。 云云 禍 江 爲 久之乃去。 陽王 ,光隨時俛仰,竟不 二經 敬徽 芳 肅宗 重 浮,自得而 終日 総 爲 |焉,每事 義 爲 又讓 許之。 少傅,讓元暉 疏三十餘卷。 荆 怡怡 道俗贊詠詩 州 靈 틶 五 ·籌決,光亦 時人比之張禹。 未 太后 雕 曾恚忿。 戍主, 常慕胡廣、黃瓊之爲人,故爲氣概者所 匡救,於是天下譏之。 穆紹、甄 父胡 有集。 頌 識 者數 女隨 者 國 傾 知 曾於 珍。 身 一人。 光十一子,勵 夫行。常慮 其 琛; 事之。 光初 疏 門下省 皆 爲 略, 1顧望時 毎 爲 國 元叉於光 黄門。 爲 以 書 子祭酒, 宼 貴 沙 坐 情、議 自 抄, 勗 門 重 讀 則 從 爲 朝 經 勔 南 亦 讓 貴 讓 後 者 貴 勸 宋 北 達 深宗敬。 請 清 坐 有 以 弁 一罕所 分 疑 講 鴿 爲 泂 {維 爲 飛 矯 \pm

四九九

五〇〇

除太尉 薨,肅宗每 儀 從 知名於世。 固 同 事 辭 中 三司、青州 不拜。 勵,字彥德,器學才行最有父風。 長 郞 史,仍為齊州 加存慰。 歷員 正光二年,拜中書侍郎。 四年十月,父光疾甚,詔拜征虜將軍、齊州刺史。 刺 外郎、騎侍郎、[11] 太尉記室、散騎侍郎, 以繼 史。 五年春,光葬於本鄉,又詔遣主書張文伯宣弔焉。 大中正,襲父爵。 領軍將軍元叉爲明堂大將,以勵爲長史。 舉秀才,中軍彭城王參軍、秘書郎中,以父光爲著作, 建義初,遇害河陰,時年四十八。 以父寢疾, 衣不解帶。 母憂去職。 孝昌元年十二月,詔 贈侍中、衞將軍、 神龜中,除司空 與從兄鴻俱 及光

子挹、襲。武定末、太尉。屬齊受禪、爵例降。

挹弟損,儀同開府主簿。

局,武定末,征虜將軍、安州刺史、朝陽伯。 齊受禪,例降

爲 逆賊崔景安所害。 勔 ,字彥儒,亦有父 贈 風。 征虜將軍、齊州刺史。 司空記室、通直散騎侍郎、寧遠將軍、淸河太守,帶槃陽鎮將。

子權,太尉參軍事。

助,武定中,中書郎。

景明已降,頻 母 光弟敬友,本州治中。 一歲不 敬友精心佛道、晝夜誦經。 登,飢寒請丐者,皆取足而去。 頗有受納,御史案之,乃與守者俱逃。 免喪之後,遂菜食終世。 又置逆旅於肅然山南大路之北,設食以供 恭寛. 後除梁郡 接下,修身 太守, 厲 會遭所 節。 自 生

行者。

延昌三年二月卒,年五十九。

樂之。 彭 行 員 臺 城 外郎、兼尚 鎭 $\widetilde{\Xi}$ 子 永平 勰 鴻,字**彦**鸞。 南 巡 以 下 長 史。 初,豫州 書虞曹郎 公卿朝士儒學才明者三十人,議定律 徙三公郎中,加輕車 城人白早生,殺刺 少好讀書,博綜經史。 中。 敕撰起居注 將 史司 軍。 遷給事 馬悅,據懸 太和二十年,拜彭城王國左常侍。 遷員 外散騎 中,兼祠 令於尚書上省, 瓠 叛。 常侍,領郎 部則 詔 ,轉尙書都 鎭 南將軍 中。 鴻 與光 一邢巒討 兵郎 俱 在其 中。 景明三年,遷 中 詔 以鴻爲 太師、 時論

公卿, 器、黜陟幽 以口 像等位 延昌 或長 二年,將大考百僚,鴻以考令於體 明 兼 一者哉 揚淸激濁,故績效能官,才必 試守 二漢以降,太和 稱 允而遷進者, 以 披卷則人人而是, 前, 苟必官須 稱 例 位 不通 者 此 朝 人, 昇夕進, 舉目則朝貴皆然。 人稱 議 此 『竊惟王者爲官 年歲 職 數遷, 或 超 豈 騰 故能 昇 拘 陟 求才。使人 時 階半 收多士 數 歲 級 IMI 閡 至

一,乃建

目

以

列

傳

第

班 非 而 犯 更張,雖明旨已行,猶宜消息。」世宗不 馬,文章如張櫒,得一分一寸必爲常流所攀, 或 罪,不問賢愚,莫不上中,才與不肖,比肩 號 豐賢之美。 竊 見景明以來考格,三年成一考,一考轉一階。 從 同 選曹亦抑爲一概,不曾甄別。 轉。 雖有善政如黃襲,儒 貴 贱 學 內外萬有餘人。自 如 琴瑟不調, Ξ 鄭, 史才如

年 年 在 正 其 、京兆宅之庭樹。 爲司 Ē 史甫爾,未有 一 闕略 月,韶鴻以本官修緝國 三年,鴻以父憂解任,甘露降其廬前 徒長 光多。 史。 所就,尋卒。 每云 正光元年,加前將軍。修高 復加中堅將軍,常侍、領郞如故。 此史會非我世所成, 史。 贈鎭 孝昌初,拜給事黃門侍郎,尋加散騎常侍、齊州大 東將軍、度支尚 樹。十一月,世宗以本官徵鴻。 但須 祖世宗起居注。 記錄時事,以待後人。 .害、青州 遷中散大夫、高陽王友,仍領郎 刺 光撰魏史, 臨薨言鴻於 徒有 四年,復有甘露降 卷目, 中正。 肅宗。 中。 初未考 其 \mathcal{F}_{L}

慕 出 其 遜、馮跋 容垂 行 舊記,時 於外。 鴻 、姚萇、慕容德、赫連 弱 等,並因世故,跨僭一方,各有國 冠 世宗聞其撰錄,遣散騎常侍趙邕詔鴻曰「聞卿撰定諸史, 便 增損 有著述之志,見晉魏 褒貶焉。 鴻二世 屈孑、張軌、李雄 仕 前史皆成一家,無所 江左,故不 書,未有 、呂光、乞伏國仁、禿髮烏孤、李暠、 錄僭晉、劉、 統一,鴻乃撰爲十六國春秋 措 意。 蕭 以 之書。 劉淵、石勒、慕容儁、苻健、 甚有條貫,便可 叉恐識 勒成 者 責 之,未敢 百卷,因 沮渠蒙 隨成

者送呈,朕當於機事之暇覽之。」鴻以其書有與國初相涉,言多失體,且旣未訖,迄不奏聞。

鴻後典起居,乃妄載其表曰:

成太史,所謂緝茲人事,光彼天時之義 武、始得凉、朔同文、牂、越一軌。 紛 **紅** 臣聞 年過十紀,而漢祖夷殄羣豪,開四百之業。歷文景之懷柔蠻夏,世宗之奮揚威 !帝王之興也,雖誕應圖籙,然必有驅除,蓋所以翦彼厭政,成此樂推。 於是談、遷感漢德之盛,痛諸史放絕,乃鈴括舊書,著 也。 故戰國

業隆 語矣。 趙燕旣 勢略 儋耳、文身之長,卉服 之民,懷寶之士。襁負 之歌,百姓始得陶 玄默。 孤 昔晉惠不競,華戎亂起,三帝受制於姦臣,二皇晏駕於非所,五都蕭條,**鞠爲**煨燼。 爲長蛇,遼海 微,民殘兵革 太祖道武皇帝以神武之姿,接金行之運,應天順民,龍飛受命。 世祖 雄才 然蘇息,欣於堯舜 ,靡所歸控。 緬 叡略, 、斷髮之酋,莫不請朔率職,重譯來庭。 줆 成殊域,窮兵銳 至者日月相 闡曜 威靈,農戰兼修,掃淸氛穢。 皇魏龍潛幽代,世篤公劉,內修德政,外抗諸偽,幷冀 之世 尋,雖別岐之赴太王,謳歌之歸西伯,實可同 進,以力相 雄,中 原無主,八十餘年。 隱愍鳩濟之澤,三樂擊壤 歲垂 四紀,而寰宇 太宗 遺晉 必世 「僻遠。 重 年而 同。

自晉永 寧以後,雖所在稱兵,競自尊樹,而能建邦命氏成爲戰國者,十有六家。 善

常璩所撰李雄父子據獨時書,尋訪不獲,所以未及繕成,輟筆私求,七載于今。 得此書,懼簡略 江南撰錄,恐中國所無,非臣私力所能終得。 舊志,删正差謬,定爲實錄。 接,暨正始元年,寫乃向備。 祚,然國志、史考之美,竊亦輒所庶幾。 始自景明之初,搜集諸國舊史,屬遷京甫爾,率 天。 同,凡爲一體;約損煩文,補其不足。三豕五門之類,一事異年之流,皆稽以長曆,考諸 多分散,求之公私,驅馳數歲。 浴太和,懷晉正始,而可不勉强難革之性,砥礪木石之心哉?誠知敏謝允南, 美深白虎。至如導禮革俗之風,昭文變性之化,固以感彼禽魚,穆茲寒暑。 同光日月,建格天之功,創不世之法,開鑿生民,惟新大造。陛下以青陽繼統,叡武承 紛謬,繁略失所,宜審正不同,定爲一書。伏惟高祖以大聖應期,欽明御運,合德乾坤, 惡興滅之形,用兵乖會之勢,亦足以垂之將來,昭明勸戒。但諸史殘缺,體例不全,編錄 應符屈己,則道高三、五;頤神至境,則洞彼玄宗。剖判百家,斟酌六籍,遠邁石渠, 不成。 久思陳奏,乞敕緣邊求採,但愚賤無因,不敢輕 商校大略,著春秋百篇。至三年之末,草成九十五卷。 謹於吏按之暇,草構此書。 又臣家貧祿薄,唯任孤力,至於紙盡,書寫所資,每不周 其起兵僭號,事之始末,乃亦頗有,但不 區分時事,各繫本錄;破彼 而況愚臣沐 此書本 才非承 唯 異

散騎常侍、太常少卿、荆州大中正臣趙邕,忽宣明旨,敕臣送呈。不悟九皐微志,

列傳第五十五 崔光

表 乃 得上聞,奉敕欣惶,慶懼 卷, 仰表皇朝統 括大義, 兼至。 俯 明愚臣 **今** 道以 著錄微體 所訖者,附臣邕呈奏。 徒竊慕古 人立言美 臣又别作序 意, 文致 例 卷。年 疏

無一可觀,簡御之日,伏深慚悸。

乃頗 姚泓敗於長安,而 興改號,鴻 鴻 意 相 如 傳讀。 此,然自正光以前 以爲改在元年,太宗永興二年,慕容超擒於廣固 亦以光故,執事者遂不論之。 鴻亦以 爲滅在元年。 ,不敢顯行其書。 如此之失,多不考正 自後以其伯光貴重當朝,知時人未能 鴻經綜旣廣,多 鴻 有 叉以 違謬 至如 爲事在元年 太祖 天 "太常二年, 興 發明其 年 事,

所殺。 將軍 或 索未獲,闕茲一國 趙、燕、秦、夏、凉、蜀等遺載,爲之贊序,褒貶評論。 名爲春秋,一百二卷,近代之事 才富洽,號稱籍甚。 淺 、齊州大中正鴻,不殞家風,式纘世業,古學克明,在新 子子元,秘書郎。 陋, 不回睿賞, ,遲留未成。 年止壯立,便斐然懷著述意。 乞藏祕閣, 後永安中,乃奏其父書,曰:「臣亡考故散騎常侍、 最爲備 去正光三年,購訪始得,討論適訖,而先臣 以廣異家。」子元後謀反,事發逃竄, 悉。 未曾奏上,弗敢宣流。今繕寫 正始之末,任屬記言, 先朝之日,草構悉了,唯 必鏡, 多識前載, 會赦発。 給事 一本, 撰緝 棄世。 有 餘暇 黄 博 敢以 李雄 尋爲其叔鵑 門侍 極 凡 羣 十六 一蜀書 仰呈。黨 乃刊 畫 郎 搜 著 块 前

稱。 東將軍、齊州刺史、諡曰貞。 老拜征虜將軍、平州刺史。還家專讀佛經,不關世事。 庫部郎。 空參軍事,營構華林園。 後兼員外散騎常侍,爲宕昌使主。 遷輔國將軍、中散大夫,轉太府少卿,丞相、高陽王雍諮議參軍,太中大夫。 光從祖弟長文,字景翰。 正始中,大修器械,爲諸州造仗都使。 少亦徙於代都,聰敏有學識。 齊州太原太守、雍州撫軍府長 年七十九,天平初卒。 還,授給事中、本國 太和中,除奉朝請。 贈使持節、征 史, 中正、尚書 遷洛 永安中,以 以廉 拜司 愼

子慈懋,字德林。永熙初,征虜將軍、徐州征東府長 史。

兵校尉,又轉司空掾,領左右直長。 二年五月,爲城民<u>王早、</u>欗實等所害。 長文從弟庠,字文序。 元顥寇逼郡界, 庠拒不從命, 棄郡走還鄉里。 孝莊還宮, 賜爵平原伯, 拜潁川太守。 有幹用。初除侍御史、員外散騎侍郎、給事 出除相州長史,還,拜河陰、洛陽令,以强直稱。 後贈驃騎將軍、吏部尚書、齊州刺史。子罕襲爵。 中。 頻使高麗。轉步 遷 東郡 齊

光族弟榮先,字隆祖,涉歷經史。州辟主簿。

受禪,例降。

子鐸,有文才。冠軍將軍、中散大夫。

鐸弟覲,寧遠將軍、羽林監。

朝,師訓少主,不出宮省,坐致台傳,斯亦近世之所希有。 之譏,斯乃胡廣所不免也。鴻博綜古今,立言爲事,亦才志之士乎。 史臣曰:崔光風素虛遠,學業淵長。 高祖歸其才博,許其大至,明主固知臣也。 但顧懷大雅,託迹中庸,其於容身 歷事三

校勘記

- 可秉道懷德 諸本「懷」下無「德」字,旁注「疑」,今據册府卷三二六三八六○頁補,删「疑」字。
- 后猶御武 帷以接羣臣 册府卷三二六三八六一頁「帷」作「帳」。按事見漢書卷六八霍光傳 也作

「帳」疑「帷」字訛。

- 或其事也 迚合,知魏書本亦作「或」,今據改。 諸本「或」作「惑」。、北史卷四四雀光傳、册府同上卷頁作「或」。 按册府出魏書而與北
- Z9 列 易本山泉 傳 箅 Ъ. + 諸本「泉」作「火」、册府卷六〇三七二四〇頁作「泉」。 Ŧi. 椌 勘 記 按「山下出泉」, 一五〇七 見易蒙象辭

火」字訛,今據改。

. 五 山 孟子□實 册府同上卷頁闕字作「覈」。按「覈實」語不見孟子, 或是用盡心下「盡信書則不如無

書,吾於武成取二三策而已」語意,但無確證,今不補

ハベ 基蹠泥灰 諸本「蹠」作「蹗」 冊府卷六○三七三四○頁作「蹠」。 按「蹗」是行貌,「基蹗」無義。

「蹠」是履踐?「基蹠」猶言「基趾」,今據改。

しよし 上酎祭宗廟出欲御樓船 諸本無「宗」字,册府卷三二六三八五九頁 自。 按漢書卷七一薛廣德傳

作「宗廟」、「宗」字不宜省、今補。又無府「出」下有「便門」二字、與漢書合、但無此二字亦通、

不補

豈左右臣妾各竭虔仰 諸本「臣」字缺,今據册府同上卷頁補。

一元 した 鑾遊近甸 諸本「甸」訛「旬」,今據册府卷三二六三八六〇頁改。

C0必有殘殺 諸本「殘」訛「類」,今據册府同上卷頁改。

後官「散騎侍郞」,前是「員外」,後遷正,亦合。 歷員外郎騎侍郎 張森楷云:「上『郎』字疑當作『散』。」按「騎侍郎」上必當有「散」字。下載崔勵 上郎」字當是一散」之訛

魏書卷六十八

列傳第五十六

甄琛 高聰

頗 不息,豈是向京之意。而賜加杖罰,不亦非理」琛惕然慚感,遂從許叡、李彪假書研習,聞 不勝楚痛,乃白琛曰「郎君辭父母,仕宦京 弟戲狎,不以禮法自居。 以弈棊棄日,至乃通夜不止。手下蒼頭常令秉燭,或時陲頓,大加其杖,如此非 甄琛,字思伯,中山毋極人,漢太保甄邯後也。 頗學經史,稱有刀筆,而形貌短 師,若爲讀書執燭,奴不敢辭罪,乃以 父凝,州主簿。 陋, 尠風 儀。 琛少敏悟,閨門之內,兄 舉秀才。 圍 入都積歲 ___ 棊,日夜 奴後

本 州 征北 太和 府長史,後爲本州陽平王頤衞軍府長史。 初,拜中 書博士,遷諫議大夫,時有所陳, 亦爲高 世宗踐祚, 祖 知賞。 以琛 爲中散大夫、 轉通 直散騎 侍郎,出爲 兼御史中

見益優。

尉,轉通直散騎常侍,仍兼中尉。 琛表日:

物是規。今者,天爲黔首生鹽,國與黔首鄣護,假獲其利,是猶富專口斷不及四體也。 而苟禁一池也。 且天下夫婦歲買粟帛。四海之有,備奉一人,軍國之資,取給百姓。天子亦何患乎貧, 天下,皆所以厚其所養,以爲國家之富。未有尊居父母,而醢醢是吝,富有萬品,而一 時。斯所謂鄣護雖在公,更所以爲民守之耳。且一家之長,惠及子孫,一運之君,澤周 明導民而弗禁,通有無以相濟也。、潤禮雖有川澤之禁,正所以防其殘盡,必令取之有 月令稱:山林藪澤,有能取蔬食禽獸者,皆野虞教導之;其迭相侵奪者,罪之無赦。 惠,天子順之,山川秘利,天子通之。苟益生民,損躬無吝,如或所聚,唯爲賑恤。是以 王者道同天壤,施齊造化,濟時拯物,爲民父母。 故年穀不登,爲民祈祀。 乾坤所

德。昔亶父以棄寶得民,碩鼠以受財失衆。君王之義,宜其高矣,魏之簡稅,惠實遠 訓衣以除其弊。故周詩稱「敎之誨之,飲之食之」,皆所以撫覆導養,爲之求利者也。臣 性昧知理,識無遠尙,每觀上古愛民之迹,時讀中葉驟稅之書,未嘗不歎彼遠大,惜此 近狹。今僞弊相承,仍崇關鄽之稅,大魏恢博,唯受穀帛之輸。是使遠方聞者,罔不歌 古之王者,世有其民,〔〕或水火以濟其用,或巢宇以誨其居,或教農以去其飢,或

儲。 厚民。 大道 之本意,事 富、賑造 足,成其性 官之御"劍 悟其遠 恐 日 收此 一民 既往 坐談 災, 使 欣 司 沛 故 理 徒、錄尚 而 物 況府外 多方 ,及於救世 君 ,恩惠生焉,下奉 利在斯,深 與彼,非 則理高,行之則 然遠及,依 有 之貧。 命。 此 富 稱 匹帛 可 出 以達其情,立法以 如不 書、彭城 求 藏於 之 内之吝, 利, 利己也 徹商賈給戎戰,賦 固 一,升降稱時。 周禮 爾者、焉 如所陳。 府 以希濟生民,非爲富賄藏貨。 而 者國 王勰,兼尚 事闕, 一,回彼就此,非爲 置 可吝之於黔首? 有司之福; 上施, Ш 怨 用 付八 衡 而 君 是用 行其 卑高 之法,使之監導而 民 爲? 欲令豐無 /座議 書 貧。 旣潤 四 遲回, [邢巒等奏:「踩之所列,富乎有言,首尾大備,或 施惠之難, 志。 理睦。 若任 民赡軍 可否以 或 不在己,彼我 身也。 且善藏 至 怨 其生產 未謂 過溢 然恩 乃 則示 國 取 聞 爲可。 , 人君之禍。 貨 惠旣交,思拯 者藏於民,不善藏者藏 所謂 取乎 儉不 化有 一。隨 E 不爾者,昔之君子何爲然哉。 Щ 集 其 ,誓, 理 川,輕在民之貢;立 甪 致弊, 役養消息, 竊惟古之善爲治者 啄食,便是芻狗 天 乎, 地 民貧則君 夫以 猶積 各有 之產,惠天 之術廣,恒恐 府藏之物, 而 義已。 散之, 無所取。 於府。 萬物,不 備 地之民, 稅 禁此淵 將 莫不 在 關 財 獪 焉 厥 市 不 願弛茲鹽禁 藏 以不 所容? 中, 昭 池 神 賙 相 藉 是以 於 無 其 國 有 民 造 節約 施 十 之 澤不 矣。 勝 н 者民 專大 物 E 而 途, Z 稅 É 爲 取

但

詔

經 也。 之表,實所謂助政毗治者也,可從其前計,使公私並宜,川利無擁。尚書嚴爲禁豪强之制 廷 日 出入之間,事不如法,遂令細民怨嗟,商販 明識、聽瑩其間、今而罷之、懼失前旨。一行一改、法若易棊、參論理要、宜依前式。」詔 圖,未之或 司鹽之稅,乃自古通典,然興制利民,亦代或不同,苟可 改。 故先朝商校,小大以情,降鑒之流,疑興復鹽禁。 《輕議,此乃用之者無方,非興之者有謬。 以富氓益化,唯理所在 然自行以來, 典司 至使朝 甄

公, 謂 遊, 以 告人曰:「趙脩小人,背如土牛,殊耐鞭杖。」有識以此非之。脩死之明日,琛與黃門郎李憑 別駕,皆託脩申達。 北 巒曰:「卿 朋黨被召 保靈 凡所劾治,率多下吏。於時趙脩盛寵,琛傾身事之。 詔 海王 琛參八座議事。 基於 詳 語尚書,兼尚書元英、邢巒窮其阿附之狀。琛曾拜官, 何處放蛆來,今晚始顧。」雖以戲言,巒變色銜忿,及此,大相 永業者也。 等奏曰:「臣聞黨人爲患,自古所疾; 至脩姦詐事露,明當收考,今日乃舉其罪。 尋正中尉,常侍如故。 伏惟陛下纂聖前暉,淵鑒幽慝,恩斷 遷侍中, 政之所忌,雖寵必誅,皆所以存天下之至 琛父凝爲中散大夫,弟僧林爲本州 領中尉。 近習。憲軌 及監決脩鞭,猶相隱惻,然 踩俛眉畏避,不能繩糾貴 諸賓悉集, 巒乃晚至, 珠 推窮。司徒公、錄尚 唯新,大政蔚 以增

光,鴻猷於焉永泰。謹案:侍中、領御史中尉甄琛,身居直法,糾摘是司,風邪響黷,猶宜劾

道,不 可。 司,其 糾,況 點 脩 叨 越, **釁彰**,方 之選典, 朋 風 黨,中 琛 雖 趙 依 爲 逐 皇 脩 鄙 恒 免 塵 族 加 度,或晨 詐,於茲甚矣。 塵聖明之官人。 外影響,致其 奢暴,聲著內外,侵公害私,朝野切齒。 鄙 歸 彈奏。 帝孫、未 正化。 本 那,左右相 香從 生則 此 有 而 此 談 就,或吉凶 附其形勢,死 不 例,旣 不實不忠, 譽。 糾,將 連死黜者三十餘 又與武衞將軍、黃門郎李憑相爲表裏,憑兄叨封, 令布衣之父,超登正四之官;七品之弟,越陟三階之禄。虧先 得不 往 何 以 來,至乃 以 實 り則就 肅整 倫,請下收奪。 合貶黜。 地排之,竊天之功以爲 人。 阿諛, 身拜 謹 其親, 獎厲 而琛嘗不陳奏,方更往 依 律 忠概! 妻見 李憑 科 徒,請 別附 其子, 每 請免所居官, 趙脩, 己力, 以 職 有 除。 家事 是親 仰 來, 欺 其 以肅 ٠, 是仗, 知 朝廷, 綢繆結納,以 父 必先請託。緇 而 中 不言。 風 散 「軌。」奏 俯罔 交遊之 實 爲 百 及

專 實 冬之月, 還 者 供 產 , 必 養。 始, 令僮 琛 負 數 以 躬 掘 年 父 僕 親 水 農 走奉 母 士。 遭 母 年 圃 時 鄉老哀之,咸 其母,乃後 老, 憂。 以 常求解官扶侍,故 母 鷹 鉅鹿曹氏, 犬 食焉。 馳 助 逐 自 加 深母 娛。 力。 有孝性,夫氏 高 服 朝 十 祖授 廷 未 餘 闋 有 年 以 中,墳 大 本州長· 去 復 事,猶 家 喪 成 父。 路 史。 木 Ŀ 踰 表 茂。 琛於塋 百 及貴 陳 里,每 與 情 達, 弟 兆之內, 僧 得 不 林 魚 復 誓 手 肉 請 以 菜 歸,至 種 同 果 松 居沒 珍 栢 美 是乃 齒。 隆 口

久之,復 除 散 騎 常侍、領給 事 ·黄門侍郎、定州大中正 大見親 寵, 委以門下庶事,出參

列

子断 尙 給厨費、深深所好悅,世宗時調戲之。盧昶敗於朐山、詔琛馳驛檢按。 書,入厠 爲 [朐山戍主,断死,家屬入洛。 帷幄。 琛,高祖時兼主客郎,迎送蕭賾使彭城劉纉,琛欽其器貌,常歎詠之。 有女年未二十,踩已六十餘矣,乃納断女爲妻。 |纉

器,非貞剛 黨 廣置主司,里宰皆以下代令長及五等散男有經略者乃得爲之。 邑是四方之本,安危所在,不可不清。是以國家居代,患多盜竊,世祖太武皇帝親自發憤, 弦易調 卿 盜 小 正 必 而 縣 乃流 重之,始得禁止。今遷都已來,天下轉廣,四遠赴會,事過代都,五方雜沓,難 連 公行,劫害不絕,此由諸坊混雜,釐比不精,主司闇弱,不堪檢察故也。 尹 う貴 奉, ,所領不 之擇良器。 遷 ,明主所急。 河南尹,加平南將軍,黄門、中正 外四品,職輕任碎,多是下才,人懷苟且,不能督察,故使盜 陰 勢姻 爲 精銳,無以治之。 過 市 戚 、豪猾 劫,比之邊縣,難易不同。 百戶,而令長皆以將軍居之。 今河南郡是陛下天山之堅木,盤根錯節,亂植其中。六部 先朝立品,不必卽定,施而觀之,不便則改。 僕隸,蔭養姦徒,高門邃宇,不可干問。 今擇尹旣非南金,里尉鉛刀而割,欲望淸肅都邑,不可得 |如故。踩表曰: [詩稱『京邑翼翼,四方是則』者,京 今難彼 京邑諸坊,大者或千戶、五百戶,其 易此,實爲 未愜。 又有 又多置吏士,爲其羽翼,崇 今閑官靜任,猶聽長兼,況 得容姦,百賦 州郡俠客,蔭結貴遊,附 王 一者立 凡使 一法,隨 里尉即攻堅之利 人攻堅木者, 失理。邊外 時從宜,改 可備簡,寇 中皆王公 也。里

外相 本將 乃赴 司 以 軍 爲 前 京 部 任,各食其祿,高者領六部尉,中者領經途尉,下者領里正。不爾,請少高里尉之品,選下品 煩 中應遷之者,進而爲之。 一、定州 營州 其衰 徒 尉 邑清靜,至今踵 劇 公、尚 抑揚, 軍 都 轉 要務,不得簡能下領?請取武官中八品將軍已下幹用貞濟者,以本官俸恤,領里尉之 正 正 老, 太子 九品 光 出 督。 列 刺 刺 「爲徐州 除鎭 史,加安北將軍。 五 書 詔 史,衣 內 琛次梁州獠亭,會世宗崩,班師。 少保,黄門如故。 諸職中簡取,何必須武人也。」踩又奏以羽林爲遊軍,於諸坊巷司察盜賊。 年冬卒。 實附 左 賜 西將軍、涼州刺史,猶以琛高氏之昵 僕射,加 御 錦 刺 府 會也。 焉 史。 **晝遊,大爲** 杖,朝直 詔 後 給 及入辭肅宗,琛辭以老,詔除吏部尚書,將軍 則督責有所,輦轂可淸。」詔曰:「里正可進至勳品,經途從九品,六 光亦揣其意,復書褒美以悅之。 部鼓吹 東 歲餘,以光祿大夫李思穆代之,時年六十五矣,遂停 杖以 園 稱滿。 大將軍高肇伐蜀,以踩為使持節、假撫軍將軍,領步騎四萬為 秘 。太常議諡「文穆」。東部郎袁翻奏曰「案禮 器、朝服 出 治體嚴細,甚無聲譽。 一具、衣一襲、錢十萬、物七 高肇旣死,以踩,肇之黨也,不宜復參朝政,出 也,不欲處之於內。 徵爲車騎將軍、特進,又拜侍 崔光 一一一一 如故。 徒之授 百段、 尋徵 拜太 未幾,除征 證 迎,琛 蠟三百斤。 者,行之迹 常卿。仍以 中山、久之 與

於是

光

中。

北

將

越。 甄琛之流,無不複諡。 爲諡 相 司 狀,至德與聖人齊蹤,鴻名共大賢比跡,『文穆』之諡,何足加焉。但比來贈諡,於例普重,如 號 狀 是非之事。臣子之欲光揚君父,但苦迹之不高,行之不美,是以極辭肆意,無復限量。 莫不殷勤重慎,以爲褒貶之實也。今之行狀,皆出自其家,任其臣子自言君父之行,無復 舍人慰其諸子。 唯知依其行狀,又先問其家人之意,臣子所求,便爲議上,都不復斟酌與奪,商量是非。致 者,屬所卽言大鴻臚,移本郡大中正,條其行迹功過,承中正移言公府,下太常部博 也;號者,功之表 徒 知待,肅宗以師傅之義而加禮焉。所著文章,鄙碎無大體,時有理詣,磔四聲、姓族廢興、 諡之加 故闔 復仍踵前來之失者,付法司科罪。」從之。一琛祖載,肅宗親送,降車就興,弔服哭之,遣 列上。 有行狀如此,言辭流宕,無復節限者,悉請裁量,不聽爲受。必準人立諡,不得甚加優 則周孔聯鑣,伊顏接袵;論其諡也,雖窮文盡武,罔或加焉。然今之博士與古不同 棺然後定諡。 ,與汎階莫異,專以極美爲稱,無復貶降之名,禮官之失,一至於此!案<u>甄司徒</u>行 諡不應法者,博士坐如選舉不以實論。若行狀失實,中正坐如博士。 琛性輕簡,好嘲謔,故少風望。 也,車服者,位之章也。是以大行受大名,細行受細名。 謂宜依諡法『慈惠愛民日孝』,宜諡日孝穆公。自今已後,明勒太常 皆累其生時美惡,所以爲將來勸戒,身雖死,使名常存 然明解有幹具,在官清白。 行生於己,名生於 自高祖、世宗咸 也。 自古帝 士評議, 凡薨亡 觀 相 其

會通 緇 素三論,及家誨二十篇,篤學文一卷,頗行於世。

協, 夜 宿洛水亭舍,毆擊主人,爲司州 欲 琛 具案窮推。 長 子侃 字道正。 深託 左右 郡 以聞,世宗遣白衣吳仲安敕懷寬放,懷固執治之。 功曹,釋褐 所劾, 秘 淹在州 書郎。 獄, 琛大 性險薄,多與盜劫交通。 以慚慨。 廣平王懷爲牧,與琛先不 隨踩在京,以酒色 久乃特旨出

之。

侃自此

沉廢,卒於家。

徒,引 報之。 侃 爲公曹參軍。 琛啓除秘書郎。 弟楷,字德方。 稍 遷尙書儀曹郎,有當官之稱。 粗有文學,頗習更事。 世宗崩未 ,葬,楷 與河 南尹 太平中,三上高祖頌十二篇,文多不載,優詔 丞 張 普惠等飲 戲,発官。 任城王澄爲司

賊, 遂 動。 州 城 掘 之內,先有 任 固 其父墓 旣 肅宗末,定州 城民 外寇 尋値 之心。 一,載 將逼, 鮮于脩禮 燕恒雲三州避難之戶,皆依傍 棺 巡城 刺 恐有內應,楷見人情 及刺 史、廣 、毛普賢等率 デ示 史元固、四 相 陽王淵被徵還朝,時楷丁 報復。 北鎮流民反於州 大都督楊津等至, 不安, 市鄽、草廬 慮 有 變起, 西北 憂在鄉, 攢住。 楷乃還家。 乃收 之左人城,屠村掠野 淵臨發,召楷 脩禮 州 人 中粗 後脩禮等念楷屠害北人, 等聲云欲收 豪 者皆 棄長史,□ 委以 。 引 殺 此 Z 輩,共爲 向 州城。州 以威外 舉

出帝初、除征東將軍、金紫光祿大夫、遷衞將軍、右光祿大夫。齊文襄王取爲儀同府諮 徵爲中書侍郎。 尒朱榮之死,帝以其堪率鄉義,除試守常山太守,賜絹二百

初、謝病還鄉、卒於家。 **楷弟寬,字**仁規。 自員外散騎侍郎、本州別駕,稍遷太尉從事中郎、治書侍御史。 武定 議參軍。天平四年卒,年四十六。贈驃騎將軍、祕書監、滄州刺史。

僧林,終於鄉里。

贖之。良旣歸,傾資報密,密一皆不受,謂良曰:「濟君之日,本不求貨,豈相贖之意也。」 榮龍,會作風賦以見意。後參中山王英軍事,英鍾離敗退,鄉人蘇良沒於賊手,密盡私財以 踩從父弟密,字叔雍。 清謹少嗜欲,頗涉書史。太和中,奉朝請。密疾世俗貪競,乾沒

贈驃騎將軍、儀同三司、瀛州刺史,諡曰靖。 孝靜初,車騎將軍、廷尉卿,在官有平直之譽。出爲北徐州刺史,將軍如故。興和四年卒。 開國子,食邑三百戶。遷平東將軍、光祿大夫,領廷尉少卿,尋轉征東將軍、金紫光祿大夫。 裴衍、源子邕敗沒,人情不安,詔密爲相州行臺,援守鄴城。莊帝以密全鄴之勳,賞安市縣 歷太尉鎧曹,遷國子博士。肅宗末,通直散騎常侍、冠軍將軍。時賊帥葛榮侵擾河北,

長子險,字元恭。官至前將軍、太中大夫。卒。

|儉弟賾,有才學,亦早卒。

拜 中 ·書侍郎。」眞君元年,關右慰勞大使。二年,拜使持節、鎭西將軍、凉州刺史。 深 同郡張纂,字伯業。 祖珍,字文表,慕容寶度支尚書。 太祖平中山,入國。 卒,贈征 世祖時,

東將軍、燕州刺史、諡曰穆。

納,聞御史至,棄郡逃走,於是除名,乃卒。 北府騎兵參軍,帶魏昌縣令,吏民安之。 纂 頗涉經史,雅有氣尚,交結勝流。 後爲北中府司馬,久之,除樂陵太守。 太和中,釋褐奉朝請。稍遷伏波將軍、任城王澄鎭 |天平初,贈使持節、都督||冀||定二州諸軍事、驃騎 在 那多所受

將軍、定州刺史。

纂叔處,字崇仁。有器業,不應州郡之命。

府司 爵中山公。 流參軍,轉相州 馬。 子宣軌,少孤,事母以孝聞。 宣軌性通率, 中興 中軍府錄事參軍,定州別駕。 (初,坐 事,死於鄴。 輕財好施。 歷 屬葛榮圍城,與刺史李神有固守之効。 子子瑜 郡 功曹、州主簿。 後除鎭遠將軍、員外散騎常侍,出爲 延昌中。釋褐奉朝詩、 永安 冀州征東府長 中,以功賜 相 州 撫 軍

聲校尉。 纂從弟元賓,太和十六年,出身奉朝請,遷員外郎、給事中。 永安三年卒。 。永熙中,外生高敖曹貴達,啓贈持節、撫軍將軍、瀛州刺史。 正光中,除中堅將軍、射

子辨,天平中,司徒行參軍。

高 聰,字僧智,本勃海蓨人。曾祖軌,隨慕容德徙靑州,因居北海之劇縣。父法昂,劉

駿 車騎將軍王玄謨甥也。少隨玄謨征伐,以軍功至員外郎。 早卒。

朝廷,云「青州蔣少遊與從孫僧智,雖爲孤弱,然皆有文情。」由是與少遊同拜中書博士。積 無所 十年,轉侍郎,以本官爲高陽王雍友,稍爲高祖知賞。 不至。 聰 生而 族祖允視之若孫,大加賙給。聰涉獵經史,頗有文才,允嘉之,數稱其美,言之 · 喪母,祖母王撫育之。 大軍攻克東陽,聰徙入平城,與蔣少遊爲雲中兵戶,窘 困

恢皇宇。 昔,乘危幸凶,君子弗取。 敕 卿,仍屆遷洛,周視舊業,依然有懷,固欲先之營之,後乃薄伐。且以賾喪甫爾,使通在 太和十七年,兼員外散騎常侍,使於蕭昭業。高祖定都洛陽,追詔聰等曰:「比於河陽 今更造璽書,以代往詔,比所敕授,隨宜變之,善勗皇華,無替指意。」使還,遷通直 是用輟茲前圖,遠期來會,爰息六師,三川是宅,將底居成周,永

散騎常侍、兼太府少卿,轉兼太子左率。

祖 効 同 必 恕 援 應然 肅 渦陽。 在 死 聰 言之於高 微 徙 下 也, 那 習弓馬, 平州爲民。 何應 得復 而 聰躁 祖 更有 有 一, 故 乃以將用 怯 此 才,而 假聰輔國將 少威 此 行屆 **推**? 重,所經淫掠 瀛 令股 自許。 州 屬刺 不 軍,統兵二千,與劉藻、傅永 知也了肅曰:「比高聰北 高 祖 史王質獲白兔將 無禮,及 銳 意南討, 與賊交,望 專訪 獻 王肅以軍 託 徙, 風 退敗。 聰爲 、成道 此文或其所製。」 表。 事。 一盆、任莫問 與藻 高 聰 、等同 祖 託 見 庸願 囚 表,顧謂 俱受庸節 高 於 以偏裨自 旭 懸 悟日 瓠 王肅 高 度,

顯等奏 軍。 所 武 心 自 聰爲 足以 弧 天 世宗初 遷散 八代 小 之詞 肅 神 瘞 騎 瘞 截 常侍、 見親 夙 聰復 何 九 茂,巧 足 园 御 竊還 以示 一,赫 黄門如 弧 會關虞 矢,臨 服 後葉, 京 八字 故。 師。 原弋遠,弦動 矣。 之節,妙盡矍圃 而 世宗 六輔之廢, 喉脣近侍苟 盛事 幸鄴, ·奇迹,必宜 聰之謀也。 羽 還於 馳,矢鏃 以爲然, 之儀。 泂 內懷界, 表 述, 威稜 所逮,三百五 亦豈容有異, 世宗親政、除給事黃門侍郎、加 請 攸疊, 甝 帝親 勒銘 射矢 射 兇懾 十 宫, 便 餘 H 里五 永 氣 步。 如請。」 彰 才 十餘 平 臣等伏惟 猛 藝。 所 逐 步 振 刊銘 詔 日 侍 勁 陛 輔國將 於射 下聖 中 憝 此 弭 高

趙脩嬖 幸 聰深朋附。 及詔追贈脩父,聰爲碑文,出入同載,觀視 碑石。聰毎見脩,迎送

<u>1</u>

列

盡禮。 水田數十頃,皆被遂許。及皓見戮,聰以爲死之晚也。其薄於情義,類皆如 所不至。 黜落,聰亦深用危慮。 聰又爲脩作表,陳當時便宜,敎其自安之術,由是迭相親狎。 脩死,甄琛、李憑皆被 每稱皓才識明敏,非趙脩之儔。乃因皓啓請青州鎭下治中公廨,以爲私宅,又乞 而聰先以疏宗之情,曲事高肇,竟獲自免,肇之力也。脩之任勢,聰 此

如舊。 私相援,事得寢緩。世宗末,拜散騎常侍、平北將軍。 機要,言卽眞,無遠慮。藉貴因權,耽於聲色,賄納之音,聞於遐邇。中尉崔亮知肇微恨,遂面 陳聰罪,世宗乃出聰爲平北將軍、幷州刺史。聰善於去就,知肇嫌之,側身承奉,肇遂待之 侍中高顯出授護軍,聰轉兼其處,於時顯兄弟疑聰問構而求之。聰居兼十餘旬, 聰在幷州數歲,多不率法,又與太原太守王樁有隙,再爲大使、御史舉奏,肇每以宗 出入

其亡,嗟悼良久,言:「朕旣無福,大臣殞喪。 園果,以聲色自娛。

久之,拜光祿大夫,加安北將軍。

聰心望中書令,然後出作靑州, 李憲、崔楷、蘭氛之爲中尉元匡所彈,靈太后並特原之。聰遂停廢于家,斷絕人事,唯修營 肅宗踐祚,以其素附高肇,出爲幽州刺史,將軍如故。 正光元年夏卒,年六十九。靈太后聞其病,遣主書問之,聰對使者歔欷慟泣。 且其與股父南征,契闊戎旅,特可感念。」賵布 尋以高肇之黨,與王世義、高綽、 及聞 願竟

妾,以悅其情。 帛三百匹、冰一車。 及病,不欲他人得之, 贈撫軍將軍、青州刺史,諡曰獻。 並令燒指吞炭, 出家爲 1 胞有妓十餘人,有子無子皆注籍爲 尼。 聰所作文筆二十卷,別

子長雲,字彥鴻。 起家秘書郎、太尉主簿、稍遷輔國將軍、中散大夫。 建義初,於河陰

遇害。贈安東將軍、兗州刺史。

有集。

長雲弟叔山、字彦甫。 司徒行參軍,稍遷寧朔將軍、越騎校尉。 卒,贈太常少卿。

史臣 曰: 甄琛以學尙刀筆,早樹聲名,受遇三朝,終至崇重。 高聰才尙見知。名位顯著

而異軌同奔,咸經於危覆之轍,惜乎!

校勘記

- 世 有 其民 册府卷四 九三五八九四頁「有」作「育」,據下文作「育」是。
- 太平 中 按魏無「太平」年號,下云「世宗崩」、「太平」當是「永平」之訛
- 召楷 兼 長 史 諸本「楷」下衍「不」字, 今據北史卷四○甄琛附甄楷傳、 册府卷七二二 八 五八四頁

列

删。

/"\ 23 \ 及刺史元固 諸本「固」作「冏」,百衲本作「囧」,也卽「冏」字,册府卷七二一八五八五頁作「固」。

圓 北史卷四〇大德本也作「固」,百衲本據殿本修作「冏」。 按卷五八楊播附楊津傳見定州刺史元 墓誌集釋有元固墓誌圖版二二〇,也說他曾官「定州刺史」。這裏「冏」乃「固」之訛,今據改。





北齊 魏 收 撰



中

華

書

局

卷 五

至

土卷六八(傳)四 册



